

**TENTERA MALAYSIA**  
— — — DALAM — — —  
**ERA KONFRONTASI**

---

## SIRI MONOGRAF ALAM DAN TAMADUN MELAYU

---

Diterbitkan di bawah naungan Institut Alam  
dan Tamadun Melayu (ATMA)

Editor Siri: Wan Hashim Wan Teh, Ph. D.

---

Ismail Hamid. 1983. *The Malay Islamic Hikayat*. ISBN 967-942-011-6

Inon Shaharuddin. 1983. *Si Miskin: A Structural Study*.  
ISBN 967-942-012-4

Ajid Che Kob. 1985. *Dialek Geografi Pasir Mas*. ISBN 967-942-024-8

B. A. Hussainmiya. 1990. *Orang Rejimen: The Malays of the Ceylon Rifle Regiment*. ISBN 967-942-165-1

Wan Hashim Wan Teh. 1995. *Peasants Under peripheral Capitalism*  
(Cet. Kedua). ISBN 967-942-119-8

Liang Liji. 1996. *Lembaran Sejarah Gemilang: Hubungan Empayar Melaka – Dinasti Ming Abad ke-15*. ISBN 967-942-335-2

Ismail Yusoff. 1997. *Politik dan Agama di Sabah*. ISBN 967-942-381-6

Hasan Madmarn. 1999. *The Pondok and Madrasah in Patani*.  
ISBN 967-942-403-0

Wan Hashim Wan Teh & A. Halim Ali. 1999. Rumpun Melayu Australia Barat.  
ISBN 967-942-437-5

Nureeyan Saleh. 1999. *Lagu Dodoi Melayu Patani*. ISBN 967-942-441-3

Syed Othman Syed Omar. 1999. *Tentera Malaysia dalam Era Konfrontasi*.  
ISBN 967-942-440-5

# **TENTERA MALAYSIA ===== DALAM ===== ERA KONFRONTASI**

**SYED OTHMAN SYED OMAR**

PENERBIT UNIVERSITI KEBANGSAAN MALAYSIA  
BANGI • 1999

Cetakan Pertama / First Printing, 1999  
Hak cipta / Copyright Universiti Kebangsaan Malaysia, 1999

Hak cipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran atau ditukarkan ke dalam sebarang bentuk atau dengan sebarang alat juga pun, sama ada dengan cara elektronik, gambar serta rakaman dan sebagainya tanpa kebenaran bertulis daripada Penerbit UKM terlebih dahulu.

*All rights reserved. No part of this publication may be reproduced or transmitted in any form or by any means, electronic or mechanical including photocopy, recording, or any information storage and retrieval system, without permission in writing from the Penerbit UKM.*

Diterbitkan di Malaysia oleh / Published in Malaysia by  
PENERBIT UNIVERSITI KEBANGSAAN MALAYSIA  
43600 UKM Bangi, Selangor D.E. Malaysia

Penerbit UKM adalah anggota / is a member of the  
PERSATUAN PENERBIT BUKU MALAYSIA /  
MALAYSIAN BOOK PUBLISHERS ASSOCIATION  
No. Ahli / Membership No. 8302

Di cetak di Malaysia oleh / Printed in Malaysia by  
Malindo Printers Sdn. Bhd.  
Lot 3, Jalan Ragum,  
Seksyen 15/17,  
40000 Shah Alam,  
Selangor Darul Ehsan.

Perpustakaan Negara Malaysia      Cataloguing-in-Publication Data

Syed Othman Syed Omar, 1938

Tentera Malaysia dalam era konfrontasi / Syed Othman bin Syed Omar.

1. Malaysia--History--1963
  2. Malaysia--Armed Forces--History.
  3. Malaysia--Foreign relations--Indonesia.
  4. Indonesia--Foreign relations--Malaysia.
- I. Judul.  
959.505

ISBN 967-942-440-5

M

117  
959.505      979635

SOS

12 NUV 1999

## Kandungan

---

*Senarai Rajah, Peta dan Gambar ... 7*

*Prakata ... 9*

*Penghargaan ... 11*

*Pendahuluan ... 13*

1. Pengenalan ... 17
2. Sejarah dan Penglibatan Angkatan Tentera Malaysia ... 33
3. Operasi Menentang Pencerobohan di Sarawak dan Sabah ... 40
4. Operasi Menentang Pencerobohan di Semenanjung Malaysia ... 61
5. Penglibatan RAMD dalam Era Konfrontasi ... 87
6. Memori Warga ATM ketika Konfrontasi ... 115
7. Wira ATM dalam Era Konfrontasi ... 163
8. Penutup ... 190

*Lampiran ... 205*

*Informan ... 212*

*Glosari ... 214*

*Rujukan ... 218*

*Indeks ... 222*



## Senarai Rajah, Peta dan Gambar

---

- Gambar 1 Mejar Jeneral Datuk Abdul Kadir Nordin PGB  
Gambar 2 Mejar (Bersara) Dato' Kamaruddin Mohd. Jamal PGB  
Gambar 3 Lettenan Kolonel (Bersara) Ismail Ghows PGB  
Gambar 4 Mejar (Bersara) Badrudin Mohd. Yasin KPK  
Gambar 5 Mejar Jeneral (Bersara) Dato' Abas Mohd. Yunus KPK  
Gambar 6 Bekas Pegawai Waran Dua Abdul Manap Sidek KPK  
Gambar 7 Bekas Sarjan Ahmad Abdul Mutualib KPK  
Gambar 8 Laksamana Pertama (Bersara) M.W. Alvisse TLDM KPK  
Gambar 10 Allahyarham Kapten Anoar Ibrahim Mohammed Noor KPK  
Gambar 11 Bekas Pegawai Waran Satu Mohd. Yusof Jani KPK  
Gambar 12 Bekas Sarjan Hussein bin Hj. Radzuan KPK  
Gambar 13 Bekas Las Koperal A. Sani Abdullah KPK  
Gambar 14 Kapten (Bersara) Albert Munasseh KPK  
Gambar 15 Mejar (Bersara) Taip Sulaiman KPK  
Gambar 16 Jeneral (Bersara) Tan Sri Abdul Hamid Bidin  
Gambar 17 Lettenan Jeneral (Bersara) Dato' Abdullah Shamsuddin  
Gambar 18 Bekas Sarjan M. Sikh Mohd. Jali  
Gambar 19 Bekas Pegawai Waran Dua Muhamat Sular  
Gambar 20 Kolonel (Bersara) Syed Ali  
Gambar 21 Mejar Jeneral Dato' Abdul Shukur Jaafar  
Gambar 22 Kapten (Bersara) Nik Anis Nik Abdullah TLDM  
Gambar 23 Kejayaan 6 RAMD.  
Gambar 24 Penyusup bersenjata Indonesia ditawan dalam dua kejadian di Pontian pada 10 September 1964  
Gambar 25 Kejayaan 5 RAMD.  
Gambar 26 Gambar menunjukkan penyusup Indonesia ditawan  
Gambar 27 Lawatan KTAT ke Apas Kalong.  
Gambar 28 Gambar menunjukkan kejayaan KD Seri Pahang  
Gambar 29 Tempat pemeriksaan Tebedu Sarawak 18-19 Jun 1964.  
Gambar 30 Perdana Menteri Tunku Abdul Rahman berlepas ke Tokyo dari lapangan terbang Kuala Lumpur pada 30 Mei 1963.  
Gambar 31 Perjanjian Jakarta  
Gambar 32 Penyerahan tahanan Indonesia.  
Gambar 33 Grenad 36 buatan British  
Gambar 34 Topi dengan lambang TNI  
Gambar 35 Tali pinggang TNI  
Gambar 36 Senjata TNI  
Gambar 37 Perdana Menteri ke Pontian 9 Januari 1965  
Gambar 38 Mesyuarat delegrasi jawatankuasa am sepadan Thailand memeriksa persenjataan TNI yang dirampas 13 Mac 1965.  
Gambar 39 Ahli-ahli Parlimen melihat senjata dan peralatan TNI di Parlimen 10 September 1964

Gambar 40 Eksesais Malindo Darsasa I

Gambar 41 Eksesais Malindo Darsasa 3 AB/91

Peta 1 Penempatan tentera di Sarawak

Peta 2 Kawasan operasi di Sarawak

Peta 3 Penempatan tentera di Sabah

Peta 4 Kawasan operasi di Sabah.

Peta 5 Penempatan tentera di Melaka dan Johor

Peta 6 Kawasan operasi di Melaka dan Johor

Peta 7 Kawasan operasi dan penempatan tentera di Singapura

Rajah 1 Jalan ronda platur 7 2 SIR pada 27 dan 28 Februari 1965

Rajah 2 Lokasi kejadian yang melibatkan platur 7 2 SIR pada 28 Februari 1965

Rajah 3 Lokasi kejadian yang melibatkan platur 7 2 SIR pada 28 Februari 1965

Rajah 4 Lokasi kejadian melibatkan Markas Kompeni A 4 RAMD pada 6 Mac 1964

Rajah 5 Sebahagian daripada kawasan Tepoi dalam kejadian pada 21 Mac 1964

## Prakata

---

Bersetujuan dengan judul buku, *Tentera Malaysia dalam Era Konfrontasi*, saya membuat penyelidikan khusus terhadap sejarah penuhan Malaysia, sebab yang membawa kepada Konfrontasi Indonesia-Malaysia, penglibatan operasi kesemua pasukan keselamatan yang terlibat sepanjang era konfrontasi Indonesia-Malaysia mulai 1963 hingga 1967, usaha untuk menamatkan konfrontasi serta kerjasama selepas tamatnya konfrontasi. Kajian meliputi sejarah ringkas ATM, sejarah awal setiap batalion RAMD yang terlibat dalam operasi ketika konfrontasi, operasi pasukan keselamatan di Johor, Singapura, Sarawak dan Sabah sepanjang era konfrontasi dan kejayaan, kemalangan yang pernah dialami ketika konfrontasi serta pengalaman warga ATM yang terlibat dalam era berkenaan merupakan antara perkara yang diselidiki untuk cuba dipaparkan ke pengetahuan umum.

Memandangkan kepada corak maklumat yang hendak diperolehi bagi penulisan kajian ini khusus mengenai penglibatan operasi ATM sewaktu Indonesia melancarkan dasar berkonfrontasi terhadap Malaysia di mana tidak pernah didedahkan dengan meluas ke pengetahuan umum atas sebab keselamatan ketika itu, maka rekod-rekod berkaitan dengannya merupakan sumber terpenting dalam kajian ini. Oleh sebab sebahagian daripada rekod-rekod tersebut masih disimpan oleh pihak berkuasa tentera, maka sebagai seorang pegawai tentera, saya telah berkesempatan meneliti rekod-rekod berkenaan.

Para pegawai dan anggota yang terlibat dalam operasi serta pertempuran yang berlaku ketika konfrontasi turut menjadi sumber penting bagi kajian ini. Para pegawai memerintah batalion, ketua platoon, platoon sarjan dan ketua-ketua seksyen pasukan RAMD merupakan sumber terpenting selain anggota Angkatan Tentera Malaysia yang terlibat secara langsung dalam pertempuran semasa konfrontasi. Mereka yang dikenalpasti dihubungi dan wawancara dibuat dengan mereka bagi mendapatkan maklumat serta gambaran situasi sebenar. Dalam menjalankan kajian peranan ATM dalam era konfrontasi ini, saya menghadapi banyak masalah untuk mendapatkan bahan. Ini berlaku kerana perkara tersebut merupakan aktiviti operasi pasukan keselamatan yang dianggap sebagai rahsia ketenteraan. Oleh sebab ia merupakan rahsia ketenteraan, maka maklumat berkaitan dengannya dianggap tidak boleh disebar ke pengetahuan umum. Kurangnya pengetahuan dan kepekaan tentang kepentingan rekod-rekod berkaitan operasi di kalangan pegawai dan anggota tentera menyebabkan banyak maklumat berharga termusnah atau hilang begitu sahaja. Oleh kerana tiadanya

usaha untuk mengumpul dan menulis semula fakta berkaitan operasi ketenteraan di kalangan warga ATM yang berkesempatan melihat rekod-rekod berkaitan, maka kekurangan bahan rujukan mengenai operasi ketenteraan menjadi lebih ketara.

Walaupun banyak buku dan rencana ditulis mengenai Konfrontasi Indonesia-Malaysia terutamanya oleh para penulis barat, tetapi ia tidak dapat memenuhi keperluan kajian ini. Secara keseluruhannya, penulis barat hanya menonjolkan penglibatan dan kejayaan tentera British di samping menumpukan kepada fakta berkaitan hubungan politik Malaysia-Indonesia sebelum dan ketika konfrontasi sahaja. Penulisan mengenai operasi ketenteraan pula hanya ditumpukan kepada operasi Tentera British di perbatasan Kalimantan sahaja. Dengan sebab itu, buku-buku dan rencana berkenaan tidak begitu dapat membantu saya bagi memenuhi kehendak kajian ini. Namun begitu, temubual dengan para pegawai dan anggota Tentera Malaysia yang telah bersara dan mereka yang masih berkhidmat banyak membantu saya. Tanpa mereka, buku ini tidak mungkin dapat dihasilkan. Setiap kebaikan yang terdapat dalam buku ini datangnya daripada Allah manakala sebarang kekurangan merupakan kelemahan saya sendiri. Selamat menghayati suatu babak dalam lipatan sejarah tanahair yang kita cintai.

Wabillahi taufik walhidayah wassalamualaikum warahmatullahi wabarakatuh.

Mejar Syed Othman Syed Omar  
April 1999

## Penghargaan

---

Dalam menyempurnakan penulisan buku ini, saya terhutang budi kepada semua pihak yang telah memberikan kerjasama, bimbingan dan tunjuk ajar serta nasihat. Pertama, saya ingin merakamkan jutaan terima kasih kepada Prof. Dato' Dr. Wan Hashim bin Wan Teh dan Prof. Madya Dr. Ahmad Fawzi bin Mohd. Basri, yang telah memberi bimbingan, nasihat dan kritikan membina, seterusnya dijadikan panduan penulisan buku ini.

Setinggi-tinggi penghargaan kepada Tan Sri Ghazali Shafie, Allahyarham Jeneral Bersara Tan Sri Abdul Hamid bin Bidin, Jeneral Bersara Tan Sri Mohd. Ghazali bin Hj. Che Mat, Jeneral Bersara Tan Sri Abdul Rahman bin Hj. Abdul Hamid, Leftenan Jeneral Bersara Dato' Abdul Jamil bin Hj. Ahmad, Leftenan Jeneral Bersara Dato' Abdullah bin Shamsudin, Leftenan Jeneral Bersara Raja Dato' Abdul Rashid bin Raja Badiozaman, Mejar Jeneral Bersara Dato' Othman bin Ibrahim, Mejar Jeneral Bersara Dato' Mohamed Dahalan bin Sulaiman, Mejar Jeneral Bersara Dato' Abdul Shukor bin Hj. Jaafar, Mejar Jeneral Bersara Dato' Abdul Kadir bin Nordin, Mejar Jeneral Abas bin Mohd. Yunus, Laksamana Pertama Bersara M.W. Alvisse TLDM, Brigedier Jeneral Bersara Dato' Mohammed @ Mohammad Shukor bin Hj. Abdullah, Brigedier Jeneral Bersara Hussein bin Supian TUDM, Brigedier Jeneral Adam bin Abu Bakar, Brigedier Jeneral Amir bin Baharudin, Kolonel Bersara Ismail bin Salleh, Kolonel Bersara Abdul Malik @ Saidi bin Alwi, Kolonel Bersara Syed Osman bin Syed Ali, Kapten Bersara Cheah Leong Voon TLDM, Kapten Bersara Nik Anis bin Nik Abdullah TLDM, Leftenan Kolonel Bersara Raja Shaharudin bin Raja Rome, Leftenan Kolonel Mohd Khairi bin Zainal Abidin, Mejar Bersara Dato' Kamarnuddin bin Mohd. Jamal, Mejar Bersara Badruddin bin Mohd. Yasin, Bekas Pegawai Waran Satu Mohd. Yusof bin Jani, Bekas Pegawai Waran Satu Rahman bin Jaafar, Bekas Pegawai Waran Satu Hj. Khamis bin Sindot, Bekas Pegawai Waran Dua Abdul Manaf bin Sidek, Bekas Pegawai Waran Dua Abu Bakar bin Hassan, Bekas Sarjan Ahmad bin Abdul Mutalib, Bekas Sarjan M. Sikh bin Mohd. Jali, Bekas Sarjan Abdollah bin Hj. Abdol Kader dan ramai lagi yang tidak dapat saya tulis di sini kerana telah sudi meluangkan masa untuk ditemu bual. Sesungguhnya segala maklumat yang diperolehi daripada mereka banyak membantu saya dalam penulisan buku ini.

Di samping itu, saya juga tidak melupakan sokongan jitu Panglima Angkatan Tentera, Jeneral Tan Sri Ismail bin Omar, Ketua Pengarah Perisikan Pertahanan, Leftenan Jeneral Dato' Maulub bin Maamin dan bantuan berterusan yang

diberikan oleh Pengarah Infantri Kolonel Mohd. Yusak bin Hj. Sulaiman, Pegawai Staf 1 A Infantri, Leftenan Kolonel Roslan bin Abd. Rashid, staf-staf di Jabatanarah Rekod dan Pencen, Kementah (khususnya staf di Bilik Kebal dan Rekod 4), staf di Tenaga Kerja B Bahagian Perkhidmatan anggota KEMENTAH khasnya Mejari Mohd. Yunus bin Adam dan Koperal Atan bin Bagor, staf Jabatanarah Oplat, Kementah, staf pejabat Penasihat Pertahanan Malaysia di London, Penasihat Pertahanan Kedutaan British di Kuala Lumpur, Colonel Jonathan Seddon Brown, Lieutenant Colonel R.K. Sampson, OBE (Retd) di Foreign Liaison Section (Army), Mr J. Herding di Historical Branch dan staf di Central Services (Records Management), Ministry of Defence, United Kingdom; Mr. Iain Goode, Mr. Colin Bryan, Mr. Trevor Isbell serta kesemua staf di Markas Batalion Pertama hingga Ke-8 Rejimen Askar Melayu Diraja.

Akhir sekali, saya ingin merakamkan perasaan terhutang budi kepada Lans Koperal Noor Ismail bin Hashim yang telah membantu saya dalam membuat penyelidikan. Anak saya, Sharifah Maryam Jamilah yang telah membacakan sumber-sumber rujukan. Prebet Zulkiflee bin Zainal Abidin yang membantu saya di peringkat akhir penulisan buku ini. Kepada semua terimalah pantun ini:

*Kain prai baju prai,  
Pakaian anak raja Yamtuan;  
Hancur badan tulang bercerai,  
Baru lupa budimu tuan.*

Sekian, terima kasih.

## Pendahuluan

---

Konflik antara negara serantau mahupun serumpun adalah fenomena biasa yang pernah berlaku di Eropah, Asia Barat dan Asia Timur. Krisis berlaku mungkin akibat perbezaan ideologi atau perebutan wilayah. Konflik yang berlaku seringkali menimbulkan ketegangan hubungan dan akhirnya menjurus konfrontasi bersenjata.

Di Eropah, Jerman terbahagi dua menjadi Jerman Timur dan Jerman Barat pada Mei 1945 akibat perbezaan ideologi politik. Tembok Berlin yang memisahkan Jerman Timur dan Jerman Barat akhirnya runtuh pada 1989 dan Jerman kini bersatu semula. Ini adalah ekoran tamatnya Perang Dingin dan penolakan rakyat jelata terhadap ideologi komunis.

Di Asia, ideologi komunis menyebabkan China terbahagi dua menjadi Republik Rakyat China dan Taiwan pada 1949. Manakala di Asia Timur, Korea juga terbahagi dua menjadi Korea Utara dan Korea Selatan selepas Perang Korea pada 1949 kerana faktor yang sama. Hubungan antara kedua-dua negara bersaudara ini tegang hingga kini lantaran perbezaan fahaman politik dan ideologi di kalangan pemimpin dan rakyatnya. Di Teluk Parsi, Iraq berperang dengan Iran dan kemudiannya Iraq menakluki Kuwait. Krisis Iraq-Iran dan Iraq-Kuwait bukan kerana perbezaan ideologi tetapi kerana perebutan kawasan.

Konflik bersenjata Iraq dan Iran kerana merebut kawasan Terusan Shatt al-Arab bermula pada September 1980. Sepanjang tujuh tahun peperangan berlangsung, lebih sejuta orang terbunuh dan cedera. Iraq menyatakan persetujuan mengundurkan tenteranya dari Iran, membebaskan tawanan perang negara itu dan menerima pembahagian laluan perairan Shatt al-Arab tanpa syarat pada 15 Ogos 1990. Pengumuman Baghdad disambut baik oleh Teheran.

Pada 18 Julai 1990, Menteri Luar Iraq, Tareq Aziz memaklumkan kepada Liga Arab bahawa Kuwait telah mencuri minyak Iraq sebanyak AS\$2.4 bilion dan telah membina pusat-pusat kawalan tentera di Iraq. Pada 24 Julai 1990, Iraq menempatkan beribu-ribu askar yang dibantu oleh pasukan perisai di sempadan Kuwait. Iraq menuntut ganti rugi daripada Kuwait sebanyak AS\$2.4 bilion pada 25 Julai 1990. Rundingan mengenai telaga minyak sepanjang sempadan berlangsung di Arab Saudi antara perwakilan Iraq-Kuwait pada 31 Julai 1990, tetapi gagal mencapai sebarang persetujuan.

Askar Iraq dengan bantuan 350 kereta kebal menyerang Kuwait dan menawan Istana Dasman serta bangunan penting lain pada 2 Ogos 1990. Majlis

Keselamatan PBB mengundi Ketetapan 660; mengutuk Iraq, menggesa supaya gencatan senjata diisyiharkan dan menuntut pengunduran tentera Iraq dari Kuwait. Majlis Keselamatan PBB pada 6 Ogos 1990 meluluskan sekatan perdagangan ke atas Iraq, kecuali bantuan perubatan dan makanan yang terus dihantar sebagai bantuan kemanusiaan. Resolusi 665 diluluskan pada 25 Ogos 1990 bagi membenarkan "langkah-langkah perlu" termasuk tindakan tentera bagi menguatkuasakan sekatan ekonomi terhadap Iraq.

Iraq mengenepikan tekanan Amerika Syarikat dan mengisyiharkan Kuwait sebagai wilayahnya yang ke-19 pada 28 Ogos 1990 dan menamakan satu kawasan Saddamiyat al-Mitlaa di sempadan Kuwait-Iraq. Amerika Syarikat dan sekutunya melancarkan Perang Teluk pukul 2.30 pagi waktu Iraq, 17 Januari 1991. Beratus-ratus pesawat tempur udara dalam "Operasi Desert Storm" menyerang Iraq dan Kuwait. Perang Teluk secara rasmi ditamatkan apabila Majlis Keselamatan PBB meluluskan Resolusi 687 (1991) pada 3 April 1991. Selain melumpuhkan kemampuan Iraq membina senjata nuklear, Resolusi 687 itu juga memberi kesan rakyat Iraq menderita kekurangan makanan dan bekalan perubatan.

Begitulah serba ringkas beberapa contoh konflik antara negara-negara berjiran atau serumpun yang berlaku di kalangan negara-negara di Eropah, Asia dan Timur Tengah. Adalah dipercayai banyak lagi kes konflik atau 'konfrontasi' yang melibatkan antara negara yang berjiran.

Penubuhan Persekutuan Malaysia oleh Tunku Abdul Rahman Putra secara tidak diduga kemudiannya mengundang salah faham dan ketegangan di Alam Melayu. Presiden Soekarno dari Indonesia melancarkan dasar berkonfrontasi terhadap Malaysia. Tindakan tersebut memaksa kedua-dua belah pihak mengerahkan bala tentera bertindak bagi mencapai matlamat masing-masing. Era berkonfrontasi antara Indonesia dan Malaysia merupakan satu peristiwa hitam dalam lipatan sejarah kedua-dua buah negara serumpun. Konfrontasi berlaku pada 1963 hingga 1966. Peristiwa ini tidak hanya memberi kesan kepada hubungan politik dan ekonomi kedua-dua buah negara yang baru membebaskan diri daripada belenggu penjajahan, tetapi telah melibatkan bala tentera kedua-dua negara dalam satu peperangan yang tidak diisyiharkan.

Kita akan melupakan jasa serta pengorbanan mereka yang terlibat dalam mempertahankan tanah air ketika itu jika kita tidak merakamkan kembali peristiwa tersebut. Selaku masyarakat berbudaya, kita tentunya tidak akan bersikap seperti kacang lupukan kulit. Dalam konfrontasi tersebut, Angkatan Tentera Malaysia (ATM) dibantu Tentera Komanwel menentang pencerobohan sukarelawan dan Tentera Nasional Indonesia (TNI) Malaysia.

Selaku benteng pertahanan negara, ATM bertanggungjawab terhadap keselamatan dan kedaulatan negara. Sebagai sebuah rejimen tertua, terbesar dan menjadi tulang belakang Tentera Darat Malaysia, Rejimen Askar Melayu Diraja (RAMD) terlibat secara aktif dalam mempertahankan negara daripada serangan Tentera Jepun ketika Perang Dunia Ke-2-Kempen Malaya pada 8

Disember 1941 hingga 15 Februari 1942 serta menentang keganasan anggota militan Parti Komunis Malaya sepanjang Darurat 1948-60. Dalam arena antarabangsa pula, Tentera Darat kita berkhidmat di bawah Panji-panji Pertubuhan Bangsa-bangsa Bersatu (PBB) di Congo pada 1960 hingga 1963.

Dalam era konfrontasi Indonesia-Malaysia, Batalion Pertama hingga Ke-8 RAMD adalah batalion RAMD yang terlibat secara aktif. Batalion ini bertindak bersama pasukan Rejimen Infantri Singapura serta Tentera Laut Diraja Malaysia menentang TNI dan Gerila Indonesia yang menceroboh wilayah Malaysia melalui darat, laut dan udara terutama di Johor, Sarawak, Sabah dan perairan Selat Melaka. Kawasan Kota Tinggi, Pontian dan Labis di Johor, sempadan Sarawak-Kalimantan dan sekitar kawasan Semporna, Tawau di Sabah serta perairan Selat Melaka adalah kawasan tumpuan pendaratan dan penyusupan TNI. Oleh sebab itu, daerah berkenaan adalah kawasan operasi paling aktif bagi pasukan keselamatan khususnya RAMD.

Ketika beroperasi di kawasan tersebut jugalah, tiga orang pegawai RAMD telah diperkenankan oleh Seri Paduka Baginda Yang di-Pertuan Agong telah menganugerahkan Pingat Panglima Gagah Berani (PGB). Manakala 30 Warga ATM menerima Kepujian Perutusan Keberanian (KPK) apabila masing-masing berjaya memperkenan perkhidmatan yang cemerlang di samping sifat keberanian serta kepimpinan unggul. Sebagaimana biasa pada setiap konflik bersenjata, kehilangan nyawa, anggota dan pancaindera warga pasukan keselamatan negara adalah fenomena yang sukar dielakkan. Dalam perkara ini, era konfrontasi Indonesia-Malaysia tidaklah terkecuali. Selaku benteng pertahanan negara, sebilangan warga ATM terpaksa mendahului kita, manakala sebahagian lagi cedera dan terpaksa mengharungi sisa-sisa hidup dalam keadaan kurang berupaya. Konfrontasi berakhir sebagaimana ia bermula. Usaha perdamaian berlaku tanpa melibatkan pihak ketiga dan berjalan lancar selepas kegagalan Gerakan 30 September Parti Komunis Indonesia (PKI). PKI dan organisasi yang bersekongkol dengannya diharamkan setelah Presiden Soekarno menyerahkan kuasanya kepada Lettenan Jeneral Soeharto. Hubungan diplomatik Indonesia-Malaysia terjalin semula selepas Persetujuan Normalisasi Hubungan Indonesia-Malaysia pada 11 Ogos 1966 di Jakarta.

Oleh kerana intimnya hubungan kedua-dua buah negara, maka semua pihak tidak digalak untuk memperkatakan konfrontasi kerana dikhuatiri akan menjejaskan hubungan. Dengan sebab itu saya berharap buku ini tidak akan dilihat sebagai percubaan untuk mendarahi semula luka lama atau untuk mengeruhkan suasana jernih hubungan Malaysia-Indonesia sekarang. Apakah berkonfrontasi dengan Malaysia sesuatu yang diinginkan oleh rakyat Indonesia atau sekadar egosentrik seorang pemimpin sahaja? Siapakah di belakang konfrontasi? Berasaskah dakwaan Soekarno bahawa Malaysia merupakan ancaman terhadap keselamatan Indonesia? Berjayakah ATM memainkan peranannya sebagai benteng pertahanan negara? Kesemua pertanyaan tersebut

antara persoalan yang bakal terjawab secara langsung mahupun tidak langsung dalam buku ini.

Perkara berkaitan konfrontasi pernah mendapat perhatian meluas di kalangan sejarahwan dan ahli Sains Politik. Terdapat banyak buku mengenainya ditulis terutama oleh penulis barat. Walaupun begitu hingga kini belum ada kajian dan penulisan khusus dibuat mengenai peranan ATM dalam era konfrontasi. Dengan sebab itu, tidak ramai yang tahu dan sedar betapa besarnya peranan yang dimainkan oleh warga ATM khususnya dari RAMD ketika konfrontasi. Keadaan tersebut merangsang saya untuk membuat penyelidikan terperinci berhubung operasi yang dilaksanakan oleh ATM sepanjang era konfrontasi dan seterusnya menulis sebuah buku mengenainya.

## Pengenalan

### Konflik Politik

Menurut *Dictionary of Political Analysis*, konflik bermaksud menghadapi fahaman yang bertentangan atau pertembungan kepentingan, prinsip, idea, polisi atau program yang menyatakan kebanyakan interaksi yang berlaku di kalangan atau di antara sistem politik. Dalam analisa politik, konsep konflik, bertentangan dan bekerjasama (menurut persetujuan) telah digunakan untuk mengklasifikasi kasian dua jenis aktiviti politik. Banyak interaksi politik membabitkan tidak hanya dalam bentuk yang sebenar, tetapi sedikit sebanyak meliputi elemen setiap satunya.

Konflik politik mempunyai pelbagai ragam manifestasinya, daripada menyuarakan rasa tidak bersetuju hingga kepada perang sebenar. Di kalangan kebanyakan masyarakat, konflik selalunya dapat dikurangkan melalui cara bukan politik, seperti tekanan sosial atau pengekangan ekonomi atau diselesaikan oleh tindakan kumpulan persendirian. Konflik yang serius sehingga boleh mengancam kestabilan masyarakat atau boleh memburukkan keadaan dan berleluasnya keganasan yang memerlukan campur tangan kerajaan. Konflik terutamanya pada peringkat antarabangsa akan ketara apabila berlaku perlumba politik dalam bentuk julat daripada diplomasi hingga perang menggalakkan pertembungan dan pertentangan.

Persaingan antara negara menunjukkan kepentingan nasional itu mungkin membangkitkan konfrontasi tentera dan penggunaan angkatan bersenjata. Perang itu sendiri adalah konflik, betapa perang itu mempunyai akibat politik yang meluas. Perubahan politik boleh menyebabkan kemunculan sesuatu teknologi yang baru, hasil daripada perdagangan atau perang atau suatu peristiwa rampasan kuasa atau perubahan dinasti. Teori ragam pengeluaran, model dasar/superstruktur menyatakan peralihan sejarah yang utama daripada satu golongan masyarakat kepada yang lain menunjukkan sebab penting kerana perubahan yang terdapat pada ragam pengeluaran kehidupan.

Melakukan perang yang sebenar adalah satu tindakan politik yang utama. Pemimpin tentera akan memperolehi sesuatu kedudukan dalam sistem politik itu. Kegiatan ekonomi semakin digerakkan bagi memenuhi keperluan tentera. Menurut satu laporan UNESCO pada 1971, menunjukkan pada 1967, kebanyakan negara di dunia membelanjakan 7.2 peratus daripada hasil negara

mereka bagi keperluan tentera, berbanding 5.0 peratus untuk keperluan pendidikan dan 2.5 peratus bagi kesihatan. Peperangan adalah suatu sifat autonomi dalam kehidupan politik. Peperangan adalah alat bagi membuat dasar. Ahli-ahli fikir Marxis berpendapat peperangan berlaku hasil daripada persaingan kuasa penjajah, konflik antara negara sosialis dan kapitalis dan bersifat antikolonial.

Fungsi paling utama sesuatu sistem politik adalah untuk menyelesaikan konflik dan menggalakkan penyelesaian secara tolak ansur terhadap masalah sosial. Dalam membendung konflik, kerajaan mempergunakan pelbagai cara termasuk janji-janji dan penawaran pelbagai faedah, ancaman atau menggunakan suatu bentuk paksaan fizikal. Walaupun pengkaji politik secara umumnya mengakui pertindihan kedua-dua fenomena antara konflik dan kerjasama, tetapi Karl Marx dan Thomas Hobbes cenderung menekankan atas konflik sedia ada secara semula jadi atau lahir daripada sistem politik itu sendiri. Sama keadaannya dalam senario politik antarabangsa, kemungkinan berlakunya konflik boleh menjadi faktor utama mengawal interaksi antara negara. Apabila konflik berterusan, seperti perang dingin, memaksa ahli-ahli strategi Soviet dan Amerika membuat dasar dan analisa. Mereka beranggapan akan berlaku permusuhan yang total dan berkekalan antara negara komunis dan negara berfahaman kapitalis.

## Konsep Konfrontasi

Konfrontasi mengikut *Kamus Dewan* bermaksud persemukaan (keadaan saling berhadapan) di antara dua orang (pihak, negeri dan lain-lain) yang bertentangan (berselisih, bermusuh) atau pertentangan (permusuhan) secara langsung yang menyebabkan orang atau pihak yang terlibat menghadapi kemungkinan berlakunya pergaduhan (peperangan dan sebagainya). Berdasarkan definisi di atas, nyata konfrontasi adalah suatu bentuk konflik. Menurut Douglas Hyde, konfrontasi adalah satu konflik yang pahit, tiada tolak ansur dan berbahaya. Ia memperkenalkan sejenis pertelagahan bentuk baru antara negara dan memperkenalkan perkataan baru bagi menghuraikannya. Ini bukanlah satu pertelagahan sempadan. Tidak juga satu perselisihan antara puak dari keturunan yang berbeza. Ketegangan dan huru-hara bermula apabila Malaya yang merdeka disertai oleh Singapura, Sarawak dan Sabah bersatu membentuk Malaysia. Negara baru lahir ini menyertai perjanjian pertahanan dengan Britain.

Tentera dan anggota sukarelawan Indonesia menyeberangi sempadan Malaysia bertujuan mendirikan pangkalan gerila di belantara lawan. Anggota Tentera Komanwel (Tentera British, Tentera Australia dan Tentera New Zealand)

dan Malaysia pula berusaha dengan sedaya upaya memburu mereka. Kepada Indonesia, itulah konfrontasi, kepada orang Melayu itulah konfrontasi. Kepada British dan kebanyakan negara di dunia itu dikenali sebagai *Confrontation*. Seorang wanita muda keturunan Cina yang dibekalkan dengan senjata, peluru dan bekalan makanan, serta pisau di tali pinggangnya terjun dengan hebat daripada pesawat pengangkut Tentera Indonesia, mendarat di kawasan dia dibesarkan, dengan misi untuk membentuk nukleas tentera gerila yang akan menukar tanah airnya menjadi medan perperangan. Ini juga dikatakan konfrontasi. Seorang nasionalis Melayu dengan pengetahuan politik yang sedikit bergerak menggunakan sampan kecil bersembunyi di bawah kargo getah menyeberangi selat sempit yang memisahkan kepulauan Indonesia dengan Singapura. Dalam kegelapan, dia mengheret bahan letupan naik ke jeti, kemudian mencari jambatan kereta api, stesen janakuasa atau saluran air untuk dimusnahkan. Ini juga konfrontasi.

Formula untuk keamanan, kewujudan bersama, dan berkecuali bagi Blok timur telah dihasilkan melalui Persidangan Bandung. Deklarasi Bandung tentunya telah memberikan sumbangan penting terhadap prinsip-prinsip yang berfaedah. Walau bagaimanapun dalam amalannya apa yang ditekankan di Bandung adalah negatif. Prinsip melarang campur tangan dalam hal ehwal dalam negara lain dan mengelak daripada melakukan helah atau tindakan pencerobohan, jelas telah dilanggari oleh Presiden Soekarno seorang pendukung Deklarasi Bandung. Umum di Jakarta bersetuju bahawa tentera perlu dipusatkan. Perpecahan di kalangan tentera menimbulkan kecurigaan terhadap polisi dalam dan luar negeri. Permusuhan mengakis kesepaduan tentera Indonesia di awal 1960 kebanyakannya terdiri daripada orang Jawa. Tentera yang anti-Soekarno, antielemen puak kiri mengatasi persepkatan antara PKI, Panglima Tentera Udara dan pengawal istana yang pro-Soekarno. Konfrontasi menurut Jan M. Pluvier, tidak bertujuan mengambil mana-mana wilayah Malaysia. Sebaliknya bertujuan mengelakkan berlakunya revolusi sosial di Indonesia.

## Latar Belakang Konfrontasi

Bersesuaian dengan tajuk buku ini, iaitu *Tentera Malaysia dalam Era Konfrontasi*, maka bab permulaan ini akan menyentuh mengenai penubuhan Persekutuan Malaysia dan mengapa Indonesia melancarkan konfrontasi terhadap Malaysia. Oleh sebab kempen bersenjata adalah sebahagian daripada agenda konfrontasi Presiden Soekarno terhadap Malaysia, maka sejarah penglibatan Angkatan Tentera Malaysia (ATM) secara umum dan sejarah setiap batalion RAMD yang terlibat dalam operasi sepanjang era konfrontasi turut dipaparkan juga.

## Penubuhan Malaysia

Secara rasmi tarikh 27 Mei 1963 disebut sebagai titik permulaan bagi pembentukan Persekutuan Malaysia. Walau bagaimanapun fakta sejarah menunjukkan bahawa idea untuk menyatukan wilayah-wilayah yang sekarang disebut sebagai Malaysia dan Indonesia telah pun berlaku sejak berabad-abad lamanya. Pendek kata usaha untuk membentuk satu Dunia Melayu seperti Malaysia bukanlah satu perkara baru bagi masyarakat Melayu di Asia Tenggara. Dari sejarah silam, pada zaman-zaman keagungan Sriwijaya, Kerajaan Majapahit dan Kerajaan Melayu Melaka, ketiga-tiga kerajaan di Alam Melayu itu pernah berusaha menyatukan wilayah-wilayah berkenaan agar berada di bawah satu kuasa yang lebih besar. Namun, penguasaan sesuatu wilayah dalam konteks kerajaan feudal ketika itu tidaklah boleh disamakan dengan fenomena penjajahan dalam pengertian sekarang.

Ketika kuasa-kuasa kolonial Barat menguasai daerah Alam Melayu, baik Portugis mahupun Belanda atau Inggeris masing-masing giat berusaha menyatukan kedua-dua wilayah Indonesia dan Tanah Melayu supaya berada di bawah kekuasaan masing-masing. Mereka berbuat demikian kerana ingin memonopoli hasil perdagangan timur bagi memenuhi keperluan pasaran di Eropah. Selanjutnya pada fasa kedua kolonialisme Eropah di rantau ini memperlihatkan pula kecenderungan mereka bagi menyatukan kedua-dua wilayah Indonesia dan Tanah Melayu agar secara langsung berada di bawah satu pentadbiran koloni mereka. Akan tetapi akibat daripada perubahan orientasi dan persaingan di kalangan kolonialis itu sendiri terhadap daerah-daerah timur, terutama antara Belanda dan Inggeris menyebabkan lahirnya batas-batas politik kolonial yang nyata di Alam Melayu ini.

Inggeris menguasai daerah yang sekarang dikenali sebagai Malaysia manakala Belanda pula menguasai wilayah Indonesia. Dengan itu idea penyatuan kedua-dua wilayah di bawah satu penguasaan oleh satu kuasa kolonial ternyata tidak dapat dilaksanakan. Selanjutnya pada 1887, Pengarah Syarikat Borneo Utara, Lord Brassey pernah menyuarakan agar Kerajaan Inggeris menyatukan daerah-daerah naungannya iaitu Borneo, Negeri-Negeri Melayu dan Negeri-Negeri Selat menjadi sebuah koloni yang besar. Walau bagaimanapun cadangan tersebut tidak dapat diterima dan ditolak oleh para pemegang saham syarikat berkenaan. Cadangan Lord Brassey itu bolehlah dianggap sebagai wawasan yang paling hampir dengan bentuk Malaysia yang diwujudkan oleh Tunku Abdul Rahman Putra.

Dalam era kebangkitan semangat kebangsaan di Asia Tenggara, kita sekali lagi melihat tercetusnya idea menyatukan perjuangan menentang imperialism Barat oleh Tanah Melayu dan Indonesia. Dasar dan politik penjajahan dikatakan sebagai satu perbuatan tidak wajar dan menghalang kemajuan oleh para nasionalis kedua-dua buah negara. Di Tanah Melayu, usaha untuk menyatukan

para pejuang kemerdekaan antara kedua-dua wilayah ini dipelopori oleh Parti Kesatuan Malaya Merdeka pimpinan Ibrahim Yaakob. Menurut rancangan parti ini, setelah Malaya dimerdekakan daripada Inggeris satu gabungan politik akan diwujudkan antara Tanah Melayu dan Indonesia dalam satu persekutuan yang dikenali sebagai Indonesia Raya atau Melayu Raya. Dengan pembentukan persekutuan tersebut, diharapkan akan lahir sebuah negara yang besar dan kuat di rantau ini.

Malangnya cita-cita penyatuan tersebut tidak dapat dilaksanakan kerana terputusnya hubungan antara kedua-dua negara akibat pendudukan Tentera Jepun, kerana kegiatan politik adalah aktiviti yang dilarang. Dengan itu, para pejuang kemerdekaan di kedua-dua wilayah terpaksa menggunakan kebijaksanaan dan mengambil haluan masing-masing. Dalam masa pendudukan Jepun, wilayah-wilayah di Asia Tenggara disatukan di bawah pentadbiran Jepun dalam wilayah Asia Timur Raya. Tanah Melayu, Sumatera, Kalimantan Utara dan Pulau Jawa diletakkan di bawah penguasaan Angkatan Darat, manakala bahagian lainnya berada di bawah penguasaan Angkatan Laut. Dasar pentadbiran Tentera Jepun itu tidak hanya telah mempersatukan wilayah Indonesia dan Malaysia, malah hampir keseluruhan wilayah Asia Tenggara.

Walau bagaimanapun penguasaan Tentera Jepun tidak dapat bertahan lama, pada 15 Ogos 1945, Jeneral Hagaki, Pemerintah Jepun di Malaya menyerah diri di City Hall, Singapura dan Kerajaan Jepun dengan rasminya menyerah kalah kepada Tentera Bersekutu. Sebelum Belanda kembali menguasai Indonesia, para nasionalis Indonesia dengan serta-merta mengambil kesempatan mengisyiharkan kemerdekaan Indonesia pada 17 Ogos 1945. Rakyat dan para nasionalis di Tanah Melayu tidak sempat berbuat demikian, lantas segera diduduki kembali oleh British. Perkembangan tersebut ternyata menyebabkan situasi bertambah rumit dan idea hendak mewujudkan Melayu Raya tinggal sebagai satu pemikiran ideal histori sahaja.

Kembalinya Inggeris ke rantau ini selepas perang tidak terlepas daripada tanggungjawab mereka terhadap syarat-syarat Piagam Atlantik yang telah ditandatanganinya pada Ogos 1941. Di bawah perjanjian tersebut, Inggeris bersetuju membebaskan tanah jajahannya dan memberi hak kepada rakyat untuk memilih bentuk kerajaan yang mereka kehendaki. Walaupun Inggeris masih menaruh minat terhadap tanah jajahannya, namun atas desakan sekutunya mereka terpaksa bertindak selaras dengan syarat-syarat yang telah termeterai dalam piagam berkenaan, syarat-syarat itu adalah memulangkan tanah jajahan, menyediakan rakyat ke arah berkerajaan sendiri, memajukan sumber-sumber ekonomi dan menjamin keselamatan mereka. Melalui rangka itulah penyatuan Negeri-Negeri Melayu, Negeri-Negeri Selat termasuk Sarawak, Borneo Utara dan Brunei dirancang oleh Inggeris dalam satu konsep yang dikenali sebagai *Malayan Union*. Akibat penentangan daripada pelbagai pihak terutamanya di kalangan orang Melayu, maka rancangan tersebut terpaksa dibatalkan dan diganti oleh Perjanjian Persekutuan pada 1948.

Pada 1952, idea untuk menubuhkan Malaysia diucapkan oleh Malcom MacDonald, Komasari Tertinggi Inggeris di Asia Tenggara akan tetapi tidak pula menerima sebarang reaksi daripada pihak berkuasa Indonesia. Sebelum konsep Malaysia diucapkan oleh Tunku Abdul Rahman, idea pembentukan sebuah negara Persekutuan ini pernah dikemukakan oleh bekas Perdana Menteri Singapura, Encik Lim Yew Hock yang menjadi Perdana Menteri Singapura selepas Encik David Marshall. Encik Lee Kuan Yew, Setiausaha Agung Parti Tindakan Rakyat (PAP) menjadi Perdana Menteri Singapura setelah partinya memenangi pilihanraya 1959. Encik Lee juga menyatakan hasrat untuk menyertai Tanah Melayu. Beliau pernah berkata "Kemerdekaan tanpa Tanah Melayu tak mungkin bagi Singapura." Tetapi idea mereka tidak terlaksana kerana tiada kesepakatan antara kedua-dua buah negara di samping bertentangan dengan dasar Inggeris terhadap Singapura. Negeri-negeri lain pun mempunyai hasrat yang serupa, iaitu hendak menyertai Tanah Melayu. Encik Mustapha bin Datu Haron dari Sabah pada 1958 mengemukakan dengan tegas kepada Tunku Abdul Rahman gagasan untuk bercantum dengan Persekutuan. Sultan Brunei, Sir Omar Saifuddin juga turut mendesak untuk bercantum dengan Tanah Melayu. Di Sarawak, rakyat golongan muda dan para pemimpin seperti Hj. Bujang, Hj. Abdul Rahman bin Yaacob dan Temenggung Jugah saling berhasrat untuk mengadakan hubungan lebih erat dengan Tanah Melayu. Fasa terakhir perkembangan pemikiran untuk membentuk Malaysia sering kali dikaitkan dengan kenyataan yang dibuat oleh Tunku Abdul Rahman kepada perwakilan akhbar asing Asia Tenggara di Hotel Adelphi, Singapura pada hari Sabtu, 27 Mei 1961.

Tunku Abdul Rahman dalam kenyataannya telah menekankan betapa pentingnya satu bentuk kerjasama ekonomi dan politik antara negara-negara dari wilayah koloni dan bekas koloni Inggeris di Asia Tenggara. Tunku Abdul Rahman juga menyatakan: "Lambat-laun Tanah Melayu harus bersefahaman dengan Britain dan rakyat-rakyat Singapura, Borneo Utara, Brunei dan Sarawak. Adalah agak terlalu awal untuk saya menyebutkan cara persefahaman itu dapat dicapai, namun kita perlu mencapai objektif ini dan memikirkan satu rancangan supaya wilayah-wilayah ini dapat dibawa kepada satu kerjasama politik dan ekonomi yang rapat."

Kenyataan tersebut kemudiannya menjadi asas dalam perlaksanaan pembentukan negara Persekutuan Malaysia pada 16 Oktober 1961. Perdana Menteri Tunku Abdul Rahman telah membentangkan usul berkaitan pembentukan Malaysia yang berbunyi:

Bawaha Dewan ini bersetuju pada prinsipnya dengan konsep Malaysia itu mengandungi 11 negeri Persekutuan Tanah Melayu, Singapura, Brunei, Borneo Utara dan Sarawak merestui usaha kerajaan untuk menjayakan gagasan tersebut di mana Perdana Menteri Tunku Abdul Rahman Putra akan memberitahu sebarang kemajuan kepada Dewan ini.

Sebelum ia dibahaskan Dewan telah menolak satu pindaan yang dikemukakan oleh Presiden PAS, Dr. Burhanuddin Al-Helmi, supaya Malaysia itu meliputi Republik Indonesia dan Filipina selain Tanah Melayu, Singapura dan tiga buah negeri di Borneo. Yang Dipertua Dewan Rakyat, Dato' Hj. Mohd. Noah Omar telah menolak pindaan tersebut berdasarkan peraturan tetap Dewan. Menurutnya tidak kena pada tempatnya kerana usul Perdana Menteri itu hanya meminta Dewan memperkenankan perlaksanaan Persekutuan Malaysia. Ahmad Boestamam dari Barisan Sosialis pula berpendapat, Malaysia anjuran Tunku itu bukanlah Melayu Raya atau Malaysia Raya. Semasa membentangkan usul berkenaan, Perdana Menteri menegaskan bahawa dengan perpaduan dan keazaman, kita mungkin berjaya untuk mencapai matlamat menciptakan gabungan yang lebih besar iaitu Malaysia.

Konsep asas gagasan Malaysia meliputi 11 negeri dalam Persekutuan Tanah Melayu serta Singapura, Brunei, Sabah dan Sarawak yang disatukan dalam satu Persekutuan. Perlembagaan Persekutuan yang baru ini akan berasaskan Perlembagaan Persekutuan Tanah Melayu. Sedikit perubahan dibuat bagi mengadakan peraturan-peraturan untuk tempoh peralihan kerana kepentingan ketiga-tiga wilayah Kalimantan dan Singapura. Ketika berucap membentangkan usul berkenaan, Tunku Abdul Rahman menegaskan bahawa kesemua negeri dalam Malaysia akan menikmati taraf yang sama. Di bawah konsep Malaysia ini tidak ada negeri yang akan menjadi tanah jajahan, bahkan tidak akan ada negeri yang dinamakan Persekutuan Tanah Melayu, kerana tempatnya digantikan oleh sebuah negara yang bergabung. Semua negeri mempunyai taraf yang sama dan mengekalkan kuasa-kuasa tempatan seperti yang akan dipersetujui oleh negeri terbabit.

Pada 1 November 1961, Tunku Abdul Rahman pergi ke London berunding dengan Perdana Menteri Britain, Encik Harold MacMillan. Di akhir perundingan kedua-dua belah pihak pada prinsipnya bersetuju dengan idea percantuman di antara Singapura, Borneo, Sarawak dan Brunei dengan syarat United Kingdom diberi hak memelihara pangkalan-pangkalannya di Singapura bagi tujuan membantu pertahanan Malaysia, bagi pertahanan Komanwel dan bagi memelihara keamanan di Asia Tenggara. Sebuah Suruhanjaya dibentuk yang dianggotai oleh perwakilan kedua-dua buah negara bagi menentukan pandangan penduduk Borneo Utara dan Sarawak. Suruhanjaya dipengerusikan oleh Lord Cobbold, bekas Gabenor Bank England dan dianggotai oleh Encik Ghazali Shafie dari Kementerian Hal Ehwal Luar Negeri, Dato' Wong Pow Nee, Ketua Menteri Pulau Pinang, Sir David Watherston, Ketua Setiausaha Inggeris yang terakhir di Tanah Melayu dan Sir Anthony Abell, bekas Gabenor Sarawak.

Anggota Suruhanjaya ditugaskan mengunjungi Borneo, Sarawak dan Singapura bagi mengadakan pertemuan dengan orang perseorangan dan persatuan untuk menyelidiki pendapat penduduk berhubung penubuhan Ma-

laysia pada 31 Ogos 1963. Tunku Abdul Rahman menemui Encik Harold MacMillan dan Menteri Luar Britain, Encik Duncan Sandys pada Julai 1962, setelah Suruhanjaya Cobbold selesai melaksanakan tugasnya. Terdapat sedikit kesukaran di awal perundingan kerana pihak Inggeris menghendaki satu peringkat peralihan yang tidak ditentukan tempohnya, tetapi tidak dipersetujui oleh Tunku Abdul Rahman. Pihak Inggeris akhirnya bersetuju melepaskan cadangan mereka mengenai peringkat peralihan yang menghendaki Persekutuan Tanah Melayu membantu membangunkan ketiga-tiga buah negeri terbabit sebelum mencantumkannya ke dalam Persekutuan Malaysia.

Pada pukul 7.00 malam 1 Ogos 1962, Kerajaan Inggeris dan Kerajaan Persekutuan Tanah Melayu secara rasmi menandatangani Perjanjian Pembentukan Malaysia di London. Dalam perjanjian tersebut Tanah Melayu diwakili oleh Tunku Abdul Rahman, Tun Abdul Razak bin Hussein dan Tun Tan Siew Sin, manakala Inggeris diwakili oleh Encik Harold MacMillan, Duncan Sandys, Sir William Goode dan Sir Alex Waddell. Menurut perjanjian tersebut, Persekutuan Malaysia akan menjadi kenyataan pada 31 Ogos 1963 dengan pemindahan kedaulatan terhadap Borneo Utara, Sarawak dan Singapura oleh Kerajaan Inggeris kepada Kerajaan Persekutuan Tanah Melayu. Bagi memastikan persekutuan yang baru itu dapat berjalan dengan licin, Tanah Melayu dan Inggeris bersetuju membentuk sebuah Jawatankuasa Antara Kerajaan yang diketuai oleh Lord Lansdowne.

Pada pungutan suara bulan September 1962, 71 peratus penduduk Singapura memilih menyertai Malaysia sebagai sebuah unit, tetapi tetap memegang kuasa autonomi terhadap buruh dan pelajaran. Di Borneo Utara (Sabah), Perhimpunan Majlis Perundangan pada 13 September 1962 mengumumkan sokongan penuh terhadap rancangan Wilayah-Wilayah Borneo Utara menyertai Persekutuan Malaysia asalkan syarat-syarat penyertaan dan susunan perlembagaan menjamin kepentingan-kepentingan khas mereka sebagai sebuah negeri. Untuk itu, perhimpunan melantik wakil-wakil ke Jawatankuasa Lansdowne. Dewan Perundangan di Kuching, Sarawak juga menyokong penyertaan Sarawak ke dalam Malaysia dengan syarat-syarat yang sama seperti Sabah. Jawatankuasa Antara Kerajaan yang dibentuk pada 28 Februari 1963 dengan segera melaksanakan tugasnya menyusun perlembagaan bagi Negeri-Negeri Borneo Utara, Sarawak dan Brunei. Pada Jun 1963 Brunei memutuskan tidak akan menyertai Malaysia.

Kejayaan Tunku Abdul Rahman merealisasikan idea pembentukan Malaysia menimbulkan persoalan kepada pihak tertentu, tentang prosedur pengolahannya baik dari segi pensyaratian antarabangsa maupun dari segi keinginan rakyat di wilayah yang digabungkan. Walaupun gagasan untuk menyatukan wilayah di rantau ini bukanlah satu idea baru, namun pembentukan Malaysia telah mendorong pelbagai pihak menentangnya. Dukungan rakyat yang kuat terhadap idea dan perlaksanaan projek Malaysia menimbulkan

kekecewaan kepada golongan pembangkang terutama di kalangan pemimpin parti-parti Sosialis di Sarawak dan Singapura. Di Brunei pembentukan Malaysia ditentang hebat oleh Parti Rakyat Brunei. Penyertaan Sarawak dalam Persekutuan Malaysia ditentang oleh Parti Rakyat Bersatu Sarawak (SUPP). Puak kanan Cina yang enggan menyertai Tanah Melayu atas alasan bahawa kedudukan mereka lebih baik di bawah naungan Inggeris. Begitu juga dengan anasir-anasir puak kiri atau komunis, juga kaum Cina menentang sebarang bentuk penyatuan. Di Tanah Melayu penentangan turut disuarakan oleh Parti Islam Se-Tanah Melayu (Pas) yang inginkan satu persekutuan lebih besar meliputi Filipina dan Indonesia yang dikenali sebagai Malaysia Raya.

Perselisihan pendapat memuncak dan hingga sampai ke puncaknya apabila pemberontakan bersenjata dilancarkan oleh Parti Rakyat Brunei pimpinan A.M. Azahari Mahmud pada 8 Disember 1962. Serangan yang dilakukan atas nama Tentera Nasional Kalimantan Utara (TNKU) pimpinan Jeneral Abang Kifli yang mendapat latihan dan bantuan dari Indonesia itu berjaya ditumpaskan dalam masa yang singkat oleh Tentera Inggeris dan sekutunya yang berpangkalan di Sabah dan Sarawak. Perjuangan mereka kemudiannya diteruskan dalam bentuk gerila di hutan-hutan Kalimantan Utara dengan harapan untuk menghidupkan kembali zaman kegembilangan Kerajaan Brunei sebagai penguasa wilayah-wilayah Kalimantan Utara. Menurut Soebandrio, pemberontakan itu disifatkannya sebagai "kebangsaan", satu manifestasi spontan rakyat di ketiga-tiga buah negeri naungan Inggeris itu untuk memisahkan diri daripada rantai kolonial yang mengongkong mereka selama berpuluh-puluh tahun.

Terdapatnya penentangan terhadap pembentukan Malaysia tidak bererti rakyat dalam wilayah yang digabungkan tidak bersetuju dengan penggabungan tersebut. Ini dapat dilihat dengan jelas melalui kemenangan parti-parti pemerintah yang pro-Malaysia dalam pemilihan umum yang diadakan. Di Sabah, parti-parti Pro-Malaysia memenangi 95 daripada 110 kerusi. Di Sarawak, 313 daripada 429 kerusi dimenangi oleh parti pro-Malaysia. Selain itu Projek Malaysia juga mendapat dukungan daripada negara-negara Komanwel sehingga ia dilabelkan sebagai "Made in England", direstui Amerika tetapi ditentang oleh Indonesia. Ini bertentangan dengan reaksi awal Filipina dan Indonesia yang memberikan sambutan baik terhadap idea berkenaan.

Dr. Soebandrio ketika berucap di New York berkata bahawa Indonesia tidak membantah terhadap rancangan penubuhan Malaysia. Walau bagaimanapun pada akhir tahun 1962 keadaan berubah. Projek Malaysia dikatakan akan menjadi masalah nasional bangsa Indonesia. Pembentukan Malaysia dianggap sebagai satu percubaan hendak membendung dan mengejung Indonesia baik dari segi politik, ekonomi maupun ketenteraan. Filipina di bawah Presiden Diosdado Macapagal secara tidak langsung menentang pembentukan Malaysia apabila Filipina mengemukakan tuntutan ke atas Sabah yang didakwa sebagai sebahagian daripada wilayah Filipina.

Walau bagaimanapun usaha terus dilakukan bagi mengendurkan ketegangan serantau. Sejak April hingga Ogos 1963 beberapa siri pertemuan diadakan antara Tanah Melayu, Filipina dan Indonesia membincangkan pembentukan Malaysia. Pada pertemuan tersebut satu rangka kerjasama serantau yang tidak mengikat telah dibincangkan dengan harapan untuk megeratkan hubungan ketiga-tiga negara. Doktrin Soekarno-Macapagal yang menyatakan supaya persoalan Asia harus diselesaikan oleh Bangsa Asia dengan cara Asia dihasilkan daripada pertemuan tersebut. Pertemuan demi pertemuan yang diadakan akhirnya berjaya menghasilkan tiga dokumen penting yang ditandatangani oleh pemimpin ketiga-tiga buah negara pada Persidangan Tingkat Tinggi Maphilindo berupa Persetujuan Manila 31 Julai 1963.

Pada Deklarasi Manila 3 Ogos 1963 dan Pernyataan Bersama pada 5 Ogos 1963, mengenai pembentukan Federasi Malaysia, ketiga-tiga buah negara bersetuju untuk meminta Setiausaha Agung PBB menyelidiki keinginan rakyat di daerah-daerah yang akan dimasukkan ke dalam Federasi Malaysia. Indonesia dan Filipina menyambut baik pembentukan Negara Malaysia sekiranya dikehendaki oleh rakyat daerah terbabit. Seiring dengan kehendak yang dihasilkan oleh Persidangan Tingkat Tinggi di Manila, Setiausaha Agung PBB, U Thant membentuk satu kumpulan penyiasat seramai sembilan orang diketuai oleh seorang rakyat Amerika, bekas Pengarah Jabatan Kakitangan di Sekretariat PBB, Encik Lawrence V. Michelmore. Encik G.V. Janacek berketurunan Czechoslovakia dari PBB adalah salah seorang daripada anggota kumpulan ini. Misi mereka menentukan: Apakah Malaysia perkara utama atau tidak dalam pilihan raya terakhir di wilayah-wilayah yang berkaitan? Apakah daftar para pengundi dikumpulkan dengan betul? Apakah undi dibuang atau dihitung dengan betul dan apakah pilihan itu bebas serta tanpa paksaan?

Selepas Persidangan Manila, seramai sembilan orang perwakilan PBB tiba di Kuching pada 1 September 1963 bersama pemerhati dari Indonesia dan Filipina. Mereka menjelajah dengan helikopter ke seluruh Sarawak mulai 2 hingga 5 September 1963, bagi mendapatkan maklumat mengenai reaksi penduduk tempatan terhadap gagasan penubuhan Persekutuan Malaysia dan melaporkannya kepada Setiausaha Agung PBB.

Encik U Thant dalam kenyataannya pada 14 September 1963, setelah menerima Laporan Misi PBB, menyokong penubuhan Malaysia. Antara lain Encik U Thant berkata:

I believe the majority of the peoples of Sabah and Sarawak have concluded that they wish to bring their dependent status to an end, and to realize their independence through freely-chosen association, heritage, language, religion, culture, economic relationship, ideals and objectives. Not all these considerations are present in equal weight in all minds, but it is my conclusion that the majority of the peoples of the two territories, having taken them into account, wish to engage with the peoples of the Federation of Malaya and Singapore, in an enlarged Federation of Malaysia through which they can strive together to realize the fulfilment of their destiny...

Menurut agensi berita rasmi Indonesia, ketua pemerhati Indonesia menyatakan di Jakarta bahawa beliau berkeyakinan dengan apa yang telah dilakukan oleh pasukan pemerhati PBB. Pada 16 September 1963 Persekutuan Malaysia diisyiharkan tertubuh oleh Perdana Menteri, Tunku Abdul Rahman. Persekutuan Malaysia dibentuk melalui penggabungan empat buah wilayah: Persekutuan Tanah Melayu, Singapura, Sarawak dan Sabah, manakala Brunei tidak menyertai gabungan. Mengikut Tan Sri Ghazali Shafie, Brunei tidak menyertai Persekutuan Malaysia kerana sultannya ingin mengekalkan cara pemerintahan beraja yang sedia ada dan tidak bersetuju untuk mengadakan pilihan raya Parlimen dan Dewan Undangan Negeri seperti di negeri-negeri lainnya. Brunei mahu mengekalkan pemerintahan beraja yang mutlak. Menurut Tunku Abdul Rahman Sultan Brunei, Sir Omar Saifudin tidak mahu menunggu gilirannya menurut susunan tertib di antara Raja-Raja untuk menjadi Yang di-Pertuan Agong. Selain itu, Brunei juga enggan menyumbang terhadap pertahanan negara dan terhadap tabung kewangan negara. Pembentukan Persekutuan Malaysia itu dengan secara tiba-tiba ditentang keras oleh Presiden Soekarno kerana dianggap telah melanggar Perjanjian Manila. Ekoran daripada itu, pada 17 September 1963 Indonesia memutuskan hubungan diplomatik dengan Kuala Lumpur. Serentak dengan itu, bermulalah gelombang demonstrasi di kedua-dua negara. Di Kuala Lumpur Kedutaan Besar Republik Indonesia di demonstrasi. Di Jakarta pada 18 September 1963, Kedutaan Besar British dan Kedutaan Besar Persekutuan Malaysia di demonstrasi dan akhirnya Kedutaan Besar British dibakar oleh penunjuk perasaan. Dengan itu, secara terbuka bermulalah era konfrontasi Indonesia terhadap Malaysia dan Inggeris.

## Kenapa Indonesia Melancarkan Konfrontasi

Biarpun pada bulan April 1959 Indonesia dan Tanah Melayu telah menandatangani Perjanjian Persahabatan di Kuala Lumpur, namun, perasaan Presiden Soekarno untuk melancarkan konfrontasi terhadap Malaysia tidak dapat dibendung. Berbagai-bagai sebab ditimbulkan kenapa Indonesia melancarkan konfrontasi terhadap Malaysia. Menurut Tunku Abdul Rahman, Presiden Soekarno sebenarnya cukup iri hati terhadap kemakmuran dan kemajuan yang dicapai oleh Persekutuan Tanah Melayu sejak merdeka. Berbeza dengan Indonesia yang sering dilanda oleh kekacauan politik, pemborosan, salah tadbiran dan nilai Rupiah yang semakin menurun. Jawatankuasa Pusat Parti Komunis Indonesia (PKI) pada 29 Disember 1961 mengutuk gagasan Malaysia sebagai Plot Neo-Kolonialis. Lapan bulan kemudian, Presiden Soekarno secara terbuka menerangkannya dengan nada yang serupa. Kedua-dua PKI dan Soekarno telah lama bercakap tentang konfrontasi antara *the old-established forces* dan *the new emerging forces*.

Soekarno agak kerap menggunakan ungkapan ini hinggakan perkataan Inggeris ini menjadi sebahagian daripada bahasa rakyat terbanyak. Konsep konfrontasi sebenarnya berasal daripada fahaman Marxisme. Ini tidak membuktikan bahawa Soekarno adalah seorang yang menyamar sebagai Komunis. Apa yang dimaklumkannya sendiri bahawa dia sudah cukup terpengaruh terhadap Marxisme dalam melahirkan falsafah dan ideologi politiknya. *The new emerging forces* adalah konsep yang berkait rapat dengan golongan sosialis yang anti-imperialis dan anti-kolonial, negara yang baru merdeka serta kuasa progresif dalam kesemua negara di dunia. *The old-established forces* dikaitkan dengan negara imperialis, kolonialisme dan neokolonialisme di samping lain-lain kuasa bertindak pada sebahagian negara di dunia. Dasar luar negara mestilah dikendalikan oleh orang yang progresif, cukup berani menentang jenayah imperialis serta memilih jalan baru sekalipun berisiko asalkan kelihatan berfaedah kepada rakyat Indonesia dan kepada kebangkitan kuasa baru yang kini muncul di dunia.

Parti Komunis Indonesia secara bersungguh-sungguh mahukan konfrontasi dengan Malaysia diteruskan bagi mencapai matlamat politik parti berkenaan. PKI telah pun berjaya mempengaruhi Soekarno dan Soebandrio di samping beberapa orang pegawai kanan tentera. Di atas perancangan PKI, Pasukan Sayap Ke-5 (tambahan kepada Angkatan Darat, Angkatan Laut, Angkatan Udara dan Polis) ditubuhkan. Pasukan pengawal presiden yang dianggotai oleh penyokong PKI turut diadakan. Ia diwujudkan atas kehendak Soekarno yang telah tidak lagi mempercayai angkatan bersenjatanya.

Parti Komunis Indonesia beranggapan sekiranya Jakarta dan Pulau Jawa dapat dikawal, keseluruhan Indonesia boleh dikuasai. Dalam usaha untuk menguasai Jakarta dan Pulau Jawa, PKI merancang agar Angkatan Darat digerakkan ke luar Pulau Jawa. Sumatera dan Sulawesi pula digembur-gemburkan oleh PKI akan diserang oleh Malaysia. Tunku Abdul Rahman yang dicap sebagai boneka British, kotonnya tidak hanya berkehendakkan Sabah dan Sarawak malah berminat terhadap Sumatera dan Sulawesi. Secara kebetulan, Malaysia sememangnya ada memberikan suaka politik kepada beberapa pejuang Pemerintah Revolusioner Republik Indonesia (PRRI-Permesta). Atas keperluan keselamatan bagi wilayah Sumatera dan Sulawesi, Angkatan Darat ABRI yang berada di Jawa perlu dihantar ke daerah berkenaan.

Era Konfrontasi Indonesia-Malaysia secara terbuka bermula pada 3 Mei 1964. Pada satu rapat umum di Jakarta, Presiden Soekarno mengisyitiharkan Dwi Komando Rakyat (DWIKORA) bagi mempertingkatkan pertahanan Indonesia dan membantu pemberontak di Malaya, Singapura, Sarawak dan Sabah untuk mengganyang Malaysia. Campur tangan Indonesia dalam politik Tanah Melayu sebenarnya bermula sejak 1945 lagi. Aksi konfrontasi Indonesia terhadap wilayah yang bakal menyertai Malaysia sebenarnya telah pun dimulakan sebelum Persekutuan Malaysia dilahirkan. Ini ditegaskan sendiri oleh Dr. Soebandrio ketika berucap di Jogjakarta pada 20 Januari 1963.

Kami tidak dapat tidak terpaksa menggunakan dasar konfrontasi menentang Malaysia kerana pada masa ini mereka sendiri adalah menjadi pembantu kuasa-kuasa neo-kolonialis dan neo-imperialis dengan mengikuti suatu dasar yang bermusuhan terhadap Indonesia.

Kempen Ganyang Malaysia dilancarkan sejurus selepas Tunku Abdul Rahman Putra berjaya dalam usahanya untuk menubuhkan Persekutuan Malaysia. Kajian mendapati bahawa Soekarno juga mempunyai hasrat yang serupa tetapi gagal merealisasikannya. Soekarno telah pun lama bekerjasama dengan para nasionalis kiri di Malaya dan Brunei bagi membentuk satu gagasan yang dikenali sebagai Indonesia Raya.

Kesatuan Melayu Muda (KMM) ditubuhkan pada 1940 sebagai alat propaganda Jepun oleh Ibrahim Hj. Yaacob. Ibrahim, seorang nasionalis kiri Malaya mlarikan diri ke Indonesia sewaktu pendudukan Jepun dan bekerjasama rapat dengan PKI. Parti Kebangsaan Melayu Malaya (PKMM) pimpinan Dr. Burhanuddin Al-Helmi dan di antara pemimpin kanannya ialah Moktaruddin Lasso, seorang Komunis, ditubuh melalui pembiayaan Indonesia pada 1945. Melaluinya pemimpin Melayu berfahaman kiri di Malaya, berhubung rapat dengan Indonesia dan digalakkan agar cenderung kepada polisi Indonesia serta konsep Indonesia Raya. PKM menggunakan Lagu Kebangsaan Indonesia sebagai lagunya, bendera Indonesia sebagai lambangnya dan mengakui Soekarno sebagai pemimpinnya. Dalam perjalanan pulang dari Markas Tentera Jepun di Saigon, Soekarno dan Hatta singgah di Taiping pada 12 Ogos 1945, bertemu dengan para pemimpin Kesatuan Rakyat Indonesia Semenanjung (KRIS), Dr. Burhanuddin Al-Helmi dan Ibrahim Yaakob. Mereka bersetuju mengisyiharkan kemerdekaan bagi Indonesia dan Tanah Melayu serentak pada 17 Ogos 1945.

Walau bagaimanapun cita-cita tersebut menemui kegagalan apabila Indonesia dan Persekutuan Tanah Melayu mencapai kemerdekaan secara berasingan, tidak sebagaimana yang dirancang. Indonesia berjaya dibebaskan daripada belenggu penjajahan Belanda oleh golongan revolusioner pimpinan Soekarno tetapi Tanah Melayu tidak berjaya dimerdekakan oleh golongan kiri pimpinan Dr. Burhanuddin Al-Helmi, Ibrahim Yaakob dan Ahmad Boestamam yang pro-Indonesia, sekaligus turut menghancurkan idea Indonesia Raya. Gerakan Angkatan Muda (GERAM) dijadikan alat oleh Indonesia bagi mendapatkan maklumat dan mencampuri politik Tanah Melayu.

GERAM ditubuhkan oleh Thaharuddin Ahmad pada 1946. Thaharuddin mempunyai hubungan yang rapat dengan Parti Komunis Malaya dan Parti Komunis Indonesia. Beliau bertindak menyeludupkan ejen-ejen Indonesia ke Malaya dan bekerjasama dengan Majlis Bertindak Bersama Se-Malaya membantu Indonesia serta menyeludupkan senjata ke Indonesia. GERAM berkubur apabila darurat diisyiharkan pada 1948. Persatuan Indonesia Merdeka ditubuhkan di Kuala Lumpur pada 1948 bagi meluaskan pengaruh

Indonesia dan menentang United Malay National Organization (UMNO). PKM dibubarkan pada 1950 setelah gagal memperbaharui pendaftarannya. Kegiatan parti ini diambilalih oleh Kesatuan Melayu Merdeka pimpinan Ibrahim Yaacob. Parti ini berhubung rapat dengan para pelampau dan parti berhaluan kiri di Tanah Melayu. Kesatuan Melayu Merdeka dibantu oleh dua kumpulan Melayu di Indonesia iaitu Pejuang Kemerdekaan Melayu pimpinan Mustaza dan Perikatan Pemuda Melayu di luar tanah air.

Dr. Burhanuddin menghadiri Persidangan Bandung dengan pembiayaan Konsul Indonesia dan kemudiannya menubuhkan Parti Rakyat pada 1955 dengan undang-undang tubuhnya berasaskan kepada Parti Nasional pimpinan Soekarno. Boestamam yang baru dibebas dari dilantik sebagai pengurusnya. Dr. Burhanuddin kemudiannya menjadi Presiden Parti Islam Se-Tanah Melayu dan terus mendukung gagasan Indonesia Raya. Konsul Agung Indonesia di Singapura dan Kedutaan Indonesia di Kuala Lumpur telah memberi segala galakan kepada polisi parti-parti yang pro-Indonesia, anti-Malaysia dan anti-UMNO.

Konsul Agung Indonesia di Singapura, Brigadier Gudi Pengiran Harco Djatikusumo bertindak agresif dalam hal ehwal politik Malaya, di samping mempertingkatkan kegiatan merisik sejurus selepas mengambil alih pejabat konsul. Kira-kira 40 orang kakitangan awam Indonesia mengadakan satu perjumpaan tidak lama selepas pemberontakan Brunei. Perjumpaan diadakan di kediaman Residen Pulau-pulau Riau di bawah naungan Lettenan Kolonel Suparman, seorang pemimpin PKI. Ia bertujuan untuk mengkaji perkembangan Malaysia dan untuk memberikan galakan yang cergas kepada rakyat di Indonesia, Tanah Melayu dan Singapura supaya menentang Malaysia.

Dalam lawatannya ke Tanjung Pinang, awal Februari 1963, Kolonel Soegih Arto membincangkan rancangan konfrontasi bersama Lettenan Kolonel Suparman sambil memerintahkan mengambil anak-anak perahu yang bergerak antara Pulau-pulau Riau dengan Singapura ke dalam Angkatan Pembela Revolusi Kalimantan Utara (Kepulauan Riau) bagi menyokong pemberontakan Borneo Utara ditubuhkan pada 22 Februari 1963. Matlamat kumpulan ini menghasut orang ramai supaya menyokong pemberontakan Borneo Utara; membuat catatan mengenai kekuatan pasukan keselamatan Tanah Melayu/British serta menjalankan usaha menggagalkan penubuhan Malaysia dan membuat laporan serta-merta mengenai sebarang kemungkinan.

Selaku ketua pasukan Kor Komando Operasi, Lettenan Laut Bambang Partono bertindak berselindung di sebalik Syarikat Nelayan Semenanjung. Beliau ditugaskan mengambil ejen-ejen di Singapura untuk dilatih di Tanjung Sekupang sebelum berpindah ke Pulau Sambu di bawah kawalan Tanjung Pinang dan Medan. Lapan orang ejen diambil berkhidmat dan diantar ke Singapura bagi menubuhkan empat cawangan, enam anggota setiap cawangan sebelum dapat memperluaskan kegiatan ke Semenanjung. Di Tanah Melayu ejen diperolehi

melalui Bong Kahar, seorang pemimpin PEMAS. Bong Kahar memperolehi calon-calon ejen dari Parti Rakyat pimpinan Boestamam.

Sokongan Boestamam kepada Indonesia amatlah jelas. "Dari segi politik," katanya, "saya seorang Indonesia. Sekalipun saya telah dilahirkan di Tanah Melayu, taat setia saya ialah kepada Republik Indonesia." Dalam satu kenyataan pada 13 Februari 1963, setelah ditangkap, beliau telah menulis demikian bunyinya:

Cita-cita jangka panjang politik saya ialah hendak menyatukan Indonesia, Filipina, Wilayah-wilayah Borneo dan Selatan Negeri Thai, Tanah Melayu dan Singapura menjadi sebuah negara Malaysia Raya. Saya anggap satu pemberontakan bersenjata sebagai suatu tindakan yang sah jika langkah-langkah perlembagaan sudah ada lagi.

Sokongan Soekarno terhadap Kesatuan Negara Kalimantan Utara yang diusahakan oleh A.M. Azahari dan dukungannya terhadap gagasan Indonesia Raya tidaklah sukar difahami. Gagasan tersebut jelas seiring dengan hasrat dan cita-cita politiknya sejak dari awal lagi, iaitu untuk meluaskan kawasan dan pengaruhnya bagi mengambil tempat imperialis Barat. Konfrontasi Indonesia terhadap Malaysia adalah akibat daripada polisi jangka panjang Soekarno seperti yang disebut di atas dan bukannya oleh sebab pembentukan Malaysia yang cuma digunakan sebagai helah untuk melancarkan kempen pencerobohannya yang telah dilakukan ketika itu.

Selain tindakan pencerobohan dalam lapangan politik, ekonomi dan kebudayaan Indonesia juga turut melaksanakan polisi konfrontasi dalam bidang ketenteraan dan tindakan pengkhianatan. Dalam bidang ini, anggota gerila dan anggota Tentera Nasional Indonesia (TNI) telah cuba menyeludup masuk ke Sarawak dan Sabah menyeludupkan kumpulan-kumpulan tentera ke Singapura dan Semenanjung terutama sekali di Negeri Johor. Pasukan "Sayap Kelima" telah ditubuhkan dengan tujuan untuk membantu pendaratan yang dirancangkan di samping penubuhan kumpulan-kumpulan kecil (pockets) tentera penceroboh dalam negeri ini.

Anggota Sayap Kelima mula dilatih pada September 1963 di Chibogor, Bogor sebelum berpusat di Tanjung Sekupang bagi melatih anggota baru. Pada mulanya mereka dilatih bagi tujuan melakukan pengkhianatan. Anggota yang telah dilatih diarah menyeludup ke dalam pertubuhan-pertubuhan politik tempatan. Mereka diarahkan untuk menghasut ahli-ahli pertubuhan berkenaan supaya menderhaka kepada Malaysia dengan masuk menjadi ejen Indonesia "Sayap Kelima" untuk menggulingkan Kerajaan Malaysia pimpinan Tunku Abdul Rahman. Mengantikannya dengan sebuah kerajaan pro-Soekarno yang bersedia menerima perintah dari Indonesia.

Satu tugas penting ejen-ejen yang telah dilatih itu haruslah menjalankan kerja-kerja pengkhianatan dengan memusnahkan bangunan-bangunan dan

kemudahan-kemudahan awam seperti stesen elektrik, jambatan, bangunan tentera dan aktiviti lain yang boleh merosakkan ekonomi, pentadbiran dan pertahanan di samping menggalakkan berlakunya kacau-bilau. Oleh sebab langkah-langkah berkesan yang telah diambil oleh kerajaan, ejen-ejen pengkhianat gagal membawa sebarang kerosakan besar terhadap prasarana yang menjadi sasaran. Mereka hanya berjaya melakukan pengkhianatan secara kecil-kecilan, seperti yang berlaku di Singapura, empat orang awam terkorban apabila sebuah kereta yang dipasang dengan bahan letupan meletup. Perbuatan sebegitu dilakukan dengan tujuan hendak menakut dan mencemaskan rakyat dan sebahagian daripada strategi kempen perang urat saraf Indonesia terhadap Malaysia. Bilangan ejen Indonesia dan golongan pelampau yang menyokong Indonesia adalah kecil jumlahnya. Walau bagaimanapun mereka menerima bantuan secukupnya baik dari segi kewangan maupun persenjataan daripada Indonesia.

## 2

# Sejarah dan Penglibatan Angkatan Tentera Malaysia

---

Angkatan Tentera Persekutuan Tanah Melayu secara rasmi menjadi Angkatan Tentera Malaysia atau ATM setelah Persekutuan Malaysia dilahirkan pada 16 September 1963. ATM mempunyai tiga cabang: Tentera Darat, Tentera Laut dan Tentera Udara. Sebagai benteng pertahanan negara, Angkatan Tentera terlibat secara langsung dalam mempertahankan negara daripada pencerobohan baik dari dalam maupun dari luar negara. Di samping itu, Angkatan Tentera kita juga terlibat dalam misi keamanan Pertubuhan Bangsa-Bangsa Bersatu.

Angkatan Tentera kita bermula dengan sekumpulan 25 orang pemuda Melayu menganggotai Kompeni Percubaan pada 1 Mac 1933. Kompeni Percubaan ini akhirnya menjadi Rejimen Askar Melayu dan daripada cawangan pakar Askar Melayu lahir berbagai-bagai kor dan rejimen dalam Tentera Darat. Bagi mempertingkatkan kemampuan tempur Tentera Darat, Rejimen Peninjau ditubuhkan pada 30 Julai 1952. Rejimen Askar Jurutera pada 22 April 1953, Rejimen Meriam 15 Ogos 1957 dan Rejimen Askar Wataniah pada 1 Jun 1958. Tentera Laut bermula dengan penubuhan Straits Settlement Royal Naval Volunteer Reserve (SSNVR) di Singapura pada 27 April 1934 manakala Tentera Udara pula lahir pada 2 Jun 1958.

Perang Dunia ke-2, Kempen Malaya 1942 mendedahkan Batalion Pertama dan Kedua Rejimen Askar Melayu, (satu-satunya pasukan Tentera Darat negara ketika itu) dan pasukan Royal Navy Malay Section kepada satu corak peperangan terbuka yang dahsyat. Darurat 1948-1960 mendedahkan Askar Melayu kepada corak peperangan gerila di hutan belantara. Manakala kesempatan bertugas sebagai pasukan pengaman dalam misi Organisation des Nations au Congo (ONUC) di Congo pula memberi peluang kepada Tentera Darat menimba pengalaman berhadapan dengan tentera pemberontak di sebuah negara yang sedang bergolak.

Pendek kata, dari segi pengalaman ATM di bawah kepimpinan Leftenan Jeneral Tunku Osman bin Tunku Mohd. Jewa sememangnya berkeupayaan menghadapi ancaman konfrontasi dan perang gerila yang dilancarkan oleh Rejim Soekarno terhadap Malaysia sejurus selepas wujudnya Persekutuan Malaysia pada 16 September 1963. Pengalaman tanpa peralatan dan keanggotaan tidak menjamin kemampuan sesebuah negara mempertahankan diri daripada ancaman

dan serangan luar. Sewaktu konfrontasi ATM berkekuatan 12,000 anggota, manakala Angkatan Bersenjata Republik Indonesia berkekuatan 320,000 anggota. Untuk itu, Malaysia berasib baik kerana dibantu oleh British bersama sekutunya, Australia dan New Zealand.

Dari segi kekuatan tempur, sebelum penubuhan Malaysia, Tentera Darat hanya memiliki lapan batalion RAMD, dua Rejimen Peninjau, dua skuadron Askar Jurutera dan satu Rejimen Meriam. Tiga Skuadron Jurutera ditubuhkan pada 16 September 1963, empat Skuadron pada Januari 1964 dan lima Skuadron pada Mac 1965. Rejimen Meriam yang kedua ditubuhkan pada 1964. Ketika negara menghadapi konfrontasi, Tentera Darat berada di bawah kepimpinan Major Jeneral Dato' Abdul Hamid Bin Bidin. Pasukan RAMD adalah satu-satunya pasukan infantri dalam organisasi ATM. Dengan penyertaan Singapura ke dalam Persekutuan Malaysia, dua batalion Singapore Infantry Regiment (SIR) menyertai ATM dan sejak itu ATM mula mempunyai dua pasukan infantri. Walau bagaimanapun SIR terpaksa meninggalkan ATM apabila Singapura berpisah dengan Malaysia pada 6 Ogos 1965.

Pasukan Sarawak Rangers (Far East Land Forces) yang menjadi nukleus Pasukan Renjer Malaysia adalah sebahagian daripada Tentera British yang terlibat secara langsung menentang komunis ketika Darurat di Semenanjung Tanah Melayu 1948-1960 dan Pemberontakan Brunei 1962 serta Konfrontasi Indonesia-Malaysia. Pasukan pertama dan kedua Renjer ditubuhkan pada 16 September 1963, manakala ketiga Renjer pada 1 Julai 1965. Batalion Pertama dan Kedua Renjer Malaysia secara rasmi diserahkan oleh Kerajaan British kepada ATM pada 4 Oktober 1965. Dengan penyertaan Rejimen Renjer ke dalam keluarga Kor Infantri, ATM kembali mempunyai dua pasukan Infantri yang bertanggungjawab mempertahankan setiap inci bumi Malaysia daripada sebarang pencerobohan asing.

Tentera Laut Diraja Malaysia (TLDM) ketika konfrontasi berkekuatan 1,200 anggota dan 11 buah kapal di bawah kepimpinan Commodore A. M. Synnot RAN. Kapal-kapal ronda TLDM yang terlibat dalam memelihara perairan negara sewaktu konfrontasi ialah KD Singapura, KD Panglima, KD Bedok, KD Ledang, KD Panji, KD Sri Kedah, KD Sri Selangor, KD Sri Perak, KD Sri Pahang, KD Sri Kelantan dan KD Sri Trengganu.

Tentera Udara Diraja Malaysia (TUDM) yang bertanggungjawab ke atas keselamatan ruang udara negara mempunyai tiga skuadron ketika tercetusnya konfrontasi. Skuadron ke-4 ditubuhkan pada penghujung 1963 dan dua lagi skuadron ditubuhkan pada akhir konfrontasi. Pada awal konfrontasi TUDM diterajui oleh Air Commodore C.S.J. West dan pada akhir konfrontasi diketuai oleh Air Commodore Alasdair McK. S. Steedman. Pada umumnya TUDM tidak mempunyai sebarang pesawat pejuang. Pesawat yang dimiliki adalah pesawat latihan dan pengangkutan, seperti Twin Pioneer, Single Pioneer, Piston Provost, Dove, Alouette III, Heron dan Dart Herald.

## Batalion RAMD yang Terlibat dalam Konfrontasi

Oleh sebab RAMD adalah pasukan ATM yang terbesar dan terlibat aktif ketika konfrontasi, maka perlu rasanya bab ini memberi tumpuan khusus terhadap sejarah ringkas kesemua Batalion RAMD yang terlibat dalam operasi di sepanjang era konfrontasi Indonesia-Malaysia. Terdapat lapan buah Batalion RAMD ketika itu. Kesemua batalion terlibat secara bergilir-gilir beroperasi di kawasan yang menjadi tumpuan penyusupan anggota bersenjata Indonesia, terutamanya di perbatasan Kalimantan dan di Johor. Sejarah penubuhan, penglibatan dan pemerintahan bagi kesemua pasukan, mulai Batalion Pertama hingga ke-8 RAMD sehingga penglibatannya menentang konfrontasi adalah fakta yang cuba dibentangkan.

Sejajar dengan peranan dan tugasnya sebagai sebuah Batalion Infantri iaitu menguasai dan mempertahankan setiap inci kawasan tanah air, maka kesemua lapan batalion RAMD terlibat secara aktif menentang penyusupan gerila juga tentera rejim Soekarno di selatan Semenanjung serta di Sabah dan Sarawak. Walaupun telah ditubuhkan dalam era konfrontasi Indonesia-Malaysia, Batalion Ke-9 RAMD tidak terlibat secara langsung dalam operasi menentang penyusupan TNI, sama ada di Semenanjung maupun di Sabah dan Sarawak. Batalion Ke-9 yang ditubuhkan di Majidee, Johor pada 1 September 1965 menjadi sebuah batalion infantri yang lengkap dan mencapai tahap operasi pada pertengahan tahun 1966. Untuk gambaran lebih jelas mengenai batalion RAMD yang mempertahankan negara sejak mula dizahirkan sehingga terlibat dalam operasi ketika konfrontasi, dipaparkan secara ringkas sejarah, perkembangan, penglibatan dan kepimpinan bagi kesemua batalion terbabit.

### Batalion Pertama RAMD

Kompeni Percubaan yang ditubuhkan di Port Dickson, Negeri Sembilan pada 1 Mac 1933 bertukar menjadi Rejimen Askar Melayu mulai 1 Januari 1935. Batalion Pertama Rejimen Askar Melayu secara rasmi ditubuhkan pada 1 Februari 1937 di Port Dickson. Pegawai Memerintahnya yang pertama adalah Lieutenant Colonel G.Mc.I.S. Bruce MC, manakala anak Melayu pertama yang memerintah batalion ini pula adalah Leftenan Kolonel Tengku Ahmad bin Tengku Besar Burhanuddin (2044). Batalion Pertama Askar Melayu dianugerahi Panji-panji Rejimen oleh Tuan Yang Terutama Pesuruhjaya Tinggi British bagi Persekutuan Tanah Melayu, Sir Henry Gurney pada 12 Februari 1950. Penganugerahan ini sebagai pengiktirafan terhadap jasa dan pengorbanan anggotanya. Sebagai batalion terulung dan tertua pasukan ini terlibat secara langsung dalam Perang Pasifik-Kempen Malaya, menentang keganasan elemen bersenjata Parti Komunis Malaya, sebelum terlibat dalam era konfrontasi.

Seramai 11 warga batalion ini dikurniakan Military Cross/Military Medal (MC/MM). Empat pegawai British dan seorang pegawai Melayu dianugerahi MC manakala enam anggota Melayu menerima MM kerana keberanian serta prestasi cemerlang menghapuskan penganas komunis. Batalion ini dari Ogos 1945 hingga Disember 1962 kehilangan tidak kurang 27 orang anggota, manakala 13 tercedera akibat tindakan penganas komunis. Selain Port Dickson, batalion ini pernah berpangkalan di Singapura, Sungai Besi, Taiping, Mentakab, Muar, Batu Gajah dan Kepala Batas. Pasukan ini telah diperintah oleh seramai 15 orang Pegawai Memerintah dan sewaktu ditugaskan menentang ancaman TNI berada di Taiping di bawah perintah Lettenan Kolonel Abdul Jamil bin Hj. Ahmad (12004).

### Batalion ke-2 RAMD

Batalion ke-2 RAMD ditubuhkan pada 1 Disember 1941 di tapak kelahiran RAMD iaitu Port Dickson, Negeri Sembilan. Teraju pemerintahan batalion ini buat pertama kalinya dipegang oleh Lieutenant Colonel F.W. Young Manakala Lettenan Kolonel Tunku Osman bin Tunku Md. Jewa (1947) adalah anak Melayu terulung memerintah pasukan ini. Batalion ini telah dianugerahkan panji-panji pada 13 September 1949 oleh Sir Henry Gurney. Selain Port Dickson, batalion ini pernah berpangkalan di Singapura, Kuala Lumpur, Kuala Lipis, Taiping, Pangkalan Chepa dan Goma, Congo.

Sejak ditubuhkan pasukan ini telah pun diperintah oleh 11 orang Pegawai Memerintah. Terlibat secara langsung dalam Perang Dunia ke-2-Kempen Melaya, menentang keganasan elemen bersenjata Parti Komunis Melaya ketika darurat 1948-60. Berkhidmat di bawah PBB di Congo mulai 16 Jun 1962 hingga 28 April 1963. Seramai 14 warga batalion dikurniai MC/MM. Dua pegawai British dan seorang pegawai Melayu dikurniai MC ketika menentang tentera Jepun. Dua warga pasukan dikurniai Panglima Gagah Berani (P.G.B.) dan 11 dianugerahi MM kerana keberanian serta prestasi cemerlang menghapuskan komunis. Seramai 31 warga terbunuh dan 21 tercedera oleh tindakan dari Julai 1948 hingga Disember 1962. Sewaktu menghadapi ancaman konfrontasi dari Indonesia batalion ini diperintah oleh Lettenan Kolonel Mustaffa bin Abdullah (5086).

### Batalion ke-3 RAMD

Batalion ke-3 RAMD ditubuhkan pada 1 Julai 1948 di Port Dickson. Pegawai Memerintah terulung batalion ini ialah Lieutenant Colonel W.O. Walton. Manakala Lettenan Kolonel Ariffin bin Ismail MC (207) adalah Pegawai Memerintah anak Melayu pertama bagi pasukan ini. Sebagai penghargaan terhadap jasa dan sumbangsih warga pasukan ini kepada negara, maka batalion ini telah dianugerahi panji-panji pada 17 April 1952 oleh Sir Gerald Tamplar

dan kali keduanya oleh Baginda Sultan Kedah, Sultan al-mu'tasim Billahi Muhibbuddin Tuanku Alhaj Abdul Halim Mu'adzam Shah ibni Al-Marhum Sultan Badlishah pada 12 Mei 1962.

Selain Port Dickson, pasukan ini pernah berpangkalan di Pangkalan Chepa, Batu Gajah dan Kepala Batas. Sejak penubuhannya batalion ini telah diperintah oleh enam orang Pegawai Memerintah dan terlibat secara langsung menentang penganas komunis sewaktu darurat 1948-60. Lapan orang warga pasukan ini dianugerahi MC/MM. Dua pegawai Inggeris dan seorang pegawai Melayu dari batalion ini dikurniai MC dan lima anggota menerima MM kerana keberanian dan perkhidmatan cemerlang ketika darurat. Dari November 1949 hingga Disember 1962, pasukan mengalami kehilangan tidak kurang 29 orang anggota, manakala empat tercedera. Ketika terlibat dalam konfrontasi dengan Indonesia batalion ini diperintah oleh Pegawai Memerintah yang ke-6 iaitu, Leftenan Kolonel Othman bin Rani (458).

#### Batalion ke-4 RAMD

Batalion ke-4 RAMD ditubuhkan di Port Dickson, Negeri Sembilan pada 20 November 1949. Pemerintahnya yang terulung ialah Lieutenant Colonel C.N.D. Rose (37295), manakala Pegawai Memerintah Melayu pertamanya ialah Leftenan Kolonel Abbas bin Abdul Manan (283). Sebagai penghargaan terhadap jasa dan pengorbanan anggota pasukan ini kepada agama, bangsa dan tanah air, batalion ini dianugerahkan panji-panji buat pertama kalinya oleh Sir Gerald Templer di Padang Kelab Selangor, Kuala Lumpur pada 8 Julai 1953 dan kali keduanya oleh Sultan Pahang, Sultan Abu Bakar Ri' Ayatuddin Al-Mu'Adzam Shah Ibni Al-Marhum Sultan Abdullah di Kem Batu 5, Mentakab pada 24 Mac 1962.

Selain Port Dickson, batalion pernah berpangkalan di Mentakab, Tapah, Kroh, Congo dan Majidee. Sejak penubuhannya, batalion ini telah diperintah oleh 10 orang Pegawai Memerintah dan terlibat secara langsung menentang anggota militan Parti Komunis Malaya sepanjang darurat 1948-60. Berkhidmat di bawah seliaan PBB di Congo. Dua pegawai dan dua anggota batalion ini dianugerahi MC/MM. Seorang pegawai Inggeris dan seorang pegawai Melayu dikurniai MC, manakala dua anggota menerima MM kerana menunjukkan keberanian dan kecemerlangan ketika menentang komunis. Tidak kurang dari empat anggota pasukan ini terkorban ketika konfrontasi dari Oktober 1951 hingga Disember 1962. Sewaktu terlibat dalam operasi menentang penyusupan gerila Indonesia, batalion diperintah oleh Leftenan Kolonel Mohamad Nordin bin Mohaludin (5044).

### Batalion ke-5 RAMD

Batalion ke-5 RAMD ditubuhkan pada 1 April 1951 di Port Dickson. Pemerintahnya yang pertama Lieutenant Colonel C.N.B. Rose, bekas Pegawai Memerintah 4 Melayu. Manakala Leftenan Kolonel Mohammed Noor bin Hj. Tamim (927) menjadi anak watan pertama memerintah pasukan ini. Batalion menerima panji-panjinya pada 9 September 1953 daripada Sir Gerald Templer, di Kepala Batas dan kali kedua pada 6 April 1968. Batalion ini diperintah oleh enam orang pegawai memerintah dan pernah berpangkalan di Singapura, Raub, Butterworth, Kepala Batas, Muar, Kluang, Mentakab, Kuala Lumpur serta Batu Gajah.

Batalion ini terlibat secara aktif dalam operasi menentang pengganas komunis sewaktu darurat 1948-60. Kerana keberanian dan prestasi cemerlang seramai Tidak kurang dari enam orang warga pasukan ini menerima MC/MM. Dua pegawai British dan seorang pegawai Melayu dianugerahi MC, manakala dua anggota lagi dianugerahi MM. Lima anggota batalion ini terkorban akibat tindakan pengganas dari Disember 1951 hingga Disember 1962. RAMD ke-5 adalah batalion terulung menjejakkan kaki ke Sarawak dan terlibat secara langsung dalam operasi menentang penyusupan Indonesia ke wilayah Sarawak setelah Sarawak menyertai Malaysia. Pasukan diperintah oleh Leftenan Kolonel Shaari bin Daud (973).

### Batalion ke-6 RAMD

Batalion ke-6 RAMD ditubuhkan pada 3 Mei 1952 di Kluang, Johor. Pegawai Memerintah yang pertama ialah Lieutenant Colonel O.G.W. White DSO, OBE, manakala Leftenan Kolonel Ibrahim bin Ismail (1948) merupakan Pegawai Memerintah Melayu pertama. Leftenan Muda Adam bin Abu Bakar (12005) mewakili batalion menerima panji-panji daripada Sir Donald Mac Gillivray pada satu perbarisan di Kem Batu 5, Mentakab pada 27 Oktober 1955. Di samping Kluang, batalion pernah berada di Port Dickson, Raub, Mentakab, Kuala Lumpur dan Congo.

Sebelum terlibat dalam operasi menentang penyusupan gerila Indonesia sewaktu konfrontasi, batalion ini juga terlibat aktif dalam operasi menentang pengganas komunis sepanjang darurat 1948-60. Lima warga batalion ini menerima anugerah keberanian Kerajaan British MC/MM. Dua pegawai pasukan dikurniai MC, seorang P.G.B. dan tiga anggota menerima MM atas keberanian mereka sewaktu darurat. Seorang pegawai dan lapan anggota pasukan ini gugur, manakala dua tercedera akibat tindakan komunis dari Jun 1953 hingga Disember 1962. Selain itu, batalion ini juga mempunyai pengalaman berkhidmat di bawah seliaan PBB di Congo, di samping mengawal ketenteraman awam ketika rusuhan kaum Melayu-Cina di Singapura. Sejak ditubuhkan, batalion ini pernah diperintah oleh tujuh orang pegawai memerintah dan ketika Indonesia berkonfrontasi dengan Malaysia batalion ini diperintah oleh Leftenan Kolonel Mokhti bin Jabar (2533).

### Batalion ke-7 RAMD

Batalion ke-7 RAMD ditubuhkan pada 1 Oktober 1953 di Port Dickson. Pegawai Memerintah pertamanya ialah Lieutenant Colonel A. Gordan MC, manakala Leftenan Kolonel Khalid bin Mohammed Yassin (936) lahir sebagai Pegawai Memerintah anak tempatan terulung. Sebagai menghargai peranan yang pernah dimainkan oleh anggotanya, batalion ini dianugerahkan panji-panji pada 30 Ogos 1956 oleh Sultan Kelantan, Sultan Ibrahim Ibni Al-Marhum Sultan Mohammed IV dalam satu perbarisan di Port Dickson. Pasukan ini pernah berpangkalan di Raub, Kluang, Taiping, Congo, Sungai Besi, Pangkalan Chepa dan Tawau. Sebelum terlibat dalam operasi menentang penyusupan gerila Indonesia sewaktu konfrontasi pasukan ini telah kehilangan enam orang warganya ketika mengambil bahagian secara aktif dalam operasi menentang pengganas komunis sewaktu darurat 1948-60. Tiga warganya dianugerahi MC/MM. Seorang pegawaiannya dikurniai MC dan dua anggota menerima MM. Di samping itu, batalion RAMD ke-7 ini juga mempunyai pengalaman berkhidmat di bawah Panji-Panji PBB di Congo. Dalam era konfrontasi, batalion ini diperintah oleh pegawai memerintahnya yang ke-5 iaitu Leftenan Kolonel Mohamad bin Hashim (2353).

### Batalion ke-8 RAMD

Batalion ke-8 RAMD ditubuhkan pada 23 Julai 1962 di Tapah, Perak. Batalion ini ditubuhkan melalui gabungan anggota kompeni daripada batalion yang ada. Batalion ke-7 RAMD menyumbangkan kompeni C bagi penubuhan 8 RAMD. Pengawai memerintahnya yang terulung ialah Leftenan Kolonel Othman bin Ibrahim (5018). Dalam usia yang sebeginu muda batalion ini terpaksa diatur gerak ke Sandakan, untuk beroperasi di perbatasan Malaysia-Indonesia menentang ancaman konfrontasi Rejim Soekarno terhadap Malaysia. Selain itu, batalion ini juga terlibat secara langsung dalam operasi mengawal ketenteraman awam ketika berlakunya rusuhan kaum Melayu-Cina di Singapura setelah menamatkan tugasnya di Sandakan. Batalion telah dianugerahi panji-panji oleh Seri Paduka Baginda yang di-Pertuan Agong, Tuanku Abidin pada 27 Mac 1968 dalam satu upacara perbarisan di Kem Sungai Besi, Kuala Lumpur.

## 3

### Operasi Menentang Pencerobohan di Sabah dan Sarawak

---

Operasi Tentera Komanwel dan pasukan keselamatan Malaysia di Sarawak dan Sabah bermula apabila Presiden Soekarno memulakan aksi pencerobohan ke wilayah Borneo sebelum tertubuhnya Persekutuan Malaysia. Penyusupan anggota bersenjata Indonesia ke Sarawak dilakukan melalui hutan belantara yang bergunung-ganang. Penyusupan ke Sabah pula dilakukan melalui sungai dan kawasan paya bakau. Penyusup-penyusup datang menaiki bot dan kerap kali kehilangan arah dalam kawasan paya sama seperti di tengah belantara. Sepasukan anggota dihantar oleh Pemerintah Tentera British Sarawak ke Tebedu, Bahagian Pertama apabila Pos Polis di situ diserang oleh sekumpulan anggota bersenjata Indonesia pada 12 April 1963. Ini merupakan aksi pencerobohan bersenjata pertama Indonesia ke atas Sarawak. Operasi terus dijalankan oleh tentera British dan tentera Malaysia hingga persetujuan damai dicapai. Operasi di Sarawak dan Sabah pada keseluruhannya tertumpu di kawasan berhampiran perbatasan Kalimantan.

### Operasi Sebelum Pengisytiharan Malaysia

Sebagai sebahagian daripada usaha untuk menentang gagasan Malaysia, Rejim Soekarno membantu pemberontakan Tentera Nasional Kalimantan Utara (TNKU) dan penubuhan kumpulan sukarelawan sebagai pengganas sempadan. Sehingga Hari Malaysia pada 16 September 1963, kumpulan ini terdiri daripada pemberontak yang dibantu oleh anggota Tentera Indonesia. Sebilangan kecil daripada pemberontak berjaya melepaskan diri daripada British Borneo. Majoriti mereka beroperasi di sekitar kawasan bertentangan dengan Sarawak barat. Rejim Soekarno mula melancarkan serangan gerila ke atas Sarawak pada 12 April 1963.

Kira-kira 30 orang anggota bersenjata Indonesia menyusup sejauh tiga batu ke wilayah Bahagian Pertama dan menyerang Pos Polis Tebedu (Sila lihat Lampiran Peta). Mereka memasuki kawasan pos dan berjaya membunuh seorang koperal polis yang sedang bertugas. Dua anggota polis dicederakan di

kediaman mereka. Komander Pos, Inspektor Chimbom berkejar ke tempat kejadian dari kediamannya lalu bertempur dengan penyusup. Serangan hebat yang dilancarkan oleh penyusup memaksa beliau menyembunyi kan dirinya ke dalam tangki air. Para penyerang kemudiannya memasuki bazar sambil merompak barang-barang kemas, jam, radio dan pakaian.

Pemerintah Tentera British Sarawak, Lieutenant Colonel J. M. Strawson dari Queen Royal Irish Hussars mempunyai C Squadron QRIH dan B Company 40 Commando di bawah perintahnya. Trup No. 6, 40 Commando di bawah Lieutenant Douglas Keelan dikehjarkan ke tempat kejadian oleh Lieutenant Colonel Strawson dengan Land Rover Hussars bagi menubuhkan pengawal kampung (Home Guard) dan mengatur pertahanan. Pemerintah Tentera British Borneo dan Pengarah Operasi Borneo 1963-1965, Lieutenant General Walter Walker setelah dimaklumkan mengenai hal tersebut pada 18 April 1963, lantas mempertingkatkan kekuatan ketenteraan di Sarawak menjadi satu briged mengandungi tiga batalion di bawah Markas 3 Commando Brigade Group.

Lebih satu batalion anggota digerakkan di Bahagian Pertama. Kurang sedikit satu batalion anggota ditugaskan di Bahagian Kedua dan dua kompeni digerakkan ke bahagian Ketiga. Keseluruhan trup di Bahagian Pertama dan Kedua bergerak ke perbatasan dan mendirikan kubu di kampung yang terdedah kepada serangan penyusup bersenjata Indonesia. B Company King Own Yorkshire Light Infantry digerakkan ke Sarawak dan 846 Royal Naval Squadron juga turut dihantar ke Kuching. Walaupun terdapat dokumen mengenai TNKU yang berkemungkinan sengaja ditinggalkan oleh anggota bersenjata Indonesia yang menyerang Pos Polis Tebedu, serangan tersebut sebenarnya telah dilakukan oleh anggota Tentera Nasional Indonesia (TNI) dan tidak sebagaimana yang didakwa dilakukan oleh sukarelawan TNKU.

Pada pagi 23 April 1963 seramai lebih kurang 15 sukarelawan Indonesia melepaskan tembakan ke arah pos polis di Gumbang kira-kira 100 elai dari sempadan di Bahagian Pertama. Pos berkenaan dibantu oleh setengah seksyen daripada C Company 40 Commando. Dalam pertempuran itu, seorang merin tercedera, tetapi dua penganas sempadan Indonesia dibunuh dan tiga tercedera. Sebagaimana yang dilakukan di Tebedu sebelumnya, terdapat dokumen yang menunjukkan bahawa serangan tersebut diketuai oleh seorang Letefnan TNKU. Empat malam kemudian, 27 April 1963, di Tebedu sekumpulan dua atau tiga anggota bersenjata menyusup ke wilayah Sarawak dan satu pertempuran berlaku. Penyerang kemudiannya berundur setelah menerima tembakan hebat daripada anggota Commando.

Pada peringkat awal konfrontasi, serangan dilakukan ke atas pos-pos terpencil dan penyerang berharap dapat merampas senjata dan peluru. Bagi mengelakkan ini berlaku, Pemerintah Tentera British Sarawak Barat, Brigadier Barton mengarah didirikan kubu berdekatan perbatasan untuk digunakan sebagai pangkalan ronda. Tempat pendaratan helikopter juga dibina berhampiran kubu.

Perintah berkurung diisytiharkan lima batu ke pedalaman di sepanjang sempadan Bahagian Pertama-Kedua mulai jam 8.00 malam hingga 4.00 pagi. Serang hendap dilakukan. Ketika perintah berkurung tembakan boleh dilepaskan tanpa amaran.

Sebahagian daripada anggota 845 Skuadron dan kesemua anggota 846 Skuadron di Kuching ditugaskan membantu melakukan rondaan di sepanjang perbatasan dan bertindak pantas ke atas setiap serangan TNI. Kumpulan pertama 300 orang anggota Border Scouts diambil, di samping pasukan sukarelawan pelbagai kaum di perbatasan dipimpin oleh Pegawai Tidak Tauliah Gurkha pada Mei 1963. Border Scouts boleh beroperasi pada Jun 1963 dan dapat memberi bantuan berguna bagi pertahanan di perbatasan. Kelebihan mereka bertambah hingga 1050 orang, 850 berkhidmat sepenuh masa, manakala 200 orang lagi sebagai simpanan di akhir Ogos 1963. Pada 17 Mei 1963, sekumpulan 13 Pengganas Sempadan Indonesia menyerang dua orang Iban dan seorang peniaga Cina di Nanga San Bahagian Kedua. Ketiga-tiga yang diserang terjun ke dalam sungai menyelamatkan diri manakala barang-barang mereka bernilai \$2,000 dirompak.

Bagi mengelakkan kejadian berulang, 2/10 Gurkha ditugaskan di Bahagian Kedua, manakala 1/10 Gurkha ditugaskan di Bahagian Ketiga. Pada satu ketika, terdapat 29 kedudukan serang hendap tetap dibuat sepanjang 120 batu di perbatasan Bahagian Kedua. Masalah yang dihadapi adalah kegiatan perniagaan bertukar barang secara haram di kalangan penduduk tempatan yang melibatkan banyak pergerakan menyeberangi sempadan. Di samping masalah terbesar sukar membezakan antara rakan dan penyusup. Ramai di kalangan penduduk Iban dan Dayak memiliki senjata serta membawanya ketika meninggalkan rumah panjang. Mereka memakai pakaian yang tidak menentu, pakaian awam dan pakaian yang menyerupai pakaian tentera. Pengganas Sempadan Indonesia juga berkeadaan sedemikian. Ini menyukarkan anggota Gurkha untuk membuat serang hendap. Kerajaan akan bertindak keras sekiranya berlaku kemalangan kepada penduduk tempatan. Pihak atasan pula akan bertindak tegas sekiranya penyusup berjaya melepassi kedudukan serang hendap.

Pada 26 Jun 1963, dua informer polis memaklumkan sekumpulan 15 pengganas sempadan menyusup ke Bahagian Kedua. Penyusup bergerak ke sebelah barat dari Badau dan berada di kawasan Mawang. Mereka berhasrat untuk menyerang rumah panjang di sekitar Batu Lintang. 2/10 Gurkha meletakkan dua seksyen Scouts di Batu Lintang pada 27 Jun 1963 dan merancang serang hendap di jalan yang menghalau ke rumah panjang pada malam itu. Walau bagaimanapun, TNI yang ditunggu tidak datang. Sebaliknya penyusup menyerang Rumah Panjang Tapang pada 4 Julai 1963. Mereka merampas beras, ayam dan sepucuk senapang patah.

Sejurus selepas menerima berita di atas, Pasukan 2/10 Gurkha serta-merta menerbangkan sekumpulan anggota dari Simanggang dengan helikopter untuk

membuat penjejak. Satu platun lagi bergerak dengan berjalan kaki dari Batu Lintang. Satu perkhemahan penyusup yang boleh memuatkan 10 orang ditemui ketika penggeledahan dilakukan di kawasan Tapang. Penyusup dipercayai meninggalkan perkhemahan mereka secara tergesa-gesa dan terpaksa meninggalkan barang makanan yang mereka rampas. Mereka diserang hendap oleh dua seksyen 2/10 Gurkha yang diterbangkan ke kawasan Putong pada 6 Julai 1963. Seorang penyusup dibunuh, seorang tercedera dan sepucuk Carbine, sepucuk Repal Mark 5 serta sejumlah peluru dirampas. Penyusup melarikan diri sambil membawa bersama mereka Ketua Kampung Putong yang akhirnya dibunuh bersama seorang anggota mereka yang tercedera.

Dua seksyen 2/10 Gurkha diterbangkan ke Silik, 10 batu ke- timur Putong. Pada pukul 5.00 pagi 8 Julai 1963, seksyen yang membuat serang hendap melihat dua lelaki bersenjata beruniform melintasi sempadan selatan Silik lantas melepaskan tembakan, seorang terbunuh, seorang tercedera dan sepucuk repal dirampas. 2/10 Gurkha mendapati kumpulan Badau tidak dilengkapi dengan sempurna, baik dari segi latihan maupun peralatan di samping kurang berdisiplin. Tiga pucuk senjata yang diperolehi daripada penyusup sehingga akhir Jun 1963 merupakan senjata kepunyaan trup British yang dirampas melalui pertempuran sebelumnya.

Kampung Gumbang terletak setengah batu dari sempadan Indonesia, kira-kira 11 batu ke barat daya Bau dalam Bahagian Pertama. Menurut bancian 1962, terdapat 438 orang petani Dayak Darat tinggal di 76 buah rumah sekitar Gumbang. Terdapat 72 pucuk senapang patah dan 10 butir peluru setiap pucuk bagi kegunaan pertahanan kampung. Gumbang sering menjadi sasaran serangan anggota bersenjata Indonesia. Sejak 1 Ogos 1963 terdapat empat kejadian serangan dilakukan oleh anggota bersenjata Indonesia di Gumbang.

Tiga peringkat serangan dilancarkan pada 13 Ogos 1963. Tiga penyusup bersenjata dilihat kira-kira pukul 6.15 pagi 30 ela dari senteri pos lalu pengawal bertugas melepaskan tembakan dan satu pertempuran singkat berlaku. Sentri Pasukan Polis Hutan di bahagian tengah melihat dua penyusup merangkak lantas melepaskan tembakan. Penyusup berundur setelah ditembak dengan senjata mesingan ringan. Penyusup akhirnya melarikan diri apabila pasukan keselamatan melontar grened ke arah mereka. Pos berkenaan diduduki oleh satu seksyen repal Marin dan seksyen Border Scouts dan diketuai oleh seorang sarjan.

Sekumpulan orang Iban ditangkap oleh satu pasukan bersenjata Indonesia di utara Rumah Mann pada pukul 9.00 malam 14 Ogos 1963. Empat orang daripada mereka dijadikan tawanan. Seorang tawan berjaya melepaskan diri dan melaporkan hal berkenaan kepada penghulu. Maklumat berkenaan disampaikan kepada 2/6 Gurkha di Song. Platun dihantar ke hulu Sungai Bangkit bagi membuat penyiasatan. Dalam perjalanan ke hulu sungai pada 15 Ogos 1963, platun bertembung dengan bot-bot panjang yang membawa

penghuni Rumah Mann dan Rumah Belayong dalam keadaan panik. Mereka berjaya menyelamatkan seorang lagi Iban yang telah menjadi tawanan. Mereka juga berjumpa dengan baki dua tawanan yang melarikan diri di Rumah Belayong.

Melalui tawanan Iban yang berjaya melepaskan diri, maklumat mengenai TNI diperolehi. Penyusup mempunyai kekuatan kira-kira 50 orang, termasuk tidak kurang dua pegawai dan tiga pegawai tidak tauliah. Kumpulan tersebut diketuai oleh Komandan Untung Soegandy dan terdapat lima orang Cina dalam kumpulan tersebut. Mereka berpakaian hijau, berkasut hutan, berpouches dan bertopi hutan. Kira-kira 35-40 mempunyai senjata berikut: dua ke tiga pucuk mesingan ringan, tiga mesingan kecil, repal, Carbine, senapang patah dan mini grenad. Matlamat penyusup adalah untuk membunuh semua orang kulit putih dan menyekat Sarawak daripada menyertai Malaysia dan Tunku Abdul Rahman tidak dapat menguasai negeri mereka.

Penyusup bersenjata Indonesia tidak akan mengapa-apakan penduduk Iban, tetapi akan mengambil senapang patah mereka sekiranya mereka enggan membantu. Penyusup mendakwa bahawa mereka dituruti oleh kira-kira 300 orang penyusup pada 17 Ogos 1963 dan 600 orang lagi pada 23 Ogos 1963. Dua kumpulan ronda lagi dihantar untuk membantu pada 16 Ogos 1963. Satu kumpulan di bawah Lieutenant Hugh Wallace bergerak dari Rumah Belayong ke Rumah Mann dan satu kumpulan lagi terus ke hulu sungai. Kumpulan sembilan anggota yang bergerak menuruti sungai bertempur dengan penyusup berhampiran Rumah Belayong.

Kumpulan ronda pimpinan Lieutenant Wallace dari Kompeni C bertempur dengan penyusup pada petang 16 Ogos 1963 berdekatan sebuah kampung. Seorang penyusup dibunuh, beberapa orang lagi diperdayai tercedera. Lieutenant Wallace sendiri tercedera dan terpisah dengan anggota kumpulannya. Beliau kemudiannya dijumpai oleh TNI lalu dibunuh. Pada pagi 17 Ogos 1963, sekumpulan penyusup yang dibawa oleh seorang Kayan datang ke Rumah Mann. Penduduk Kayan yang diarah membuat tinjauan ke rumah berkenaan ditangkap. Seorang Indonesia yang menurutnya kemudian telah ditembak dan cedera di kaki. Serentak dengan itu, anggota Gurkha ditembak dengan hebatnya dari arah rusuk sebelah kiri mereka.

Sekumpulan enam orang yang tidak dikenali datang ke Long Lopeng pada tengah hari 18 Ogos 1963. Ketua Kampung Long Lopeng membawa mereka ke rumahnya untuk makan tengah hari. Beliau tidak mengenali mereka, tetapi mengetahui dua daripadanya adalah berketurunan Murut dari Temburong, Brunei. Setelah mengesyaki mereka mempunyai tujuan yang buruk, Ketua Kampung memerintahkan dua orang Border Scouts anak buahnya memaklumkan perkara tersebut kepada pasukan 1/2 Gurkha di Long Semado. Mereka tiba di penempatan Gurkha jam 5.30 petang dan kembali pada jam 2.00 pagi. Satu

platun Gurkha datang ke Long Lopeng dan mengepung rumah panjang terlibat pada pukul 5.00 pagi 19 Ogos 1963. Kaum wanita dan kanak-kanak keluar meninggalkan rumah masing-masing secara perlahan-lahan setelah menerima isyarat berbuat demikian.

Kesemua penyusup berjaya ditawan dan diterbangkan ke Limbang. Mereka merupakan sebahagian daripada 26 anggota TNKU yang sedang berusaha untuk kembali ke Daerah Temburong bagi melakukan kakau-bilau. Mereka pergi ke Long Lopeng untuk mendapatkan makanan dan meninggalkan senjata bersama kumpulan besar mereka di utara Long Lopeng. Dua daripada penyusup yang ditawan dijadikan pemandu kepada 12 orang Gurkha dan 12 Border Scouts pergi ke lokasi perkhemahan besar penyusup. Seorang Kopral Gurkha dan seorang Border Scouts tercedera dalam pertempuran di perkhemahan penyusup.

Penempatan Sargent Alestair Mackie dari 42 Commando bersama satu seksyen L Company dan satu seksyen Border Scouts di Gumbang diserang oleh penyusup pada malam 21 dan 22 Ogos 1963. Walau bagaimanapun serangan tersebut dapat diundurkan. Serangan lebih sengit cuba dilancarkan oleh penyusup pada 23 Ogos 1963. Kira-kira 60 anggota bersenjata Indonesia terlibat dalam percubaan tersebut, tetapi terperangkap oleh serang hendap anggota merin. Penyusup berpecah untuk melarikan diri.

Pada bulan Ogos 1963, dengan kekuatan 50-60 orang penyusup menceroboh perbatasan Bahagian Ketiga dan bergerak ke utara arah ke Song. Ini adalah penyusupan ke wilayah Sarawak dengan matlamat ketenteraan yang jelas iaitu menawan Song. Berita penyusupan tersebut dilaporkan oleh Penghulu Masam kepada Pejabat Daerah Song apabila beliau dimaklumkan oleh salah seorang Iban yang terlepas daripada tawanan mereka.

Brigadier Walker memerintahkan 1/2 Gurkha di Singapura mengambil alih Bahagian Ketiga. Dua kompeni daripada 2/6 Gurkha ditugaskan ke Bahagian Kelima dan kemudian ke Sabah bercantum dengan batalion di 99 Gurkha Brigade Group Area. Pada 31 Ogos 1963, Penghulu Manggai dari Rumah Manggai, Sungai Engkuah melaporkan kepada 1/2 Gurkha mengenai sekumpulan 39 penyusup bersenjata datang ke rumah panjangnya pada petang 30 Ogos 1963. 1/2 Gurkha menghantar dua platun berjalan kaki dari Sungai Katibas ke hulu Sungai Engkuah menuju ke tempat persebunyian penyusup. Satu platun lagi ditugaskan membuat serang hendap di hilir sungai.

Platun pimpinan Lieutenant Lalit Bahadur yang berada di hulu sungai ketika bergerak ke hilir sungai bertempur dengan penyusup pukul 1.30 petang 2 September 1963 dan dalam pertempuran tersebut enam penyusup dibunuh manakala seorang Gurkha tercedera. Sejumlah senjata dan dokumen dirampas. Ketika melakukan penjejakkan pada 3 September 1963, dua lagi penyusup dibunuh oleh Kompeni D pimpinan Captain Aitasing sewaktu mereka cuba mendapatkan makanan di rumah panjang. Salah seorang yang dibunuh ketua kumpulan berkenaan, Untung Soegandy. Seorang penyusup ditawan oleh

kumpulan penyekat di hilir sungai, manakala seorang penyusup dibunuh oleh sekumpulan Iban dengan senapang patah dan parang.

Melalui tawanan, maklumat mengenai TNI terdahulu disahkan dan sumber perisikan terbaharu turut diperolehi. Maklumat terbaharu yang menarik ialah mengenai hasrat penyusup untuk menduduki Song sebelum bergerak ke kawasan lain, seterusnya menumbangkan Kerajaan Sarawak. Penyertaan TNI dalam kumpulan ini juga disahkan. Penyusup tidak mempunyai bekalan makanan, peta kawasan dan kompas. Oleh sebab itu, sukar bagi mereka menjauhkan diri dari sungai kerana takut tersesat. Seruan agar menyerah diri oleh TNI yang ditawan dirakam dan disiarkan dengan pembesar suara melalui helikopter pada 7 dan 8 September 1963.

Seruan tersebut antara lain,

Ini adalah Su'ud anggota seksyen Mukris. Menyerahlah anda kepada askar Gurkha yang telah menawan saya. Mereka melayan saya dengan baik. Ikat saya dan selamatkan diri anda. Ini bukanlah satu helah, ini Su'ud yang sedang cuba menyelamatkan anda. Menyerah diri kepada Gurkha yang memakai tanda merah di topi mereka. Mereka mempunyai makanan dan bekalan perubatan, sedang cuba menyelamatkan anda. Bawa ranting-ranting pokok sebagai pengenal agar mereka mengenali anda. Bergerak ke arah sungai dan pergi ke rumah panjang yang anda tahu. Bawa senjata anda bersama. Sekiranya anda menyerah diri anda tidak akan diapa-apakan.

Walau bagaimanapun usaha tersebut gagal membawa sebarang kejayaan. Seorang TNI yang uzur dan kelaparan dibawa pulang ke rumah panjang oleh seorang Iban pada 18 September 1963. Beliau merupakan salah seorang daripada 10 orang anggota kumpulan dan ditinggalkan kerana tidak berupaya untuk menuruti mereka.

Berdasarkan maklumat di atas, Indonesia jelas telah terlebih dahulu melancarkan aksi provokatif terhadap British sebelum tanah jajahannya menyertai Persekutuan Malaysia. Terdapat 20 kejadian penyusupan pertempuran atau dengan penyusup bersenjata Indonesia di Sarawak dari 12 April sehingga 18 September 1963. Melalui peristiwa tersebut 13 penyusup dibunuh, tidak kurang dari lima penyusup tercedera, manakala lapan ditawan. Tentera Komanwel mengalami satu kematian dan empat kecederaan.

## Operasi Selepas Perisyiharan Malaysia

Pasukan bersenjata Malaysia mula beroperasi di Sarawak dan Sabah selepas Persekutuan tersebut diwujudkan. Batalion ke-5 RAMD pimpinan Leftenan Kolonel Shaari bin Daud mengambil alih tugas dari 40 Commando di Serian dan Sadong, Bahagian Pertama mulai akhir September 1963. Pasukan B

Skuadron Rejimen Peninjau Persekutuan pimpinan Mejar Baljit Singh ditempatkan di Bau dan digerakkan ke Lubuk Antu dan Engkilili mengambil alih pos sempadan daripada 40 Commando. Batalion Ke-3 RAMD pimpinan Leftenan Kolonel Othman bin Rani ditugaskan ke Tawau, Sabah mulai November 1963 bersama Trup Nombor 1 Skuadron A 2 Peninjau Persekutuan pimpinan Leftenan M.B.T. Chong. Ketua Skuadron A, Mejar Cyril Marsh bersama baki terupnya menyusul kemudian. Di perbatasan Sabah, Sarawak-Kalimantan, gerila Indonesia menggiatkan serangan dan penyusupan.

Pada 26 dan 27 September 1963 seramai 150 orang penyusup bersenjata Indonesia menyeberangi sempadan tanpa dapat dikesan. Mereka berjaya menyusup hingga ke Long Jawi Bahagian Ketiga Sarawak dan bersembunyi di rumah-rumah panjang sambil mengarahkan penghuni rumah terabit tidak melaporkan kepada pihak berkuasa. Sekumpulan anggota pasukan keselamatan terdiri dari dua seksyen Border Scouts diketuai oleh anggota Gurkha dan satu detasmen Pasukan Polis Hutan ditempatkan di Long Jawi. Penempatan mereka diserang pada subuh, 28 September 1963 oleh satu penyusup bersenjata Indonesia. Berita mengenainya tidak diketahui sehingga 30 September 1963.

Tragedi tersebut diketahui apabila seorang pembantu perubatan dari Long Jawi yang berjaya melepaskan diri daripada tawanan penyusup melaporkan kejadian tersebut. Antara maklumat yang dilaporkan:

Pukul 5.00 pagi 28 September 1963 penyusup tiba di Long Jawi dan memberitahu Tuai Rumah agar mengarahkan kesemua penghuni rumah panjangnya keluar kerana satu pertempuran akan berlaku. Penyusup membunyikan isyarat kecemasan setelah kanak-kanak meninggalkan rumah panjang dan melontarkan grenad ke tempat tinggal Border Scouts sebagai memulakan serangan. Penyusup seterusnya menyerang pondok tempat tinggal dua anggota semboyan, seorang Gurkha dan seorang anggota Polis Hutan terbunuh manakala radio set mereka dirampas.

Penyusup selanjutnya menyerang Border Scouts yang berundur ke atas bukit hingga akhirnya mereka kehabisan peluru dan menjadi tawanan penyusup pada pukul 3.00 petang. Tanpa disedari oleh anggota Gurkha, Polis Hutan dan sebilangan Border Scouts yang berada dalam sebuah lagi pondok berhampiran dengan pondok berkenaan. Border Scouts diberitahu supaya pergi ke bot bersama senjata dan peralatan mereka. Kediaman Border Scouts kemudiannya dibakar. Seramai 14 orang dijadikan tawanan termasuk seorang pembantu perubatan dan guru besar dibawa menongkah sungai hingga ke Jalan Gaj di Rujukan Grid 374131 dan tiba jam 7.30 malam.

Seorang Border Scouts berjaya mlarikan diri tengah malam itu. Seorang lagi Border Scouts, guru besar dan pembantu perubatan mlarikan diri pada pagi 29 September 1963. Ketiga-tiga mereka ini pergi ke Long Linau bagi membuat laporan dan kemudian pergi ke Belaga. Operasi menjek dilancarkan

setelah maklumat disampaikan ke Markas Batalion 1/2 Gurkha. Empat buah helikopter 845 Skuadron menurunkan anggota Gurkha di dua kedudukan serang hendap di hulu Sungai Batang Balui. Sebuah bot membawa tiga penyusup diserang hendap dan kesemua penyusup terbunuh.

Pada 1 Oktober 1963, di sebelah petangnya Pluton 11 pimpinan Lieutenant Pashadur berjaya menyerang hendap dua bot panjang yang membawa anggota bersenjata Indonesia. Kesemua 26 yang berada dalam bot terbunuh dan banyak senjata serta peluru dirampas. Radio set kepunyaan pasukan keselamatan di Long Jawi diperolehi semula. Pada 4 Oktober 1963, Markas Taktikal 1/2 Gurkha didirikan di Belaga dan lebih dua kompeni diaturgerak di laluan yang berkemungkinan akan digunakan oleh TNI. Ketika yang sama 2/10 Gurkha diterbangkan ke Sibu bagi membolehkan 1/2 Gurkha menggerakkan keseluruhan markasnya ke Kapit.

Penyusup TNI dianggarkan berjumlah 150 ke 200 orang dibantu oleh antara 200 ke 300 orang yang tidak bersenjata. Kira-kira 50 anggota mengambil bahagian menyerang Long Jawi. Tiga TNI dibunuh dalam satu serang hendap pada 9 Oktober 1963. Seorang TNI dibunuh, manakala rakan-rakannya berjaya melepaskan diri dalam satu serang hendap di Aput pada 10 Oktober 1963. Bagi memerangkap TNI yang cuba melepaskan diri, 845 Skuadron menerangkan dua kumpulan penyekat jauh Gurkha untuk melakukan serang hendap berdekatan perhentian bot di hulu Balui dan Aput. Pluton yang membuat serang hendap di persimpangan Aput-Sungai Kilong membunuh seorang daripada tiga orang Indonesia bersenjata dan merampas sepucuk mesingan. Dua TNI yang tercedera berjaya melepaskan diri.

Pluton yang membuat penjejakan selanjutnya menjumpai satu perkhemahan penyusup pada 12 Oktober 1963. Walau bagaimanapun penyusup telah meninggalkan perkhemahan tersebut. Terdapat lima mayat TNI yang telah ditanam dan mayat tujuh anggota Border Scouts yang telah dibunuh dengan kejam ditinggalkan begitu sahaja di perkhemahan berkenaan. Satu lagi mayat TNI dijumpai di pertengahan jalan yang mereka ikuti. Pangkalan tersebut telah digunakan oleh TNI sebagai tempat persembunyian, dari situ mereka akan diangkat balik ke sempadan dengan lima buah bot panjang. Pada akhir Oktober 1963, baki penyusup dipercayai berjaya melepaskan diri dan kembali ke wilayah Indonesia.

Sempadan Bahagian Pertama diserang oleh Angkatan Udara Indonesia pada 13 November 1963. Selain itu, Tentera Indonesia juga turut menembak ke arah kapal terbang Tentera British di perbatasan. Pada pertengahan Disember 1963, Indonesia menghantar Kor Komando Operasi (KKO) untuk menawan Kalabakan sebelum pergi ke Tawau dan Sandakan (Sila lihat Lampiran Peta 3 dan 4). 128 orang anggota terlibat, sebahagian daripadanya adalah anggota PRAMUKA yang belum begitu terlatih. Tiga puluh lima anggota tentera Indonesia dibahagikan kepada empat detasmen.

Satu kumpulan 36 orang termasuk lapan KKO diletakkan di bawah perintah Sarjan Benny dari KKO. Wayang mengetuai 36 anggota termasuk 15 KKO, Lasani mengetuai 34 anggota, manakala Sarjan Buronto dari KKO mengetuai 22 orang anggota. Mereka bergerak dari kem di Kalimantan menuju ke Serudung. Pada 21 Disember 1963 mereka merompak sebuah kedai di Serudung sebelum bergerak ke Silimpopon. Malam 28 Disember 1963, mereka berehat di satu pangkalan balak berhampiran Kalabakan. Terdapat dua penempatan pasukan keselamatan Malaysia di Kalabakan. Satu pos polis hutan dengan kekuatan 15 orang anggota dan dalam jarak lebih kurang 400 elai dari pos berkenaan terdapat pula satu penempatan tentera yang didiami oleh Platoon 1 Kompeni A bersama dua seksyen Platoon 10 Kompeni C 3 RAMD.

Pada senja 29 Disember 1963, Sarjan Benny mengetuai kumpulannya melakukan serangan dari dua kedudukan. Satu kumpulan menyerang dari atas bukit ke penempatan platoon 3 RAMD. Seorang pegawai dan tujuh anggota 3 RAMD terkorban manakala 18 yang lain mendapat kecederaan. Kumpulan kedua bergerak menyerang pos polis hutan 10 minit selepas serangan ke atas penempatan anggota 3 RAMD. Lemahnya koordinasi dalam serangan tersebut memberi peluang kepada ketua penempatan PPH mendapatkan bantuan 19 anggota polis dan Home Guard yang sudah bersedia di kawasan pos sebelum pertempuran bermula. Dalam pertempuran yang berlaku, polis berjaya membunuh seorang dan mencederakan empat anggota bersenjata Indonesia. Pertempuran berlangsung selama empat jam sebelum gerila tersebut berundur arah ke utara. Satu *scout troop* dan elemen trup repal Skuadron A 2 Peninjau diketuai oleh Leftenan M.B.T. Chong adalah pasukan Tentera Malaysia pertama dikeharkan bagi membantu 3 RAMD.

Dalam perjalanan, penyusup bertemu dengan sebuah Land Rover yang sedang membawa pekerja dari sebuah kem pembalakan. Oleh kerana sebahagian daripada penumpang dalam Land Rover berkenaan lambat turun dari kenderaan tersebut, salah seorang daripada mereka dibunuh, manakala seorang lagi dicederakan. Sarjan Benny memerintahkan tiga orang awam memandu kumpulannya ke arah Brantian kira-kira 10 batu ke timur laut Kalabakan. Tiga orang anggotanya yang tercedera diarah balik ke Kalabakan setelah menukar pakaian.

Dalam masa tujuh hari, kumpulan Sarjan Benny dan Wayang masih berada kira-kira lapan batu ke utara Kalabakan. Anggota kedua kumpulan dan satu lagi kumpulan terpaksa menghadapi bahaya akibat kecuaian mereka sendiri. Penyusup terperangkap dalam satu serang hendap oleh Skuadron A 2 Peninjau, seorang TNI berjaya dibunuh oleh Truper Kamaruzaman sebelum mereka bertembung dengan pasukan 1/10 Gurkha Rifle pimpinan Lieutenant Colonel Burnett yang dihantar ke Kalabakan menggantikan pasukan King Own Yorkshire Light Infantry (KOYLI) memburu mereka. Pukul 12.30 tengah hari 2 Jan. 1964, 1/10 Gurkha meninggalkan Tawau jam 4.00 petang setelah menerima arahan dan tiba di Kalabakan pada 11.20 pagi 3 Januari 1964.

Serang hendap diadakan di antara Wellawatta ke Mawang dan arah ke timur, sepanjang jalan ke Brantian. Kumpulan serang hendap mengambil kedudukan mulai jam 4.00 petang 5 Januari 1964. Pada 12 Januari seramai 22 penyusup berjaya dibunuh. Satu kumpulan ronda dari Kompeni B 3 RAMD membunuh seorang penyusup pada 27 Januari di kawasan Tawau. Keesokan harinya, di kawasan Merutai Estet, Platan 6 3 RAMD membunuh tiga penyusup Indonesia dalam satu pertempuran. Sehingga 10 Februari 1964, seramai 29 penyusup bersenjata Indonesia dibunuh, 33 ditawan, manakala 22 menyerah diri. Penyusup bersenjata Indonesia yang bertanggungjawab melakukan serangan ke penempatan pasukan keselamatan Malaysia di Kalabakan yang pertama terbunuh dibunuh oleh anggota trup Skuadron A 2 Peninjau dalam satu serang hendap. Trup Nombor 4 Skuadron A pimpinan Leftenan Muda Ajeet Singh ketika beroperasi di Apas Balong di utara Tawau menawan enam penyusup Indonesia dalam keadaan kebuluran. Seramai 20 penyusup dipercayai terselamat, manakala 12 tidak dapat dikesan dan dipercayai mempunyai peluang yang tipis untuk selamat.

Batalion ke-5 RAMD ditugaskan ke Serian, Sarawak mulai Oktober 1963. Batalion menugaskan Kompeni A ke Sarikei dan Binatang mengambil alih 40 Commando. Kompeni A berjaya menawan lima anggota Clandistine Communist Organization yang dilatih oleh TNKU dalam satu operasi yang dijalankan. Pada 9 Mac 1964, satu seksyen dari Kompeni A 5 RAMD bertempur dengan sekumpulan penyusup bersenjata Indonesia berhampiran Pang Amo. Dalam kejadian tersebut dua penyusup berjaya dibunuh, dua ditawan, manakala seorang anggota seksyen 10659 Prebet Yahya bin Yasin mendapat cedera parah dan meninggal dunia keesokan paginya.

Pada pukul 11.10 malam 6 Mac 1964, Markas Kompeni C bersama dua seksyen Platan 4 dan Pasukan Polis Hutan pimpinan Kapten Zainal Abidin bin Ahmad, Ketua Kompeni A 4 RAMD di Rujukan Grid 940014, telah cuba diserang oleh sekumpulan TNI. Sentri yang bertugas melihat cahaya lampu suluh lantas melepaskan tembakan. Penyusup mengepung pangkalan di lima kedudukan dan membalaik tembakan sebelum mlarikan diri. Pada 21 Mac 1964, sentri pos seksyen pimpinan 6923 Koperal Abu dari 4 RAMD ketika sedang bertugas pukul 11.30 malam melepaskan tembakan ke arah penyusup yang sedang cuba merapati pos di Rujukan Grid 932017. Penyusup yang mlarikan diri ditembak pula oleh sentri di pos. Bagaimanapun, penyusup berjaya melepaskan diri setelah berlaku tembak-menembak.

Pada awal Mac 1964 *Operasi Sabre Tooth* dilancarkan oleh 2/10 Gurkha Rifles terhadap sekumpulan 150 pembawa bekalan dan pengganas sempadan Indonesia bersama 19 TNI menyusup ke Bahagian ke-2, Sarawak. Mereka berpangkalan di kawasan Batang Ai, Jambu setelah melalui Bukit Seligi. Perkhemahan mereka di Rujukan Grid 133047 dijumpai oleh B Kompeni 2/10 Gurkha pada 10 Mac 1964. Seramai 19 orang penyusup kemudiannya bergerak

ke arah timur laut sebelum balik ke Indonesia melalui Ulu Ai. 150 orang kembali ke Indonesia antara 11 dan 13 Mac 1964. Berkemungkinan tujuh dari mereka terbunuh oleh tembakan helikopter yang cuba menyekat mereka menyeberangi sempadan.

Pada pukul 11.40 pagi 24 Mac 1964 Seksyen 2 Platan 11 Kompeni C 4 RAMD, berkekutan tujuh anggota diketuai oleh Leftenan Muda Abdul Kadir bin Nordin ketika membuat rondaan bertembung dengan sekumpulan kira-kira 25 orang TNI di kawasan Nibong Rujukan Grid 978999. Dalam pertempuran yang berlaku, TNI dipercayai tercedera dan berjaya mlarikan diri balik ke sempadan Indonesia. Penyusupan kedua oleh 36 penganas sempadan Indonesia/TNKU dikesan berlaku di Bukit Seligi, Jambu, Rujukan Grid 135036 pada 31 Mac 1964. Kompeni C dan D ditugaskan menjadi penyekat di kawasan barat daya dan timur yang berkemungkinan dijadikan laluan mara penyusup mulai 2 hingga 7 April 1964 manakala Kompeni Para Gurkha bertindak sebagai kumpulan penyekat tambahan sekiranya penyusup berjaya melepassi sekatan Kompeni B dan C.

Seorang daripada dua penyusup Indonesia yang menyusup masuk ke Long Rapung, Bahagian ke-4 dibunuh dalam satu serang hendap di Rujukan Grid 519320, pukul 9.45 pagi 7 April 1964. Serang hendap dilakukan oleh 12 anggota Platan 13 Kompeni D 1 KOYLI di bawah Sergeant Kemp. Sepucuk Garand Rifle dan 70 butir peluru antara yang berjaya diperolehi daripada penyusup yang dibunuh. Platan 8 Kompeni C 2/10 Gurkha berkekutan 20 anggota di bawah Captain N.O. St. Martin bertembung dengan 36 penganas sempadan Indonesia/TNKU pada pukul 12.30 tengah hari 7 April 1964. Platan berjaya membunuh dua orang, mencederakan seorang dan 30 beg galas bersama sejumlah senjata, peluru serta peralatan kepunyaan penyusup diperolehi.

Dalam operasi sapuan dari 9 hingga 26 April 1964 bersama penduduk Iban, 10 kejadian pertempuran berlaku. Platan 8 di bawah Sergeant Jitbahadur Limbu bertempur dengan TNI pada pukul 12.50 tengah hari 9 April 1964, tiada kemalangan berlaku. Platan ini sekali lagi bertempur dengan TNI pada 1.50 petang 11 April 1964 dan berjaya membunuh seorang TNI di Rujukan Grid 139033. Pada pukul 12.35 tengah hari, Platan 4 pimpinan Lance Corporal Mandhoj Rai bertempur dengan empat orang TNI di Rujukan Grid 136039 dan membunuh kesemua mereka.

Pada pukul 5.00 petang 14 April 1964, tujuh Iban yang bersenjatakan senapang patah bertempur dengan sekumpulan penyusup di Rujukan Grid 127040. Mereka membunuh seorang Indonesia dan menganggarkan seorang lagi tercedera. Keesokan paginya, pukul 7.45, Sarjan Mejor Rentap dari Pasukan SPFF bersama 20 Iban bersenjatakan senapang patah membunuh dua dan menawan lima orang penyusup di Rujukan Grid 127038. Empat pucuk repal bersama peluru dirampas. Pada 16 April, dua anggota bersenjata Indonesia dibunuh oleh Platan 8 pimpinan Sergeant Jitbahadur dalam dua pertempuran pada pukul 3.30 petang di Rujukan Grid 137034 dan di Rujukan Grid 137035

pada jam 4.00 petang. Dengan menggunakan senapang patah, sekumpulan 10 Iban membunuh seorang daripada dua orang penyusup yang ditemui keesokan harinya di Rujukan Grid 126037.

Pada pukul 11.00 pagi 24 April 1964, Tuai Rumah Ngumbang bersama 12 orang Iban dengan menggunakan senapang patah membunuh salah seorang daripada empat TNI di Rujukan Grid 129038. Sepucuk repal dirampas. Pukul 9.30 pagi 25 April, seorang Indonesia dibunuh di Rujukan Grid 129038 oleh dua Iban yang bersenjatakan senapang patah, manakala sepucuk repal dan 45 butir peluru dirampas daripadanya.

Platun 5 Kompeni B 2/10 Gurkha pimpinan Sergeant Lalbahadur Sunwar membunuh seorang penyusup dalam pertempuran di Rujukan Grid 130055 pada pukul 4.00 petang. Enam anggota Trup B, 70 Battery Royal Artillery pimpinan Captain J. Flowers di Rujukan Grid 072012 tercedera oleh serangan senjata penyusup pada tengah malam 26 April.

Dalam *Operasi Brand* selama tiga minggu mulai 5 Jun 1964 yang dilaksanakan oleh Platun 5 dan Platun 6 Kompeni B, Platun 15 Kompeni D 2/7 Gurkha dan D Squadron 22 SAS di kawasan Long Pasia, Sabah, enam perkhemahan sementara penyusup yang boleh memuatkan kira-kira 90 orang dijumpai. Pada 7 Jun 1964, Sergeant Bexton dari SAS terbunuh dalam satu serang hendap TNI ketika membuat tinjauan bersama Major R. Woodywiss, Major B. E. Watkinson dan empat anggota kira-kira 200 elai dari satu perkhemahan TNI. Senjata kepunyaan Sergeant Bexton turut dirampas oleh penyusup dalam kejadian tersebut.

Skuadron C 1 Peninjau Persekutuan pimpinan Mejar Abdul Ghani bin Mahluddin yang mengambil alih B Skuadron 1 Peninjau beroperasi sekitar Lubuk Antu dan Engkilili. Pada kira-kira pukul 6.30 pagi 13 Jun 1964, ronda Trup Nombor 3 pimpinan Leftenan Muda Lau Bik Hoon bertempur dengan sekumpulan penyusup yang hendak menyerang pangkalan trup di Kampung Langir, selatan Engkilili. Pada pukul 6.00 petang keesokan harinya, 14 Jun, satu lagi serangan dilakukan oleh satu kompeni TNI ke atas pangkalan Trup Nombor 3 di Kampung Langir. Ketika itu anggota baru sahaja kembali ke perkhemahan daripada membuat penjejak sepanjang hari tersebut. Dalam pertempuran yang berlaku lebih setengah jam itu seorang anggota, Truper Choy Hong Ming terkorban. Empat orang anggota trup: Koperal Abas bin Atin, Lans Koperal Ahmad bin Mohamed, Truper Abdul Manaf bin Busu dan Truper Ahmad bin Abd. Jalil tercedera. Satu mayat TNI berjaya diperolehi di tempat kejadian kerana tindakan pantas anggota terup terbabit. Berdasarkan maklumat yang diperolehi daripada penduduk rumah panjang berdekatan, lima lagi TNI dipercayai terbunuh. Penduduk rumah panjang melihat TNI mengusung lima usungan melalui rumah panjang mereka, terang Mejar (Bersara) Lau Bik Hoon.

Pada pukul 6.10 hingga 7.00 malam 13 Jun 1964, Platun Rintis Serang Kompeni E 2/2 Gurkha berkekuatan 24 orang, pimpinan Lieutenant Queen Gurkha

Officer (QGO) Nandaraj Gurung menyerang hendap sekumpulan kira-kira 100 orang penyusup Indonesia dalam jarak lebih kurang 50 ela di Rujukan Grid 07080084. Dalam serang hendap di Batu Lintang itu, sembilan TNI dibunuh, manakala empat tercedera. 10 pucuk senjata pelbagai jenama bersama 19 kelopak peluru juga pelbagai jenis, 18 butir grened, sebanyak 1,602 butir peluru pelbagai jenis dan 15 detonator antara yang berjaya diperolehi dirampas penyusup.

Pada 16 Jun 1964 Platan 2, 2/7 Gurkha pimpinan Lieutenant (QGO) Jasbahadur Rai, DCM di kawasan Kabu dihantar ke Kampung Salilir berikutan maklumat daripada anggota Border Scouts mengenai kehadiran empat penyusup di situ. Dua seksyen Platan 2 diketuai oleh seorang Koperal bertempur dengan TNI pada pukul 7.45 pagi 19 Jun 1964. Penyusup berjaya melepaskan diri. Seorang anggota Gurkha tercedera dan diterbangkan keluar dengan helikopter. Terdahulu daripada itu, Regim Soekarno bersetuju mengundurkan tenteranya dari wilayah Malaysia sebagaimana dikehendaki oleh Malaysia serentak dengan persidangan peringkat menteri di Tokyo. Pengunduran akan diawasi oleh para pemerhati Thailand dan Tebedu telah dijadikan tempat pengunduran di Sarawak. Pada 18 Jun 1964, seramai 32 orang anggota bersenjata Indonesia diiringi keluar dari Pang Amo ke Tebedu oleh satu sub unit Kompeni A 4 RAMD untuk kembali ke Kalimantan. Dengan pengunduran tersebut bererti tidak ada lagi anggota bersenjata Indonesia di wilayah Sarawak.

Pada 21 Jun 1964, pangkalan yang didiami oleh Platan 18 dan 19 serta Markas 1/6 Gurkha di bawah pimpinan Lieutenant (QGO) Jumparsad Gurung di Rasau Rujukan Grid 886061 diserang oleh sekumpulan kira-kira 60 orang bersenjata Indonesia dan Cina pada pukul 8.30 malam. Lima anggota terbunuh, manakala lima lagi tercedera. Pada pukul 5.45 petang 21 Jun, Platan 5, 1 Green Jackets berkekuatan 17 anggota diketuai oleh Lieutenant C.J.P. Miers bertembung dengan sekumpulan tiga orang TNI. Tiada kemalangan di kedua-dua belah pihak. Pada 24 Jun, pukul 1.40 petang sekumpulan 15 anggota Platan 11 Batalion Ke-4 RAMD diketuai 2721 Sarjan Abu Bakar membunuh dua Indonesia bersenjata di kawasan Bukit Batu Balai, Rujukan Grid 961996. Sepucuk repal Mark 3 bersama lapan butir peluru kepunyaan TNI dirampas.

Pada pagi 26 Jun 1964, tiga anggota Border Scouts yang berpangkalan di Pang Amo ditawan oleh enam anggota bersenjata Indonesia ketika membuat rondaan di Rujukan Grid 514314. Dua daripada mereka berjaya melarikan diri dalam dua kejadian sejurus selepas ditawan. Platan pimpinan Second Lieutenant Thomson diterbangkan dari Pang Amo ke Rujukan Grid 518316 bagi menyekat TNI menyeberangi sempadan. Ketika membuat penjejakan mereka bertempur dengan TNI pukul 5.58 petang hari yang sama. Salah seorang anggotanya, Prebet Duffy tercedera dan diterbangkan keluar keesokan paginya. Anggota Border Scouts, 2053 Maran Lupong, selepas suatu pertempuran terpisah daripada TNI yang menawannya, berjaya menanggalkan dengan gigi ikatan di tangannya dan kembali ke Pang Amo pada pagi 27 Jun 1964.

Pada 18 Julai 1964, penempatan Platon 5 Kompeni B 1 Green Jackets pimpinan Lieutenant Miers di Bukit Knuckle Rujukan Grid 906042 diserang oleh kira-kira 30-50 anggota bersenjata Indonesia pada pukul 11.25 malam dan berlanjutan hingga pukul 1.00 pagi 19 Julai. Tiada sebarang kemalangan berlaku kepada anggota, tetapi terdapat banyak kesan darah di laluan pengunduran penyusup. Di Biawak, Platon 15 Kompeni D 1/6 Gurkha pimpinan Captain (QGO) Damardahadur Gurung membunuh lima penyusup Indonesia dalam satu serang hendap di Rujukan Grid 862079 pada pukul 2.40 petang 25 Julai 1964. Empat TNI yang tercedera berjaya melarikan diri. Dua pucuk Repal 303 bersama 161 butir peluru 303 adalah antara yang berjaya dirampas.

Kira-kira pukul 2.30 pagi 31 Julai 1964, penempatan Platon 7, 1 Green Jackets pimpinan Second Lieutenant P. G. Chamberlin di Kampung Stass, Bau Rujukan Grid 897053 diserang oleh sekumpulan TNI dengan mesingan dan mortar dalam jarak antara 80-100 ela. Tiada sebarang kemalangan berlaku kepada anggota. Penyusup sebaliknya kehilangan enam anggota: seorang Leftenan, satu Sarjan dan empat prebet, manakala lima orang lagi dipercayai tercedera. Sepucuk mesingan ringan, tiga pucuk Garand Rifles, dua pucuk No.4 Rifles, sepucuk Smle Rifles, sepucuk 45 pistol, enam butir bom Mortar 2 inci dan enam butir Energa Grened antara yang dirampas daripada penyusup.

Enam TNI yang menyusup ke Pa Lungan pada 2 dan 3 Ogos 1964 dibunuh dan seorang tercedera oleh tindakan penjejak yang dilakukan oleh Platon 1, Platon 4 dan sebahagian Platon 14 termasuk sepasukan anggota pengesan daripada 1 Argyll and Sutherland Highlanders yang berpangkalan di Bario. Seorang Sukarelawan Pramuka terbunuh di Long Pa Sia, Rujukan Grid 544369 oleh 1 SAS Company Royal Australian Regiment pada pukul 10.45 pagi 6 Ogos 1964. Seorang anggota terkorban, manakala seorang tercedera dalam pertempuran tersebut.

Tiga Indonesia dibunuh dan seorang dipercayai tercedera oleh tujuh anggota Seksyen 1 Platon 11, 1 Royal Ulster Rifles pimpinan Corporal Deignan pada pukul 9.10 malam 22 Ogos 1964 ketika menyerang penempatan Kompeni D 1/6 Gurkha di bawah perintah 1 Royal Ulster Rifle dan Platon 11 Kompeni C 1 Royal Ulster Rifles di Kampung Tepoi Rujukan Grid 932017. Penempatan Platon 15 Kompeni D 1/6 Gurkha di Kampung Kujang Sain berkekuatan 23 orang anggota di bawah Captain (QGO) Damardahadur Gurung diserang oleh penyusup pada pukul 7.05 malam 26 Ogos 1964. Penyusup yang menyerang dianggarkan berkekuatan 50 orang dengan menggunakan senjata Point 30 Garand Rifles dan tidak kurang daripada dua pucuk 7.62mm Degtyarev (RPD) mesingan Ringan. Tiada kemalangan berlaku di kedua-dua belah pihak. Dalam pertempuran di Kupang Langir Rujukan Grid 086014 pada 29 Ogos 1964, Platon 8 Kompeni B Pasukan Polis Hutan mengalami dua kematian dan dua kecederaan ketika bertempur dengan sekumpulan penganas sempadan Indonesia.

Pada 1 Oktober 1964, Platon 11 dan satu seksyen Platon 10 Kompeni C 1/2 Gurkha pimpinan Lieutenant (QGO) Sukdeo Pun membunuh dua orang dan

diperdayai mencederakan tiga lagi Indonesia bersenjata dalam serang hendap di Rujukan Grid 524322, Bakelalan. Platun 2 Kompeni A 2/10 Gurkha terlibat dalam satu pertempuran yang panjang dengan sekumpulan anggota bersenjata Indonesia yang menyerang mereka di Muara Mongkus pada petang 5 Oktober 1964. Tiada kemalangan dilaporkan. Penyusup diperdayai tercedera kerana terdapat kesan-kesan darah di laluan pengunduran mereka.

Kompeni B 2/6 Gurkha diketuai Major A.B.O. Robinson membunuh seorang TNI dalam satu pertempuran di Rujukan Grid 515319 Pa Lungan pada pagi 4 November 1964. Seorang anggota, Sergeant Amarbahadur Pun tercedera oleh serpihan mortar sendiri. Dalam operasi menjejak penyusup di Pa Main pada 6 November 1964 platun pimpinan Lieutenant (QGO) Sobaram Pun bertempur dengan sekumpulan penyusup. Tiada kemalangan di pihak sendiri, manakala dua kesan darah dijumpai di laluan penyusup berundur.

Sekumpulan 10 orang anggota Kompeni C 1 Royal Ulster Rifles pimpinan Captain G. Boucher bertempur dengan sekumpulan TNI dianggarkan 28 orang. Mereka sedang menuju ke Tebedu di Rujukan Grid 940009 selatan Tebedu pukul 1.20 petang 10 November 1964. Seorang anggota platun tercedera, tiga TNI dibunuh, manakala dua diperdayai tercedera. Selaras mortar 50mm, sembilan butir bom mortar 50mm, sepucuk pistol automatik American Colt Point 45, tiga butir grenad dan sebuah kamera Yashicaflex antara yang berjaya dirampas.

Platun 11 dan satu seksyen Platun 12 Kompeni D 2/6 Gurkha di bawah Lieutenant (QGO) Ranbahadur Pun bertempur dengan sekumpulan 90 orang TNI di kawasan Long Banga pada pukul 2.05 petang 10 Disember 1964. Sergeant Karnabahadur Gurung dan Rifleman Lachhimbahadur Gurung terbunuh manakala Lance Corporal Gyanbahadur Rana tercedera. Lieutenant Ranbahadur dalam penjejakkannya menemui banyak kesan darah di laluan berundur penyusup. Keesokan harinya pukul 10.00 pagi, Rifleman Jaganraj Gurung terbunuh akibat jerangkap samar ketika melakukan penjejakan. Pada 6.35 pagi 17 Disember 1964 Platun 15, 1 Royal Ulster Rifles pimpinan Lieutenant H. C. K. Shaw ketika membuat serang hendap membunuh tiga dan berkemungkinan mencedera dua lagi penyusup yang dianggarkan berkuatan 10 orang di Rujukan Grid 965996, Daerah Serian. Seorang anggota platun tercedera, manakala seorang lagi tercedera oleh serpihan tembakan meriam sendiri.

Berdasarkan data dan fakta di atas, dari 12 Januari 1964 hingga 17 Disember 1964, terdapat tidak kurang daripada 48 kejadian penyusupan atau pertempuran atau pertembungan dengan penyusup bersenjata Indonesia ke wilayah Sabah dan Sarawak. Seramai tidak kurang daripada 88 penyusup berjaya dibunuh, 68 orang dicederakan dan 29 orang lagi ditawan. Pasukan keselamatan Malaysia dan Komanwel mengalami 14 kematian, 28 kecederaan dan tiga tertawan. Indonesia ternyata telah mengengkari janjinya untuk menarik keluar pasukan bersenjataanya daripada wilayah Malaysia bilamana terdapatnya pertempuran dengan TNI selepas 18 Jun 1964.

Pada 20 Jan. 1965, pangkalan ronda Kompeni B, 2/6 Gurkha, berkekuatan 27 anggota termasuk tujuh Border Scouts di bawah Sergeant Kami Gurung di Rujukan Grid 524325, kawasan Long Rapung bertempur dengan sekumpulan kira-kira 40 orang penyusup pada pukul 8.15 pagi. Pertempuran berlaku selama kira-kira sejam. Pluton tidak mengalami sebarang kemalangan tetapi penyusup dipercayai mengalami banyak kemalangan kerana terdapat banyak kesan tumpahan darah di kawasan pertempuran. Hanya satu mayat TNI berjaya ditemui.

Pada 22 Januari 1965, pangkalan meriam yang diduduki oleh 70 Batery 45 Light Regiment Royal Artillery di Batu Lintang di bawah Lieutenant A. J. Pinion diserang dengan mortar dan senjata kecil dari jarak kira-kira 500 meter mulai pukul 10.45 malam selama 20 minit. Pluton Tinjau 1/10 Gurkha bersama B Bateri 1 Rejimen Meriam Persekutuan yang akan mengambil alih penempatan tersebut berada di pangkalan berkenaan ketika serangan berlaku.

Pada pukul 9.15 pagi 28 Februari 1965, di Rujukan Grid 949001, Sergeant Lillico bersama empat anggota D Squadron 22 SAS yang sedang dalam misi rondaan ke satu perkhemahan TNKU yang telah ditinggalkan bertempur dengan sekumpulan kira-kira enam orang penyusup. Sergeant Lillico dan Peninjau hadapannya, Trooper Thomson tercedera, manakala seorang TNI dipercayai terbunuh. Tujuh belas anggota Pluton 3 diketuai oleh platoon sarjannya melakukan serang hendap di Rujukan Grid 967474, dalam kawasan Gunung Jagoi melepaskan tembakan ke arah tiga orang penyusup Indonesia bersenjata yang memasuki kawasan serang hendap mereka. Penyusup berundur setelah bertempur kira-kira 20 minit. Dua penyusup dipercayai terbunuh dan beberapa lagi tercedera berdasarkan kesan darah yang dijumpai. Penyusup kemudiannya membedil dengan mortar kawasan Pluton 6 yang didatangkan membantu Pluton 3.

Pada 23 Mac 1965, dua anggota Pluton 3 Kompeni A 3 Royal Australian Regiment terbunuh dan tiga lagi tercedera akibat letupan periuk api pembinaan anggota di Rujukan Grid 983480 dalam Daerah Bau, pukul 2.00 petang. Pada 15 April 1965 di Tebedu, Pluton 7 Kompeni B 1/6 Gurkha bertempur dengan 15-20 penyusup bersenjata Indonesia di Rujukan Grid 938011. Seorang anggota platoon tercedera, manakala kemalangan di pihak penyusup tidak diketahui. Dua beg galas dan dua butir grened dijumpai di tempat kejadian.

Pada subuh 27 April 1965, pangkalan Kompeni B 2 Para di Plaman Mapu diserang dengan tembakan 44mm RL, 50mm Mortar dan Armalite Rifle Grenades oleh sekumpulan 150 TNI bersama penganas sempadan Indonesia. Seorang anggota terbunuh seorang tercedera parah, manakala Japon mendapat kecederaan ringan terkena serpihan bom 44mm penyusup. Dua mayat TNI dijumpai bersama senjata, peluru dan peralatan mereka dalam kawasan perimeter ketika pengeledahan dilakukan. Selaras 44mm M57 RL, satu Bangalore Tropedo, sembilan butir grened, enam detonator grened dan peluru daripada pelbagai jenis antara yang dijumpai di sekitar tempat kejadian.

Pada pukul 10.05 16 Mei 1965, Pluton Tinjau Kompeni A, Pluton 10 Kompeni D 2 Para dan anggota kumpulan pengesan dari Kompeni Bantuan berkekuatan 38 anggota di bawah Captain J. Collinson-Jones diserang hendap oleh kira-kira 200 orang Indonesia bersenjata di kawasan Mujat, Rujukan Grid 626981. Satu lagi pertempuran berlaku pada pukul 5.30 pagi keesokan di Rujukan Grid 623965. Seorang anggota pluton terbunuh, manakala enam TNI dipercayai tercedera. Penyusup menggunakan senjata mesingan, Armalites, Point 303 dan senapang patah dalam pertempuran ini.

Satu seksyen Pluton 10, berjumlah sembilan orang termasuk seorang anggota pengesan diketuai oleh Corporal Tindale didaratkan dengan tali untuk membuat serang hendap di satu permatang, Rujukan Grid 624949 pada 22 Mei 1965. Mereka menyerang hendap sekumpulan 40-50 orang penyusup pada pukul 3.48 petang. Empat penyusup dipercayai terkorban, manakala 10 disyaki tercedera berdasarkan kesan darah yang dijumpai. Pada 30 Mei 1965 seorang anggota Pluton 16 Kompeni D 2 Green Jackets terbunuh ketika bertempur dengan sekumpulan TNI di Rujukan Grid 315179 pada 6.30 petang.

Di Rujukan Grid 103010, senteri pos Pluton 3 Kompeni A 1 Royal New Zealand Infantry Regiment yang sedang mengawal jalan melintasi sempadan arah ke Lubuk Antu (Track 63) melepaskan tembakan ke arah lima Indonesia bersenjata yang melintasi jalan berkenaan pada 21 Jun 1965. Seorang daripadanya yang tercedera berjaya ditawan. Beliau adalah 4283 Koperal Robin Hutaorok, 27 tahun berasal dari Sumatera, anggota Seksyen 1, Pluton 3 Kompeni A Batalion 720 berpangkalan di Badau. Sepucuk carbine bersama enam kelopak penuh berisi peluru dan sebutir grened 36, sebutir bom asap serta peralatan peribadi di samping makanan turut dirampas daripadanya.

Pada pukul 9.20 pagi 24 Jun 1965, seramai 15-20 daripada kumpulan 50-60 anggota bersenjata Indonesia di serang hendap oleh 14 anggota Pluton 10 Kompeni D 2 Para pimpinan Lieutenant G. C. V. Coxen di Djerik, Rujukan Grid 622949. Lapan TNI terbunuh, manakala empat dipercayai tercedera oleh tembakan mesingan ringan, Claymores dan repal isi sendiri. Satu topi hutan, sebutir peluru Garand, dua sarung tangan, satu tail fin Armalite Rifle Grenade, satu nose cone Armalite Rifle Grenade dan satu M57 part of rocket antara peralatan persenjataan yang dirampas daripada TNI.

Pada 27 Jun 1965, konvoi jentera berat pasukan Jurutera pimpinan Lieutenant Victor Kee dihalang dengan tiga batang balak di Batu 12-26 Jalan Kuching-Serian. Beberapa orang anggota Jurutera yang sedang berhenti buat seketika di Batu 17 setengah berkejar ke Balai Polis di Batu 18, apabila mendengar bunyi tembakan di arah berkenaan. Penyusup mlarikan diri setelah membunuh dan mencederakan anggota polis di situ sebelum ketibaan anggota Jurutera. Jambatan di Batu 24 dilemparkan dan sebilangan penduduk kampung di situ dibunuh. Jambatan diperbaiki oleh anggota kumpulan Lieutenant Victor. Kejadian dilaporkan ke West Brigade di Kuching pada lebih kurang pukul 10.30 malam.

Pada 30 Jun 1965, Pluton 1 Kompeni A 1 RNZIR pimpinan Lieutenant B. J. Marshall dan lima anggota 1 Meriam Persekutuan di bawah Kapten Harbans Singh ditugaskan membuat serang hendap di Track 63 dan 63A, 600 elai dari perbatasan Indonesia. Tiga TNI merapat pangkalan platon kira-kira jam 12.20 tengah hari sambil diperhatikan oleh senteri bertugas, Private T. Ashby. Beliau melepaskan tembakan ke arah mereka dan dua daripadanya mendapat cedera parah dan ditawan. Dua pucuk carbine bersama 12 kelopak penuh berisi peluru dirampas. Salah seorang daripadanya meninggal dunia sejurus selepas itu. Tawanan memaklumkan bahawa mereka anggota kumpulan tinjau daripada sekumpulan 15 orang anggota. Sementara itu tembakan meriam diarahkan ke lokasi yang berkemungkinan digunakan oleh penyusup berundur. Dua lagi TNI dibunuh, manakala dua pucuk Madsen 9mm bersama enam kelopak dan tiga bom Mortar 2 inci diperolehi oleh kumpulan pencari. Pada 1 Disember 1965, pasukan 2 Renjer mencederakan seorang TNI ketika beroperasi di Pulau Sebatik, Tawau.

Dari 20 Januari 1965 hingga 1 Disember 1965, terdapat tidak kurang daripada 16 kejadian penyusupan dan pertempuran dengan TNI berlaku. Daripada peristiwa tersebut seramai 14 orang TNI dibunuh, 28 dicederakan, manakala seorang TNI ditawan. Anggota pasukan keselamatan Malaysia dan Komanwel mengalami enam terkorban dan 15 tercedera.

Pada pukul 9.50 pagi 4 Mei 1966, sekumpulan kira-kira 25 TNI melepaskan lebih kurang 250 tembakan ke arah pos pemerhati Alpha di Rujukan Grid 52283247. Seksyen dari Kompeni A 1/6 Gurkha yang telah pun berada di situ kira-kira lima minit sebelum itu berpatah semula untuk menyiasatan. Mereka mendapati penyusup berpecah dua. Sepuluh butir 81mm Mortar ditembak ke lokasi penyusup dan mereka akhirnya berundur. Tiada kemalangan berlaku di kedua belah pihak. Pada 16 Mei 1966, pasukan 1 Renjer membunuh seorang dan menawan empat orang penyusup di Gunung Gading, Lundu dalam satu operasi.

Pasukan 2/6 Gurkha yang mempunyai kompeni berpangkalan di Long Pa Sia diletakkan dalam keadaan bersiap sedia, manakala dua platon 1/7 Gurkha dimasukkan ke kawasan Long Sukang ekoran maklumat kegiatan anggota bersenjata Indonesia di situ pada 31 Julai 1966. Beberapa laluan dan perkhemahan TNI ditemui sebelum sebuah perkhemahan berusia empat hari dan boleh menampung seramai 30 orang dijumpai di Rujukan Grid 52443495 pada 1 Ogos 1966. Dalam rondaan menuruti lorong yang digunakan oleh penyusup pada 2 Ogos 1966, beberapa dokumen peribadi penyusup termasuk gambar diperolehi.

Pada hari yang sama sebuah perkhemahan untuk 50 orang ditemui di Rujukan Grid 51963549. Perkhemahan yang sama berkemungkinan telah digunakan oleh kira-kira 10 orang penyusup seminggu sebelum itu. Sebuah lagi perkhemahan yang boleh memuatkan 50 orang ditemui keesokan harinya di Rujukan Grid 52443514. Pukul 10.35 pagi senteri di sebelah tepi pangkalan

platun melihat 10-12 penyusup bergerak dari barat daya menghala ke timur laut lantas melepaskan dua das tembakan dalam jarak 30 meter. Seorang penyusup tercedera di kaki dan kesemua mereka kemudian menghilangkan diri. Penyusup melepaskan tembakan apabila penggeledahan dilakukan dan seorang Gurkha tercedera. Seorang lagi penyusup dipercayai tercedera dalam tembak-menembak yang berlaku ketika penggeledahan. Penyusup akhirnya melaikan diri membawa rakan mereka yang tercedera.

Pada 2 Oktober 1966, di kawasan Sungai Gading, 20 kilometer dari Tawau, trup Skuadron A 1 Peninjau pimpinan Leftenan Muda Taip bin Sulaiman menawan Leftenan Tajudin di Batu 13 Jalan Sungai Gading. Leftenan Tajudin adalah ketua sekumpulan 18 TNKU, yang diarahkan menyusup ke Sabah. Dengan tertawannya Leftenan Tajudin, lima lagi anggotanya turut ditawan di perkhemahan mereka oleh kumpulan Leftenan Muda Taip. Dengan itu seramai enam penyusup ditawan di kawasan Sungai Gading oleh trup Leftenan Muda Taip. Kompeni Markas 7 RAMD di bawah pimpinan Mejjar Ismail bin Ghows dalam satu operasi pada malam 5 Oktober 1966 menawan lapan orang TNKU. Pada 1 Disember 1966, pasukan 3 Renjer menawan tiga penyusup TNKU, seorang menyerah diri dalam Operasi White Rose di Tawau. Pada 8 Januari 1967, dalam Operasi Red Rock di Tawau, dua TNKU ditawan, lima menyerah diri kepada pasukan 3 Renjer.

Berdasarkan maklumat yang diperolehi daripada anggota TNI yang ditawan, mereka tidak dimaklumkan sehingga taklimat terakhir bahawa mereka akan digunakan untuk menentang Malaysia. Bagi warga TNI, menyusup ke wilayah Malaysia bukanlah sesuatu yang menggembirakan. Mereka diarah menyusup ke wilayah Malaysia bagi mewujudkan pangkalan hutan sebelum melancarkan perang gerila. Sebelum itu, mereka hanya dimaklumkan bahawa mereka sedang dalam perjalanan menjalani latihan. Bermula dari 4 Mei 1966 hingga 8 Januari 1967, terdapat enam kejadian penyusupan dan pertempuran dengan penyusup bersenjata Indonesia. Daripada peristiwa tersebut seorang penyusup bersenjata Indonesia dibunuh, dua orang dicederakan dan 23 orang berjaya ditawan, manakala pasukan keselamatan Malaysia serta Komanwel tidak mengalami sebarang kecelakaan.

Konfrontasi Indonesia di Borneo bermula dengan kegiatan menghasut dan membantu pemberontakan di Brunei di samping menyerang perbatasan Sarawak dan Sabah. Di Sabah dan lebih-lebih lagi di Sarawak, pihak Indonesia memperolehi kejayaan yang amat terhad dalam percubaan mereka menghasut penduduk tempatan yang berasal dari Indonesia. Berdasarkan fakta dan data di atas, dari 12 April 1963 hingga 8 Januari 1967, terdapat tidak kurang daripada 108 kejadian penyusupan atau pertempuran atau pertembungan berlaku antara penyusup bersenjata Indonesia dengan pasukan keselamatan Malaysia dan Komanwel. Daripada peristiwa tersebut seramai 161 orang penyusup bersenjata Indonesia berjaya dibunuh oleh pasukan keselamatan Malaysia dan Komanwel.

Seramai tidak kurang daripada 37 orang penyusup dicederakan, manakala 101 orang ditawan. Di pihak pasukan keselamatan Malaysia dan Komanwel pula terdapat 38 orang anggota terkorban, 59 mengalami kecederaan dan tiada yang menjadi tawanan kekal pihak TNI. Berlakunya pertempuran dengan TNI selepas 18 Jun 1964, setelah Indonesia bersetuju mengundurkan kesemua anggota bersenjatanya dari wilayah Malaysia jelas memperlihatkan betapa Regim Soekarno sebenarnya belum lagi bersedia untuk menamatkan konfrontasinya terhadap Malaysia ketika itu.

## 4

# Operasi Menentang Pencerobohan di Semenanjung Malaysia

---

Operasi menentang penyusupan anggota bersenjata Indonesia di Semenanjung Malaysia bermula apabila Presiden Soekarno memulakan aksi pencerobohan ke negeri Johor setelah tertubuhnya Persekutuan Malaysia. Bagi mencegah penyusupan gerila bersenjata Indonesia ke Semenanjung melalui kegiatan perniagaan bertukar-tukar barang di sepanjang pantai barat Johor, kerajaan melancarkan Operasi Limit pada 12 Ogos 1964. Oleh sebab tumpuan pendaratan adalah di selatan Semenanjung, maka operasi pada keseluruhannya tertumpu di sekitar negeri Johor. Hanya satu operasi dilancarkan di Perak, satu di Selangor dan satu di sempadan Melaka-Johor, manakala beberapa operasi mencegah penyusupan turut dilakukan di sepanjang perairan Selat Melaka. Penyusupan anggota bersenjata dari Indonesia ke Semenanjung secara umurnya mempunyai empat matlamat:

1. Menyeludup ke kawasan perkampungan bagi mengajar dan melatih penduduk tempatan menjadi kadir.
2. Menimbulkan keadaan huru hara di kalangan orang awam secara besar-besaran.
3. Memusnahkan janakuasa elektrik, landasan keretapi, jambatan, jalan raya, bangunan-bangunan penting, gudang-gudang, berek-berek, pejabat-pejabat pos dan tempat-tempat pemasangan.
4. Menghalang penghantaran pasukan keselamatan untuk melakukan tindak balas melalui tindakan merosakan jalan raya dan landasan keretapi.

Bagi menentang pencerobohan yang dilakukan oleh anggota bersenjata Regim Soekarno ke wilayah Malaysia sejurus selepas Persekutuan Malaysia ditubuhkan, beberapa siri operasi dilancarkan. Pada 12 Ogos 1964, Operasi Limit dilancarkan sebagai langkah pencegahan penyusupan anggota bersenjata Indonesia melalui pantai barat Johor. Operasi Liver dilancarkan mulai 17 Ogos hingga 4 November 1964. Ini adalah ekoran pendaratan sekumpulan 108 orang penyusup bersenjata Indonesia di pantai barat Johor. Operasi ini dijalankan di kawasan Benut, Kukup dan Pontian, Johor. Operasi dilancarkan oleh Briged ke-4 dan melibatkan 4 RAMD, 5 RAMD, 6 RAMD, 8 RAMD, Skuadron B 1 Peninjau, Skuadron A 2 Peninjau, 1/10 Gurkha, 1 Royal New Zealand Infantry Regiment

(1 RNZIR) dan Pasukan Polis Hutan (PPH). Pasukan ditugaskan pada masa dan lokasi yang berlainan sepanjang operasi menentang penyusup bersenjata Indonesia ini. Sepanjang operasi dijalankan, 21 orang penyusup bersenjata Indonesia berjaya dibunuh, 70 ditawan, sembilan orang menyerah diri. Pasukan keselamatan Malaysia mengalami dua kematian dan tiga kecederaan.

Operasi Lilac dilancarkan mulai 2 September 1964 hingga 4 Oktober 1964. Pelancarannya dilakukan berikutan terdapat 97 anggota Pasukan Gerak Tjepat Indonesia (PGT) mendarat melalui udara di kawasan Labis, Johor. Operasi dijalankan di kawasan Labis dan Lesong, Johor. Operasi dilancarkan oleh 1 Briged dan melibatkan 6 RAMD, B Skuadron 1 Peninjau, A Skuadron 2 Peninjau, C Bateri 1 Artileri, 1/10 Gurkha, 1 RNZIR dan Pasukan Polis Hutan. Sepanjang operasi, trup berjaya membunuh seramai 32 penyusup, manakala 65 orang lagi ditawan. Pasukan keselamatan Malaysia mengalami empat kematian.

Operasi Flower dilancarkan mulai 29 Oktober 1964 hingga 21 November 1964. Ia dilancarkan berikutan terdapatnya pendaratan 52 orang penyusup bersenjata Indonesia di muara Sungai Kesang Melaka. Operasi dijalani 1/10 Gurkha, 3 Royal Australian Regiment, 1 RNZIR, C Squadron 4 RTR, 102 Field Battery Royal Australian Atrillery, 4 Light Regiment Royal Artillery dan Pasukan Polis Hutan. Kesemua 52 orang penyusup berjaya ditawan. Operasi Buah Nangka 1 dilancarkan mulai 6 November 1964 hingga 24 November 1964. Pelancarannya dilakukan berikutan terdapatnya pendaratan 10 penyusup Indonesia melalui pantai di Tanjung Balau, Johor. Operasi dilaksanakan oleh pasukan 8 RAMD, 2 Singapore Infantry Regiment (SIR), 11 Batalion Infantri (TA) dan Pasukan Polis Hutan. Melalui operasi ini, dua anggota Tentera Nasional Indonesia (TNI) dibunuh manakala dua lagi ditawan.

Operasi High Speed dilancarkan mulai 6 hingga 31 Disember 1964. Ini dilakukan berikutan terdapatnya pendaratan 23 orang penyusup bersenjata Indonesia di kawasan Sungai Masin. Operasi dijalankan di kawasan Kangkar, Sungai Masin, Johor oleh Batalion 4 RAMD dan Pasukan Polis Hutan. Seramai 12 penyusup Indonesia berjaya ditawan, manakala pasukan keselamatan Malaysia mengalami dua kecederaan. Dalam Operasi Kukup di kawasan Kukup, Johor kesemua tujuh TNI yang mendarat ditawan pada 9 Disember 1964.

Operasi Bird Song dilancarkan pada 23 Disember 1964 dan berakhir pada 29 Disember 1964. Ini diadakan ekoran maklumat mengenai kehadiran 28 orang anggota bersenjata Indonesia di kawasan Kuala Buntu dan Gunung Pulai, Johor. Operasi dijalankan oleh Kompeni C 4 RAMD, satu Trup Peninjau Bebas, TUDM, Pasukan Polis Hutan dan Royal Air Force. Kesemua 28 anggota bersenjata Indonesia berjaya dilumpuhkan, tiga daripada mereka ditawan dan baki 25 anggota lagi menyerah diri. Pada 24 Disember 1964 seramai 22 daripada 61 penyusup Indonesia berjaya ditawan dalam Operasi Halal di kawasan Sungai Bernam, Selangor.

Operasi Paper Clip dilancarkan pada 7 hingga 9 Januari 1965 bagi menghapuskan 24 penyusup Indonesia. Seramai 13 anggota bersenjata Indonesia berjaya dibunuh, manakala 11 lagi ditawan. Pasukan keselamatan Malaysia mengalami dua kehilangan. Operasi Piai pada 8 Januari 1965 dilancarkan khusus untuk memburu 24 penyusup bersenjata Indonesia di kawasan Sungai Belukang, Kukup. Seramai 13 penyusup berjaya ditawan. Operasi Sri Perak pada 8 Januari 1965 di kawasan Pasir Panjang, Negeri Sembilan dilaksanakan oleh KD Sri Perak TLDM. Kesemua 53 penyusup Indonesia yang berada dalam bot yang dipintas oleh KD Sri Perak ditawan.

Operasi Buah Nanga II dilancarkan terhadap 12 orang penyusup bersenjata Indonesia di kawasan Kangkar Lok Heng, Johor mulai 26 Disember 1964 hingga 9 Januari 1965 (Sila lihat Lampiran Peta 5). Kesemua 12 anggota Tentera Indonesia berjaya ditawan. Operasi Iron Rod dilancarkan pada 12-13 Februari 1965 di kawasan Kukup, Johor oleh KD Sri Kedah, TLDM. KD Sri Kedah memintas bot yang dinaiki oleh 13 orang penyusup bersenjata Indonesia. Seorang daripada mereka dibunuh, manakala 12 yang lain ditawan. Operasi Brick Wall dilancarkan mulai 22 dan berakhir pada 27 Februari 1965. Operasi dijalankan di kawasan Kampung Panchor, Pantai Remis, Perak ekoran terdapatnya maklumat mengenai penyusupan enam anggota bersenjata Indonesia. Operasi dilaksanakan oleh pasukan 2 Briged. Dua TNI berjaya dibunuh manakala empat ditawan.

Sembilan penyusup Indonesia yang berada dalam sebuah bot yang dipintas oleh HMS Teal di 9mb tenggara Negeri Sembilan berjaya ditawan melalui Operasi Teal pada 23 Februari 1965. Operasi Oak Tree I dilancarkan mulai 25 Februari 1965 hingga 14 Mei 1965 ekoran terdapatnya penyusupan 44 anggota bersenjata Indonesia di kawasan Kota Tinggi, Johor. Operasi dilaksanakan oleh Batalion 4 RAMD, 8 RAMD dan 2 SIR. Seramai 23 penyusup berjaya dibunuh, manakala 21 lagi ditawan. Pasukan keselamatan Malaysia sendiri mengalami 10 kematian dan enam kecederaan. Operasi Oak Tree II yang dilancarkan pada 17 Mac 1965 di kawasan Kota Tinggi bertujuan menghapuskan 13 penyusup bersenjata Indonesia. Batalion 4 RAMD, 8 RAMD dan 2 SIR terlibat dalam operasi ini. Tujuh anggota bersenjata Indonesia dibunuh, manakala enam lagi ditawan.

Operasi Oak Tree III dilancarkan bagi menghapuskan penyusupan 42 anggota bersenjata Indonesia di kawasan Kota Tinggi pada 26 Mac 1965. Batalion 4 RAMD, 8 RAMD dan 2 SIR terlibat dalam operasi ini. Lapan TNI berjaya dihapuskan dan 19 lagi ditawan. Operasi Top Hat mula dilancarkan pada 30 Mei 1965 dan berakhir pada 12 Jun 1965. Ia ditujukan terhadap 25 penyusup bersenjata Indonesia yang berada di kawasan Tanjung Sedeli Kechil, Johor. Operasi ini dilaksanakan oleh pasukan Briged ke-4, 4 RAMD, PPH dan Royal Air Force. Seorang TNI dibunuh, manakala 24 orang ditawan.

Operasi Easy Chair dilancarkan mulai 1 hingga 12 Jun 1965 ekoran terdapatnya penyusupan 10 anggota bersenjata Indonesia di kawasan Benut, Johor. Batalion 2 SIR dan PPH terlibat dalam melaksanakan operasi ini. Lima

TNI berjaya dibunuh, manakala baki lima lagi ditawan. Sembilan penyusup Indonesia ditawan dalam Operasi Jurung pada 27-29 Disember 1965. Berdasarkan maklumat di atas, mulai 17 Ogos 1964 hingga 29 Disember 1965, terdapat seramai kira-kira 670 orang bersenjata Indonesia menyusup melalui laut dan udara ke Semenanjung. Bagi menentang pencerobohan Indonesia ke Semenanjung, tidak kurang daripada 21 operasi dilancarkan melibatkan tidak kurang daripada 20 pasukan keselamatan Malaysia dan Komanwel. Seramai 143 penyusup berjaya dibunuh, 432 ditawan manakala, 34 orang penyusup menyerah diri. Di pihak pasukan keselamatan Malaysia dan Komanwel pula, seramai 16 terbunuh dan lapan tercedera.

## Operasi Limit

Pada 24 Julai 1964, di perairan Pulau St. Johns, lima batu dari Singapura, KD Sri Selangor, di bawah pimpinan Leftenan P.K. Nettur TLDM bertempur dengan sebuah bot yang dinaiki oleh lima anggota Kor Komando Operasi Indonesia (KKO). Able Electrical Mechanic Abdul Samad bin Suliman terbunuh, manakala Kadet Kanan Musa bin Jabar dan LRRG Kweh Onn Cheong tercedera. Kelima-lima KKO berjaya dibunuh.

Ekoran daripada itu, bagi mencegah penyusupan anggota bersenjata Indonesia melalui perniagaan bertukar barang secara haram antara para peniaga Indonesia dan Malaysia di sepanjang pantai barat Johor, kerajaan melancarkan Operasi Limit pada 12 Ogos 1964. Bagi melaksanakan operasi ini 6 RAMD ditugaskan di Kukup, Senggarang, Minyak Beku, Muar dan Semerah. Satu kumpulan ronda Skuadron B 1 Peninjau pada 15 Ogos menawan seorang penyusup Indonesia di Kukup.

Pada 17 Ogos, sekumpulan Platon 5 Kompeni B 6 RAMD di bawah pimpinan Leftenan Muda Badrudin bin Mohd. Yasin (12211) bertempur dengan sekumpulan penyusup bersenjata Indonesia di Pontian (Sila lihat Lampiran Peta 2). Seramai sembilan penyusup berjaya ditawan, manakala seorang anggota platon mendapat cedera parah. Batalion selepas itu mendirikan markas taktikalnya di Balai Polis Pontian bagi melancarkan operasi seterusnya. Platon pimpinan Leftenan Muda Abas bin Mohd. Yunus (12258) membunuh seorang penyusup, manakala seorang anggotanya tercedera pada 18 Ogos dalam satu pertempuran.

Seksyen pimpinan 10046 Koperal Mohd. Yunus bin Ibrahim membunuh seorang sukarelawan bangsa Cina dalam satu serang hendap pada 19 Ogos. Koperal Mohd. Yunus sendiri terkorban. Di kawasan Sungai Pradin platon Leftenan Muda Abas membunuh dua penyusup dan menawan empat sukarelawan Cina Malaysia, manakala platon Leftenan Muda Hussein bin


## Wira Angkatan Tentera Malaysia Ketika Konfrontasi



Gambar 1. Mejah Jeneral Datuk  
Abdul Kadir Nordin PGB



Gambar 2. Mejah (Bersara) Dato'  
Kamaruddin Mohd. Jamal PGB



Gambar 3. Leftenan Kolonel  
(Bersara) Ismail Ghows PGB



Gambar 4. Mejah (Bersara)  
Badrudin Mohd. Yasin KPK



Gambar 5. Mejah Jeneral  
(Bersara) Dato' Abas Mohd.  
Yunus KPK



Gambar 6. Bekas Pegawai Waran  
Dua Abdul Manap Sidek KPK



Gambar 7. Bekas Sarjan Ahmad  
Abdul Mutalib KPK



Gambar 8. Bekas Prebet  
Mohamed Nafiah Yahaya KPK



Gambar 9. Laksamana Pertama  
(Bersara) M.W. Alvisse  
TLDM KPK



Gambar 10. Allahyarham Kapten  
Anoar Ibrahim Mohammed  
Noor KPK



Gambar 11. Bekas Pegawai  
Waran Satu Mohd.  
Yusof Jani KPK



Gambar 12. Bekas Sarjan  
Hussein bin Hj. Radzuan KPK



Gambar 13. Bekas Las Kopral  
A. Sani Abdullah KPK



Gambar 14. Kapten (Bersara)  
Albert Munassch KPK



Gambar 15. Mejari (Bersara) Taip  
Sulaiman KPK



Gambar 16. Jeneral (Bersara) Tan Sri  
Abdul Hamid Bidin (Mejar Jeneral Dato',  
KTTD, Ketua Koordinasi Operasi ATM,  
PDRM dan Tentera Komanwel di  
Semenanjung Malaysia)

## Pengalaman dan Kejayaan Warga Angkatan Tentera Malaysia Ketika Konfrontasi



Gambar 17. Leftenan Jeneral (Bersara) Dato' Abdullah Shamsuddin (Mejar, Ahli Jawatankuasa Majlis Gerakan Negara)



Gambar 18. Bekas Sarjan M. Sikh Mohd. Jali (Las Koperal, Platoon 7 Kompeni C 2 SIR, terlibat dalam tragedi Sungai Lebam)



Gambar 19. Bekas Pegawai Waran Dua Muhamat Sular (Pribet, Platoon 7 Kompeni C 2 SIR, terlibat dalam tragedi Sungai Lebam)



Gambar 20. Kolonel (Bersara) Syed Othman Syed Ali (Leftenan Muda, Ketua Platoon 9 Kompeni C 2 SIR, pada 13 Mac 1965 membunuh tujuh TNI dan tujuh TNI lagi pada 3 dan 4 April 1965)



Gambar 21. Mejaz Jeneral Dato' Abdul Shukor Jaafar (Leftenan Muda, Ketua Platan 8 RAMD, membunuh tiga dan menawan 10 TNI, empat daripadanya tercedera di Tanjung Balau)



Gambar 22. Kapten (Bersara) Nik Anis Nik Abdullah TLDM (Pegawai Muda laut, terlibat dalam operasi melintasi Selat Sunda dan Selat Gaspa dengan HMS Blackpol dan HMS Eralyus pada 2 Januari 1966)



Gambar 23. Kejayaan 6 RAMD. Beberapa orang pegawai dan anggota Kompeni A6 RAMP sedang mengusung seorang anggota TNI yang berjaya dicederakan dalam satu serang hendap pada 24 Ogos 1964



Gambar 24. Penyusup bersenjata Indonesia ditawan dalam dua kejadian di Pontian pada 10 September 1964



Gambar 25. Kejayaan 5 RAMD. Enam anggota TNKU yang menyerah kepada Pluton 5, Kompeni B5 RAMD pimpinan Leftenan Muda Amir Baharudin di Titikah, Sarawak bergambar bersama anggota platon terbabit



Gambar 26. Gambar menunjukkan penyusup Indonesia ditawan



Gambar 27. Lawatan KTAT ke Apas Kalong. KTAT. Leftenan Jeneral Tunku Osman (kiri) dan Pemerintahan Briged ke-5, Brigedier Jeneral Mazlan (tengah) sedang mendengar penerangan daripada Leftenan Muda Taip Sulaiman (kanan) ketika mereka mengadakan lawatan ke Markas Detasemen I Peninjau Apas Balong setelah detasemen berkenaan berjaya menawan enam TNKU.



Gambar 28. Gambar menunjukkan kejayaan KD Seri Pahang Able Steward Abu Bakar (kiri) memegang MGK, Able Seaman Ali (kanan) sedang menarik tali untuk merapatkan kapal KD Seri Pahang di pelabuhan Teluk Air Masin. Dua anggota KKO sedang terikat di 'Stenchion' manakala dua KKO yang terkorban di geladak atas bahagian belakang kapal

## Usaha Damai dan Pemulihan Semula Hubungan Malaysia – Indonesia



Gambar 29. Tempat Pemeriksaan Tebedu Sarawak 18-19 Jun 1964. Seramai 32 gerila bersenjata Indonesia tiba di tempat pemeriksaan Tebedu pada 12.30 tengahari setelah diberikan perlindungan dari Pang Amo ke Tebedu. Gambar menunjukkan gerila Indonesia yang dipandu Batalion ke-4 RAMD bertemu dengan salah seorang pegawai Tentera Malaysia (kanan) yang sedang menunggu di situ



Gambar 30. Perdana Menteri Tunku Abdul Rahman berlepas ke Tokyo dari Lapangan Terbang Kuala Lumpur pada 30 Mei 1963 untuk bertemu Presiden Soekarno atas jemputan Presiden Indonesia tersebut. Tunku Abdul Rahman diantar oleh Timbalan Perdana menteri dan menteri kabinet yang lain, Ketua Setiausaha Perhubungan Luar serta para pegawai Kanan Kerajaan. Gambar menunjukkan Orang Kaya Dato' Mustapha, Ahli Majlis Perundangan Borneo Utara (tengah) sedang mengucapkan selamat jalan kepada Perdana Menteri




Gambar 31. Perjanjian Jakarta. Upacara menandatangani Persetujuan Normalisasi Hubungan Indonesia - Malaysia di Gabung Pancasila, Deplu, Jakarta pada 11 Ogos 1966. Indonesia diwakili oleh menteri utama, Menteri Luar Negeri Adam Malik manakala Malaysia oleh wakil Perdana Menteri, Menteri Luar Negeri Tun Abdul Razak. Upacara tersebut disaksikan oleh Ketua Presiden Kabinet Ampura, Jeneral Soeharto. Gambar duduk Tun Abdul Razak (kiri) dan Adam Malik (kanan). Berdiri Mejari Jeneral Abdul Hamid bin Bidin (kiri) dan Jeneral Soeharto (tengah)




Gambar 32. Penyerahan Tahanan Indonesia. Setiausaha Kementerian Dalam Negeri, Dato' Nik Daud bin Hj. Nik Mat (kanan) dan Leftenan Kolonel Winarto sedang menandatangani surat penyerahan 539 orang rakyat Indonesia yang ditahan oleh Kerajaan Malaysia sepanjang konfrontasi. Penyerahan dilakukan menurut syarat-syarat Perjanjian Jakarta yang telah ditandatangani pada 11 Ogos 1996. Upacara penyerahan tahanan dilakukan di atas kapal yang membawa orang tahanan pulang ke Indonesia, K.M. Brantas di Pelabuhan Selat Klang Utara pada 8 Oktober 1996

## Peralatan dan Persenjataan yang Dirampas Ketika Konfrantasi



Gambar 33. Grened 36 buatan British bersama strikers dan pin, dijumpai selepas serangan pengganas sempadan Indonesia di Gumbang dan Tebedu, Bahagian Pertama Sarawak dan di Menyong Taeh dan Sungai Merakat, Bahagian Kedua Sarawak antara 3 Jun hingga 13 Ogos 1963



Gambar 34. Topi dengan lambang TNI dijumpai di Tinteng Lalan dekat Lubuk Antu, Bahagian Kedua Sarawak selepas satu serangan pengganas sempadan Indonesia ke atas sebuah rumah panjang di kawasan berkenaan pada 8 Ogos 1963



Gambar 35. Tali pinggang TNI, satu tali pinggang peluru point 308 dan tali pinggang kain (web beho) dengan cap TNI dijumpai di Pancau dan Tebedu, Bahagian Pertama dan di Tinteng Lalang, Bahagian Kedua Sarawak selepas serangan pengganas sempadan Indonesia di kawasan terbabit



Gambar 36. Senjata TNI Repal Automatik Sten-Gun bersama peluru diperolehi daripada gerila bersenjata Indonesia di Pontian pada 4 November 1964



Gambar 37. Perdana Menteri ke Pontian 9 Januari 1965. Gambar menunjukkan Tunku Abdul Rahman (tengah) sedang memeriksa senjata dan peluru yang dirampas daripada penyusup bersenjata Indonesia di Balai Polis Pontian



Gambar 38. Mesyuarat Delegrasi Jawatankuasa Am Sepadan Thailand memeriksa Persenjataan TNI yang dirampas 13 Mac 1965. Gambar menunjukkan delegasi Thailand memeriksa sebahagian daripada persenjataan TNI yang dipamerkan. Gambar menunjukkan DSP Mat Jan bin Hj. Noh (kiri) sedang menerangkan sesuatu kepada delegasi Thai



Gambar 39. Ahli-ahli Parlimen melihat senjata dan peralatan TNI di Parlimen 10 September 1964. Senjata-senjata yang dirampas daripada Ashor Payung Terjun Indonesia yang mendarat di kawasan Labis, Johor telah dipamerkan di serambi Bangunan parlimen. Menteri Penerangan dan Siaran (dua dari kiri) menunjukkan sebutir peluru kepada Encik Koh Khai Boh dikirinya serta ahli-ahli mesyuarat yang lain

## Kerjasama selepas Pendamaian



Gambar 40. Eksesais Malindo Darsasa I. Gambar dari kiri menunjukkan Ketua Turus Angkatan Tentera, Jeneral Tan Sri Mohamad Ghazali bin Dato' Mohd Seth, Ketua Turus Tentera Darat, Jeneral Tan Sri Zain Mahmood Hashim bersama para pegawai TNI sedang mendengar taklimat




Gambar 41. Eksesais Malindo Darsasa 3 AB/91. Gambar dari kiri menunjukkan ketua Staf Markas ATM, Lettenan Jeneral Dato' Abdul Rahman Hj. Abdul Hamid, Panglima Angkatan Tentera, Jeneral Tan Sri Mohamed Hashim Mohd. Ali, Jeneral tni, Sturisno dan para pegawai ATM serta tni sedang mendengar taklimat



Peta 1. Penempatan Tentera di Sarawak




Peta 2. Kawasan Operasi di Sarawak




Peta 3. Penempatan Tentera di Sabah




Peta 4. Kawasan Operasi di Sabah




Peta 5. Penempatan Tentara di Melaka dan Johor




Peta 6. Kawasan Operasi di Melaka dan Johor




Peta 7. Kawasan operasi dan penempatan tentera di Singapura




Rajah 1. Jalan ronda platun 7 2 Sir pada 27 dan 28 Februari 1965




Rajah 2. Lokasi kejadian yang melibatkan platun 7 2 Sir pada 28 Februari 1965



Rajah 3. Lokasi kejadian yang melibatkan platoon 7 2 Sir pada 28 Februari 1965



Rajah 4. Lokasi kejadian melibatkan markas kompeni A 4 RAMD pada 6 mac 1964



Rajah 5. Sebahagian daripada kawasan Tepoi dalam kejadian pada 21 mac 1964

Sufian (12327) membunuh dua penyusup. Pada 21 Ogos, Leftenan Muda Kamaruddin bin Mohd. Jamal (12210) bersama enam anggota membunuh empat penyusup TNI dan kehilangan seorang anggota dalam satu pertempuran di Kampung Pradin.

Sehingga 24 Ogos, 6 RAMD berjaya membunuh 10 orang dan menawan 16 penyusup bersenjata Indonesia. Batalion 6 RAMD selepas itu kembali semula ke Kluang dan operasi di Pontian diambil alih oleh 8 RAMD. Sepanjang Operasi ini terdapat tujuh kejadian pertempuran dan pertembungan antara penyusup bersenjata Indonesia dengan pasukan 6 RAMD dan 1 Peninjau. Seramai 10 penyusup dibunuh, 17 ditawan, manakala 6 RAMD mengalami dua kematian dan dua kecederaan.

## Operasi Liver

Bagi menghapuskan baki penyusup bersenjata Indonesia yang menyusup ke Negeri Johor pada 16 dan 17 Ogos 1964, Pemerintah Briged ke-4 Infantri Malaysia, Brigadier Mohammed Noor bin Hj. Tamin melancarkan Operasi Liver pada 17 Ogos 1964. Operasi ini dijalankan di kawasan Pontian, Kukup dan Benut. Dua penyusup ditawan oleh 8 RAMD pada hari pertama operasi. Pada 18 Ogos seorang penyusup dibunuh manakala seorang lagi ditawan. Pada 4 Oktober 1964, Operasi Liver Dua dilancarkan di sekitar Renggam dan Layang-Layang, Johor. Operasi kemudiannya turut meliputi kawasan Pontian Kechil. Ini adalah operasi mencari dan memusnahkan penyusup Indonesia yang dikenali sebagai Kumpulan Benut.

Kumpulan ini adalah satu kumpulan TNI yang mendarat di Benut, Johor pada 17 Ogos 1964. Keanggotaan kumpulan ini terdiri daripada 34 Pasukan Gerak Tjepat, sembilan sukarelawan berbangsa Cina dari Malaysia dan dua orang sukarelawan Dwi Komando Rakyat (DWIKORA). Ketua Kumpulan Benut ini adalah Sarjan Mejap Soeparmi. Pada hari pertama mereka mendarat, dua daripada sukarelawan bangsa Cina ditawan. Pada 18 Ogos 1964, kumpulan ini mengalami dua lagi kemalangan. Seorang koperal PGT terbunuh, manakala seorang lagi sukarelawan DWIKORA bermama Nazir Mongchik, bakal menjadi Pegawai Daerah Pontian ditawan. Sejak itu, kumpulan berkenaan gagal dikesan oleh pasukan keselamatan.

Pergerakan mereka hanya dapat dikesan oleh Pasukan Cawangan Khas dua bulan kemudiannya. Adalah dijangkakan iaitu selepas pertempuran pada 18 Ogos 1964, kumpulan ini bergerak menuju ke Gunung Blumut, tempat berkumpul yang telah ditetapkan bagi bercantum dengan kumpulan yang mendarat di Labis (Anggota Pasukan Payung Terjun). Op Liver Dua dilancarkan dengan tujuan hendak memusnahkan mereka sebelum mereka berkesempatan

sampai ke tempat berkumpul. Pada asalnya operasi ini hanya meliputi kawasan Renggam dan Layang-Layang. Tanggungjawab tersebut telah diberikan kepada pasukan 1 RNZIR.

Setelah operasi dijalankan selama seminggu, tiada sebarang pergerakan kumpulan ini dapat dikesan oleh 1 RNZIR. Ini seolah-olah mengesahkan yang kumpulan tersebut telah pun kembali ke Indonesia. Pada 3 Oktober 1964 selepas mengadakan perundingan yang panjang dengan pihak Perisikan Tentera Negeri Johor (MIO), Pegawai Memerintah 8 RAMD, Leftenan Kolonel Othman bin Ibrahim berpendapat bahawa Kumpulan Benut masih belum terusik dan masih berada di sekitar kawasan Pontian Kecil. Beliau kemudiannya mengambil keputusan untuk menemui Pemerintah 4 Federation Infantry Brigade (4 FIB) bagi mendapatkan kebenaran anggota Kompeni B 8 RAMD bergerak ke kawasan berkenaan.

Sehingga 7 Oktober 1964, Kumpulan Benut hanya berjaya melatih sebilangan kecil Orang Cina tempatan menggunakan senjata api. Batalion Ke-8 RAMD terlibat dalam operasi ini mulai 4 Oktober 1964, apabila Kompeni C yang sedang menjalankan Op Limit didatangkan untuk membuat kepungan di kawasan berhampiran dengan Parit Selangor, Pontian. Dalam operasi kecil ini, seorang Cina, Lee Gei Chong, warganegara Malaysia yang telah pergi ke Indonesia sebanyak tiga kali dan berjaya menyeludupkan sebilangan senjata mesingan kecil telah ditawan.

Dengan penangkapan tersebut, pihak Cawangan Khas dapat melakukan tangkapan ke atas para pembekal makanan kepada Kumpulan Benut. Salah seorang daripada mereka telah pun bersedia membawa pasukan keselamatan ke perkhemahan Kumpulan Benut yang terletak di timur laut Ladang Nenas Chuan Seng. Tugas tersebut diberikan kepada 1 RNZIR dan pasukan berkenaan telah bertempur dengan kumpulan tersebut pada 7 Oktober 1964 dan berjaya membunuh seorang Indonesia. Dalam operasi menjejak yang dilakukan, seorang sarjan Indonesia dibunuh pada 9 Oktober 1964.

Pada hari yang sama, Lee Mah Song, Ketua Sukarelawan Cina warganegara Malaysia bersama empat rakannya yang lain ditangkap dalam satu sekatan jalan raya di Batu 28 Jalan Johor Bharu dan Air Hitam. Ketika disoal siasat, Lee Mah Song mengaku memberi perintah membunuh seorang sukarelawan Cina ketika mereka masih berada di dalam hutan. Setakat ini, lapan daripada sembilan sukarelawan Cina warganegara Malaysia telah berjaya dihapuskan. Adalah difahamkan bahawa Kumpulan Benut telahpun berpecah kepada tiga kumpulan pada 8 Oktober 1964 bagi mengelakkan diri daripada dapat dikesan dan ditembak oleh pesawat Royal Air Force.

Menurut Lee Mah Song, kumpulannya bergerak menuju ke arah timur, satu kumpulan lagi bergerak ke arah utara, manakala satu kumpulan lagi bergerak ke arah Tenggara. Sebagaimana yang tercatat di atas, Lee Mah Song dan kumpulan yang menghala ke timur dan timur laut telah ditawan pada 9

Oktober 1964. Kumpulan kedua dan terbesar yang menuju ke utara berjaya mengelakkan diri daripada dapat dikesan. Kumpulan terakhir yang bergerak menuju ke arah pantai menuruti sungai arah ke muara Sungai Air Baloi. Mereka telah diekori rapat oleh satu pasukan ronda 1 RNZIR. Batalion 8 RAMD mengambil alih tugas daripada 1 RNZIR semasa kumpulan berkenaan melintasi Jalan Pontian/Batu Pahat.

Kumpulan sembilan orang Indonesia itu bagaimanapun berjaya melepaskan diri dengan mencuri sebuah bot. Pada pagi 12 Oktober 1964 sebuah bot Polis Marin telah ditugaskan menunggu kumpulan berkenaan di muara Sungai Air Baloi dan berjaya menangkap mereka. Pada 13 Oktober 1964, berdasarkan maklumat daripada orang kampung Platon 12 Kompeni C 8 RAMD telah menunggu kedatangan lapan penyusup Indonesia di Parit Wak Jabar. Pada 13 Oktober 1964, dua orang daripada anggota kumpulan berkenaan ditawan oleh anggota Platon 9 Kompeni C dalam kawasan yang sama selepas satu pertempuran singkat.

Pada 16 Oktober 1964, baki lima orang anggota kumpulan berkenaan menyerah diri kepada orang kampung berdekatan dengan Balai Polis Air Baloi setelah dikepung selama 18 jam oleh anggota 8 RAMD. Bertindak atas maklumat yang diterima pada 24 Oktober 1964, Platon 3 Kompeni A menawan seorang koperal dari Kumpulan Benut di Sungai Marang. Sejarn kemudian, iaitu pada lebih kurang pukul 4.00 petang, seorang sarjan daripada kumpulan PGT berjaya dibunuh di kawasan yang sama. Pada 25 Oktober 1964, satu platon diarah membuat serang hendap di Parit Tenggayon, Pontian. Di sini platon itu berjaya membunuh Sarjan Mejor Soeparmin iaitu ketua Kumpulan Benut bersama dua anggotanya yang lain.

Pada 26 Oktober 1964, seorang anggota tentera Indonesia dijumpai tercedera di kawasan Sarjan Mejor Soeparmin diserang hendap. Pada 31 Oktober 1964, dua lagi tentera Indonesia menyerah diri di Kampung Duku. Sehingga 4 November 1964 hanya lapan penyusup Indonesia dan seorang sukarelawan Cina daripada Kumpulan Benut yang masih belum dapat dihapuskan. Kumpulan yang kecil ini dianggap tidak begitu mengancam. Oleh yang demikian, 8 RAMD diarah menyerahkan kawasan operasi kepada Pasukan Polis Hutan pada tarikh yang sama dan kembali ke Singapura.

Kejayaan operasi ini antara lain disebabkan kerjasama antara orang awam dengan Pasukan Keselamatan adalah amat baik. Ini terjadi kerana mereka merasakan bahawa mereka juga turut serta dalam operasi berkenaan. Oleh yang demikian, maklumat berkaitan pergerakan penyusup dengan mudah diperolehi oleh pasukan Polis atau Tentera. Walaupun tidak perlu disebut, tetapi ia adalah satu aspek penting bagi operasi ini, pasukan ini tidak mempunyai keanggotaan yang cukup untuk mengawal setiap inci kawasan yang dipertanggungjawabkan. Kalaupun pasukan keselamatan berupaya mengawasi setiap inci kawasan yang dipertanggungjawabkan, ia masih sukar bagi anggota pasukan hendak

membezakan antara penduduk tempatan dengan para penyusup kerana mereka mempunyai paras rupa dan cara bertutur yang sama.

Kerjasama antara pihak Polis dan Tentera adalah cemerlang. Ini adalah penting kerana pihak Polis merupakan penghubung antara Tentera dan penduduk awam. Polis merupakan sumber bagi mendapatkan maklumat yang tepat. Mereka tidak hanya berupaya memahami situasi, tetapi mereka juga telah mempunyai pengetahuan tentang keadaan muka bumi serta penghuniinya. Semangat untuk berlumba juga dapat dilihat dalam operasi ini. Kompeni-kompeni berazam untuk mendapat kejayaan dan setiap orang daripada mereka sentiasa cuba untuk melakukan sesuatu yang terbaik. Pada suatu ketika, terserlah semangat yang begitu berkobar-kobar sehingga hampir tidak terkawal. Moral anggota pasukan ketika itu adalah amat tinggi. Terdapat 12 kejadian pertempuran dan pertembungan antara penyusup bersenjata Indonesia dengan pasukan 8 RAMD, 1 RNZIR dan pihak polis. Sepanjang kira-kira dua bulan Operasi Liver dijalankan seramai tujuh orang penyusup berjaya dibunuh, 22 ditawan dan tujuh orang menyerah diri. Pasukan keselamatan kita mengalami satu kematian dan dua kecederaan.

## Operasi Lilac

Pada malam 1 dan 2 September 1964 12.30 tengah malam, sekumpulan askar payung terjun Indonesia digugurkan di kawasan Labis (lihat Peta 5). Dua kompeni dari Batalion ke-6 RAMD dan satu kompeni PPH digerakkan ke Labis pada 2 September 1964. Dalam masa yang sama ketegangan akibat perselisihan kaum Melayu dan Cina berlaku di Singapura dan terup diperlukan segera bagi mengawal keadaan di pulau tersebut. Pada 4 September 1964, Pegawai Memerintah 1/10 Gurkha berjumpa dengan pemerintah tentera di Kem Terendak, Melaka dan telah diarah membawa batalionnya ke Labis bagi mengambil alih tugas operasi daripada 6 RAMD yang dikehendaki bertugas di Singapura. Tugas 1/10 Gurkha ialah untuk memusnahkan anggota payung terjun Indonesia yang mendarat di kawasan tersebut dengan secepat mungkin. Pegawai Memerintah 1/10 Gurkha meninggalkan Terendak menuju Labis bersama sekumpulan anggota peninjau pukul 2.00 petang, manakala kumpulan besar pasukan meninggalkan Terendak setengah jam kemudian.

Setibanya di Balai Polis Labis, Kumpulan Tinjau 1/10 Gurkha diberi taklimat oleh Ejutan 6 RAMD kerana Pegawai Memerintah keluar membuat tinjauan di kawasan Ayer Panas. Di peringkat awal, anggota TNI dikatakan berkekuatan antara 30-40 orang mendarat di tanah rancangan Felda utara Labis dan 11 daripada mereka telah dihapuskan. Bekalan makanan, peluru dan peralatan pembinaan antara yang berjaya dirampas. Mereka mungkin ditugaskan

untuk membina pangkalan hutan dan melancarkan operasi dari situ. Pemerintah 1 Federation Brigade tiba sejurus selepas taklimat disampaikan dan pergi menemui Pegawai Memerintah 6 RAMD, Leftenan Kolonel Mokhti bin Jabar bersama Pegawai Memerintah 1/10 Gurkha di Ayer panas.

Pegawai Memerintah 6 RAMD memberitahu Pegawai Memerintah 1/10 Gurkha bahawa terdapat satu pangkalan penyusup di bahagian selatan lorong Ayer Panas-Sawah Bharu. Terdapat 25 askar payung terjun yang berkubu di satu lorong menghala ke hutan dan dilaporkan memiliki senjata 51mm Mortar. Maklumat berkenaan disampaikan oleh seorang penduduk kampung yang sebelum itu telah melaporkan kedudukan tiga anggota payung terjun yang mana seorang daripadanya berjaya dibunuh. Keseluruhan anggota 6 RAMD meninggalkan Labis jam 9.00 malam dan operasi selanjutnya diberikan kepada 1/10 Gurkha.

Satu kompeni PPH, dua skuadron Rejimen Peninjau Persekutuan dan C Bateri 1 Artilleri terus diletakkan di bawah perintah 1/10 Gurkha. Keseluruhan anggota kecuali Kompeni D digerakkan ke kawasan Air Panas menggunakan jalan dan lorong bagi mengepung kawasan terbabit melalui rangkaian serang hendap di lokasi yang disyaki. Pada 5 September, Kompeni A yang dibantu oleh empat laras mortar tiga inci dari Platun Mortar, batalion melancarkan serangan berasingan ke lokasi anggota TNI dikatakan berada. Batalion digerakkan semula pada pagi 6 September ke kawasan yang berkemungkinan dilalui oleh anggota TNI untuk melepaskan diri.

Kompeni A ditugaskan mengawal kawasan hingga ke Labis-Jalan Ayer Panas, Lorong Ayer Panas-Sawah Bharu dan jalan besar Labis-Segamat. Markas kompeni didirikan di Sekolah Felda. Kawasan terbabit merupakan lokasi pendaratan penyusup Indonesia. Kompeni B diberikan kawasan di utara Kompeni A meliputi kawasan Felda. Platun Skuadron Peninjau diletakkan di bawah perintah dan ditempatkan di penempatan Orang Asli. Markas kompeni ditempatkan di rumah pekerja Estet Segamat. Kompeni C diberikan kawasan ke utara dan timur laut Ayer Panas. Markas kompeni ditempatkan di Balai Polis Ayer Panas. Kompeni PPH diberikan kawasan ke tenggara Segamat dan ke utara Kompeni B serta jalan besar bertindak sebagai penyekat.

Satu skuadron Rejimen Peninjau diberikan tugas meronda jalan besar antara Labis dan Segamat. Mereka kemudiannya dibantu oleh C Bateri 1 Rejimen Artilleri Persekutuan yang bertindak sebagai anggota infantri. Kesemua subunit diarah melakukan rondaan dengan teliti di samping tinjauan udara turut dilakukan. Dalam masa seminggu operasi berjalan tiada kejayaan besar dicapai. Mulai 13 September hingga ke akhir bulan berkenaan, sebahagian besar TNI berjaya dihapuskan sama ada dalam pertempuran dengan kumpulan ronda, serang hendap atau melalui maklumat yang diterima daripada orang awam. Pada 6 Oktober 1964, pasukan 1 Renjer membunuh seorang penyusup di Labis. Pada 3 April 1965, enam penyusup dibunuh di Labis oleh

1 Renjer. Pada 11 Jun 1965 enam lagi penyusup TNI dibunuh di Labis oleh 1 Renjer. Secara keseluruhan pasukan 1 Renjer berjaya menghapuskan 1 penyusup TNI ketika beroperasi di Labis.

Menurut anggota TNI yang ditawan, mereka mempunyai kekuatan 48 orang dan diketuai oleh Lettenan Soetekno. Perancangan bagi operasi ini dibuat mulai Februari 1964. Anggota untuk operasi ini diambil daripada dua dan tiga Batalyon PGT bersama sejumlah sukarelawan Cina yang berasal daripada beberapa negeri di Malaysia. Banyak masa digunakan bagi melatih angota terhabit bertutur dalam loghat Melayu, menyimpan rambut dan sebagainya. Kesemua anggota terlibat diberikan pakaian seragam yang serupa, kasut dan wang kertas \$300 tiap-tiap seorang. Kesemua sukarelawan mempunyai kad pengenalan masing-masing.

Peta yang digunakan adalah peta yang dicetak semula daripada peta Malaya di belakang buku *Years Book of Malaya 1959*. Ini sukar digunakan untuk pergerakan di hutan bersama kompas yang dibekalkan kepada mereka. Peta yang telah bertanda diperolehi daripada Lettenan Soetekno adalah peta jalan raya. Pasukan berkenaan mengandungi tiga kumpulan dengan kekuatan 144 orang anggota. Setiap platon mempunyai kekuatan 48 orang anggota dan dibahagikan kepada lapan seksyen, enam anggota setiap seksyen. Satu pesawat Hercules C130 meninggalkan Jakarta jam 4.30 petang 1 September dan singgah di Medan untuk mengisi minyak dan memberi peluang kepada angota untuk makan.

Pesawat terbang rendah ketika melintasi Selat Melaka dan menggugurkan angota di arah bearing 330 darjah, utara Labis. Dua lagi pesawat meninggalkan Jakarta kira-kira pukul 8.00 malam untuk terbang terus ke zon pengguguran bagi menggugurkan angota. Sebuah pesawat C130 terjunam ke Selat Melaka. Manakala sebuah lagi berjaya menggugurkan angota di bearing 330 mils kira-kira 15-20 batu ke utara Labis. Menurut kenyataan angota TNI yang ditawan, ketiga-tiga pesawat dikehendaki menggugurkan muatan masing-masing di kawasan yang sama, jauh dalam hutan. Disebabkan persediaan dan perancangan yang lemah, mereka digugurkan tersangat jauh dari kawasan yang dirancang.

Lebih mengejutkan ialah ketidakmampuan seorang pegawai bertauliah TNI yang didararkan bersama platonnya untuk berkumpul semula. Sepatutnya kesemua Pegawai Tidak Tauliah, dimaklumkan agar berkumpul di Gunung Besar setelah didararkan. Seramai 40 daripada 48 angota mendarat jauh ke utara daripada sasaran berupaya berkumpul di tempat tersebut pada 8 September tanpa ketua platon mengetui platonnya terjun dari pesawat. Dipercayai dia terbunuh ketika digugurkan. Kermalangan ketika digugurkan ternyata amat kecil memandangkan ia dilakukan waktu malam dan lebih 50 peratus mendarat dalam kebun getah. Tiada angota yang ditangkap mengaku jatuh di hutan. Kesemua mereka dimaklumkan akan disambut mesra dan yang diberi arahan supaya mengadakan pangkalan tetap dalam hutan di mana dari situ berusaha menubuhkan pasukan gerila, menggunakan dengan sepenuhnya angota sukarelawan tempatan.

Dalam masa dua hari, 2 hingga 4 September 6 RAMD dan PPH berjaya menghapuskan 11 penyusup bersenjata Indonesia yang mendarat di Labis. Seorang anggota pasukan keselamatan Malaysia terkorban, manakala seorang lagi tercedera. Operasi Lilac yang dijalankan oleh 1/10 Gurkha dari 4 September hingga 6 Oktober 1964 gagal membawa sebarang hasil. Operasi seterusnya oleh 1 Renjer berjaya menghapuskan 13 orang penyusup. Secara keseluruhannya di Labis seramai 24 penyusup berjaya dihapuskan.

## Operasi Flower

Pada pukul 4.15 pagi 29 Oktober 1964, seramai 52 penyusup Indonesia mendarat di muara Sungai Kesang, sempadan antara Johor dan Melaka. Penyeberangan dibuat dengan lima buah bot kepunyaan nelayan Malaysia yang ditangkap bersama pemiliknya ketika mereka menangkap ikan pada 19 Oktober 1964. Penyusup terdiri daripada 29 anggota Batalion Ke-3 PGT, 21 sukarelawan Ganyang Malaysia dan dua orang *Malaysian returnees*. Tujuan kedatangan mereka ialah mengurangkan tekanan berterusan oleh pasukan keselamatan terhadap baki anggota kumpulan Benut pimpinan Sarjan Mejar Soeparmin yang telah mendarat pada 17 Ogos 1964.

Kumpulan tersebut diarahkan mendarat antara Sungai Kesang dan Sungai Muar, kemudian bergerak ke pedalaman arah ke Kuala Pilah, di situ mereka akan membina pangkalan tetap (Sila lihat Lampiran B Peta 6). Apabila telah kukuh, mereka diarah melakukan tindakan sabotaj dan keganasan. Tindakan tersebut dipertanggungjawabkan ke atas Sukarelawan Ganyang Malaysia, manakala PGT ditugaskan melatih sukarelawan tempatan. Sekiranya pergerakan mereka diketahui oleh pasukan keselamatan Malaysia, mereka diarah berundur ke kawasan Gunung Ledang di sempadan Melaka-Johor dan mereka masih dikehendaki melakukan tugas yang sama.

Sewaktu menyeberangi Selat Melaka, penyusup menghadapi angin kencang dan hujan ribut membawa mereka terkeluar daripada kawasan dituju dan mereka terpisah. Oleh sebab itu, pendaratan dilakukan dalam dua kumpulan. Satu kumpulan tiga buah bot mengandungi campuran 31 orang anggota mendarat di barat Sungai Kesang. Baki seramai 21 orang dalam dua buah bot mendarat di timur sungai. Ketika mendarat, kumpulan di sebelah barat terserempak dengan sekumpulan nelayan yang sedang berlindung di muara Sungai Kesang. Salah seorang nelayan berjaya meninggalkan tempat tersebut dan membuat laporan pendaratan itu di Balai Polis Sungai Rambai.

Pendaratan kumpulan tersebut turut disahkan oleh anggota pasukan berjaga (Vigilante Corps) yang bertembung dengan kumpulan berkenaan dan telah ditembak. Maklumat mengenai pendaratan dilaporkan kepada Pegawai Staf

Bertugas, Markas 28 Commonwealth Infantry Brigade Group, oleh Pengawal Bertugas, Pusat Kawalan Kontinjen Melaka, pada 5.20 pagi 29 Oktober 1964. Kemudian kesemua trup di bawah briged, 1/10 Gurkha dan sebahagian 4 RTR diarah berjaga-jaga dan persedian juga dibuat bagi mendapatkan bantuan helikopter dan penjelasan mengenai sempadan operasi antara 4 Briged dan 28 Komanwel Briged.

Pihak polis meminta bantuan Tentera Komanwel pada 6.26 pagi dan sejurus selepas itu, satu Kompeni 3 RAR meninggalkan Kem Terendak. Trup yang lain menuruti kemudian dan pada tengah hari Markas taktikal briged mula didirikan di Balai Polis Merlimau bersama Ketua Polis Melaka. Sebelah petangnya, Kompeni D 3 RAR membantu Police District Jungle Squad yang telah mengepung kumpulan penyusup di sebelah barat. Pada pukul 8.00 malam, pemerintah briged memberikan perintah tindakan dilaksanakan keesokan harinya. Sehingga senja 29 Oktober 1964, seramai 34 penyusup berjaya ditawan. Ini termasuk kesemua 20 orang yang mendarat di timur Kesang.

Pecahan kejayaan adalah: Seramai 13 penyusup ditawan oleh Jungle Squad Daerah Jasin. Jungle Squad Daerah Muar menawan 12 penyusup. Kompeni D 3 RAR menawan seorang penyusup. Kompeni B 1 RNZIR menawan lapan penyusup Indonesia. Kini hanya tinggal seramai 18 orang di tebing barat.

Mulai jam 5.30 pagi 30 Oktober 1964, operasi untuk menawan baki penyusup dilancarkan di kawasan sebelah barat Sungai Kesang. 102 Field Bty RAA, memulakan persediaan untuk kembali melaksanakan tugas utamanya. Seramai 13 penyusup menyerah diri kepada Kompeni D 3 RAR.

Pada 21 November 1964 pukul 1.30 petang, Kompeni D 3 RAR memulakan operasi pembersihan secara besar-besaran terhadap baki lima penyusup. Tiga TNI ditawan pukul 4.25 petang. Dua lagi penyusup yang diburu akhirnya menyerah diri kepada seorang petani di Kampung Permatang Tulang, Petak Peta WL4350. Seorang daripadanya telah tercedera akibat terkena serpihan mortar pada pukul 10.30 pagi 30 Oktober 1964. Sebelum itu, mereka meninggalkan kumpulan mereka dan menuju kawasan hutan paya di Rujukan Grid WL445553 selama tiga hari, kemudian bergerak ke pinggir kampung di mana mereka berada selama 17 hari sehingga menyerah diri.

Pada awal pagi 1 Disember 1964, kira-kira dua kilometer dari Bedok, Singapura, KD Sri Pahang, di bawah perintah Leftenan M.W. Alvisse TLDM yang sedang membuat rondaan bertempur dengan sembilan anggota KKO dalam sebuah bot. Seorang KKO dibunuh, seorang tercedera, lima lagi hilang, manakala dua dapat ditawan dan dibawa balik ke Teluk Ayer Basin. Dalam satu kejadian pada tengah malam 6 dan awal pagi 7 Julai 1965, KD Seri Kelantan di bawah perintah Leftenan J.E. Buchanan RAN ketika melakukan rondaan di perairan yang didakwa sebagai kawasan Indonesia kira-kira tiga ke enam batu ke timur pulau St. John bertempur dengan sebuah bot penyusup. Pada 9 Januari 1965, KD Sri Perak dalam Operasi Sri Perak di bawah perintah Leftenan Hyde

Smith TLDM berjaya membunuh 12 dan menawan seramai 16 orang penyusup di Selat Melaka. Daripada 16 penyusup yang ditawan dua daripadanya tercedera. Tiga adalah rakyat Malaysia yang mendakwa telah diculik oleh pihak Indonesia di perairan Port Dickson pada 30 Disember 1964 dan dipaksa menjadi pemandu dalam misi penyusupan anggota bersenjata Indonesia ke Malaysia pada 8 Januari 1965. Pada pukul 3.40 pagi hari yang sama, KD Panglima di bawah perintah Leftenan Ong Kian Lam RMNVR berjaya menawan sekumpulan empat anggota TNI di perairan Kukup, Pontian. Selepas itu, pada 12 dan 13 Feb. 1965, dalam Operasi Iron Rod, KD Sri Kedah di bawah perintah Leftenan A.W. Townsend RN, bertembung dengan sekumpulan KKO dan berjaya menawan 10 KKO. KD Ledang di bawah perintah Leftenan Komander B. Cormack RN menyerang beberapa buah bot penceroboh di perairan Pulau St. John, Singapura. Dalam pada itu, KD Sri Kelantan yang diperintah oleh Leftenan J. Buchanan RAN bertembung dengan beberapa buah bot penyusup dan berjaya membunuh dua penyusup. \*

Dalam Operasi Flower di kawasan Kuala Kesang, Melaka kesemua 52 penyusup yang mendarat ditawan dan menyerah diri dalam tiga kejadian sepanjang tempoh 23 hari operasi berlangsung. Dalam gerakan di perairan Selat Melaka pula TLDM membunuh empat penyusup dan menawan 34 yang lain dari 1 Disember 1964 hingga 14 Februari 1965.

Dari segi pengajaran, bagi Operasi Flower kita bermasib baik kerana penyusup mendarat berhampiran dengan pos pasukan pemerhati yang kemudiannya telah bertindak pantas. Komunikasi yang baik diperlukan antara pos pemerhati dengan balai polis. Peraturan yang jelas diperlukan dalam mengendalikan tawanan. Soal selidik di peringkat batalion oleh pegawai risik dan jurubahasa bagi mendapatkan maklumat berkaitan pertempuran sahaja. Peringkat kedua, di peringkat briged, akan dilakukan oleh Pegawai Turus 3 (Risik) dan pegawai pemerintah platan Risik dengan kerjasama wakil daripada cawangan khas polis. Soal selidik ini, dirangka bagi mendapatkan sasaran dan penekanan terhadap operasi menjejak. Peringkat ketiga, tawanan diserahkan kepada pihak cawangan khas untuk soal selidik lanjut. Tawanan tidak diiringi sepanjang masa oleh anggota tentera yang bertanggungjawab menawan mereka ketika laporan dibuat di balai polis.

## Operasi Oak Tree

Lebih kurang pukul 11.05 pagi 25 Februari 1965, 2 SIR yang berpangkalan di Kem Temasik, Holand Road, Singapura pimpinan Leftenan Kolonel Abdul Latiff bin Hussain (5411) dimaklumkan mengenai pendaratan TNI dengan bot di pantai timur Johor, Rujukan Grid WS630800. 2 SIR diarah menyiasat. Ketua

Kompeni C, Kapten R. G. W. Bliss dan Ketua Platon 9, Leftenan Muda Lockman bin Hashim serta kumpulan anjing pengesan diterbangkan ke kawasan di mana pendaratan dilaporkan berlaku dan mereka mengesahkan terdapatnya pendaratan TNI. Kesan lorong menunjukkan penyusup kira-kira 12 orang. Platon 7 dan 8 diterbangkan untuk menjelak TNI. Rondaan awal di kawasan berhampiran pada 25 dan 26 Februari 1965 gagal menjumpai kesan arah haluan anggota TNI. Walau bagaimanapun, beberapa keping peralatan ganjil kepunyaan TNI dijumpai di kawasan berkenaan (Sila lihat Lampiran Peta 4).

Pada 26 Februari 1965, Kompeni B dan dua subunit dihantar meronda dari Kangkar Papan ke Petak Peta WS4793, sepanjang lorong ke Rujukan Grid WS503008 bertujuan menyekat sebarang percubaan anggota TNI pergi ke utara Sungai Lebam. Leftenan Daljeet Singh dengan kekuatan satu seksyen menduduki satu kedudukan serang hendap di Kangkar Lok Heng Rujukan Grid WN400070. Rondaan giat dan serang hendap malam terus diadakan oleh Kompeni B dan C pada 26, 27 dan 28 Februari 1965. Bagaimanapun tiada kesan menunjukkan arah yang diikuti oleh penyusup. Pada 1 Mac 1965 jam 2.10 petang ketua Kompeni C memaklumkan Platon 7 telah diserang hendap oleh TNI pada petang 28 Februari 1965. Pasukan mengalami sembilan kematian dan lima kecederaan (Sila lihat Lampiran Rajah 1 dan 2).

Pada petang 1 Mac 1965, Kompeni D ditarik keluar dari Jemaluang dan dihantar dengan bot ke Kampung Bahru, Petak Peta WS4886 bagi mengesan kehadiran TNI. Mereka tiba di Kampung Bahru pada pukul 5.30 pagi 2 Mac 1965. Satu platon PPH beroperasi di kawasan sebelah dalam denai dari Kampung Bahru, Petak Peta WS4886 hingga ke Bukit Blukap, Petak Peta WS3781. Kompeni C 8 RAMD beroperasi di utara kawasan Kangkar Chemaran hingga ke Sungai Che Minah dan selatan denai menghala dari Kangkar Chemaran ke Rujukan Grid WS605933. Markas taktikal batalion didirikan di Kampung Bahru di Petak Peta WS4886 pada 2 Mac 1965.

Pagi 4 Mac 1965, Platon Mortar dibawa ke markas taktikal sebagai platon simpanan. Lebih kurang pukul 11.00 pagi seorang penoreh getah melaporkan terdapat dua penyusup Indonesia di Kampung Pengkalan Ambun, Petak Peta WS4786. Platon Mortar pimpinan Leftenan Daljeet Singh dihantar membuat penyiasatan. Mereka bertempur dengan TNI, membunuh seorang dan menjumpai senjata, peluru dan peralatan lain. Baki anggota TNI dianggarkan 11 dengan enam anggota TNI yang sedang melarikan diri di Rujukan Grid WS468863. Ketika melakukan pengeledahan meluas di Kampung Pengkalan pada 6 Mac 1965, empat Indonesia berjaya dibunuh, manakala dua berjaya melepaskan diri.

Pada malamnya seorang anggota TNI menyerah diri kepada penduduk Kampung Tanjung Serindet, Petak Peta WS4283. Pada pagi 7 Mac 1965, semua senjata Platon 7 kecuali di tempat MGK dijumpai oleh Markas Kompeni C di Rujukan grid WS543830. Anggota TNI yang menyerah diri pada malam 6 Mac 1965 membawa Platon 10 ke lokasi empat MGK dijumpai. Pada hari yang sama

Markas Kompeni B menjumpai dua butir grenad dan tiga kelopak Stan Gun kepunyaan anggota TNI di Rujukan Grid WS504862. Kompeni D digerakkan ke kawasan operasi yang baru pada 9 Mac 1965, iaitu di utara Sungai Lebam di kawasan yang bersempadan Sungai Johor dan Sungai Papan.

Kira-kira pukul 11.00 malam 11 Mac 1965, 10 anggota TNI dilaporkan berada dalam kawasan Kampung Lenting, Petak Peta WS3976. Dua platon campuran dengan kekuatan 20 anggota setiap satu, diketuai oleh Leftenan Daljeet Singh dan Leftenan Kesavan Soon dihantar membuat penyiasatan. Platon diangkut dengan bot dari Kampung Tanjung Serindet ke tempat berkenaan. Dalam pada itu, Kompeni C diberi amaran agar bersedia untuk digerakkan semula. Pada pagi 12 Mac 1965, platon pimpinan Leftenan Daljeet Singh bertempur dengan TNI di Rujukan Grid WS394768. Dalam pertempuran itu, tiga anggota TNI dibunuh dan tujuh terselamat. Lebih kurang pukul 12.00 tengah hari Kompeni C diterbangkan keluar dari Rujukan Grid WS583893 ke Kampung Tanjung Serindet, Petak Peta WS4283 untuk digerakkan semula ke kawasan Bukit Belungkor, Petak Peta WS3875 bagi membantu mencari baki tujuh TNI yang dilaporkan agresif.

Pada malam itu, Platon 9 di bawah Leftenan Muda Syed Othman bin Syed Ali dihantar ke Petak Peta WS3775. Keesokan paginya mereka bertempur dengan TNI di Rujukan Grid WS374755 dan membunuh tujuh TNI (Sila lihat Lampiran Rajah 3). Pada 14 Mac 1965, markas batalion dimaklumkan tentang kehadiran dua anggota TNI di kawasan, Petak Peta WS4174. Dua seksyen daripada Platon Mortar pimpinan 600485 Sarjan Hizan dihantar membuat penyiasatan. Mereka bertempur dengan kedua-dua anggota TNI dan berjaya membunuh mereka di Rujukan Grid WS479748. Batalion mula meninggalkan kawasan operasi pada 16 Mac 1965. Kompeni D dan Platon Mortar kembali ke Singapura dengan bot. Sementera Kompeni C kembali ke Singapura pada 17 Mac 1965.

Mayat kesembilan anggota Platon 7 yang hilang ditemui oleh Platon 5. Mereka dibawa oleh TNI yang menyerah diri dan ketua kumpulan yang menyerang hendap Platon 7. Markas taktikal dan Kompeni B kembali ke Singapura pada 21-22 Mac 1965. Kompeni D 10 Batalion Infantri (TA) kekal mengawasi kawasan pantai. Kompeni D 2 SIR digerakkan bagi mengawasi pantai di sebelah timur dari Tanjung Siang ke Tanjung Sepang bersambung dengan pasukan PPH mulai 22 Mac 1965. Setengah Bateri Meriam digerakkan ke Tanjung Lompat, Petak Peta WS6191 pada 24 Mac 1965. Tahap pertama pengambilan tugas antara Kompeni D dan Kompeni C 10 Batalion Infantri dilakukan.

Pada 25 Mac 1965, kira-kira pukul 8.00 malam, Markas Batalion 2 SIR dimaklumkan tentang 13 TNI yang dilihat di kawasan Petak Peta WN5001 pada 23 Mac 1965. TNI dilaporkan beruniform dan bersenjata. Kompeni B dan markas taktikal bergerak ke Kangkar Lok Heng jam 2.00 pagi 26 Mac 1965. Markas taktikal didirikan di Kangkar Lok Heng pada pukul 5.00 pagi. Rondaan dan

serang hendap malam dilakukan oleh Kompeni B, C, dan Kompeni D mulai 26 hingga 30 Mac 1965, tetapi tiada kesan menunjukkan arah yang diikuti oleh penyusup setelah meninggalkan Petak Peta WN5001. Beberapa sasaran dibedil oleh pasukan meriam bagi menggalakkan penyusup keluar memperlihatkan diri.

Kompeni D yang ditugaskan menjaga pantai melaporkan banyak lampu dilihat di laut dan di persisiran pantai. TLDM memperolehi beberapa kejayaan ketika bertempur dengan anggota TNI di laut. Royal Air Force melakukan serangan udara di kawasan antara empat ke lima petak peta ke utara Petak Peta WN5001. Tiada sebarang kejayaan dicapai. Pada 31 Mac 1965, Platun 10 menjumpai mayat manusia dipercayai Indonesia di pantai Tanjung Penawar. Mayat itu berkemungkinan anggota TNI yang terkorban akibat bertempur dengan TLDM di laut. Kira-kira pukul 11.40 pagi, 1 April 1965 2 SIR dimaklumkan, 15 orang Indonesia berpakaian seragam lengkap bersenjata dilihat di Petak Peta WN2600.

Pada tengah hari itu juga Markas Kompeni C, Platun 7 dan Platun 8 dihantar ke kawasan berkenaan bagi mencari penyusup Indonesia. Markas taktikal dan Kompeni B bergerak ke Petak Peta WN2600 pada 2 April 1965. Markas taktikal didirikan di Rujukan Grid WN264003. Pukul 12.00 tengah hari 3 April 1965, Platun 7 pimpinan Leftenan Muda Syed Osman bertempur selama 10 minit dengan TNI di Rujukan Grid WN237035. Dalam pertempuran, tujuh TNI berjaya dibunuh dan seorang anggota platun mendapat cedera ringan. Pada pagi 4 April 1965 Ketua Platun 9, Leftenan J. Yap telah merapati kawasan pertempuran di Rujukan Grid WN237035, mereka menangkap seorang penyusup bangsa Cina yang sedang cuba mlarikan diri. Penyusup diserahkan kepada pihak briged pada hari yang sama.

Seorang penduduk kampung pada pukul 6.30 pagi 5 April 1965, memaklumkan terdapat seorang Indonesia tidak bersenjata dan berpakaian awam di rumahnya di Rujukan Grid WN271006. Satu seksyen anggota diketuai oleh Kapten R. G. W. Bliss dan Staf Sarjan Venu Gopal dihantar ke rumah terbabit dengan dipandu oleh penduduk kampung berkenaan. Rumah tersebut dikepung dan penyusup Indonesia berkenaan ditangkap. Beliau adalah anggota kumpulan yang berjaya melepaskan diri dalam pertempuran dengan Platun 7 pada 3 April 1965. Anggota TNI diserahkan kepada briged pada pukul 11.00 pagi 5 April 1965. Dua Indonesia berpakaian seragam lengkap bersenjata dilaporkan menyeberangi Sungai Seluyut, Petak Peta WN2405 dari Estet Seluyut ke Estet Pasak kepada 2 MIR pukul 3.15 petang 8 April 1965.

Platun 8 pimpinan Leftenan Muda Lockman digerakkan untuk menyiasat. Anggota TNI berkenaan berjaya ditawan dan dibawa ke markas taktikal. Dia adalah anggota pasukan yang berjaya melepaskan diri dalam pertempuran 3 April 1965 dan diserahkan kepada pihak briged pada pagi 9 April 1965. Kompeni B dihantar ke kawasan Estet Pasak bagi membantu mencari baki dua anggota TNI yang dilaporkan pada 8 April 1965. Pasukan gagal mencari dan

pada pagi 12 April 1965, markas taktikal bergerak ke Rujukan Grid WN207003. Pukul 8.00 malam kesemua markas tersebut, kecuali Kompeni D diterbangkan ke Singapura pada 13 April 1965.

Sepanjang tiga siri Operasi Oak Tree dilancarkan oleh Briged ke-4, terdapat 12 kejadian pertempuran dan pertembungan antara pasukan 2 SIR, PPH dan Combat Dog Tracker Team dengan penyusup bersenjata Indonesia. Seramai 25 penyusup dibunuh, empat ditawan, manakala seorang penyusup menyerah diri. Pasukan 2 SIR mengalami sembilan kematian dan enam kecederaan. Di samping satu kejadian kecuaian di pihak ketua Platan 7, kerana tidak memberi perhatian terhadap keperluan asas taktik menyebabkan pasukan mengalami kematian, 2 SIR telah mendapat kejayaan dan belajar dengan cepat pada operasi ini. Tumpuan lebih patut diberikan terhadap kemampuan mengatur gerak berbagai-bagai jenis radio yang dimiliki dengan cara paling baik dan berkesan.

## Operasi Top Hat

Operasi Top Hat dilancarkan oleh Briged ke-4 bagi menjejak penyusup bersenjata Indonesia yang mendarat di Pengerang di tenggara Johor pada 30 Mei 1965. Operasi bermula pada 30 Mei 1965 hingga 10 Jun 1965, melibatkan dua kompeni repal 4 RAMD dan Kompeni C 2 PPH. Maklumat mengenai pendaratan di Pengerang, Petak Peta HQ4364 diterima kira-kira jam 8.30 pagi 30 Mei 1965 (Sila lihat Lampiran Peta 4). Batalion 4 RAMD diarah bersedia untuk digerakkan. Markas taktikal batalion dan Kompeni C bergerak ke kawasan operasi dengan helikopter, manakala Kompeni A menaiki bot. Lapan helikopter digunakan untuk mengangkut anggota mulai pukul 12.00 dan selesai pada jam 3.00 petang. Markas taktikal batalion didirikan di Balai Polis Pengerang, manakala Kompeni C dan Kompeni A digerakkan ke kawasan operasi melalui laut dan sampai jam 6.00 petang.

Penjejakan awal dilakukan oleh tiga platan dari Kompeni C 2 PPH. Satu platan menuruti lorong, satu platan membuat kepungan dan satu platan lagi membuat penyekat serta serang hendap di jalan Pengerang-Penobuk. Platan PPH bertempur dengan TNI di Bukit Pengerang, Rujukan Grid WS423668 pada pukul 4.00 petang. Penyusup berundur sambil meninggalkan beg galas dan peluru. Terdapat banyak kubu yang dibina ketika Perang Jepun di situ dan khuatir akan digunakan oleh anggota TNI untuk bertahanan dan bersembunyi. Platan PPH diundurkan pada sebelah petang.

Ketika Platan melakukan penjejakan pada 31 Mei 1965 melihat seorang penyusup Indonesia di Rujukan Grid WS 423669 dan dibunuh selepas satu pertempuran singkat. Sepucuk repal Armalite, sebutir grenad dan sejumlah peluru dirampas. Serangan udara oleh pesawat Hunters ke atas bukit dilakukan mulai

1.00 hingga 1.20 petang. Pengepungan dan penggeledahan oleh tiga platon bersama anjing pengesan di atas bukit gagal memperolehi anggota TNI yang tercedera atau terbunuh. Daripada anggota TNI yang menyerah mereka memberitahu bahawa kumpulan mereka berada di kawasan paya, menghala ke utara dan timur laut bukit ketika serangan udara dilakukan.

Pasukan tentera dikerah bagi menyekat pergerakan anggota TNI ke utara dan timur dengan melakukan serang hendap sepanjang jalan Pengerang dan Penebok oleh platon PPH. Kompeni A ditugaskan menahan penyusup daripada bergerak ke utara ke arah muara Sungai Santi. Ketika itu Kompeni A ditugaskan hingga sebelah timur mulai Batu 4 Setengah Jalan Pengepang dan Sungai Rengit ke utara Kampung Lepau. Platon PPH yang melakukan serang hendap di Jalan Pengerang dan Penebok pada 31 Mei 1965 mendengar pergerakan dalam paya. Disyaki anggota TNI menyeberangi jalan dari barat ke timur. Satu denai yang dilalui oleh lima ke enam orang dijumpai di Rujukan Grid WS444673. Kumpulan serang hendap tidak melepaskan tembakan kerana bimbang menembak rakan sendiri. Penjejakan yang dibuat keesokan paginya menjumpai satu denai menuju ke Batu Mas.

Platon 4 telah digerakkan ke Estet Pengerang dan berada di kedudukan pada 1.30 pagi 1 Jun 1965. Di Rujukan Grid WS444673 jam 7.00 pagi platon PPH bertempur dengan sekumpulan TNI dan setelah bertempur buat seketika seramai 13 anggota TNI berjaya ditawan. 10 pucuk Armalite bersama 23 kelopak dan 270 butir peluru, sepucuk Carbine dengan tiga kelopak dan 24 butir peluru lapan pasang uniform, serta wang Malaysia \$99 dirampas. Seorang jurubot Indonesia ditawan di Tanjung Pengelih. Hasil penyiasatan ke atas anggota TNI yang menyerah menunjukkan penyusup bergerak sejak mereka mendarat hingga tamat operasi.

Pada 1 Jun 1963, dua budak lelaki dari Kampung Batu Mas melaporkan mereka ditahan oleh enam Indonesia bersenjata. Mereka diminta menunjukkan jalan. Mereka dibawa ke Bukit 164 di Rujukan Grid WS453673 dan kemudian dilepaskan setelah tiba di atas bukit jam 10.00 pagi. Platon dari Kompeni C digerakkan untuk membuat penjejakan ke atas denai penyusup dan tiga platon mengepung bukit berkenaan. Penyusup disyaki telah meninggalkan Bukit 164 dan tiada kesan dijumpai. Walau bagaimanapun, kumpulan enam orang TNI dipercayai berada di kawasan paya ke utara Bukit 164 atau di kawasan paya di timur Lepau. Platon mortar tiba di markas taktikal dan diterbangkan ke Lepau. Kebenaran untuk melepaskan tembakan ke kawasan paya yang dijangka terdapat anggota TNI bersembunyi dilakukan.

Pada 2 Jun 1965, platon mortar melepaskan 300 tembakan bom dan bom asap ke atas sasaran mulai jam 4.30 petang hingga jam 4.00, 3 Jun 1965. Seorang Indonesia menyerah diri di Penebok Petak Peta WS44702 kepada pekerja lombong. Beliau bersendirian. Senjata, peluru dan pakaianya ditemui kemudiannya. Dia tidak makan sejak pertempuran pertama di atas bukit dan terpisah daripada anggota

kumpulannya. Beliau bergerak ke utara dari Bukit Pengerang melalui paya dan keluar di Penebok. Baki penyusup Indonesia tidak dapat dikesan. Pluton 12 dihantar ke utara Estet Santi bagi mengeledah kawasan berkenaan.

Pluton diterbangkan ke tempat pendaratan Helikopter S 11. Tugas mereka adalah untuk menyiasat denai menuju ke selatan dari S 11 ke Pengerang, kalau-kalau ia digunakan oleh penyusup. Sepanjang 4 dan 5 Jun 1965, tiada sebarang maklumat baru diperolehi mengenai penyusup. Walau bagaimanapun, penduduk Lepau melaporkan menjumpai denai yang dilalui oleh antara lima ke enam orang menghala ke barat laut Lepau. Denai berkenaan berusia kira-kira empat hari. Ini secara langsung mengesahkan penyusup datang daripada Bukit 164 di mana mereka buat kali terakhirmnya dijumpai pada 2 Jun 1965. Penyusup bergerak arah ke timur.

Baki pluton Kompeni A dan C telah digerakkan semula ke kawasan Bukit Kangkar, Bukit Gelan Besar, Bukit Saga, Bukit Trombah dan Bukit Ayam Putih bagi mengadakan serang hendap di lorong-lorong di kawasan terbabit. Di Bukit Pengerang masih belum ditemui dua penyusup yang dipercayai berada di situ. Serang hendap dilakukan oleh Pluton Tambor di Tanjung Pengelih. Pada kira-kira pukul 8.00 malam 6 Jun 1965, Pluton 12 PPH di timur Tanjung Punggai melaporkan enam penyusup Indonesia meminta makanan daripada sebuah rumah di Kampung Sungai Gambut.

Pegawai Memerintah 4 RAMD turut mengiringi kumpulan tersebut. Di permulaan pertempuran pada 8.15 malam antara seksyen PPH dengan enam penyusup TNI, seorang awam tuan rumah tercedera. Kumpulan penyusup melarikan diri arah ke utara. Apabila pasukan bantuan tiba kira-kira jam 9.30 malam, penyusup melepaskan tembakan rambang ke arah Land Rover Pegawai Memerintah 4 RAMD. Satu pertempuran singkat berlaku, penyusup berundur ke dalam paya. Pluton yang selesai melaksanakan tugas mereka memeriksa denai kembali ke pangkalan pada 6 Jun 1965. Kemudian dihantar semula bersama pengesan Iban dan anjing pengesan bagi membuat penjejakan terhadap penyusup kesokan paginya.

Pluton 4 berjumlah 19 anggota, termasuk tiga pengesan Iban meninggalkan pangkalan pukul 7.00 pagi menuruti denai arah ke dalam paya dan pada pukul 8.00 pagi 7 Jun 1965 bertembung dengan penyusup Indonesia yang dicari. Anggota di hadapan membala tembakan, manakala yang di belakang tidak dapat bergerak ke hadapan kerana terdapat hutan rengas dan mengkuang yang tebal serta berair. Selepas satu pertempuran singkat penyusup berundur menuruti lorong yang diperbuat daripada kayu-kayu yang dipotong. Tiada sebarang kemalangan berlaku di kedua-dua belah pihak.

Penjejakan diteruskan dengan meranduk air hingga kadang kala ke paras pinggang dan amatlah menyukarkan pergerakan. Sebutir grened meletup di hadapan peninjau pertama dan dituruti dengan tembakan daripada arah hadapan, selepas kira-kira setengah jam mengekor penyusup. Anggota di hadapan sekali

lagi membalaas tembakan. Tindakan mengepung oleh anggota di belakang tidak dapat dilakukan kerana hutan mengkuang yang tebal. Pertempuran berhenti selepas kira-kira lima minit dan penjejakkan diteruskan.

Penyusup kemudiannya dikatakan berpecah kepada dua kumpulan. Platan dipecah kepada dua kumpulan bagi meneruskan penjejakkan di kedua-dua lorong. Platan 4 pimpinan Pegawai Waran Dua Abdul Manan meneruskan penjejakkan hingga diperintahkan kembali ke pangkalan pada 10 Jun 1965. Platan 1, 2, dan 3 Kompeni A serta Platan 9, 10 dan 11 Kompeni C telah digerakkan semula bagi membuat sapuan arah ke timur dari Batu Kangkar menghala ke pantai. Platan 5 ditugaskan sebagai penyekat di selatan Sungai Punggai bagi menghalang penyusup bergerak ke utara.

Markas taktikal dan Platan Mortar bergerak ke Tanjung Punggai. Tembakan mortar diarahkan ke kawasan paya yang disyaki penyusup berlindung mulai pukul 12.30 tengah hari 7 Jun 1965 hingga jam 5.00 pagi 8 Jun 1965. Ketua Kompeni D MENPOR, N. A. Titaley yang terpisah dengan lima anggota kompeninya dalam pertempuran sebelumnya cuba berpatah balik arah ke pantai. Kehadirannya telah dilaporkan oleh seorang budak Kampung Gambut kepada Markas Taktikal 4 RAMD di Kampung Punggai pada 7 Jun 1965. Beliau berjaya ditawan oleh sekumpulan anggota di bawah pimpinan Leftenan Muda Abdul Kadir bin Nordin.

Kompeni platan meneruskan penjejakkan dengan menuruti denai yang dilalui oleh penyusup menghala ke barat dan kemudiannya ke selatan. Mereka berjaya merapati penyusup tetapi terhalang oleh paya yang dalam. Mereka dijangka berada antara empat ke lima jam di belakang penyusup. Platan tidak dapat dihubungi melalui radio pada 9 Jun 1965. Satu kumpulan daripada Jabatan Penerangan Negeri diterbangkan ke Punggai membawa pita rakaman ucapan Titaley mengarahkan anggotanya menyerah diri. Kumpulan berkenaan menyiarangkan seruan tersebut dengan pembesar suara melalui Land Rover dari Punggai ke Sungai Rengit mulai jam 7.00 malam hingga tengah malam. Usaha tersebut diteruskan keesokan paginya.

Di Pengerang, Platan 12 diatur gerak bagi meneruskan pengeledahan di kawasan antara Bukit Pengerang dan di Jalan Pengerang dan Penebok. Batalion diarah oleh Pemerintah Briged Ke-4 balik ke pangkalan di Majidee pada pukul 2.00 petang 10 Jun 1965 kerana berpendapat kumpulan penyusup bersenjata Indonesia tidak lagi mendatangkan ancaman besar kepada keselamatan dan ia boleh ditinggalkan untuk ditangani oleh Kompeni PPH. Ketika batalion sedang bergerak ke tempat berkumpul di Tanjung Ramunia, lima penyusup TNI menyerah diri kepada pekerja lombong Bauksit Johor di Sungai Rengit. Operasi berakhir apabila semua platan dari Kompeni A dan C meninggalkan Tanjung Ramunia dengan bot pukul 6.30 petang. Tiga lagi penyusup Indonesia menyerah kepada penduduk tempatan di Tanjung Pengelih pada 12 Jun 1965. Dengan itu kesemua 25 penyusup berjaya ditumpaskan dengan seorang dibunuh, manakala 24 menyerah diri.

Melalui anggota TNI yang ditawan diketahui jumlah sebenar kumpulan ini seramai 25 orang dan mereka menaiki dua bot awam dan mendarat pada pukul 3.00 pagi 30 Mei 1965 kira-kira 800 elai ke barat Pengerang. Mereka meninggalkan kedua-dua bot bersama enjininya dan bergerak ke Bukit Pengerang dengan disertai oleh dua jurubot awam yang membawa mereka. Pendaratan dilaporkan kira-kira jam 8.00. Kompeni C PPH dihantar ke pantai timur Johor bagi membuat penyiasatan. Lorong dan barang kepunyaan penyusup TNI ditemui dalam bot mengesahkan terdapatnya pendaratan.

Pada pertempuran pertama, kebanyakan penyusup meninggalkan beg gelas, makanan, peluru termasuk grenad dan senjata. Mereka menjadi panik dan berpecah kepada kumpulan 19 orang, tiga orang dan bakinya melarikan diri masing-masing termasuk jurubot. Kumpulan utama 19 anggota di bawah ketua mereka Titaley bergerak ke timur dan timur laut menuju ke Bukit Batu Mas. Ketika serangan udara pada 31 Mei 1965 kumpulan ini berada dalam paya di kaki Bukit Pengerang. Serangan udara tersebut adalah pengalaman paling menakutkan kepada mereka. Mereka melihat pergerakan helikopter. Mereka melihat dengan baik kawasan sekitar ketika berada di puncak Bukit Pengerang pada 31 Mei 1965.

Setibanya di Jalan Pengerang dan Penebok, kira-kira pukul 2.00 petang 31 Mei 1965, mereka melihat kumpulan serang hendap PPH di seberang jalan. Mereka berbelah bahagi dari segi pendapat sama ada untuk terus ke objektif atau menyerah diri. Titaley dan lima yang lain termasuk jurubot menyeberang jalan. Baki yang tinggal menjadi kurang bersemangat dan ditawan keesokan paginya. Kumpulan Titaley bergerak ke Bukit Batu Mas dan setelah berjumpa dengan dua budak lelaki tempatan bergerak ke utara Bukit 164. Setelah meninggalkan budak lelaki berkenaan di Bukit 164 mereka bergerak ke arah timur sambil mengelakkan semua kawasan penempatan. Titaley menggunakan kompas menuju ke timur arah ke pantai. Beliau sampai di Kampung Gambut pada 6 Jun 1965. Mereka terpaksa memakan buah-buah hutan dan daun-daun serta minum air paya sepanjang perjalanan. Mereka yang tidak berkasut mengalami kecederaan dan luka di kaki. Kumpulan ini tidak mengetahui tentang nasib anggota kumpulan yang lain.

Pemerintah Briged ke-4 Infantri Malaysia, Brigadier Jeneral Mohammed Noor dalam komennya antara lain menyebut bahawa berita terawal mengenai pendaratan anggota bersenjata Indonesia di Tenggara Johor diterima pada pukul 8.00 pagi Ahad 30 Mei 1965. Pukul 3.00 petang, markas battalion dan kompeni 4 RAMD meninggalkan pangkalan di Majidee ke kawasan operasi. Satu kompeni lagi tiba dengan bot Polis Marin jam 6.00 petang. Menurut Brigadier Jeneral Mohammed Noor helikopter yang boleh digunakan dengan cepat pada hari Ahad 30 Mei telah memberi sumbangan besar terhadap kejayaan yang akhirnya dicapai operasi ini. Dalam pada itu, Pegawai Memerintah 4 RAMD telah dapat membantu PPH di Bukit Pengerang dengan agak cepat membuatkan

majoriti penyusup terpisah dari bag galas, bekalan, bilangan peluru yang mereka miliki.

Pemerintah Briged ke-4 berkeyakinan adalah menguntungkan sekiranya mempunyai beberapa buah lagi helikopter bagi tujuan pengangkutan dan kegunaan briged di Singapura. Usaha seperti sebagaimana yang dilakukan pada 30 Mei itu kebiasaannya dilakukan di Sarawak. Pemerintah briged berpendapat operasi ini boleh diselesaikan pada 1 Jun sekiranya Pegawai Memerintah 4 RAMD memerintahkan seorang ketua kompeni dengan kekuatan anggota yang mencukupi ke puncak Bukit Penggerang pada malam 30 Mei atau awal pagi 31 Mei, sementara satu platoon dihantar mencari maklumat pada 30 dan 31 Mei tidak begitu menunjukkan kesungguhan untuk dapat menguasai kumpulan penyusup.

Akibatnya penempatan penyusup pada 31 Mei tidak ditemui oleh pasukan. Ini menyebabkan sebahagian daripada penyusup berjaya melepaskan diri pada malam 31 Mei atau 1 Jun. Mereka sepatutnya bertemu dengan pasukan kita sekurang-kurangnya pada petang 31 Mei. Menurut Pemerintah Briged Ke-4, beliau merasa hairan demikian banyak tembakan dilepaskan kepada penyusup oleh RAMD dan PPH tanpa sebarang hasil. Beliau merasakan tembakan oleh anggota tidak berkesan lantaran kurangnya disiplin tembakan individu serta kawalan tembakan seksyen. Akibatnya kita tidak hanya gagal membunuh penyusup, tetapi telah mempersia-siakan peluru.

Sepanjang Operasi Top Hat lapan kejadian pertempuran/pertembungan antara penyusup bersenjata Indonesia dengan pasukan 4 RAMD, 2 PPH dan Iban Trackers serta Tracker Dog berlaku. Seramai dua penyusup dibunuh, 17 ditawan, manakala lapan orang penyusup lagi menyerah diri.

## Operasi Easy Chair

Pukul 11.15 pagi 1 Jun 1965, Markas 2 SIR dimaklumkan mengenai penyusupan TNI di Rujukan Grid WR 465900 pada pukul 11.00 malam 30 Mei 1965. Kekuatan penyusup dianggarkan antara 15 ke 18 orang. Batalion 2 SIR juga dimaklumkan bahawa penyusup telah menyeberangi jalan di Rujukan Grid WR 473938 dan menuju ke arah timur laut. Kompeni B digerakkan ke kawasan Ayer Baloi bagi membuat penjejakan. Kira-kira pukul 3.00 petang 1 Jun 1965, Kompeni C di gerakkan ke kawasan Estet Nenas Chuan Seng bagi menghalang sebarang percubaan penyusup bergerak ke kawasan paya.

Pukul 6.30 petang, Markas taktikal dan Kompeni A didirikan di Balai Polis Ayer Baloi, Rujukan Grid WR 478929. Kompeni A digerakkan pada pukul 6.00 pagi 2 Jun 1965 di sepanjang Sungai Sanglang mencari penyusup bersenjata Indonesia dan menghalang mereka pergi ke utara. Lebih kurang pukul 9.00 pagi, Kompeni D 2 PPH, di bawah perintah 2 SIR digerakkan ke

kawasan Ladang Nenas South Malaya. Tugas mereka menghalang penyusup melepaskan diri melalui timur dan tenggara. Pukul 9.30 pagi, seorang penduduk kampung melaporkan melihat sebutir grened di Rujukan Grid WR 4733918. Leftenan Muda Goh Lye Choon bersama dua seksyen mortar dihantar membuat penyiasatan.

Mereka menjumpai sebutir grened buatan Cina dan sejumlah pelekat propaganda. Ini berkemungkinan tempat rehat penyusup Indonesia yang berjumlah kira-kira 12 orang. Pada pukul 11.00 pagi, pasukan dimaklumkan oleh pihak cawangan khas bahawa penyiasatan mereka menunjukkan penyusup belum lagi menyeberangi jalan raya dan masih berada dalam kawasan sebelah barat Kampung Ayer Baloi. Pukul 2.00 petang, Markas Kompeni B, Platon 4, Platon 8 dan Platon Mortar digerakkan ke kawasan sebelah barat Ayer Baloi bagi mencari penyusup. Platon 7 dan Platon 9 diundurkan ke markas taktikal, bersedia untuk digerakkan semula.

Seorang penduduk kampung datang melaporkan melihat empat orang penyusup bersenjata Indonesia di Rujukan Grid WR 477924 pukul 10.00 pagi 3 Jun 1965. Mereka dikatakan bersenjatakan sepucuk mesingan ringan dan tiga stan gun. Satu platon campuran diketuai oleh Leftenan Kesavan Soon bersama satu kumpulan anjing pengesan dihantar membuat penyiasatan. Mereka menjumpai tapak kaki dipercayai penyusup Indonesia di sepanjang Parit Baran Ayer Baloi, Petak Peta WR4792. Kesan denai hilang di Rujukan Grid WR 471933. Penggeledahan selanjutnya di kawasan sekeliling menunjukkan tiada penyusup berada di situ. Hingga jam 3.00 petang 3 Jun 1965, keseluruhan batalion telah digerakkan ke kawasan barat Kampung Ayer Baloi.

Markas Kompeni A dan Platon 1 berada di Rujukan Grid WR 453962. Platon 1 ditugaskan membuat rondaan dengan bot di Sungai Sanglang. Platon 3 membuat serang hendap lorong di Petak Peta WR4496. Platon 4 mengambil kedudukan serang hendap dari Rujukan Grid WR 456934 hingga Rujukan Grid WR 453923. Markas Kompeni B dan Platon 8 mengambil kedudukan serang hendap ke utara tebing Sungai Ayer Baloi dari Rujukan Grid WR 498916 hingga ke Rujukan Grid WR 483913. Platon 7 berada di kedudukan serang hendap dari Rujukan Grid WR 486944 hingga Rujukan Grid WR 456934. Platon 9 dan Platon 13 Kompeni D 2 PPH menduduki kedudukan serang hendap dari Rujukan Grid WR 469944 hingga WR 475935.

Markas Kompeni C, Platon 5, Platon 8, Platon 10 dan Platon 11 membuat sapuan kawasan mulai Rujukan Grid WR 468944 hingga WR 498916 arah ke barat daya menuju ke laut. Platon 14, 15 dan Platon 16 Kompeni D 2 PPH membuat penggeledahan di Petak Peta WR 4594, 4694 dan 4595. Platon 12 ditugaskan membuat rondaan bot sepanjang Sungai Ayer Baloi. Lebih kurang pukul 6.30 petang Markas Kompeni B menjumpai satu pangkalan penyusup berusia dua hari di Rujukan Grid WR 476906. Mereka menjumpai satu rangkaian peluru yang telah berkarat, tiga bungkus makanan jenis A dan tiga butir bom.

Mereka tidak dapat meneruskan pengeledahan kerana kawasan berpaya mulai gelap.

Pada pagi dan petang 4 Jun 1965, sejumlah lagi peluru dan peralatan dijumpai oleh Markas Kompeni B di perkhemahan penyusup di Rujukan Grid WR 476906. Sebanyak 1144 butir peluru 9mm, 1101 butir peluru 303, enam kelopak stan gun, lima butir grenad buatan Cina, empat kelopak Brengun, sembilan butir bom mortar dan sebutir bom jenis pasu bunga (Flower-Pot) dijumpai. Kegiatan sapuan yang dilakukan sepanjang hari tersebut tidak mendatangkan sebarang kejayaan. Sepanjang malam 4 dan 5 Jun 1965 Platon Mortar melakukan tembakan menggempur dalam kawasan yang bersempadan-kan garisan timur 45-48 dan garisan utara 90-92. Platon 9 menawan tiga penyusup bersenjata Indonesia di kawasan Parit Jelotong Rujukan Grid WR 473938 pada pukul 9.30 pagi 5 Jun 1965.

Sejurus selepas penangkapan tersebut, seorang penduduk tempatan melaporkan melihat penyusup Indonesia lebih kurang satu batu dari Rujukan Grid WR 473938. Kapten Mahinder Singh mengetuai satu seksyen membuat penyiasatan. Mereka tidak menjumpai sebarang tanda tentang kehadiran penyusup. Oleh sebab penyusup dipercayai tidak lagi berada di sebelah barat jalan raya, mereka disyaki berada di kawasan Ayer Baloi. Kompeni A, B dan Kompeni C digerakkan semula ke kawasan terbabit mencari penyusup. Rondaan giat dilaksanakan oleh Kompeni A, B dan Kompeni C mulai 5 Jun 1965 hingga ke-9 Jun 1965 tetapi tiada sebarang pertempuran dengan penyusup berlaku. Walau bagaimanapun, lima tempat rehat penyusup dijumpai dengan sisa makanan ditemui. Ini menunjukkan bahawa penyusup berada di kawasan tersebut, biarpun tidak dapat dipastikan ke arah mana mereka tuju.

Pagi 10 Jun 1965, kesemua trup di arah menumpukan perhatian di kawasan kompeni masing-masing. Pemeriksaan penduduk di setiap kampung akan dilakukan di seluruh kawasan Ayer Baloi pada 11 Jun 1965. Sehingga jam 4.00 petang 10 Jun 1965, Kompeni A menumpukan perhatian di Petak Peta WR5103, keseluruhan Kompeni B, Markas Kompeni C, Platon 9 dan Platon 10 bertumpu di Balai Polis Ayer Baloi. Platon 11 dan Platon 12 di Rujukan Grid WR 581961. Pihak cawangan khas kira-kira pukul 11.50 malam 10 Jun 1965 memaklumkan bahawa penduduk kampung berjuma empat penyusup di Rujukan Grid WR 655919. Setelah disiasat tujuh penyusup dikatakan bergerak menuju ke Gunung Pulai.

Penyusup memberi seorang penduduk tempatan wang \$50 untuk membeli makanan dan rokok. Penduduk berkenaan melakukannya. Penyusup hanya mengambil rokok dan tidak mengambil makanan yang telah dibeli. Ekoran maklumat yang diperolehi, Kompeni B dan Kompeni C digerakkan ke kawasan terbabit pada pukul 3.00 pagi 11 Jun 1965. Kompeni B mengambil kedudukan sebagai penekat di sepanjang jalan dari Rujukan Grid WR 679882 hingga WR 664957. Markas Kompeni C bersama dua subunit mengambil kedudukan mulai Rujukan Grid WR 649920 hingga WR 674886.

Pukul 5.30 pagi, Platan 9 dipandu oleh seorang penduduk tempatan ke lokasi beliau berjuma dengan penyusup. Dari situ Ketua Platan, Kapten Mahinder Singh telah menuruti jejak dan melihat penyusup menghala ke hutan. Satu pertempuran berlaku, lima penyusup berjaya dibunuh, manakala dua berjaya ditawan. Sehingga pukul 7 malam 11 Jun 1965 keseluruhan batalion kecuali Kompeni C kembali ke Singapura. Kompeni C digerak bagi melaksanakan operasi berjaga di pantai barat. Melalui Operasi Easy Chair yang dijalankan oleh 2 SIR dan 2 PPH, dua kejadian pertempuran dengan penyusup Indonesia berlaku. Seramai lima orang penyusup dibunuh dan lima lagi ditawan. Pasukan 2 SIR dan PPH tidak mengalami sebarang kecelakaan.

Ternyata bahawa kita kurang berasih baik ketika Operasi Easy Chair dilaksanakan, berlawanan dengan pengalaman kita ketika melaksanakan Operasi Liver di pantai barat yang berakhir pada 1964, komen Pemerintah Briged Ke-4. Terlalu sedikit maklumat bernilai diperolehi daripada penduduk tempatan. Sebilangan daripadanya kelihatan berpura-pura, mereka sedikit sebanyak pastinya mengetahui mengenai pergerakan penyusup. Dalam tempoh itu maklumat tepat yang diterima berjaya menghapuskan penyusup. Menurut Pemerintah Briged ke-4 dua pengajaran diperolehi daripada operasi ini: Pertama, keperluan untuk mewujudkan satu cara baru dengan memberi penganugerahan kepada penduduk kampung yang memberikan maklumat tepat. Pada masa yang sama mencegah mereka daripada memberikan maklumat palsu. Kedua, keperluan membuat rondaan secara meluas dan berterusan apabila ada penyusupan, dan penyusup yang terlepas dengan segera dapat dikesan. Sekiranya rondaan sedemikian dilakukan di sebelah timur jalan dari 3 Jun 1965, berkemungkinan pergerakan penyusup di kawasan berkenaan ditemui sebelum 10 Jun 1965.

Penyusupan anggota bersenjata Indonesia ke Semenanjung pada keseluruhannya dilakukan melalui laut dan udara. Selain anggota tentera tetap dan sukarelawan DWIKORA, sukarelawan Cina Malaysia antara yang didaratkan, sama ada melalui laut maupun udara. Sebagaimana di Malaysia Timur, di Malaysia Barat juga mereka menerima nasib yang sama, tidak mendapat sambutan penduduk tempatan seperti mana mereka difahamkan. Matlamat mereka mendirikan perkhemahan tetap dan dari situ operasi melatih penduduk tempatan, seterusnya menjalankan aktiviti sabotaj gagal dilakukan. Mereka sentiasa menjadi buruan pasukan keselamatan Malaysia dan Komanwel. Seramai 595 penyusup TNI mendarat dalam 18 kumpulan di Semenanjung dari Ogos 1964 hingga Disember 1965. Dalam 18 operasi yang dilancarkan terhadap penyusup, seramai 117 dibunuh, 379 ditawan dan sembilan penyusup menyerah diri. Dalam operasi di perairan Selat Melaka dan Singapura mulai Julai 1964 hingga Februari 1965 oleh TLDM, sembilan penyusup dibunuh dan 96 ditawan dalam lapan kejadian. Secara keseluruhannya di Semenanjung pasukan keselamatan Malaysia serta Komanwel mengalami 19 kematian, 14 kecederaan

dan tiada yang ditawan. Penyusup mempunyai peluang lebih baik untuk terselamat dalam penyusupan mereka ke Borneo berbanding dengan ke Semenanjung. Pada keseluruhannya operasi menghapuskan penyusup bersenjata Indonesia di Semenanjung lebih berjaya berbanding dengan yang dilakukan di Sabah dan Sarawak.

## 5

### Penglibatan RAMD dalam Era Konfrontasi

---

Oleh sebab Rejimen Askar Melayu Diraja (RAMD) adalah pasukan terbesar dan paling aktif penglibatannya dalam operasi menentang penyusupan anggota bersenjata Indonesia sepanjang era konfrontasi, di bawah ini dipaparkan penglibatan kesemua Batalion RAMD yang terbabit. Terdapat lapan Batalion RAMD ketika negara menghadapi ancaman konfrontasi daripada Rejim Soekarno. Kesemua batalion terlibat secara bergilir-gilir beroperasi di kawasan yang menjadi tumpuan penyusupan anggota bersenjata Indonesia terutamanya di Malaysia Timur. Sejajar dengan peranan dan tugasnya sebagai sebuah Batalion Infantri pasukan diamanahkan menguasai dan mempertahankan setiap inci kawasan tanah. Kesemua lapan batalion RAMD terlibat secara aktif menentang penyusupan gerila juga Tentera Rejim Soekarno di selatan Semenanjung serta di Sabah dan Sarawak. Batalion RAMD yang terlibat adalah Batalion Pertama, ke-2, ke-3, ke-4, ke-5, ke-6, ke-7 dan Batalion ke-8 RAMD. Walaupun telah ditubuhkan dalam Era Konfrontasi Indonesia-Malaysia, Batalion ke-9 RAMD tidak terlibat secara langsung dalam operasi menentang penyusupan Tentera Nasional Indonesia (TNI), sama ada di Semenanjung mahupun di Sabah dan Sarawak. Batalion ke-9 yang ditubuhkan di Johor pada 1 September 1965 menjadi sebuah batalion infantri yang lengkap dan mencapai tahap operasi pada pertengahan 1966.

### Operasi Batalion RAMD dalam Era Konfrontasi

Apabila darurat diisyiharkan tamat pada 1960, RAMD buat julung-julung kalinya selepas darurat pada 1948, berkesempatan mengurangkan aktiviti operasinya di kawasan hitam dan di belantara tanah air. Berkurangnya penglibatan operasi menentang keganasan bersenjata Parti Komunis Malaya, membolehkan Tentera Darat khususnya RAMD menumpukan sepenuh masa menjalani latihan bagi mempertingkatkan tahap profesionalisme di kalangan pegawai dan anggotanya. Selain itu, negara pula berkesempatan mengambil bahagian menyumbang tenaga untuk keamanan manusia sejagat dengan

menghantar tenteranya berkhidmat di bawah Panji-panji Pertubuhan Bangsa-bangsa Bersatu di Congo.

Sebagai satu ancaman terhadap kedaulatan negara, ancaman konfrontasi haruslah ditangani oleh pihak tentera. Untuk itu, Ketua Turus Tentera Darat, Mejai Jeneral Dato' Abdul Hamid bin Bidin dilantik sebagai Pengarah Operasi Malaysia Barat. Beliau bertanggungjawab ke atas semua operasi menentang penyusupan anggota bersenjata Indonesia di Semenanjung. Markas operasi di-tempatkan di Ibu Pejabat Polis Bukit Aman dan pihak polis dipertanggungjawab menyediakan maklumat perisikan terkini kepada Angkatan Tentera. Sebagai tulang belakang pertahanan negara, RAMD adalah pasukan paling aktif beroperasi menentang penyusupan gerila dan TNI di perbatasan Sarawak-Kalimantan, Sabah-Kalimantan, Johor dan Singapura.

Di samping Batalion RAMD, turut mengambil bahagian dalam operasi yang dijalankan ialah 1st dan 2nd Singapore Infantry Regiment (1 dan 2 SIR), Batalion Pertama, ke-2 dan ke-3 Rejimen Renjer, 1 dan 2 Rejimen Peninjau Persekutuan, 1 Rejimen Artileri, 1 Rejimen askar Jurutera, Tentera Laut Diraja Malaysia (TLDM), Tentera Udara Diraja Malaysia (TUDM), Batalion ke-2 Pasukan Polis Hutan (2 PPH), 1st Royal New Zealand Infantry Regiment (1 RNZIR), 1/2 Gurkha, 2/6 Gurkha, 1/10 Gurkha, 2/10 Gurkha, 3 Royal Australian Regiment, B Company 40 Commando, 845 dan 846 Royal Naval Squadron, 42 Commando, C Squadron Queen Royal Irish Hussars, B Company King Own Yorkshire Light Infantry, 45 Light Regiment Royal Artillery, 102 Field Battery Royal Australian Artillery dan C Squadron 4 RTR.

Kajian mendapati bahawa operasi pada keseluruhannya tertumpu di tiga kawasan iaitu di perbatasan Sarawak-Kalimantan, Sabah-Kalimantan dan di negeri Johor. Operasi di Johor dilancarkan oleh Briged ke-4 Infantri Malaysia di bawah perintah Brigadier Mohamed Noor bin Hj. Tamin. Operasi di Borneo (Sabah-Sarawak) dilakukan oleh British Forces Borneo di bawah Commander British Forces and Director of Borneo Operations, Lieutenant General Sir Walter Walker. Operasi di Sarawak kemudiannya diambil alih oleh Briged Ke-3 Infantri Malaysia, manakala di Sabah oleh Briged ke-5 Infantri Malaysia. Briged Ke-3 dan ke-5 kemudiannya diletakkan di bawah Markas Land Forces East Malaysia dan akhirnya menjadi 1 Divisyen di akhir konfrontasi.

Kawasan Serian-Tebedu merupakan kawasan tumpuan operasi pasukan 99 Gurkha Infantry Brigade Group, manakala kawasan Long Jawi pula adalah kawasan yang menjadi tumpuan pasukan 3 Commando Brigade Group. Selain melancarkan operasi menentang penyusupan TNI, Briged ke-4 juga bertanggungjawab menjaga ketenteraman awam di seluruh Singapura ekoran berlakunya pergaudahan kaum Melayu-Cina di pulau berkenaan ketika negara sedang menghadapi ancaman konfrontasi. Tiga batalion RAMD, ke-5, ke-6 dan ke-8 RAMD pernah ditugaskan serentak di Singapura bersama 2 SIR. Daripada lapan batalion RAMD yang ada, lima daripadanya ditugaskan beroperasi

menentang pencerobohan gerila dan TNI. Dua batalion ditempatkan di Sabah manakala tiga batalion lagi, setiap satu ditugaskan di Sarawak, Singapura dan Johor.

## Batalion ke-5 RAMD

Batalion ke-5 RAMD di bawah perintah Leftenan Kolonel Shaari bin Daud (973) berpangkalan di Batu Gajah, Perak adalah batalion pertama bersama B Skuadron 1 Peninjau pimpinan Mejai Baljit Singh dalam Tentera Darat bertugas di Sarawak. Batalion menghantar Kompeni B pimpinan Kapten Mustafa bin Abu Bakar (8578) dan ketua platonnya pula terdiri daripada Leftenan Muda Zulkifli bin Abdul Hamid (12177), Leftenan Muda Mohd. Alias Lafti bin Hj. Hussain (12229), Leftenan Muda Mohamed @ Mohammad Shukor bin Hj. Abdullah (12248) dan Leftenan Muda Nor Ikhsan bin Raffii (12198). Kompeni yang berkekuatan 120 orang anggota itu dihantar ke Sarawak pada pertengahan Julai 1963 bagi mengambil bahagian dalam perbarisan Sarawak memasuki Malaysia.

Para pegawai ditempatkan di Borneo Hotel, manakala anggotanya tinggal di Jubli Hall Padungan, Kuching. Beberapa hari selepas perbarisan tersebut, Kompeni B balik ke Semenanjung dan Kompeni A pula di hantar ke Sarikei dan Binatang, Sarawak. Kompeni A diketuai oleh Kapten Raja Aman Shah bin Raja Shahar Shah (12053), manakala ketua platonnya pula terdiri daripada Leftenan Muda Mohamed Yusof bin Kamal Khan (12249), Leftenan Muda Badrudin bin Mohd. Yasin (12211) dan Leftenan Muda Zulkafli bin Mohamed Daud (3873). Leftenan Muda Badrudin bersama batman beliau, 14671 Prebet Selamat bin Othman ditugaskan sebagai kumpulan pendahuluan bagi Kompeni A untuk mengambil alih tugas dari Kompeni Gurkha di Sarikei, Sarawak.

Kompeni yang tiba dari Semenanjung diangkut dengan lori Jabatan Kerja Raya ke Kem Gurkha, Sibu sebelum dibawa dengan bot ke Binatang dan Sarikei. Markas Kompeni bersama dua platon ditempatkan di Sarikei, manakala Leftenan Muda Badrudin bersama platonnya ditempatkan di Binatang. Selepas lebih kurang dua minggu beroperasi, Kompeni A berjaya menawan lima orang penyusup anggota Clandistine Communist Organization (CCO) yang sedang dilatih oleh Tentera Nasional Kalimantan Utara (TNKU) di Tulai dalam satu pertempuran. Kejayaan tersebut adalah pertama 5 RAMD, sekaligus kejayaan Tentera Darat Malaysia dalam Era Konfrontasi Indonesia-Malaysia di Sarawak.

Keseluruhan batalion digerakkan ke Sarawak pada Oktober 1963 bagi mengambil alih tugas 40 Commando. Markas taktikal batalion didirikan di Serian. Kompeni A yang berada di Binatang dan Sarikei ditarik ke Serian. Kompeni-kompeni ditempatkan di Balai Ringin dan Tebedu. Platon beroperasi

di Tepoi, Tebekap, Pang Amo, Nibong, Bunan Gagak, Plama Mapu, Terbat Bazaar dan Telagus. Kompeni A yang telah pun berada di Binatang diletakkan sebagai kompeni simpanan di Serian bersama markas taktikal batalion. Platun pimpinan Leftenan Muda Badrudin ketika melakukan operasi pemeriksaan di Telagus ditembak oleh Tentera Indonesia. Penyusup kemudiannya berjaya melepaskan diri selepas pertempuran berlaku.

Leftenan Muda Badrudin selepas itu mengambil alih tugas ketua platun 10 daripada Leftenan Muda Ahmad Azizah bin Mohd. Zain (12180) di Kampung Nibong. Melalui kesan darah yang diperolehi, seorang anggota Tentera Indonesia yang sedang membuat tinjauan di atas pokok nangka di seberang sungai di hadapan perkhemahan platun 10 di Kampung Nibong dipercayai tercedera selepas tembakan dilepaskan ke arahnya. Leftenan Muda Badrudin selepas itu mengubah kedudukan perkhemahan platunnya ke atas sebuah bukit berdekatan yang lebih strategik kedudukannya. Kira-kira seminggu selepas itu, kedudukan platun berkenaan yang berkekuatan 32 orang anggota dan bersenjatakan Repal Isi Sendiri (RIS), tiga pucuk Repal Isi Sendiri Laras Berat (RISLB) dan dua butir grenad tiap seorang diserang dengan Mortar dan mesingan ketika anggota sedang memasak untuk bersahur lebih kurang pukul 3.00 pagi.

Tembakan pihak penyusup berhenti kira-kira pukul 5.00 pagi dan Pemerintah 99 Brigade di Kuching datang melawat ke lokasi Platun 10 pada tengah hari itu. Platun tidak lama selepas itu ditarik ke Balai Ringin. Pada pagi 9 Mac 1964, selepas lebih kurang lima bulan berkhidmat di Sarawak, satu seksyen dari Kompeni A di bawah pimpinan Koperal Ismail bertempur dengan sekumpulan penyusup di sebelah kiri Jalan Serian, Tebekang, Tebedu berdekatan Pang Amo dekat Tebekang. Dalam pertempuran tersebut, dua penyusup berjaya dibunuh, dua ditawan, manakala seorang anggota 10659 Prebet Yahya bin Yasin tercedera dan kemudiannya meninggal dunia kerana gagal diterbangkan ke hospital. Dengan ini, pasukan kehilangan seorang anggota, membunuh dua dan menawan tujuh orang penyusup buat kali pertamanya berkhidmat di Sarawak.

Batalion 5 RAMD, setelah sembilan bulan berkhidmat di Sarawak kembali ke Batu Gajah dan digantikan oleh 4 RAMD. Apabila tercetusnya rusuhan kaum di Singapura pada 21 April 1964, batalion 5 RAMD digerakkan dari Batu Gajah dengan keretapi ke Tanjung Pagar, Singapura. Batalion ditugaskan di High Street, North dan South Bridge Road selama lebih kurang sebulan dan kemudiannya kembali semula ke Batu Gajah. Pada akhir tahun 1964, Batalion 5 RAMD, sekali lagi bertugas tanpa keluarga ke Malaysia Timur dan kali ini ke Tawau, Sabah pulak. Markas batalion ditempatkan di Kem Kampung Jawa bersebelahan dengan Lapangan Terbang Tawau. Markas taktikal batalion bersama satu kompeni ditempatkan di Wallesbay, Kompeni-kompeni dan anggota turut ditempatkan di Pulau Sebatik, Nonokan, Sungai Melayu, Bergosong, Simpang Tiga dan Mentadak.

Kompeni A diletakkan di Simpang Tiga dan Mentadak. Kompeni C di Bergosong dan Sungai Melayu. Batalion mengadakan dua tempat pemerhatian (Observation Post), satu di perairan Nonokan, manakala satu lagi di Mentadak. Kedua-dua pos ditugaskan mengawasi pergerakan Tentera Indonesia yang berada di kedudukan mereka. Dari pos di Mentadak, anggota yang bertugas dapat melihat pergerakan harian anggota Rejimen Para Komando Angkatan Darat Indonesia (RPKAD). Anggota kita yang dapat melihat kedudukan Anti-Personnel Mine yang ditanam oleh anggota RPKAD pernah mengubah kedudukan senjata berkenaan dan akhirnya telah mendatangkan kesan buruk kepada anggota RPKAD sendiri, cerita Brigadier Jeneral Dato' Mohammed Shukor yang pada ketika itu adalah Pegawai Perisikan Batalion 5 RAMD.

Oleh kerana kawasan yang dipertanggungjawabkan adalah besar, manakala senjata meriam yang dimiliki pula tidak mencukupi, maka tipu helah dilakukan dalam penggunaannya. Meriam dipindahkan dengan helikopter dari satu lokasi ke satu lokasi yang lain selepas tembakan dibuat. Tembakan kebiasaannya dilakukan apabila pihak Indonesia memulakan tembakan, kata Brigadier Jeneral Mohammed Shukor. Pasukan 5 RAMD kembali semula ke Batu Gajah akhir 1965 dan tidak lama kemudiannya sekali lagi diantar bertugas tanpa keluarga ke Sarawak. Kali kedua batalion ditugaskan ke Sarawak diperintah oleh Leftenan Kolonel Tengku Kahar bin Tengku Mahadi (4276).

Markas Batalion berada di Sibu, manakala markas taktikal ditempatkan di Wong Padong. Kompeni A ditempatkan di Katibas, Kompeni B di Batu Lintang, Kompeni C sebagai kompeni simpanan di Sibu bersama markas kompeni, manakala Kompeni D pula ditempatkan di Binatang. Kompeni A diketuai oleh Kapten Mohammed Shukor, Kompeni B oleh Mejai Mohd. Nor bin Hasan (3648), Kompeni C, Kapten Mohamed Zain bin Yaacob (12244), Kompeni D, Mejai Othman bin Hj. Kadir (8330) dan Kompeni Markas, Mejai Abdul bin Jalil (2033). Antara pegawai yang bertugas di Song termasuklah Kapten Mohammed Shukur selaku Ketua Kompeni A, bersama Leftenan Muda Mohamad Sani bin Hasan (410094) berada di Katibas.

Leftenan Razali bin Mohammed Yusoh (12246), Ketua Plutun Mertak bersama Leftenan Muda Mohd. Razman bin Abd. Khatab (12381) dan Leftenan Muda Saidi bin Zakaria (12354) ditempatkan di Bangkit. Antara tugas yang dijalankan termasuklah rondaan ke-19 buah rumah panjang yang terdapat di sekitar kawasan tanggungjawab di samping cuba memenangi hati penduduk setempat. Tiga anggota Kompeni A, 7871 Koperal Abdullah bin Ahmad, 14637 Prebet Ache bin Abd. Dah dan 14679 Prebet Syed Alwi bin Abdul Rahman meninggal dunia akibat lemas setelah bot panjang yang mereka naiki terbalik di Sungai Katibas, Sarawak pada 1 Oktober 1966 sekembalinya mereka daripada membuat rondaan.

Para pegawai yang menjadi ketua plutun di Kompeni B pimpinan Mejai Mohd. Nor pula termasuklah Leftenan Muda Amir bin Baharuddin (12341),

Leftenan Muda Zam Zam bin Abdul Hamid (12336) dan Leftenan Muda Ridzuan bin Shamsuddin (410044). Kompeni mengambil alih kawasan tersebut daripada salah satu kompeni 40 Commando. Kompeni terlibat secara aktif dalam operasi mencari dan mengesan anggota TNKU yang menyusup ke kawasan tanggungjawab. Kerana pesatnya operasi yang dijalankan, pihak penyusup sukar untuk melepaskan diri. Dengan bantuan anggota-anggota dari pasukan Border Scouts, sekumpulan enam anggota TNKU yang menggunakan pelbagai jenis senjata dalam keadaan keletihan akhirnya menyerah diri kepada Platon 5 pimpinan Leftenan Muda Amir di kawasan Titikah tidak jauh dari sempadan Kalimantan Barat. Mereka adalah anggota sukarelawan dan kemudiannya diserahkan kepada pihak Cawangan Khas Polis.

Sepanjang konfrontasi, 5 RAMD terlibat dalam operasi menentang TNI di Sarikei, Serian, Singapura, Tawau dan Sibu. Pasukan ini adalah batalion RAMD pertama bertugas di Sarawak. Empat anggota terkorban, dua penyusup dibunuh, manakala 13 orang penyusup lagi ditawan.

### Batalion ke-3 RAMD

Batalion ke-3 RAMD di Kem Kepala Batas, Alor Setar, Kedah di bawah perintah Leftenan Kolonel Othman bin Rani (458) ditugaskan ke Tawau pada November 1963 bagi menentang ancaman konfrontasi. 3 RAMD adalah pasukan RAMD terulung bersama Terup Nombor 1, A Skuadron 2 Peninjau di bawah Leftenan M.B.T. Chong bertugas di Sabah. Batalion kembali ke Alor Setar pada Mei 1964 setelah mengalami peristiwa berdarah di Kalabakan. Tempat 3 RAMD di Tawau diambil alih oleh 2 RAMD. Setelah lebih kurang setahun di Alor Setar, 3 RAMD buat kali keduanya ditugaskan ke Malaysia Timur. Kali ini batalion ditugaskan di Sibu mulai April 1965 dan kembali semula ke Semenanjung pada Oktober 1965.

Ketika konfrontasi diisytiharkan oleh Indonesia terhadap Malaysia, Kerajaan British turut terlibat secara langsung di Borneo. Ini kerana Negeri Sabah dan Sarawak adalah sebahagian daripada koloni Inggeris yang baru sahaja dimerdekaan bagi menyertai gagasan Malaysia. 3 RAMD batalion terulung tentera Malaysia dihantar ke Borneo Utara. Kumpulan pendahuluan dari Kompeni B diketuai oleh Mejar Mohd. Noor bin Malek (5952) bergerak meninggalkan Alor Setar pada 18 Novomber 1963 ke Kem Majidee sebelum berangkat dengan kapal laut dari Singapura ke Sabah. Keseluruhan batalion sampai ke Sabah pada awal Disember 1963.

## Tragedi Kalabakan

Satu peristiwa yang tidak mungkin dapat dilupakan, sekaligus menjadi satu titik hitam dalam lipatan sejarah 3 RAMD ialah Peristiwa Kalabakan. Dalam tragedi berdarah ini, seorang pegawai dan tujuh anggota Pluton 1 Kompeni A 3 RAMD terkorban, manakala 18 orang anggota lagi tercedera. Peristiwa berdarah ini berlaku pada tanggal 29 Disember 1963. Tempat berlakunya tragedi berdarah yang menimpa 3 RAMD itu terletak tidak jauh dari tebing Sungai Kalabakan. Lokasinya kira-kira 30 batu ke utara Tawau dan 12 batu ke utara sempadan Kalimantan, Indonesia. Di situ terletak dua penempatan kecil Pasukan Keselamatan Malaysia yang terdiri daripada satu penempatan Pasukan Polis Hutan dan sebuah lagi penempatan tentera terletak di suatu lereng bukit.

Kedua-dua penempatan dipisahkan dalam jarak lebih kurang 400 elai sahaja. Pos Polis yang dipagari dengan dawai berduri mempunyai kekuatan 15 orang anggota, manakala penempatan pasukan tentera tidak pula berpagar. Anggota Pluton 1 Kompeni A dan kemudiannya disertai oleh seksyen dari Pluton 10 Kompeni C 3 RAMD ditempatkan di situ. Kawasan perkhemahan ini terletak suatu kawasan lereng tanpa sistem keselamatan serta pertahanan yang lengkap. Ini berlaku kerana ketiadaan bekalan peralatan walaupun usaha mendapatkannya telah berulang kali dilakukan.

Seramai 41 anggota 3 RAMD terlibat dalam peristiwa di Kalabakan, mereka adalah:

1. Mejar Zainol Abidin bin Hj. Yaacob (5415)
2. Leftenan Muda Raja Shaharudin bin Raja Rome (11709)
3. 2380 Pegawai Waran Dua Awaluddin bin Kamoi
4. 5237 Sarjan Ab. Aziz bin Meon
5. 6775 Koperal Hitam bin Mahmood
6. 9899 Koperal Hashim bin Hj. Ahmad
7. 9894 Lans Koperal Osman bin Darus
8. 33876 Lans Koperal Isa bin Bujang
9. 13960 Lans Koperal Abdullah bin Abdul Rahman
10. 6357 Prebet Hashim bin Abd. Ghani
11. 7966 Prebet Ibrahim bin Ahmad
12. 9542 Prebet Che Amat bin Che Leh
13. 9808 Prebet Mokhtar bin Hassan
14. 10385 Prebet Othman bin Hj. Budin
15. 10557 Prebet Ramli bin Awang
16. 10787 Prebet Othman bin Darus
17. 11020 Prebet Harun bin Abdullah
18. 11955 Prebet Ramli bin Salleh

19. 13886 Prebet Adnan bin Jabar
20. 14241 Prebet Zainuddin bin Yaacob
21. 14630 Prebet Ahmad bin Abu Yamin
22. 14185 Prebet Mat Sa'at bin Yaakob
23. 14626 Prebet Ahmad bin Hussin
24. 11245 Prebet Abdul Aziz bin Abdul Ghani
25. 11471 Prebet Ismail bin Mat
26. 11509 Prebet Mohamad Zain bin Yaacob
27. 13784 Prebet Ismail bin Mansor
28. 14447 Prebet Yusof bin Sulong
29. 14469 Prebet Shamsuddin bin Yasin
30. 10277 Prebet Abdul Ghani bin Mohamad
31. 10530 Prebet Shukri bin Suratman
32. 10586 Prebet Mohamed Nafiah bin Yahaya
33. 10587 Prebet Mohamad Nor bin Ahmad
34. 11051 Prebet Yaacob bin Ngah
35. 11164 Prebet Mohamad Arfah bin Almunir
36. 11244 Prebet Ariffin bin Yusof
37. 11957 Prebet Abdul Wahab bin Mat
38. 13885 Prebet Yahya bin Hj. Yaacob
39. 14346 Prebet Ab Karim bin Mat Johan
40. 14571 Prebet Bidin bin Abu
41. 14655 Prebet Mat Saad bin Othman

Menurut laporan perisikan, seramai 130 orang tentera Indonesia daripada pelbagai pasukan bergerak dari Kalimantan untuk menyusup ke kawasan Malaysia pada pertengahan Disember 1963. Pasukan ini singgah di Serudong dalam perjalanan menuju ke Selimpopon dengan melewati Tarakan untuk ke kem balak Teck Guan dekat Kalabakan. Mereka bermalam di situ pada 28 Disember. Berdasarkan maklumat perisikan di atas, Mejar Zainol Abidin bersama dua seksyen dari Kompeni C digerakkan ke penempatan Platon 1 Kompeni A di Kalabakan pada 29 Disember bagi memperkuatkan subunit berkenaan. Dengan kedatangan Mejar Zainol ke lokasi tersebut, Platon 1 diletakkan di bawah perintahnya.

Menurut Leftenan Kolonel (Bersara) Raja Shaharudin, beliau sebenarnya bukanlah Ketua Platon 1 Kompeni A 3 RAMD. Beliau adalah Pegawai Kenderaan Bermotor 3 RAMD. Leftenan Muda Raja Shaharudin diarahkan oleh Pegawai Memerintahnya menjadi Ketua Platon 1 kerana batalion kekurangan ketua platon ketika itu. Leftenan Muda Raja Shaharudin dan 38 anggotanya sampai di Kalabakan pada 5 Disember. Beliau telah diberikan sebuah rumah atap. Terdapat sebatang jalan melintasi di hadapan rumah atap dan satu jalan balak di sebelah kirinya. Di bahagian belakang dan di sebelah kiri rumah tanahnya tinggi.

Sebuah rumah kayu kemudiannya didirikan di atas tanah tinggi di sebelah kiri rumah atap. Rumah tersebut kemudiannya diberikan kepada Leftenan Muda Raja Shaharudin bagi menempatkan sebahagian daripada anggota platonnya. Terdapat bangunan pejabat di seberang jalan berhadapan dengan rumah atap yang mereka diami. Tiga buah kubu, setiap satu untuk tiga orang, dibina untuk tujuan pertahanan. Kubu berkenaan terletak di kiri dan kanan serta di sebelah kanan belakang rumah atap dan digunakan untuk menempatkan senjata RISLB. Rumah berkenaan diberikan oleh Mr. Rees Pengurus Bombay Burma Timber Company Limited.

Kedua-dua buah rumah terletak berdekatan pada satu lereng kira-kira 75 elai dari tebing sungai Kalabakan. Di bahagian belakang rumah dipenuhi semak dan pokok-pokok kecil. Terdapat banyak rumah di sekitar kawasan tersebut. Mengikut Sarjan Abdul Aziz, Platon Sarjan Platon I, mereka telah diperingatkan oleh Leftenan Muda Raja Shaharudin agar sentiasa mengadakan hubungan yang baik dengan penduduk setempat untuk memenangi hati dan perasaan mereka. Ini bagi menggalakkan mereka berkerjasama dengan anggota platon dan membantu pihak penyusup.

Pada umumnya, penduduk setempat mempunyai hubungan yang baik dengan keseluruhan anggota platon. Mereka dibenarkan masuk ke kawasan perkhemahan. Bagi menjaga keselamatan perkhemahan, seorang anggota ditugaskan sebagai peronda manakala pada waktu malam pengawal ditempatkan di hadapan dan belakang rumah. Wisel digunakan sebagai isyarat untuk mengadakan *stand to* pada awal pagi dan lewat petang. Anggota juga diarahkan membuat ronda tinjau dan ronda tempur di waktu siang sahaja. Leftenan Kolonel (Bersara) Raja Shaharudin menyatakan, beliau ada menerima maklumat yang menyatakan satu kumpulan tentera Indonesia sedang bergerak dari Kalimantan untuk menyusup masuk ke kawasan Malaysia. Mereka dilaporkan telah merampas barang-barang dari sebuah kedai kepunyaan seorang peniaga Cina di kawasan Serudong Laut. Mereka dikatakan sedang bergerak ke arah kawasan Kalabakan.

Mengikut Sarjan Abdul Aziz pula, beliau diarahkan oleh ketua platon untuk membuat serang hendap dan rondaan di kawasan pembalakan di samping membuat pertahanan di sekitar kawasan perkhemahan. Pada 28 Disember, Sarjan Abdul Aziz diarahkan oleh Leftenan Muda Raja Shaharudin mengetuai satu rondaan ke kawasan Brantian. Beliau membawa 14 orang anggota untuk melaksanakan tugas melawat dan mengambil apa-apa tindakan bersesuaian serta melaporkan situasi di kawasan berkenaan kepada Leftenan Muda Raja Shaharudin di Kalabakan. Beliau telah diberikan masa selama empat hari untuk melakukan tugas tersebut. Pada lebih kurang jam 7.00 malam 29 Disember, dua buah Land Rover awam datang menjemput mereka. Mereka dipanggil pulang ke perkhemahan oleh ketua platon.

Setibanya di perkhemahan, Sarjan Abdul Aziz memberikan laporan lisan mengenai keadaan di Brantian kepada Leftenan Muda Raja Shaharudin.

Dalam masa yang sama anggota bersiap untuk berahat dan tidur. Selain itu, ketua platun turut memberikan tugas untuk dilaksanakan pada keesokan harinya. Pada ketika itu juga, Mr. Rees datang bersama seorang lelaki yang diperkenalkannya sebagai Sulaiman untuk berjumpa dengan Leftenan Muda Raja Shaharudin. Sebelum meninggalkan Leftenan Muda Raja Shaharudin, Sarjan Abdul Aziz turut diberitahu bahawa tidak ada *stand to* dilakukan pada petang itu. Walau bagaimanapun Leftenan Muda Raja Shaharudin mengingatkan Sarjan Abdul Aziz semua anggota harus bersedia untuk melaksanakan tugas pada keesokan paginya.

Mengikut Leftenan Kolonel (Bersara) Raja Shaharudin, beliau mengarahkan Mr. Rees dan Sulaiman yang datang pada lebih kurang pukul 8.45 malam, 29 Disember berjumpa dengan Mejari Zainol. Sulaiman kelihatan memakai tuala Good Morning yang dililit di kepalanya dan membawa senapang patah automatik 12 Bore dan kartus peluru di sekeliling pinggannya. Leftenan Muda Raja Shaharudin sebelum itu telah diberitahu oleh Mr. Rees bahawa Sulaiman adalah seorang yang boleh dipercayai. Mr. Rees meninggalkan perkhemahan platun setelah memperkenalkan Sulaiman kepada Mejari Zainol Abidin. Sarjan Abdul Aziz terus meninggalkan Leftenan Muda Raja Shaharudin selepas menerima perintah darinya dan segera memanjangkan perintah berkenaan kepada semua Pegawai Tidak Tauliah (PTT).

Sarjan Abdul Aziz meninggalkan rumah atap menerusi pintu belakang untuk ke rumah baru. Di situ Sarjan Abdul Aziz melihat Mejari Zainol sedang bercakap-cakap dengan Sulaiman di halaman rumah baru yang didiaminya itu. Selepas berbual buat beberapa ketika, Sulaiman kemudiannya meninggalkan Mejari Zainol dan perkhemahan ke arah yang tidak saya ketahui, terang Sarjan Abdul Aziz. Sarjan Abdul Aziz naik ke atas rumah dan melihat sebahagian anggota telah pun mula hendak tidur, manakala sebahagian lagi berada di dapur. Dari rumah baru Sarjan Abdul Aziz balik semula ke rumah atap. Di pertengahan perjalanan Sarjan Abdul Aziz didatangi oleh pengawal bahagian belakang yang memberitahu Sarjan Abdul Aziz bahawa beliau melihat adanya pergerakan di dalam semak di belakang rumah serta mengesyaki sesuatu. Saya lantas berkejar ke dalam rumah mengambil senjata dan peluru sambil memerintahkan anggota membuat *stand to*, ujar Sarjan Abdul Aziz. Tidak lama selepas itu satu tembakan kedengaran memecah keheningan malam dan kemudiannya diikuti pula oleh tembakan yang bertubi-tubi.

Ketika saya dan sebilangan anggota keluar dari rumah untuk *stand to*, anggota TNI telah pun mula melepaskan tembakan dan melemparkan bom tangan ke kedudukan kami, cerita Leftenan Kolonel (bersara) Raja Shaharudin. Semua anggota bertempiaran keluar dari rumah mencari perlindungan. Sarjan Abdul Aziz berjaya menerjunkan diri ke dalam kubu dan berada bersama ketua platun serta dua anggota lagi. Kami membalaas tembakan dan turut melontarkan bom tangan ke arah anggota TNI, saya kemudiannya memerintahkan angota agar

mengambil perlindungan dan tidak melepaskan tembakan kecuali mereka melihat anggota TNI, kata Leftenan Kolonel (Bersara) Raja Shaharudin.

Sejurus selepas mendengar perintah *stand to* dari Sarjan Abdul Aziz, kedengaran bunyi tembakan bertalu-talu dari anggota TNI, cerita Koperal Hitam. Saya terus menyambar senjata MGK dan peluru lalu terjun melalui pintu hadapan ke bawah rumah. Saya merangkak ke arah kubu di sebelah kanan rumah. Leftenan Raja Shaharudin, Sarjan Abdul Aziz dan dua anggota lagi turut berada dalam kubu berkenaan. Saya membalaus tembakan ke arah sebelah kanan rumah arah datangnya tembakan anggota TNI, terang Koperal Hitam. Lebih kurang jam 10.00 malam ketika pertempuran masih berjalan saya melihat beberapa orang lelaki berdiri di pintu hadapan rumah yang kami diami, kata Pegawai Waran Dua Awaluddin. Lelaki berkenaan bertutur dalam loghat Indonesia. Pegawai Waran Dua Awaluddin lantas melepaskan tembakan ke arah lelaki tersebut dan beliau lalu melepaskan satu tembakan semburan ke arah saya sebelum menghilangkan diri, tambah Pegawai Waran Dua Awaluddin. Saya dan Sarjan Abdul Aziz terus berada di dalam kubu di hadapan rumah sambil melepaskan tembakan ke bahagian kiri belakang rumah.

Tembak-menembak berhenti kira-kira pukul 11.00 malam, terang Leftenan Kolonel (Bersara) Raja Shaharudin. Ketika pertempuran berlaku, saya mendapati kebanyakan tembakan anggota TNI datang daripada arah belakang kedua-dua buah rumah serta dari arah sebelah kanan rumah yang didiami oleh Mejar Zainol. Tembakan juga saya dapat datang dari arah lapangan terbang di atas bukit. Selain itu, tembakan juga kedengaran dari arah balai polis. Kami tidak dapat bergerak ke mana-mana kerana sedang menjadi tumpuan sasaran tembakan anggota TNI. Kami tidak boleh keluar dari kubu untuk membantu kumpulan Mejar Zainol dalam rumah baru yang sedang dihujani oleh peluru dan lemparan bom tangan anggota TNI. Saya memerintahkan anggota supaya berada di mana mereka berada dan melepaskan tembakan sekiranya melihat pergerakan anggota TNI, cerita Leftenan Kolonel (Bersara) Raja Shaharudin.

Mr. Rees bersama seorang lelaki datang menemui Leftenan Muda Raja Shaharudin sejurus selepas pertempuran berhenti. Pada lebih kurang pukul 3.30 pagi 30 Disember 1963 satu platun bantuan yang diketuai oleh Leftenan Muda Wan Nordin bin Wan Mohammad (12176) sampai ke lokasi platun di Kalabakan. Anggotanya diarah mengumpulkan anggota yang terkorban dan tercedera sambil memberikan rawatan sekadar terdaya. Apabila matahari pagi 30 Disember 1963 mula menampakkan sinarnya, anggota mula melakukan penggeledahan kawasan secara terperinci bagi mengumpulkan mayat dan anggota yang tercedera untuk dimaklumkan kepada markas batalion. Lapan anggota termasuk ketua kompeni disahkan terkorban, manakala 18 anggota lagi tercedera.

Anggota 3 RAMD yang terkorban adalah:

- |                         |                        |
|-------------------------|------------------------|
| 1. Mejari Zainol Abidin | 5. Prebet Mohamad Zain |
| 2. Las Koperal Abdullah | 6. Prebet Ismail       |
| 3. Prebet Abdul Aziz    | 7. Prebet Yusof        |
| 4. Prebet Ismail        | 8. Prebet Shamsuddin   |

Anggota 3 RAMD yang tercedera ialah:

- |                                |                          |
|--------------------------------|--------------------------|
| 1. Pegawai Waran Dua Awaluddin | 10. Prebet Yaacob        |
| 2. Sarjan Ab. Aziz             | 11. Prebet Mohamad Arfah |
| 3. Las Koperal Osman           | 12. Prebet Ariffin       |
| 4. Las Koperal Isa             | 13. Prebet Abdul Wahab   |
| 5. Prebet Che Amat             | 14. Prebet Yahya         |
| 6. Prebet Abdul Ghani          | 15. Prebet Mat Sa'at     |
| 7. Prebet Shukri               | 16. Prebet Ab. Karim     |
| 8. Prebet Mohamed Nafiah       | 17. Prebet Bidin         |
| 9. Prebet Mohamad Nor          | 18. Prebet Mat Saad      |

Senarai peralatan yang hilang dalam Peristiwa Kalabakan adalah seperti berikut:

1. Senjata RIS 7.62mm lima pucuk. Nombor Pendaftaran: 6103475, 6102656, 6102943, 6102944 dan 6102184. 11 kelopak, enam bilah benet berserta sarungnya, 12 alat pencuci senjata, enam pencuci laras dan lima sling.
2. Satu pucuk RISLB 7.62mm dengan nombor pendaftaran AD 621894 bersama 6 kelopak, alat pencuci yang lengkap serta sling.
3. Satu pucuk MGK 9mm dengan nombor pendaftaran KR 31553 bersama 11 kelopak, alat pencuci yang lengkap serta dua sling.
4. Peluru: 7.62mm sebanyak 2,253 butir, peluru 9mm sebanyak 355 butir, 57 butir Grened 36 dengan detonator dan fius, 77 butir peluru Traces 7.62mm, dua butir verey light pistol green, empat butir verey /light pistol red dan sebutir verey light pistol Illuminate.

Mengikut Leftenan Kolonel (Bersara) Raja Shaharudin, beliau menahan Sulaiman yang datang pada lebih kurang pukul 8.00 pagi itu. Saya mendapati tiga kelongsong peluru terselit di pinggangnya, ketika memeriksa laras senjatanya saya mendapati laras senjata tersebut masih berbau serta ada kesan yang menunjukkan senjata tersebut telah digunakan. Sulaiman diserahkan kepada pihak Polis Kalabakan. Sebelum itu, saya telah pun menahan seorang lelaki yang saya jumpai berjalan di hadapan pejabat Burma Timber Company pada pukul 4.00 pagi itu. Sebuah helikopter tiba ke tempat kejadian pada pukul 11.00 pagi 30 Disember bagi mengeluarkan anggota yang tercedera dan terkorban. Anggota tercedera diterbangkan ke Hospital Tawau, manakala yang

terkorban diterbangkan pula dari Tawau ke Labuan dengan Pesawat Dakota. Pesawat Dakota sampai ke Labuan pada waktu malam. Penduduk tempatan di Labuan telah membantu memandi dan menyempurnakan jenazah sebelum jenazah diterbangkan balik ke Semenanjung keesokan paginya. Ketibaan jenazah di Lapangan Terbang Sungai Besi disambut oleh para Menteri Kabinet dan Pegawai Tinggi Tentera juga para pembesar negara. Dari Kuala Lumpur jenazah dibawa pula ke kampung halaman masing-masing untuk dikebumikan.

Pasukan 1/10 Gurkha pimpinan Lieutenant Colonel Burnett dikeharkan ke Kalabakan bagi membantu 3 RAMD membuat penggeledahan di kawasan Kalabakan. Berikutnya dengan itu, pada 12 Januari 1964, seramai 22 orang Tentera Indonesia berjaya dibunuh di samping banyak juga yang telah ditangkap. Batalion ini berjaya menangkap tiga orang anggota TNI. Walaupun bilangan yang ditawan itu agak kecil jumlahnya, tetapi ia telah membantu pasukan dalam operasi selepas itu. Beberapa kawasan di Tawau telah diisyiharkan sebagai kawasan terhad bagi memudahkan operasi pasukan keselamatan. Pada 27 Januari, satu kumpulan ronda dari Kompeni B di bawah pimpinan Leftenan Muda Ishar bin Sham (12221) menjumpai satu perkhemahan anggota TNI dan pertempuran berlaku. Seorang anggota TNI berjaya dibunuh, dua pucuk senapang, 12 butir bom tangan dan sejumlah peluru berjaya dijumpai.

Platun 6 di bawah pimpinan Leftenan Muda Abdul Aziz bin Shaari (12178) ketika membuat serang hendap di Merutai Estet pada 28 Januari berjaya membunuh tiga orang anggota TNI selepas mengalami satu pertempuran sengit dengan mereka. Sehingga 10 Februari, seramai 29 anggota TNI berjaya dibunuh, 33 ditawan, manakala 22 menyerah diri. Selain itu, operasi di Pulau Sebatik terus dilakukan. Pada 25 Januari, Presiden Soekarno bersetuju mengisyiharkan gencatan senjata. Walaupun bagaimanapun, anggota pasukan keselamatan diperingatkan agar bersiap sedia menghadapi sebarang kemungkinan. Pemberhentian pertempuran telah dipersetujui di majlis perdamaian yang diadakan di Bangkok antara Malaysia dan Indonesia. Ketika operasi pembersihan dilakukan, ramai rakyat Indonesia ditangkap kerana memasuki Malaysia secara haram. Kompeni B di Pulau Sebatik diambil alih oleh Kompeni C pada penghujung Januari 1964. Pada waktu itu, masih terdapat tembakan dan kegiatan anggota TNI menyusup masuk ke pangkalan.

Oleh kerana kegagalan persidangan damai di Bangkok, keadaan menjadi tegang semula dan perhatian penuh mula ditumpukan semula di perbatasan. Penyusupan dan tembakan anggota TNI di Pulau Sebatik menyebabkan Kompeni A di hantar membantu Kompeni C di situ. Kampung Sungai Limau merupakan salah satu tempat yang menjadi pusat pergerakan anggota TNI. Pada 19 April seorang anggota TNI berjaya dibunuh oleh satu seksyen yang membuat serang hendap. Penyusup telah cuba menawan kedudukan satu platon yang ditugaskan di situ pada 20 April, tetapi gagal kerana platon terlibat telah membuat pertahanan yang teguh di kedudukan mereka.

Batalion kemudiannya kembali semula ke Alor Setar selepas lebih kurang lima bulan berkhidmat di Sabah. Sebagai penghargaan terhadap perkhidmatan cemerlang batalion ketika konfrontasi dua warga 3 RAMD, Pegawai Waran Dua Awaludin dan Prebet Mohamed Nafiah dikurniai Kepujian Perutusan Keberanian (KPK) Sepanjang penglibatannya dalam era konfrontasi, 3 RAMD beroperasi dua kali di Tawau dan sekali di Sibu. Seramai lapan warganya terkorban, manakala 18 mengalami kecederaan. Dalam operasi bersama 1/10 Gurkha dan Trup 2 Peninjau sekitar Tawau, seramai 29 TNI berjaya dibunuh, 33 orang ditawan, manakala 22 lagi menyerah diri.

## Batalion ke-8 RAMD

Batalion ke-8 RAMD yang berpangkalan di Tapah baru berusia dua tahun ketika negara menghadapi ancaman konfrontasi. Batalion ini diperintah oleh Leftenan Kolonel Othman bin Ibrahim (5018), dan Mejaz Jaafar bin Sidek (5022) ditugaskan sebagai Penolong Pegawai Memerintah, manakala Kapten Othman bin Haron (12107) sebagai Ejutan. Kapten Mohammed Daud bin Abu Bakar (12063), Kapten Mohd. Nahu Jury bin Hj. Abdul Latif (12008), Kapten Sabaruddin bin Sulaiman (12079) dan Kapten Mohd. Nazir bin Mohd. Jamin (6711) selaku ketua kompeni.

Sebagai sebuah batalion yang baru, pasukan mengalami kekurangan tidak hanya anggota bawahan, malah juga pegawai. Ekoran daripada Peristiwa Kalabakan yang menimpa 3 RAMD, Batalion 8 RAMD digerak dari Kem Tapah ke Sandakan, Sabah pada Januari 1964. 8 RAMD batalion Askar Melayu pertama berkhidmat di Sandakan. Batalion digerakkan ke Sandakan atas maklumat bahawa Sandakan akan dijadikan pusat pendaratan anggota Payung Terjun TNI. Keseluruhan batalion menaiki keretapi dari Tapah ke Singapura. Sebahagian anggota menaiki Kapal Laut N.V. Kimanis, manakala sebahagian lagi menaiki Kapal Terbang Tentera Udara Diraja Australia untuk ke Sandakan.

Selaku pasukan tentera terulung yang menerokai Sandakan, anggota tidak hanya aktif beroperasi malah turut sibuk membuat pangkalan dan perkhemahan. Di Sandakan, batalion mendirikan markas taktikalnya di Balai Polis Sandakan. Keseluruhan anggota yang tidak keluar beroperasi berkhemah di sekitar Lapangan Terbang. Selain beroperasi di kawasan Sandakan, pasukan turut dikehendaki berada di Tawau dan Sebatik. Kompeni secara bergilir-gilir digerakkan dengan kapal terbang dan kapal laut dari Sandakan ke Tawau sebelum dihantar ke Sebatik menaiki bot. Di Sebatik, Kompeni A 8 RAMD diketuai oleh Mejaz Mohd. Nahu Jury dan diletakkan di bawah perintah 3 RAMD. Kompeni menempatkan platunnya di Sungai Melayu, Sungai Limau dan Bergosong. Kompeni ditugaskan menjaga kawasan sempadan daripada pencerobohan TNI.

Anggota ditugaskan meronda kawasan setiap pagi dan pulang lewat petang. Ketua Pluton dan anggotanya turut bergerak di waktu malam pada masa-masa diperlukan. Kesemuanya itu dilakukan bagi menentukan keselamatan anggota dan pangkalan di samping memastikan tidak ada pencerobohan berlaku di sekitar kawasan tanggungjawab.

Setelah lebih kurang sebulan di Sebatik, Kompeni A digantikan oleh Kompeni B yang didatangkan dari Semporna. Kompeni A digerakkan ke Semporna dengan menaiki kapal Perang Tentera Laut British. Di Semporna, Kompeni A menduduki tempat Kompeni B di Sungai Berangan. Setelah beroperasi di Semporna buat beberapa ketika, barulah ia kembali ke Sandakan.

Batalion kemudiannya berpindah ke Singapura dari Sandakan. Di Singapura 8 RAMD menduduki Kem Ulu Pandan. Sewaktu berlakunya rusuhan kaum Melayu-Cina di Singapura, 8 RAMD dipertanggungjawabkan menjaga ketenteraman awam di bahagian tengah Singapura. Untuk itu, batalion mendirikan markas taktikalnya di Central Police Station. Singapura hingga-lah keadaan kembali tenang.

Batalion terlibat secara langsung dalam Operasi Liver II mulai 4 Oktober 1964. Kompeni C yang sedang menjalani Operasi Limit didatangkan bagi membuat kepungan di kawasan berdekatan Parit Selangor, Pontian. Operasi ini dilancarkan dengan tujuan untuk memusnahkan baki 41 orang anggota kumpulan Benut yang dikatakan akan bergerak ke Gunung Blumut untuk bercantum dengan kumpulan Pasukan Gerak Tjepat yang mendarat di Labis. Operasi dijalankan bersama pasukan I RNZIR. Pasukan ini telah dipertanggungjawab menghapuskan kumpulan Benut di kawasan Renggam dan Layang-Layang, Johor di awal pendaratan mereka.

Seorang penyeludup senjata, Lee Gei Chong ditangkap dalam operasi di Parit Selangor. Melaluinya beberapa pembekal makanan kepada kumpulan Benut ditangkap oleh Cawangan Khas Polis. Salah seorang pembekal bersetuju memandu 1 RNZIR ke perkhemahan penyusup di timur laut Ladang Nanas Chuan Seng. Seorang penyusup Indonesia dibunuh oleh 1 RNZIR dalam satu pertempuran pada 7 Oktober. Dalam satu operasi penjejak yang dilakukan seorang sarjan Pasukan Gerak Tjepat berjaya dibunuh pada 9 Oktober. Pada hari yang sama Ketua Sukarelawan Cina, Lee Mah Song bersama empat rakannya ditangkap dalam satu sekatan jalan raya di Batu 28 Jalan Johor Bahru-Ayer Hitam. Lee mengaku memberi perintah membunuh seorang anggotanya di hutan.

Seramai sembilan penyusup Indonesia yang berjaya melepaskan diri daripada buruan 8 RAMD dengan mencuri sebuah bot ditawan oleh sepasukan Polis Marin pada 12 Oktober di muara Sungai Ayer Baloi. Dua anggota TNI ditawan oleh Pluton 9 Kompeni C selepas satu pertempuran singkat di Parit Wak Jabar pada 13 Oktober. Lima penyusup Indonesia menyerah diri kepada penduduk kampung berdekatan Balai Polis Ayer Baloi pada 16 Oktober, setelah dikepung selama 18 jam oleh anggota 8 RAMD. Pluton 3 Kompeni A menawan

seorang anggota TNI pada 24 Oktober di Sungai Marang. Sejam kemudian, pada pukul 4.00 petang seorang Sarjan PGT dibunuh di kawasan yang sama.

Platun yang membuat serang hendap di Parit Tenggayon, Pontian pada 25 Oktober berjaya membunuh Sarjan Mejar Soeparmin bersama dua anggotanya yang lain. Seorang penyusup Indonesia dijumpai tercedera di kawasan serang hendap keesokan harinya. Di Kampung Duku, dua penyusup Indonesia menyerah diri kepada orang kampung pada 31 Oktober. Sehingga 4 November, hanya lapan penyusup Indonesia dan seorang sukarelawan Cina dari Kumpulan Benut didapati masih bebas. Mereka dianggap tidak begitu mengancam dan dengan sebab itu 8 RAMD menyerahkan kawasan operasi kepada Pasukan Polis Hutan. Mereka kembali ke Kem Ulu Pandan, Singapura.

Ekoran terdapatnya maklumat mengenai pendaratan 12 penyusup bersenjata Indonesia, Operasi Buah Nangka II dilancarkan di kawasan Kangkar Lok Heng pada 26 Disember. Kompeni C pimpinan Mejар Rijaluddin bin Mohd. Salim (5058) diterbangkan ke Kota Tinggi menyertai 2 SIR dalam operasi ini. Kesemua 12 penyusup berjaya dihapuskan oleh platun pimpinan Leftenan Muda Abdul Shukor bin Hj. Jaafar (12275) di pantai Tanjung Balau apabila operasi ditamatkan pada 9 Januari 1965. Leftenan Kolonel Mohammed Sany bin Abd. Ghaffar (5019) mengambil alih teraju pemerintahan daripada Leftenan Kolonel Othman setelah pasukan menamatkan operasi di Kangkar Lok Heng. Pada akhir Februari 1965, batalion diambil alih oleh Leftenan Kolonel Jaafar apabila Leftenan Kolonel Sany dinaikkan ke pangkat Brigedier Jeneral.

Apabila sembilan anggota Platun 7 Kompeni C 2 SIR dilaporkan terbunuh dan lima tercedera pada 1 Mac 1965 akibat serang hendap oleh TNI di Kota Tinggi, Johor, pada 28 Feb. 1965, Kompeni B 8 RAMD pimpinan Mejар Sabaruddin dikejarkan ke Kota Tinggi bagi menyertai Operasi Oak Tree. Satu pertempuran berlaku antara TNI dengan anggota platun pimpinan Leftenan Muda Abdul Malik @ Saidi bin Mohd. Alwi (12267). Tiada anggota platun yang tercedera atau terkorban. Penyusup meninggalkan kedudukan mereka. Lapan beg galas berlogo RPKAD berisi pakaian dan sedikit makanan dijumpai. Leftenan Muda Abdul Malik ketika ditemui oleh Brigedier Jeneral Ibrahim bin Ismail (1948) di markas taktikal kompeni selepas itu dimarahi kerana gagal membunuh anggota TNI dalam pertempuran berkenaan.

Belum pun pasukan memperolehi sebarang kejayaan melalui operasi giat yang dijalankannya, ia dikehendaki berundur balik ke Singapura. Dari Singapura 8 RAMD buat kali keduanya di hantar bertugas ke Sabah pada April 1965. Kali ini pasukan ditugaskan di Tawau. Sewaktu batalion di Tawau, kompeni-kompeni ditempatkan di sekitar Tawau, Wallas Bay, Nonokan dan Sebatik. Secara keseluruhannya pasukan menggunakan bot dalam mengerakkan anggota dan penghantaran bekalan kepada subunit di kawasan tanggungjawab. Beberapa kejayaan telah diperolehi sepanjang bertugas di Tawau. Tiga anggota TNI dibunuh di Merutai dalam operasi bersama 42 Commando. Seorang TNI dibunuh dalam

satu serang hendap oleh seksyen Platon 6 di kawasan Sungai Limau, Sebatik pada November 1965. Seorang sarjan TNI dibunuh ketika cuba menyusup masuk ke pangkalan Platon 6 di Simpang Tiga, Sebatik. Sebagai mengenang jasa dan pengorbanan mereka yang terlibat, empat warga 8 RAMD iaitu 3936 Sarjan Shamsuddin bin Ab. Rashid, Lettenan Muda Anoar Ibrahim bin Mohd. Noor (12413), 10796 Kopral Husin bin Ridzuan dan 601899 Prebet A. Sani bin Abdullah dianugerahkan pingat KPK.

Sepanjang era konfrontasi, 8 RAMD pernah beroperasi di Sandakan, Tawau, Singapura dan Johor. 12 anggota TNI berjaya dibunuh, 34 orang ditawan dan seramai tujuh penyusup menyerah diri.

## Batalion ke-2 RAMD

Batalion ke-2 RAMD yang baru sahaja pulang ke tanah air dari melaksanakan misi keamanan Pertubuhan Bangsa-bangsa Bersatu di Congo sekali lagi meninggalkan pangkalannya di Kem Pangkalan Chepa, Kota Bharu, Kelantan tanpa keluarga untuk bertugas selama enam bulan ke Tawau, Sabah pada Mei 1964. Batalion 2 RAMD ke Tawau menggantikan 3 RAMD. Batalion ketika itu diperintah oleh Lettenan Kolonel Mustaffa bin Abdullah (5086). Dua kumpulan tinjau mengandungi pegawai memerintah, penolong pegawai memerintah, ketua kompeni kumpulan pendahuluan, pegawai risik pasukan, kuatermaster, ketua platon mortar dan pegawai gaji dihantar ke Sabah sebelum batalion ke Sabah menggantikan 3 RAMD di Tawau.

Tinjauan dibuat dua bulan sebelum pasukan digerakkan ke Sabah untuk membolehkan kesemua peringkat anggota bersedia, baik dari segi fizikal maupun mental bagi menghadapi konsep operasi yang bakal dihadapi. Pertukaran dan penggantian trup dilakukan secara terus Reliefs-in-the line mengikut hari. Pergerakan 2 RAMD ke Tawau selesai 15 Mei 1964. 2 RAMD menamatkan tugasnya di Tawau pada 21 November 1964 dan digantikan oleh 1 SIR. Di Tawau batalion digerakkan di Pulau Sebatik, Bergosong, Cabang Tiga, Sungai Melayu dan Sungai Limau. Dalam satu kejadian, pasukan berjaya menyelamatkan sebuah bot yang dinaiki oleh lapan orang Komando British yang sedang hanyut ke perairan Indonesia akibat kerosakan enjin. Dua anggota batalion ini, 5698 Kopral Jantan bin Salleh dan 8440 Kopral Ahmad bin Abdul Mutalib dikurniai KPK kerana telah menunjukkan keberanian dan perkhidmatan cemerlang dalam era konfrontasi.

## Batalion Pertama RAMD

I RAMD yang berpangkalan di Kem Taiping di bawah perintah Leftenan Kolonel Abdul Jamil bin Ahmad (12004) digerakkan ke Sandakan, Sabah mengambil alih tugas daripada 8 RAMD pada Julai 1964. Markas taktikal batalion diempatkan di Kem Lapangan Terbang Sandakan, manakala markas batalion bersama satu kompeni simpanan berada di Kem Kampung Jawa, Tawau. Satu platoon kompeni simpanan ditugaskan sebagai platoon pemerhati perairan di Pulau Indra Sabak. Satu kompeni digerakkan ke Kinabatangan dan menempatkan markas kompeni bersama satu platoon di Lamag dan satu platoon di Kuamut. Platoon di Kuamut ditugaskan menjaga keselamatan anggota pasukan Jurutera Australia membina landasan kapal terbang. Kompeni di Lahat Datu menempatkan platoon di Kunak dan Semporna. Di Pulau Sebatik, markas kompeni diempatkan di Sungai Melayu, manakala platoon diletakkan di Sungai Limau dan Bergosong. Dua buah helikopter ditumpangkan untuk kegunaan pasukan.

Selain beroperasi mencari anggota bersenjata Indonesia, pasukan juga bertanggungjawab menghapuskan kegiatan lanun di sekitar perairan berhampiran Sandakan. Tiada sebarang kejadian pertempuran berlaku biarpun pasukan giat menjalankan rondaan. Pasukan kehilangan seorang anggota 16046 Prebet. Mohamed bin Hj. A. Karim yang meninggal dunia akibat lemas di Segama, Lahat Datu pada 20 Nov. 1964. Untuk mengatasi masalah jemu di kalangan anggota, lokasi gerakan yang baru dicari bagi menggerakkan semula I RAMD dan batalion yang bakal menggantikannya. Pesawat Alouette yang dipandu oleh Leftenan (Udara) Mohamed bin Ngah Said (12111), dinaiki oleh Pemerintah Briged Ke-5 Infantri Malaysia, Brigadier Tengku Ahmad bin Tengku Besar Burhanuddin (2044), Leftenan Kolonel Abdul Jamil, Brigade Major, Major Keith Milner, Residen Tawau, Dato' Hywell George dan seorang pemandu Jabatan Kerja Raya, Encik Anthony Lamb ketika membuat tinjauan mencari penempatan baru pada 20 Januari 1965 terhempas di satu kem balak di Pegagau, sembilan batu dari Semporna dalam perjalanan ke Tawau.

Major Milner mengalami cedera parah dan meninggal dalam penerbangan ke hospital. Brigadier Tengku Ahmad mengalami keretakan di tulang punggung sebelah kiri. Leftenan Kolonel Abdul Jamil mengalami kecederaan di tulang belakang. Dato' George juga mengalami kecederaan. Batalion mengakhiri tugasnya di Sabah pada Februari 1965 dan digantikan oleh 5 RAMD. Pasukan dibawa pulang ke Taiping oleh Penolong Pegawai Memerintah, Mejai Tengku Zaid bin Tengku Ahmad (4428) kerana Leftenan Kolonel Abdul Jamil masih dirawat di Hospital. Batalion 1 RAMD kemudiannya meninggalkan Taiping berpindah ke Kem Ulu Pandan, Singapura.

## Batalion ke-4 RAMD

Batalion Ke-4 RAMD, berpangkalan di Kem Majidee, Johor digerakkan ke Sarawak tanpa keluarga menggantikan 5 RAMD yang telah tamat tempoh perkhidmatannya di Sarawak. Batalion diperintah oleh Leftenan Kolonel Mohamad Nordin bin Mohaludin (5044). Batalion mengambil alih tugas daripada 5 RAMD di Serian pada Mac 1964 dan diletakkan di bawah perintah 99 Gurkha Infantry Brigade Group. Pasukan 4 RAMD ditugaskan beroperasi di sempadan Sarawak-Kalimantan. Markas batalion di bawah Mejai Esa bin Ahmad (5939) ditempatkan di Sekama Road, Kuching. Pegawai memerintah bersama pegawai Perisikan batalion, Leftenan Raja Abdul Rashid bin Raja Badiozaman (12220) berada di markas taktikal batalion di Serian.

Kompeni B pimpinan Kapten Tahir bin Ismail (12003) ditugaskan sebagai kompeni simpanan berada di Serian dengan barisan ketua platunnya Leftenan Muda Abdul Latif bin Ahmad (12265), Leftenan Muda Baharin bin Abd. Rahim (12324) dan Leftenan Muda Abdul Razak bin Abdul Samad (12335). Kompeni A diketuai Kapten Zainal Abidin bin Dato' Ahmad (12052) ditempatkan di Tebedu. Ketua platunnya terdiri daripada Leftenan Muda Che Mat Noor bin Mat Arshad (200192), Leftenan Muda Sulaiman bin Hj. Ujang (12298) dan Leftenan Muda Abdul Latif bin Mohd. Nazir (12318). Kompeni dipertanggungjawabkan ke atas kawasan Tepoi, Terbat Bazaar, Plama Mapu dan Pang Amo, (Sila lihat Lampiran Peta 6).

Satu trup pasukan Askar Jurutera Malaysia diketuai Leftenan Muda Saujana bin Bujang (12217) ditugaskan menyelenggara jalan dari Tebekang-Tebedu. Kompeni C pimpinan Kapten Mohamed Mansor bin Yunus (12039) ditempatkan di Balai Ringin. Ketua platunnya terdiri daripada Leftenan Muda Elias bin Harun (12228), Leftenan Muda Abdul Kadir bin Nordin (12322), Leftenan Muda Ariffin @ Ariff bin Ismail (12379), kompeni bertanggungjawab ke atas operasi di Telagus, Nibong, Mungkus dan Mujat. Satu Trup Royal Hussars ditugaskan sebagai pengiring dari Balai Ringin ke Serian dan Simanggang. Selain menempatkan platon di beberapa lokasi tetap, subunit juga digerakkan di sekitar kawasan tanggungjawab.

Pangkalan Markas Kompeni A di Tebedu di bawah pimpinan Kapten Zainal Abidin diserang oleh sekumpulan kira-kira 20 anggota bersenjata Indonesia pukul 11.10 malam 6 Mac 1964. Platon 11 Kompeni C pimpinan Leftenan Muda Abdul Kadir bertempur dengan sekumpulan lebih kurang 25 orang TNI dalam satu rondaan di kawasan Nibong Rujukan Grid 978999 pada pagi 24 Mac 1964. Menurut satu persetujuan yang dicapai pada 18 Jun 1964, kedua-dua belah pihak, Malaysia dan Indonesia bersetuju mengadakan gencatan senjata. Kesemua TNI yang berada di Sarawak dikehendaki berundur. Tebedu telah dipilih sebagai jalan pengunduran oleh pihak TNI dan 4 RAMD dipertanggungjawabkan bagi

mengawasi pengunduran tersebut. Seramai 32 orang anggota TNI menyerah diri kepada Platon 4 Kompeni A.

Anggota TNI tersebut telah diberi layanan yang baik sebelum mereka diiringi ke tempat pengunduran. Proses mengiringi TNI ke tempat pengunduran selesai pada pagi 19 Jun 1964 dan dengan itu sepatutnya tidak ada lagi TNI yang masih berada di kawasan Negeri Sarawak. Pada 24 Jun 1964, satu sekseyen Platon 11 Kompeni C diketuai oleh 2721 Sarjan Abu Bakar bin Hassan dalam satu rondaan di kawasan bukit Batu Balai, Mujat bertembung dengan sekumpulan tujuh orang TNI. Pertempuran berlaku antara keduanya dan seksyen Sarjan Abu Bakar berjaya membunuh dua orang TNI.

Batalion kemudiannya diperintahkan oleh pihak Brigid beroperasi di Bahagian Ketiga, Sarawak sebelum balik semula ke Kem Majidee pada Oktober 1964 dan digantikan oleh 6 RAMD dari Kluang. Di Kem Majidee, 4 RAMD diambil alih oleh Leutenant Kolonel Esa bin Ahmad (5939) dan diletakkan di bawah perintah Brigid ke-4 Infanteri Malaysia dan ditugaskan beroperasi di kawasan Kota Tinggi, Pengerang serta Pontian. 13 orang anggota TNI berjaya dibunuh, manakala 81 lagi ditawan oleh pasukan ini dalam beberapa siri operasi yang dilancarkan. Dalam dua kejadian berasingan: pertama, di Kota Tinggi, kumpulan yang diketuai oleh Leutenant Muda Abdul Kadir berjaya menawan lima anggota TNI dan dalam satu lagi kejadian di Kampung Gambut, Tanjung Punggai, Pengerang seorang Pegawai TNI bernama N.A. Titaley ditawan oleh anggota Platon Mortar pimpinan Leutenant Muda Abdul Kadir.

Sepanjang beroperasi di Johor pasukan membunuh 13 anggota TNI dan seramai 81 orang penyusup lagi ditawan. Batalion kemudiannya ditugaskan pula ke Tawau pada Ogos 1966 hingga April 1967 mengambil alih tugas daripada Batalion 2 Renjer. Pasukan selepas lima bulan di Tawau dipindahkan ke Labuan. Di Labuan kompeni-kompeni ditempatkan di Long Pasid, Barid dan Sepuliot. Sepanjang perkhidmatannya di Sabah, batalion ini berjaya menawan sembilan anggota TNKU termasuk seorang pegawai tinggi mereka. Sebagai penghargaan terhadap jasa, pengorbanan dan keberanian warga pasukan ini ketika konfrontasi, seorang pegawai, Leutenant Muda Abdul Kadir dianugerahi Panglima Gagah Berani (PGB). Dua anggota: Sarjan Abu Bakar dan 4624 Sarjan Mohd. Yusof bin Jani dikurniai KPK. Sepanjang konfrontasi 4 RAMD ditugaskan di Serian, Sibu, Johor, Tawau dan Labuan. Seramai 15 anggota TNI berjaya dibunuh dan 90 ditawan. Pasukan tidak mengalami sebarang kemalangan.

## Batalion ke-6 RAMD

Sekembalinya dari Congo, Batalion ke-6 RAMD kembali ke pangkalan asalnya di Kem Batu 3, Kluang, Johor. Leutenant Kolonel Mokhti bin Jabar (2533)

mengambil alih tugas sebagai Pegawai Memerintah pasukan daripada Leftenan Kolonel Mohamad Yusof bin Ibrahim (5823), manakala Ejutannya adalah Kapten Abdul Rahman bin Hj. Mohd. Said (12094). Ekoran penentangan Indonesia terhadap Persekutuan yang baru hendak dibentuk, Presiden Soekarno melancarkan kempen Ganyang Malaysia pada September 1963. Bagi mencegah penyusupan gerila Indonesia ke wilayah Malaysia, di Semenanjung, Kerajaan Persekutuan melancarkan Operasi Limit di sepanjang Pantai Barat Johor mulai 12 Ogos 1964. Batalion 6 RAMD dikerah beroperasi di Pontian, Kukup, Minyak Beku dan Senggarang sebelum bertugas di Sarawak. Batalion dijadualkan berangkat ke Sarawak tanpa keluarga untuk bertugas di Bahagian Ketiga. Sebelum ke Sarawak, anggota dan sebahagian pegawai diarahkan bercuti. Hanya anggota pentadbiran dan yang tinggal di barisan belakang sahaja tidak bercuti dan berada di Kem Kluang.

Leftenan Muda Badrudin yang baru menyertai 6 RAMD dari 5 RAMD menjadi Ketua Platur 8 Kompeni B tidak pergi bercuti. Beliau diarahkan mengetuai satu platur campuran daripada Kompeni B dan C beroperasi di kawasan Kukup, Pontian mulai 15 Ogos 1964. Platur ditempatkan di Balai Polis Kukup dan misi yang diberi adalah bagi membanteras perniagaan bertukar barang secara haram oleh pedagang Indonesia di kawasan berkenaan. Untuk itu, satu seksyen dihantar ke Minyak Beku, satu seksyen ke Sanglang, manakala satu seksyen lagi berada di Kukup.

Malam kedua platur berada di Kukup, pihak Cawangan Khas Polis memberitahu bahawa Tentera Indonesia dijangka akan mendarat sama ada melalui payung terjun atau melalui laut. Lebih kurang pukul 10.00 malam, Leftenan Muda Badrudin diberitahu oleh Balai Polis Pontian bahawa sepasukan Polis Merin telah mencabar tiga buah bot di perairan antarabangsa dalam kegelapan malam dan bot berkenaan melarikan diri. Leftenan Muda Badrudin lantas melaporkan berita berkenaan kepada Pegawai Bertugas 4 Briged, Major Dragon di Fort Canning dan Pegawai Bertugas Batalion, Leftenan Muda Abas bin Mohd. Yunus (12258) di Kluang.

Dengan sebuah kenderaan tiga ton, Leftenan Muda Badrudin bersama 12 orang anggota membuat rondaan jalan raya sekitar kawasan kebun nanas di situ. Rondaan dibuat hingga lewat subuh dan mereka berhenti untuk menyediakan minuman pagi di pekarangan Balai Polis Kukup. Belum pun sempat menyediakan sarapan, Leftenan Muda Badrudin diarah oleh ASP Khalid bin Abu Bakar di Pontian datang ke Pontian kerana terdapat pendaratan di situ. Tanpa membuang masa, Leftenan Muda Badrudin dan anggotanya bergegas dengan sebuah kenderaan tiga ton meninggalkan Kukup ke Pontian.

Di Balai Polis Pontian ASP Khalid memberitahu Leftenan Muda Badrudin, terdapat satu kumpulan Tentera Indonesia berada kira-kira 100 elai dari Hospital Daerah Pontian. Seksyen meninggalkan Balai Polis Pontian menuju ke sasaran. Setelah diturunkan dari trak di tepi jalan tidak jauh dari objektif, mereka bergerak

menuju ke sasaran dengan didahului oleh 11380 Prebet Ramli bin Sihap selaku peninjau hadapan. Baru sahaja beberapa tapak melangkah, Prebet Ramli tiba-tiba ditembak dari arah paya di sebelah kiri. Seksyen membalias tembakan. Leftenan Muda Badrudin kemudiannya memerintahkan anggotanya membentuk satu barisan melintang bagi mengepung anggota TNI yang dipercayai sedang bersembunyi dalam kawasan paya di hadapan mereka. Leftenan Muda Badrudin melaporkan kejadian tersebut melalui radio markas sambil meminta bantuan. Melalui radio, dia dimaklumkan bahawa bantuan akan dihantar dan pegawai memerintah sebenarnya sedang dalam perjalanan ke Pontian.

Leftenan Kolonel Mokhti yang tidak mengetahui apa yang telah berlaku mengarahkan pemandunya memberhentikan kereta di tempat kejadian apabila melihat terdapat sebuah trak tentera di tepi jalan. Pemandu trak berkejar memaklumkan apa yang sedang berlaku dan beliau ditarik bagi mendapatkan perlindungan oleh Leftenan Muda Badrudin sejurus selepas keluar dari keretanya. Leftenan Muda Badrudin memberikan taklimat ringkas kepada Leftenan Kolonel Mokhti tentang pertempuran yang sedang berlaku dan meminta kebenaran untuk menggempur lebih kurang 30 orang anggota TNI yang sedang terkepung itu.

Prebet Ramli yang tercedera di bahu kanan, leher dan perutnya disangkakan telah meninggal dunia kembali sedar dan dengan tidak berlengah-lengah lagi Leftenan Muda Badrudin mendukung anggotanya itu ke hospital yang terletak tidak jauh dari tempat kejadian. Selepas menghantar Prebet Ramli ke hospital, barulah Leftenan Muda Badrudin melancarkan serangan ke atas anggota TNI. Pertempuran yang bermula lebih kurang pukul 8.00 pagi itu berakhir kira-kira jam 11.00 pagi. Seramai sembilan orang anggota TNI ditawan. Mereka terdiri daripada dua orang Cina Malaysia berasal daripada Taiping dan Ipoh. Seorang pemuda Melayu berasal daripada Melaka, manakala selebihnya tentera Indonesia, cerita Mejari (Bersara) Badrudin.

Melalui dua orang Cina dan seorang Melayu Malaysia yang ditawan, pasukan diberitahu bahawa mereka adalah sukarelawan Irian Barat yang dilatih oleh komunis Indonesia untuk menumbangkan Kerajaan Malaysia. Senjata, peluru serta wang tunai Malaysia antara yang berjaya dirampas daripada mereka. Tawanan juga memaklumkan bahawa kekuatan kumpulan mereka terdiri daripada 42 orang kesemuanya. Kesemua anggota platoon Leftenan Muda Badrudin dikumpulkan di Balai Polis Pontian, markas taktikal batalion kemudiannya didirikan di situ. Leftenan Kolonel Mokhti selepas itu memerintahkan platoon pimpinan Leftenan Muda Sulaiman bin Abdul Rahman (12295) membuat penjejak terhadap baki kumpulan. Manakala platoon Leftenan Muda Abas yang didatangkan dari Kluang kemudiannya diarah membuat penjejak di kawasan Penarik.

Kompeni A pimpinan Kapten Raja Aman Shah dibantu oleh Leftenan Mohamed Dahalan bin Sulaiman (12122) dan empat orang ketua platonnya,

Leftenan Muda Hussein bin Sufian (12327), Leftenan Muda Sulaiman, Leftenan Muda Abas dan Leftenan Muda Nik Zaini @ Zeynin bin Nik Abdul Rahman (12372) diarah beroperasi di Kukup, Pontian. Kompeni B diketuai oleh Mejai Mohammad Isa bin Hj. Ismail (2053) manakala Leftenan Muda Osman @ Ismail bin Ibrahim (12208). Leftenan Muda Zainuddin bin Taib (12382), Badrudin dan Leftenan Muda Ismail bin Hasan (12259). Kompeni C diketuai oleh Mejai Musa bin Mohammed (12027), manakala Leftenan Muda Othman bin Hj. Ahmad (12398), Leftenan Muda Kamaruddin bin Mohd. Jamal (12210), Leftenan Muda Syed Hashim bin Tuan Long (200191) dan Leftenan Muda Tengku Salman bin Tengku Sulaiman (12274) sebagai ketua platoon.

Bagi meneruskan gerakan yang semakin rancak batalion terpaksa memanggil semua anggota yang sedang bercuti. Pengumuman dibuat melalui siaran radio, kesemua anggota tentera yang sedang bercuti dikehendaki melaporkan diri segera ke pasukan masing-masing. Dua hari selepas itu kesemua anggota kembali ke pasukan dan barulah pasukan dapat berfungsi sebagai sebuah batalion. 6 RAMD kemudiannya berpindah dari Balai Polis Pontian ke Sekolah Inggeris Pontian, tetapi masih menempatkan markas taktikalnya di situ. Pasukan melancarkan operasinya di sekitar Pontian dari sekolah berkenaan.

Leftenan Muda Abas yang diarahkan oleh Leftenan Kolonel Mokhti membawa platunnya membuat rondaan di tepi pantai arah ke Kukup setibanya di Pontian pada pagi 17 Ogos 1964. Platon bergerak secara taktikal menyusur pantai sambil meredah hutan bakau arah ke selatan. Jejak penyusup akhirnya berjaya ditemui tetapi platon tidak lagi dapat bergerak kerana cuaca telah gelap dan anggota terpaksa bermalam dalam kawasan paya bakau. Keesokan harinya, sejak awal pagi lagi Leftenan Muda Abas telah menggerakkan anggota untuk terus membuat penjejakan dan tiba di Kampung Penarik lebih kurang pukul 10.00 pagi. Oleh kerana anggota telah tidak makan semalam dan tidak pula bersarapan, Leftenan Muda Abas memerintahkan anggota mengambil air di sekolah kampung berkenaan untuk memasak. Leftenan Muda Abas dengan serta-merta meninggalkan tempat mereka berehat bagi membuat penjejakan setelah mendapat maklumat mengenai anggota TNI daripada orang kampung.

Beberapa orang anggota ditinggalkan di sekolah bagi menentukan nasi yang dimasak tidak dibuang, manakala 23 anggota menurut Leftenan Muda Abas membuat penjejakan. Leftenan Muda Abas mengarahkan anggotanya membawa air dan biskut kering sahaja sebagai bekalan selain peluru dan bom tangan. Bagi memburu penyusup Indonesia yang telah lama berlalu, mereka berlari dan berjalan secara taktikal menurut lorong dalam kebun getah terbiar lebih kurang sejam setengah untuk sampai ke satu kawasan kebun getah muda yang juga dalam keadaan terbiar.

Di pergiyan kebun berkenaan, terdapat sebatang anak sungai dan di sekitar tebing sungai tersebut kelihatan bekas tapak kasut baru yang ditinggalkan masih belum penuh diisi air. Melihatkan keadaan tersebut, Leftenan Muda Abas

memberitahu platun sarjan dan ketua-ketua seksyen bahawa mereka akan membuat sapuan. Satu seksyen di bawah Sarjan Kasim tinggal sebagai seksyen bantuan. Dua seksyen membuat sapuan menurut lorong getah. Oleh kerana kawasan tersebut terlalu semak, mereka tidak dapat melihat antara satu dengan lain walaupun dalam jarak agak dekat. Selepas lebih kurang 10 minit menyeberangi parit, satu tembakan kedengaran di hadapan. Tembakan berkenaan kermudiannya dituruti pula oleh tembakan lain yang berbunyi seperti bertih digoreng di samping bunyi letupan grenad. Dalam penggeledahan yang dilakukan sejurus selepas pertempuran, seorang TNI yang telah tidak bernyawa dijumpai, manakala seorang anggota platun tercedera. Lapan beg galas penuh berisi bom tangan dan peluru di samping kelengkapan peribadi penyusup turut dijumpai di tempat kejadian. Dua anggota ditugaskan mengiring anggota yang tercedera, manakala sebilangan anggota bagi ditugaskan membawa mayat dan beg-beg galas musuh balik ke Sekolah Penarik. Leftenan Muda Abas dan anggota yang lain meneruskan penjejak hingga lewat senja dan setelah tidak dapat berjalan, beliau berundur setelah tidak lagi dapat menjelak musuh.

Operasi menjelak dan serang hendap malam terus dijalankan oleh Kompeni A sekitar Pontian. Beberapa serang hendap malam diatur oleh Kapten Raja Aman Shah ekoran maklumat menyatakan sekumpulan TNI akan bergerak ke Gunung Pulai melalui kawasan ladang nanas berdekatan dengan kedudukan markas taktikal kompeni di Kampung Sungai Pradin. Tiga kumpulan serang hendap diatur di tiga lokasi yang disyaki. Masing-masing kumpulan diketuai oleh Leftenan Muda Abas, Leftenan Muda Husien, manakala satu lagi diketuai oleh 10046 Koperal Mohd. Yunus bin Ibrahim. Setiap kumpulan berkekuatan lebih kurang satu seksyen.

Koperal Mohd. Yunus meninggalkan markas taktikal lebih kurang pukul 7.00 malam untuk berada di satu persimpangan jalan berhampiran satu jambatan kayu yang merentasi sebatang sungai kecil dalam satu ladang nanas. Dalam kesamaran cahaya bulan, Koperal Mohd. Yunus sewaktu hendak mencari kedudukan bagi menempatkan anggotanya mendengar suara manusia tidak jauh di hadapannya lalu mencabar suara berkenaan. Cabaran Koperal Mohd. Yunus tidak dijawab dengan mulut sebaliknya dengan tembakan dan letupan. Koperal Mohd. Yunus terkorban di tempat kejadian. Kompeni Sarjan Mejari, 3307 Pegawai Waran Dua Abdul Manaf bin Sidek berkejar ke lokasi kejadian dan kermudiannya mendapatkan bantuan daripada platun yang lain. Mayat Allawayaham Koperal Yunus dibawa balik ke Kluang malam itu juga sebelum dihantar ke kampung halamannya di Kuala Kangsar untuk dikebumikan.

Apabila penggeledahan dilakukan di tempat kejadian pagi itu, pasukan menjumpai seorang lelaki bangsa Cina yang telah menjadi mayat dengan sebahagian daripada tubuhnya telah bersepai dimamah serpihan bom tangan. Beliau dipercayai sukarelawan Irian Barat berasal daripada Malaysia yang bertindak sebagai pemandu kepada kumpulan gerila. Selain itu, senjata, peluru

dan grenad juga banyak diperolehi di tempat kejadian. Mayat dan peralatan persenjataan musuh diserahkan kepada Balai Polis Pontian.

Selepas menerima maklumat dari seorang penduduk Kampung Sungai Pradin sekumpulan musuh berada di rumahnya menunggu bekalan daripadanya, Platon Leftenan Muda Abas dan Platon Leftenan Muda Hussein diarah oleh Kapten Raja Aman Shah menyerbu rumah berkenaan. Dalam sebuah bot panjang separuh tenggelam yang telah digunakan oleh penyusup, platon menjumpai senjata dan peluru disembunyikan di situ. Apabila penjejakkan dibuat, platon Leftenan Muda Abas membunuh dua TNI dan menawan empat sukarelawan Cina Malaysia. Platon Leftenan Muda Hussein membunuh dua anggota TNI. Mayat dan tawanan dibawa ke markas taktikal kompeni sebelum diserahkan ke Balai Polis.

Ekoran maklumat mengenai musuh daripada penduduk Kampung Pradin pada 21 Ogos 1964, sekumpulan enam orang anggota dipimpin oleh Leftenan Muda Kamaruddin dikeharkan ke lokasi terbabit. Subunit bertempur dengan sekumpulan 12-15 orang TNI yang lengkap bersenjata di pinggir hutan kampung berkenaan. Seorang anggota, 13542 Prebet Abu Bakar bin Mahmud terkorban, manakala empat TNI berjaya dibunuh. Dalam satu serang hendap malam, kumpulan pimpinan Leftenan Muda Hussein membunuh dua penyusup TNI.

Batalion kembali ke Kluang pada 24 Ogos selepas beroperasi di Pontian. Belum pun sempat merehatkan diri, pasukan digerakkan pula ke Labis ekoran laporan dua kumpulan penyusup Indonesia mendarat di kawasan berkenaan pada 2 September 1964. Keseluruhan kumpulan berkekuatan 96 orang dan diketuai oleh Leftenan Soetekno. Mereka itu diambil dari Batalion ke-2 dan ke-3 Pasukan Gerak Tjepat. Kekuatan asal kumpulan ini adalah 144 orang termasuk beberapa orang Cina Sukarelawan Irian Barat. Mereka dibahagikan kepada tiga kumpulan, 48 orang setiap kumpulan dan diangkut dengan Pesawat Hercules C130 dari Jakarta. Pada pukul 4.30 petang 1 September 1964, kumpulan pertama bersama Leftenan Soetekno berlepas dari Jakarta dengan Hercules C130 ke Medan untuk digugurkan ke Labis hari berikutnya.

Dua kumpulan lagi berlepas dari Jakarta menaiki dua buah pesawat Hercules C130 pada pukul 8.00 malam 1 September 1964. Sebuah Hercules C130 bersama 48 askar payung terjun terhempas di Selat Melaka. Hanya dua buah sahaja pesawat, satu dari Medan dan satu lagi dari Jakarta berjaya menggugurkan askar-askar payung terjun pada kira-kira jam 3.00 pagi 2 September 1964. Satu kumpulan digugurkan kira-kira 15 batu ke utara Labis dalam sebuah Rancangan Tanah Felda.

Bagi melancarkan operasi memburu kumpulan ini, Markas Taktikal 6 RAMD didirikan di Balai Polis Labis pada pagi 3 September 1964. Dua kompeni terlibat dalam operasi yang dijalankan. Kompeni A di barat dan Kompeni C di timur Jalan Labis/Air Panas. Kedua-dua kompeni berjaya bertembung dengan TNI pada hari yang sama. Leftenan Muda Kamaruddin diarah oleh Pegawai

Memerintah Lettenan Kolonel Mokhti melakukan tinjauan rapat ke atas sebuah bukit yang menjadi pangkalan kumpulan Lettenan Soetekno. Tugas berat dan berisiko itu diterima serta dilaksanakan dengan jayanya oleh Lettenan Muda Kamaruddin. Walau bagaimanapun Batalion tidak berkesempatan membuat serangan ke atas kedudukan tersebut kerana terpaksa bertugas di Singapura.

Pada petang 4 September 1964, batalion menyerahkan tugas operasi kepada Lieutenant Colonel E. J. S. Burnet MBE, MC, Pegawai Memerintah Princess Mary's Own Gurkha Rifle kerana batalion dikehendaki bertugas di Singapura hari berikutnya. Dalam operasi singkat ini, 11 penyusup berjaya dihapuskan. Kompeni A berjaya membunuh seorang Komando Angkatan Udara Republik Indonesia, manakala Kompeni C membunuh dua lagi anggota TNI. Dalam operasi ini, seorang anggota Pengendali Anjing Pengesan terkorban, manakala seorang anggota Kompeni A, 10750 Prebet Wan Mohamad bin Wan Ali tercedera.

Meletusnya pergaduhan kaum Cina-Melayu ketika perarakan Maulud Nabi di Singapura memaksa 6 RAMD menyerahkan tugas operasi di Labis kepada pasukan Gurkha bagi membolehkannya digerak ke Singapura menjaga ketenteraman awam di pulau tersebut. 6 RAMD dipertanggungjawabkan ke atas kawasan mulai Kandang Kerbau hingga ke Geylang, Newton Circle, Orchid Road dan Chua Chukang antara lokasi yang dikawal. Setelah menamatkan tugas menjaga ketenteraman awam di Singapura, 6 RAMD mengambil alih tugas mengawal kawasan Johor Selatan dari 1 RNZIR. Kompeni B dikerah beroperasi di Pontian Kecil dan Kukup, manakala yang lainnya ditempatkan di Kem Majidee. Pada 20 September 1964, Kompeni C digerakkan ke Rengit dan Minyak Beku. Batalion kemudiannya kembali ke Kluang pada 27 September 1964 sebelum ditugaskan ke Sibu, Bahagian Ketiga Sarawak.

Pada 9 Oktober 1964, Batalion 4 RAMD berangkat ke Sibu, Sarawak tanpa keluarga. 6 RAMD mengambil alih tugas daripada 4 RAMD. Di Sibu batalion menempatkan kompeni-kompeni berhampiran perbatasan Sarawak - Kalimantan seperti Bangkit, Nanga Gaat dan Long Jawi. Penempatan Tentera Gurkha di Bangkit yang diambil alih oleh Kompeni A pernah diserang oleh TNI sebelum itu. Apabila mengambil alih kawasan berkenaan daripada Gurkha, kompeni menempatkan dua platoon di bawah Kapten Mohamed Dahalan di kawasan Gunung Lubang Ribut, satu kedudukan paling hampir dengan perbatasan Kalimantan bagi memberi amaran awal mengenai pergerakan musuh ke Bangkit.

Selain melakukan serang hendap dan rondaan kawasan, platoon turut menyusup masuk ke kawasan musuh bagi mendapatkan maklumat mengenai pergerakan mereka. Kedua-dua platoon ditarik balik ke Bangkit apabila mendapat tiada ancaman daripada TNI. Walaupun operasi giat dijalankan oleh setiap kompeni di kawasan tanggungjawab masing-masing, tiada sebarang kejadian pertempuran berlaku. Walau bagaimanapun pasukan mengalami kehilangan enam anggota akibat kemalangan helikoptar Wess EX terhempas telah mengorbankan enam nyawa. Mereka dalam perjalanan balik dari kawasan

operasi ke pangkalan di kawasan Nanga Gaat pada pukul 3.45 petang 4 Mac 1965. Anggota yang terkorban adalah:

1. 13531 Koperal Hashim bin Nel
2. 7680 Lan Koperal Minhat bin Hamid
3. 8972 Prebet Ahmad bin Itam Budiman
4. 11134 Prebet Ramli bin Mohamad
5. 14322 Prebet Zainal bin Yusof
6. 14771 Prebet Abd. Hamid bin Mohamad

Mayat anggota yang tidak sempat dibawa keluar ke pangkalan pada hari kejadian dihanyutkan oleh air akibat banjir kilat yang melanda kawasan kejadian malam itu. Satu operasi mencari mayat yang dihanyutkan air terpaksa dilancarkan. Mayat Koperal Hashim gagal ditemui dan beliau berkubur tanpa nisan.

Pada 11 April 1965 Batalion 6 RAMD kembali ke Semenanjung. Tempatnya digantikan oleh 3 RAMD. Batalion tidak balik ke Kluang setelah menamatkan tugasnya di Sibu. 6 RAMD ditugaskan di Singapura dan menduduki Kem Sembawang. Sewaktu di Kem Sembawang, pasukan turut beroperasi di sepanjang pantai Mersing dan Kota Tinggi, Johor. Tidak lama di Sembawang, pasukan 6 RAMD berangkat pula ke Labuan, Sabah di saat-saat akhir konfrontasi. Di Labuan, kompeni-kompeni ditempatkan di Long Pa Sia, Long Semado dan Bario. Tiada sebarang peristiwa berlaku kepada pasukan sepanjang tugasnya di Labuan. Sebagai penghargaan terhadap jasa dan pengorbanan serta keberanian warga pasukan ini, Lettenan Muda Kamaruddin dianugerahi PGB, Lettenan Muda Badrudin, Lettenan Muda Abas dan Pegawai Waran Dua Abdul Manaf dikurniai KPK.

Dari segi penglibatan sepanjang konfrontasi, 6 RAMD pernah ditugaskan di Johor, Singapura sebanyak dua kali, Sibu dan Labuan. Seramai 13 penyusup berjaya dibunuh dan 16 ditawan. Dua anggota tercedera, sembilan anggota terkorban tiga termasuk seorang anggota tumpangan terkorban ketika bertempur manakala enam terbunuh akibat kemalangan helikopter.

## Batalion ke-7 RAMD

Batalion ke-7 RAMD berpangkalan di Kem Pangkalan Chepa, Kelantan. Batalion diperintah oleh Lettenan Kolonel Mohamad bin Hashim (2353) manakala Mejah Mohd. Hassan bin Hj. Mohamed Salleh (12029) adalah penolongnya. 7 RAMD ditugaskan ke Tawau di akhir era konfrontasi. Semasa batalion di Tawau, kompeni-kompeni ditempatkan di Kampung Jawa, Simpang Tiga, Wallace Bay, Sungai Limau, Sungai Melayu dan Mentadak. Dalam satu operasi

yang dilancarkan oleh pasukan 7 RAMD di kawasan Perbandaran Tawau, Ketua Kompeni Markas, Mejar Ismail bin Ghows (2020) berjaya menawan hidup lapan orang TNKU termasuk beberapa orang pegawai yang lengkap bersenjata pada 5 Oktober 1966. Kerana kejayaannya itu Mejar Ismail kemudiannya telah dianugerahkan Pingat PGB oleh Seri Paduka Baginda Yang di-Pertuan Agong pada 7 Jun 1967. Batalion kembali ke Kota Bharu selepas menamatkan tugasannya di Tawau.

Walaupun kesemua lapan batalion RAMD terlibat dalam era konfrontasi, namun penglibatannya tidaklah serentak. Oleh kerana tumpuan operasi dilakukan di kawasan-kawasan pendaratan dan penyusupan gerila serta TNI seperti di Negeri Johor, sempadan Sarawak-Kalimantan juga di perbatasan Sabah-Kalimantan, maka hanya batalion RAMD yang berada di kawasan berkenaan sahaja terlibat dalam operasi yang dijalankan. Operasi menentang gerila dan TNI di sempadan Sabah, Sarawak dengan Kalimantan dilakukan secara bergilir-gilir oleh batalion-batalion RAMD yang didatangkan dari Semenanjung. Terdapat 595 penyusup Indonesia mendarat di Semenanjung dari Ogos 1964 hingga Disember 1965. Batalion RAMD terlibat dalam 13 operasi yang melibatkan 457 penyusup TNI. Dalam operasi yang disertai, sejumlah 108 penyusup dibunuh, 288 ditawan, manakala sembilan menyerah diri. Batalion ke-5 merupakan batalion RAMD pertama bertempur dengan elemen bersenjata Indonesia di Malaysia Timur. Batalion Ke-6 RAMD pula batalion pertama RAMD bertempur dengan TNI di Semenanjung. Batalion ke-8, ke-6, ke-4, ke-5, ke-7 dan Batalion ke-3 RAMD adalah pasukan RAMD paling berjaya dalam melaksanakan peranannya diukur dari segi kejayaan membunuh dan menawan musuh. Batalion ke-3 RAMD juga adalah pasukan RAMD pertama bertugas di Sabah dan paling malang ketika konfrontasi kerana ramai anggotanya terbunuh serta tercedera dalam pertempuran dengan TNI.

## 6

# Memori Warga ATM ketika Konfrontasi

---

Bagi mendapatkan gambaran lebih jelas perihal konfrontasi dan peranan yang pernah dimainkan oleh warga Angkatan Tentera Malaysia ketika itu, di sini disorotkan kembali pengalaman warga ATM ketika beroperasi. Mereka adalah Ketua Turus Tentera Darat, Pegawai Memerintah, ketua platur dan anggota yang mana terlibat secara langsung dalam perancangan dan perlaksanaan operasi menentang penyusupan anggota bersenjata Indonesia ke wilayah Malaysia.

## Jeneral (Bersara) Tan Sri Abdul Hamid Bidin

Ketika negara menghadapi konfrontasi Rejimen Askar Melayu Diraja (RAMD) hanya mempunyai lapan batalion, kata Bekas Panglima Angkatan Tentera, Jeneral (Bersara) Tan Sri Dato' Abdul Hamid bin Bidin. Selain menghadapi ancaman penyusupan Tentera Nasional Indonesia (TNI), RAMD juga bertanggungjawab melaksanakan operasi di perbatasan Malaysia-Thai bagi memerangi keganasan komunis. Operasi di Malaysia Timur, Sabah dan Sarawak masih di bawah Tentera British dan dikawal sepenuhnya oleh Director Operation East Malaysia, Lieutenant General Walker. Ketua Turus Tentera Darat (KTTD) adalah Ketua Koordinasi Operasi yang melibatkan Angkatan Tentera Malaysia, Tentera British dan pihak Polis Diraja Malaysia di Semenanjung dan Ibu Pejabat Polis Bukit Aman dijadikan markas. Batalion RAMD dan Singapore Infantry Regiment dihantar ke Sabah dan Sarawak secara bergilir-gilir. Menyentuh mengenai keupayaan Angkatan Tentera kita sewaktu konfrontasi, Jeneral (Bersara) Tan Sri Abdul Hamid berkata bahawa agak sukar bagi kita menentang Indonesia tanpa bantuan Tentera British. Ini kerana Angkatan Tentera kita sedang membangun dan tidak mempunyai keanggotaan serta kelengkapan ketenteraan yang mencukupi.

Bagi menampung keperluan tenaga pegawai dalam angkatan tentera, pengambilan pegawai kadet dipergandakan bilangannya. Sebagai sebuah institusi yang bertanggungjawab melahirkan pegawai untuk angkatan tentera, Maktab Tentera Diraja Sungai Besi terpaksa diperbesarkan dengan serta-merta

bagi menampung keperluan melatih lebih ramai pegawai untuk memenuhi keperluan operasi, terang Jeneral (Bersara) Tan Sri Abdul Rahman bin Hj. Abdul Hamid yang ketika konfrontasi adalah salah seorang jurulatih pegawai kadet di Maktab Tentera Diraja. Dari segi kelengkapan logistik dan pengangkutan di Malaysia Timur, kita bergantung sepenuhnya kepada Tentera British dan sekutunya, kata Jeneral (Bersara) Tan Sri Abdul Hamid. Dalam konteks ini kita amat bernasib baik. Ini kerana kita tidak mungkin dapat membesar dan melengkapkan Angkatan Tentera kita dalam masa yang singkat kalaupun negara berupaya membayainya untuk menghadapi ancaman konfrontasi.

Malaysian Special Service Unit (MSSU) sekarang dikenali sebagai Rejimen Gerak Khas Malaysia (RGKM) diwujudkan dalam era konfrontasi bagi memenuhi keperluan operasi dan mengimbangi masalah kekurangan anggota, ujar Jeneral (Bersara) Tan Sri Abdul Hamid. MSSU berpangkalan di Kem Majidee, Johor dan dilatih oleh Royal Marine Commando. MSSU dilatih untuk melakukan serangan di kepulauan Indonesia melalui laut. Seajar dengan tugas yang bakal dilaksanakannya, di peringkat awal penubuhannya MSSU dianggotai oleh pegawai dan anggota Tentera Darat dan Tentera Laut. Tentera Darat di bawah Mejar Abu Hasan bin Abdullah, manakala Tentera Laut dipimpin oleh Leftenan Cheah Leong Voon TLDM.

Konfrontasi yang berlaku lebih merupakan pertentangan antara pemimpin dan bukannya antara rakyat, kata Jeneral (Bersara) Tan Sri Abdul Hamid. Presiden Soekarno setelah dihasut oleh Parti Komunis Indonesia melancarkan dasar berkonfrontasi dengan menentang penubuhan Malaysia yang dianggapnya sebagai neo-kolonialisme yang mengancam kemerdekaan Indonesia.

Rundingan ke arah perdamaian terpaksa dilakukan secara sulit antara perwakilan kedua-dua buah negara di luar pengetahuan Presiden Soekarno. Perjanjian damai akhirnya ditandatangani di Jakarta antara Adam Malek bagi pihak Indonesia dan Tun Abdul Razak bin Husien bagi pihak Malaysia serta turut disertai oleh para pegawai tinggi Tentera, Polis juga Kementerian Luar kedua-dua buah negara. Mejar Jeneral Dato' Abdul Hamid mengetuai rombongan damai Malaysia melawat ke Medan bersama pegawai Kementerian Luar dan telah diberi sambutan meriah oleh Pemerintah Tentera di Sumatera, Jeneral Mokogita cerita Jeneral (Bersara) Tan Sri Abdul Hamid.

Menurut Leftenan Jeneral (Bersara) Dato' Abdullah bin Shamsuddin, sewaktu konfrontasi beliau berpangkat mejar dan salah seorang daripada tiga orang ahli jawatankuasa Majlis Gerakan Negara atau National Operation Council (NOC) bertempat di ibu pejabat Polis Diraja Malaysia, Bukit Aman. Jawatankuasa ini dipengerusikan oleh Ketua Polis Negara dan Panglima Angkatan Tentera serta bertanggungjawab merancang tindakan menentang ancaman konfrontasi sama ada secara terbuka maupun tertutup. Operasi menyusup ke wilayah Indonesia melalui Sabah dan Sarawak bagi melakukan

serangan terhadap penempatan TNI berhampiran perbatasan Kalimantan adalah sebahagian daripada tindak balas kita terhadap pencerobohan dan penyusupan anggota bersenjata Indonesia ke wilayah Malaysia. Walau bagaimanapun operasi ini tidak dilakukan oleh Tentera Malaysia, tetapi oleh Tentera British. Operasi yang begitu menakutkan ini telah mengakibatkan kerugian kepada Indonesia hinggakan pihak berkuasa Indonesia, keberatan untuk melaporkannya ke pengetahuan umum. Kematian dan kecederaan yang dialami oleh TNI akibat diserang hendap oleh Tentera British sering kali dilaporkan sebagai satu kecelakaan sahaja, tidak kerana diserang hendap atau akibat bertempur dengan musuh.

Kita memang tahu tidak ada pasukan TNI berjaya masuk dan bertapak di Sarawak mahupun di wilayah Malaysia yang lain. Kita menuntut Indonesia mengeluarkan tenteranya daripada wilayah kita bagi memperlihatkan kepada dunia bahawa Regim Soekarno sesungguhnya sedang mengancam keselamatan Malaysia. Kita bersetuju menerima pemerhati Thailand mengesahkan pengunduran sekumpulan anggota bersenjata Indonesia di Tebedu, Sarawak sebagai satu usaha secara diplomatik dan untuk tidak memalukan Regim Soekarno. Kita tahu tidak ada pasukan bersenjata Indonesia yang hendak diundurkan dari Sarawak. Malaysia sedar bahawa pengunduran 32 orang gerila di Tebedu pada 18 Jun 1964 adalah sandiwara pihak Indonesia.

Berdasarkan sumber perisikan, PKM dan PKI dipercayai saling bekerjasama serta berhubung rapat antara satu dengan lain sewaktu konfrontasi. PKM dan PKI dikatakan cuba mengkoordinasikan operasi anggota bersenjata Indonesia akan menyusup dari arah selatan, manakala elemen bersenjata PKM akan menyusup dari arah utara Semenanjung. Rancangan PKM-PKI itu gagal dilaksanakan, kerana angkatan tentera kita telah terlebih dahulu menyedari tentang rancangan berkenaan lantas mempergiatkan operasi di perbatasan Malaysia-Thailand. Ketika konfrontasi PKM menempatkan Shamsiah Fakeh dan suaminya Ibrahim Mohammad yang ketika itu telah tiga tahun bertugas di Suara Malaysia Radio Peking menjadi perwakilan PKM di Jogjakarta pada awal 1965 dengan direstui oleh kerajaan Indonesia. Mereka ditugaskan membuka perwakilan PKM atas nama Liga Pembebasan Nasional Malaya di Indonesia. Walau bagaimanapun mereka telah ditangkap bersama pemimpin PKI selepas kegagalan peristiwa Gestapo atau Gerakan September Tiga Puluh PKI. Mereka dipenjarra selama tiga tahun sebelum dapat meninggalkan Indonesia menuju ke Vietnam dan seterusnya ke Republik Rakyat China. Ini secara langsung mengesahkan wujudnya kerjasama rapat antara PKI dan PKM ketika konfrontasi.

Sejurus selepas tamatnya konfrontasi, pihak perisikan tentera dan cawangan khas polis dipertanggungjawab membersihkan pemikiran individu dan organisasi yang dikenal pasti bekerjasama dengan Indonesia. Pemuda Malaysia yang pernah menerima latihan ketenteraan di Indonesia di bawah Regim Soekarno tidak lagi dianggap berguna oleh pihak berkuasa Indonesia selepas kegagalan

rampasan kuasa 30 September PKI. Sukarelawan berkenaan menjadi buruan kerana telah dicap sebagai komunis oleh rakyat dan pihak berkuasa tentera di Indonesia. Mereka tidak mempunyai pilihan lain kecuali kembali ke Malaysia menghadapi kenyataan ditahan untuk dibersihkan oleh pihak berkuasa di Malaysia sebelum dibenarkan menjalani kehidupan seperti rakyat biasa, terang Leftenan Jeneral (Bersara) Dato' Abdullah.

### Mejar (Bersara) Badrudin Mohd. Yasin

Leftenan Muda Badrudin Mohd. Yasin (12211) bersama Batman beliau, ditugaskan sebagai kumpulan pendahuluan Kompeni A 5 RAMD untuk mengambil alih tugas Kompeni Gurkha di Sarikei dan Binatang, Sarawak pada akhir bulan September 1963. Kedua-duanya meninggalkan Kem Batu Gajah, Ipoh dengan menaiki keretapi menuju ke Singapura dan seterusnya melaporkan diri kepada 2/10 Gurkha di Pulau Belakang Mati, Singapura. Sebelum meninggalkan Batu Gajah, Leftenan Muda Badrudin sempat menelefon ibunya Puan Kalsom bte. Jamal memaklumkan bahawa dia akan bertugas ke Sarawak. "Ibu dan emak saudara saya menunggu saya di Stesen Keretapi Seremban dan menaiki keretapi bersama hingga ke Rembau sebelum mengucapkan selamat jalan kepada saya" katanya.

Dari Stesen Keretapi Tanjung Pagar, Leftenan Muda Badrudin dan Batmannya menaiki teksi ke jeti untuk melaporkan diri ke 2/10 Gurkha di Pulau Belakang Mati. Keesokan paginya bersama anggota Gurkha kami menaiki pesawat Hasting RAF ke Kuching dan dari situ berpindah pula ke pesawat Beverly untuk diterbangkan ke Sibu. Di Sibu saya diarah tinggal di Sarawak Hotel dengan perbelanjaan sendiri, manakala Batman saya tinggal di berek bersama anggota Gurkha. Saya membuat tinjauan ke Binatang dan Sarikei sebelum memaklumkan keperluan kompeni kepada pihak Gurkha. Kompeni yang tiba dari Semenanjung beberapa hari kemudiannya diangkut dengan lori PWD ke Kem Gurkha Sibu, kemudian dibawa dengan bot ke Binatang dan Sarikei, Markas Kompeni A bersama dua platun ditempatkan di Sarikei manakala platun saya ditempatkan di Binatang. Ketika di Binatang anggota platunnya tidak dibayar gaji selama dua bulan. Keadaan tersebut amat menyulitkan di mana dia terpaksa meminjamkan \$1000 wang yang dimilikinya untuk dibahagikan kepada anggota platunnya.

Keseluruhan batalion digerakkan ke Sarawak pada 25 Oktober 1963. Markas taktikal batalion didirikan di Serian. Kompeni-kompeni dan platun ditempatkan di Tepoi, Tebekap, Tebedu, Kampung Nibong, Bunau Gagak, Plama Mapu, Terbat Bazaar, Telagus dan Balai Ringin. Kompeni A yang telah pun berada di Binatang diletakkan sebagai kompeni simpanan di Serian bersama markas taktikal batalion.

Leftenan Muda Badrudin dan anggotanya ketika melakukan operasi pemeriksaan di Telagus telah ditembak oleh Tentera Indonesia. Penyusup kemudiannya berjaya melepaskan diri selepas pertempuran berlaku. Beliau selepas itu mengambil alih tugas sebagai ketua platoon 10 Kompeni C dari Leftenan Muda Ahmad Azizah bin Mohd. Zain (12180) di Kampung Nibong. Selepas satu percubaan meninjau kedudukan Platoon 10 oleh TNI dikesan, Leftenan Muda Badrudin selepas itu mengubah kedudukan perkhemahan platonnya ke atas sebuah bukit berdekatan yang lebih strategik kedudukannya. Kira-kira seminggu selepas itu, platoon 10 dengan berkekuatan 32 orang anggota bersenjatakan Repal Isi Sendiri (RIS), tiga pucuk Repal Isi Sendiri Laras Berat (RISLB) dan dua butir grenade tiap seorang diserang dengan mortar serta machine gun ketika anggota sedang memasak untuk bersahur lebih kurang pukul 3.00 pagi. Dalam suasana pagi yang gelap saya tidak berupaya berbuat apa-apa selain mengingatkan anggota agar menjimatkan peluru dan hanya melepaskan tembakan apabila melihat musuh, cerita Mejar (Bersara) Badrudin. Tembakan pihak TNI berhenti kira-kira pukul 5.00 pagi dan Pemerintah 99 Briged di Kuching datang ke lokasi Platoon 10 pada tengah hari itu. Platoon tidak lama selepas itu ditarik ke Balai Ringin.

Pada pagi 9 Mac 1964 lebih kurang lima bulan berkhidmat di Sarawak, satu subunit daripada Kompeni A di bawah pimpinan Koperal Ismail bertempur dengan sekumpulan TNI di sebelah kiri jalan Serian, Tebekang, Tebedu berdekatan Pang Amo. Dalam pertempuran tersebut dua TNI berjaya dibunuh, dua ditawan, manakala seorang anggota 10659 Prebet Yahya bin Yasin tercedera dan kemudiannya meninggal dunia kerana gagal diterbangkan ke hospital. Menurut Mejar (Bersara) Badrudin, dia secara kebetulan berada di markas taktikal batalion di Serian untuk berehat dari Balai Ringin sejurus selepas seksyen pimpinan Koperal Ismail bertempur. Beliau dipanggil oleh jururadio bercakap dengan Koperal Ismail kerana tiada pegawai 5 RAMD yang lain di markas taktikal. Kesemua pegawai di markas taktikal berada di Kuching sebagai persiapan menyerah tugas kepada 4 RAMD. Pegawai Perisikan 4 RAMD yang berada di markas taktikal di Serian enggan mengambil sebarang tindakan kerana beliau dari pasukan lain.

Koperal Ismail, cerita Mejar (Bersara) Badrudin memohon mendapatkan bantuan helikopter bagi mengeluarkan Prebet Yahya yang tercedera. Leftenan Muda Badrudin kemudiannya lantas menghubungi Pegawai Bertugas 99 Briged di Kuching bagi mendapatkan bantuan untuk mengeluarkan anggota yang tercedera. Tidak lama selepas itu Pemerintah Briged hendak bercakap dengan Pegawai memerintah melalui radio. "*He is not here*" Leftenan Muda Badrudin memberitahu. "*What about your 2IC?*" "*He is not here*" jawabnya "*Your Adjutant?*" "*He is not here*" jawab beliau lagi. "*Who are you?*" "*I am a platoon commander with C Company*" "*What are you doing down there?*" "*I am here for rest at battalion headquaters. I just came here about hardly one hour*

*and I received this message" saya menerangkan kepada Pemerintah Briged. "What have you done so far?" tanyanya lagi. "I got contact with platoon on the ground in Pang Amo. I inform you. I have asked the company to stand by for reinforcement and I also requested for helicopter for evacuation. Main time if I can request true you to ask some body in Kuching in your headquaters to go and fetch my CO and bring him back here than I can get relist and go back to C Company" saya berkata.*

Pemerintah 99 Briged melakukan sebagaimana yang saya minta. Pegawai Memerintah diarah menaiki helikopter yang saya minta dari Kuching balik ke Serian. Setibanya di Serian, Pegawai Memerintah bertanyakan siapakah Leftenan Muda yang bercakap dengan Pemerintah 99 Briged, lalu saya mengaku berbuat demikian kepadanya, cerita Mejar (Bersara) Badrudin. Ekoran daripada peristiwa ini dia kemudiannya diarah mengetuai kumpulan pendahuluan balik ke Semenanjung dan selepas itu bertukar pula ke-6 RAMD. Pegawai Memerintah tidak membenarkan helikopter terbang ke tempat kejadian bagi mengeluarkan anggota yang tercedera kerana bahaya katanya, cerita Mejar (Bersara) Badrudin. Prebet Yahya meninggal dunia di hadapan rakan seperjuangannya yang lain akibat gagal dikeluarkan bagi mendapatkan rawatan di hospital. Dengan itu pasukan kehilangan seorang anggota, membunuh dua dan menawan lima orang penyusup buat kali pertamanya berkhidmat di Sarawak. Batalion 5 RAMD setelah sembilan bulan berkhidmat di Sarawak kembali ke Batu Gajah dan digantikan oleh 4 RAMD.

Leftenan Muda Badrudin yang baru menyertai 6 RAMD dari 5 RAMD menjadi Ketua Platon 8 Kompeni B tidak pergi bercuti walaupun kebanyakan pegawai dan anggota 6 RAMD dihantar pergi bercuti sebelum ke Sarawak. Beliau telah diarahkan mengetuai satu platon campuran daripada Kompeni B dan C beroperasi di kawasan Pontian-Kukup mulai 15 Ogos 1964. Platon ditempatkan di Balai Polis Kukup dan misi yang diberi adalah untuk membanteras perniagaan bertukar barang secara haram oleh pedagang Indonesia di kawasan berkenaan. Untuk itu satu seksyen dihantar ke Minyak Beku, satu seksyen ke Sanglang, manakala satu seksyen lagi berada di Kukup. Berdasarkan pengalaman di Sarawak Leftenan Muda Badrudin mendesak kompeni memberikan "*first and second line ammunitions*".

Malam kedua platon berada di Kukup pihak Cawangan Khas Polis memberitahu bahawa Tentera Indonesia dijangka akan mendarat sama ada dengan payung terjun atau mendarat di pantai melalui laut. Lebih kurang pukul 10.00 malam 16 Ogos 1964, Leftenan Muda Badrudin diberitahu oleh Balai Polis Pontian bahawa sepasukan Polis Merin telah mencabar tiga buah bot di perairan antarabangsa dalam kegelapan malam dan bot berkenaan melarikan diri. Saya lantas melaporkan berita berkenaan kepada Pegawai Bertugas 4 Briged, Major Dragon di Fort Canning dan Pegawai Bertugas Batalion, Leftenan Muda Abas bin Mohd. Yunus (12258) di Kluang, katanya. Dengan sebuah

kenderaan tiga tan, Leftenan Muda Badrudin bersama 12 orang anggota membuat rondaan di jalan-jalan raya sekitar kawasan kebun nanas. Rondaan dibuat hingga lewat subuh dan mereka berhenti untuk menyediakan minuman pagi di pekarangan Balai Polis Kukup pada 17 Ogos 1964.

Belum pun sempat menyediakan sarapan, Leftenan Muda Badrudin diarah oleh ASP Khalid bin Abu Bakar di Pontian agar datang ke Pontian kerana terdapat pendaratan di situ. Tanpa membuang masa Leftenan Muda Badrudin dan anggotanya bergegas dengan sebuah kenderaan tiga tan meninggalkan Kukup ke Pontian. Di Balai Polis Pontian, ASP Khalid memberitahu Leftenan Muda Badrudin iaitu terdapat satu kumpulan Tentera Indonesia sedang berada kira-kira 100 ela dari Hospital Daerah Pontian. Seksyen meninggalkan Balai Polis Pontian menuju ke sasaran. Setelah diturunkan dari trak di tepi jalan tidak jauh dari objektif, mereka bergerak menuju ke sasaran dengan didahului oleh 11380 Prebet Ramli bin Sihap selaku peninjau hadapan. Baru sahaja beberapa tapak seksyen melangkah peninjau hadapan, Prebet Ramli tiba-tiba ditembak dari arah paya di sebelah kiri. Prebet Ramli tercedera di perut, dada, tengkuk, bahu kanan dan kedua belah tangan.

Seksyen membalias tembakan. Leftenan Muda Badrudin kemudiannya memerintahkan anggotanya membentuk satu barisan melintang bagi mengepung TNI yang dipercayai sedang bersembunyi dalam kawasan paya di hadapan mereka. Kejadian tersebut kebetulan berlaku berdekatan rumah seorang anggota tentera, 8755 Prebet Atan bin Jais dari 5 RAMD yang kebetulan anggota Leftenan Muda Badrudin ketika di 5 RAMD. Walaupun sedang bercuti, Prebet Atan dipanggil oleh Leftenan Muda Badrudin membantunya dan beliau dengan senang memenuhi permintaan bekas pegawai itu. Sementara pertempuran dan pengepungan dilakukan, ibu kepada Prebet Atan merangkak datang dari rumahnya sambil memberikan air "tolak bala" kepada setiap anggota seksyen yang sedang bertempur, cerita Mejari (Bersara) Badrudin.

Apabila radio set dipasang Leftenan Muda Badrudin melaporkan kejadian tersebut kepada markas batalion sambil meminta bantuan. Melalui radio dia dimaklumkan bahawa bantuan akan dihantar dan pegawai memerintah sebenarnya sedang dalam perjalanan ke Pontian.

Prebet Ramli yang tercedera di bahu kanan, leher dan perutnya disangkakan telah meninggal dunia kembali sedar dan dengan tidak berlengah-lengah lagi Leftenan Muda Badrudin mendukung anggotanya itu ke hospital yang terletak tidak jauh dari tempat kejadian. Selepas menghantar Prebet Ramli ke hospital barulah Leftenan Muda Badrudin melancarkan serangan ke atas penyusup. Pertempuran yang bermula lebih kurang pukul 8.00 pagi itu berakhir kira-kira jam 11.00 pagi. Seramai 12 orang penyusup ditawan. Mereka terdiri dari dua orang Cina Malaysia berasal dari Taiping dan Ipoh, seorang pemuda Melayu berasal dari Melaka, manakala selebihnya Tentera Indonesia. Melalui dua orang Cina dan seorang Melayu Malaysia yang ditawan pasukan diberitahu

bahawa mereka adalah sukarelawan Irian Barat yang kemudiannya dilatih oleh komunis Indonesia untuk menumbangkan kerajaan Malaysia. Senjata, peluru serta wang tunai Malaysia antara yang berjaya dirampas dari mereka. Tawanan juga memaklumkan bahawa kekuatan kumpulan mereka terdiri daripada 42 orang kesemuanya.

Kesemua anggota platoon Leftenan Muda Badrudin dikumpulkan di Balai Polis Pontian dan markas taktikal batalion kemudiannya didirikan di situ. Sementara menunggu anggota lain tiba di Pontian, Leftenan Muda Badrudin dan anggotanya diarah oleh Leftenan Kolonel Mokhti berada bersamanya. Leftenan Kolonel Mokhti kemudiannya memerintahkan platoon pimpinan Leftenan Muda Sulaiman bin Abdul Rahman (12295) untuk membuat penjejakan terhadap baki kumpulan yang telah berjaya ditawan itu. Platoon Leftenan Muda Abas yang didatangkan dari Kluang kemudiannya diarah membuat penjejakan di kawasan Penarik. Leftenan Muda Badrudin kembali menyertai kompeninya.

Setelah lebih kurang seminggu beroperasi di Pontian, batalion kembali ke Kluang membuat persiapan untuk ke Sarawak. Kompeni B di bawah Penolong Ketua Kompeni, Kapten Mohamed Sharif bin Ahmad (1523) diarah membuat *sweep* dari Air Baloi dan keluar di Kulai bagi mencari Benut Group. Walau bagaimanapun pasukan gagal menemui mereka. Sebelum berangkat ke Sarawak Kompeni A dan C 6 RAMD digerakkan ke Labis pula ekoran terdapatnya pendaratan TNI di daerah berkenaan. 6 RAMD dikeharkan ke Singapura dan ditempatkan di Kem Bukit Timah Ulu Pandan dan di Orchid Road ekoran rusuhan kaum Cina-Melayu di pulau tersebut.

Di Sarawak, 6 RAMD mengambil alih tugas 4 RAMD di Sibu. Leftenan Muda Badrudin ditugaskan mengetuai Kompeni B ke Long Jawi buat seketika sebelum kedatangan Ketua Kompeni Mejor Mohammad Isa bin Hj. Ismail (2053). Lokasi Kompeni B dua kali ditinjau oleh jet pengebom Tentera Udara Indonesia, tetapi tiada pengeboman dilakukan. Selain itu, kompeni turut melakukan serang hendap selama lebih kurang sebulan di Sungai Batang Baloi ekoran maklumat yang mengatakan antara 50 ke-60 orang Tentera Indonesia dari Long Nawang akan menyerang Long Jawi. Penempatan Tentera Gurkha di Long Jawi pernah diserang oleh Tentera Indonesia sebelum itu. Kompeni B 6 RAMD mengakhiri tugasnya di Long Jawi dengan selamat dan kembali ke Kluang bersama batalion. Setibanya di Kluang pasukan digerakkan pula ke Kota Tinggi secara mengejut kerana sembilan anggota Platoon Kompeni C 2 SIR dibunuh dengan kejam oleh sekumpulan Tentera Indonesia. Batalion tidak berkesempatan bertemu TNI dan kembali ke Kluang sebelum dipindahkan ke Kem Khatib Sembawang, Singapura.

## Tragedi Sungai Lebam

Ekoran terdapatnya maklumat mengenai sebuah bot yang ditinggalkan, dipercayai telah digunakan oleh sekumpulan anggota TNI pada 25 Februari 1965 di pantai timur Johor, Kompeni C 2 SIR pimpinan Captain R.G.W. Bliss bersama Platun 9 diketuai oleh Leftenan Muda Lockman bin Hashim (400998) diterbangkan ke kawasan Telok Penawar, Johor. Platun mengesahkan terdapatnya pendaratan 12 ke-15 TNI. Platun 7 dan Platun 8 diterbangkan dari Changi ke Telok Penawar untuk membuat penjejak. Platun 7 berkekuatan 25 anggota campuran daripada pelbagai platun di bawah 600568 Sarjan Mohd bin Abdul Hamid ditugaskan membuat penjejak pada pagi 27 Februari 1965 di kawasan Estet Sungai Papan.

### Anggota Platun 7 Kompeni C 2 SIR

1. 600568 Sarjan Mohd bin Abdul Hamid
2. 600692 Las Koperal Mohamed bin Abdul Manap
3. 600767 Las Koperal M. Sikh bin Mohd. Jali
4. 600598 Prebet Mohd. Yusoff bin Hj. Sulaiman
5. 600668 Prebet Mohd. Adnan bin Che Abas
6. 600675 Prebet Mohd. Said bin Mohd. Salim
7. 600676 Prebet Mohd. Salleh bin Bachik
8. 600677 Prebet Shamsuddin bin Baba
9. 600695 Prebet Zulkifli bin Saidon
10. 600698 Prebet Mustafa bin Bachik
11. 600736 Prebet Abdollah bin Hj. Abdol Kader
12. 600738 Prebet Ab. Majid bin Md. Ali
13. 600747 Prebet Latif bin Mohammad shariff
14. 600755 Prebet Yasif bin Ahmad
15. 600761 Prebet Md. Taib bin Haron
16. 600764 Prebet Taib bin Md. Salleh
17. 600885 Prebet Mohd. Yusop bin Talip
18. 600817 Prebet Abdul Hamid bin Mian
19. 601510 Prebet Muhammad bin Maidu
20. 601503 Prebet Talib bin Kadam
21. 601508 Prebet Abd. Khalil bin Hj. Salim
22. 601509 Prebet Rahman bin Jaafar
23. 601514 Prebet Chek Mat bin Kanchil
24. 601789 Prebet Rahmat bin Simon
25. 601809 Prebet Muhamat bin Sular

Platun bermalam setelah sampai ke tiga perempat perjalanan. Pada pagi 28 Februari 1965, platun meneruskan penjejak dan tiba di Estet Sungai Papan

sebelum tengah hari. Platun diarah membuat perkhemahan sementara. Sarjan Mohd. bersama beberapa anggota pergi ke Balai Polis Sungai Papan mendapatkan maklumat. Sarjan Mohd. pulang lewat tengah hari dan memaklumkan tiada maklumat mengenai TNI diperolehi. Hubungan radio dengan markas taktikal kompeni tidak dapat dilakukan. Oleh kerana bekalan yang dibawa habis pada hari itu dan usaha untuk mendapatkan bantuan tidak boleh dilakukan, maka Sarjan Mohd. mengarahkan platunnya bergerak balik ke markas taktikal kompeni pukul 3.00 petang itu. Setelah tiga jam berjalan cuaca mula gelap dan platun diarahkan berhenti untuk berkhemah. Kebetulan platun berada di tepi sungai Lebam.

Berdasarkan anggota platun bercakap sesama mereka sambil melahirkan kebimbangan bahawa kemungkinan TNI ada di kawasan berkenaan. Sarjan Mohd. tidak begitu mengambil berat mengenai perkara tersebut kerana berpendapat lokasi tersebut jauh dari penempatan yang boleh memberikan bekalan kepada pihak penyusup dan dengan sebab itu kehadiran mereka di situ amatlah tipis. Sebelum berkemah, kumpulan ronda tinjau dihantar meronda kawasan sekitar, tidak terdapat sesuatu yang mencurigakan. Sementara sentri dihantar anggota yang lain bersiap untuk berkhemah dan memasak. Platun dengan tiba-tiba didatangi oleh sekumpulan kira-kira 15 orang bersenjata yang bercakap dalam longhat Indonesia. Ada di antara mereka dikatakan memberi salam dan memperkenalkan diri sebagai kawan.

Beberapa orang anggota bersenjata Indonesia masuk ke dalam perkhemahan sambil berkata "Kamu jangan buat apa-apa, kami kawan". Sarjan Mohd. turut mengatakan kepada anggota platunnya, "Jangan buat apa-apa, kawan." Anggota bersenjata Indonesia menghulurkan tangan bersalamansambil mengucapkan "Selamat Hari Raya". Kebetulan umat Islam baru sahaja merayakan Hari Raya Puasa. Seorang yang berpakaian lengkap TNI bertanyakan, "Siapa ketua?" Sarjan Mohd. memperkenalkan diri, "Dari mana kamu datang?" "Singapura" jawab Sarjan Mohd. "Berapa ramai dan apa tujuan ada di sini?" "Kami menjalankan tugas dan membuat latihan" kata Sarjan Mohd. "Awak kenal Abdul Rahman dan Abdul Razak?" Salah seorang anggota, Prebet Shamsuddin menjawab, "Tidak kenal". Salah seorang anggota TNI menghunuskan laras senjatanya ke perut Prebet Shamsuddin sambil berkata, "Kok tak kenal presidennya!".

Anggota bersenjata Indonesia kelihatan berbisik-bisik buat seketika sesama mereka dan kemudiannya memerintahkan Sarjan Mohd. agar mengarahkan anggota platun menyerahkan senjata mereka. Anggota menyerahkan senjata mereka dan diatur di hadapan Sarjan Mohd. Senjata tersebut kemudiannya dilonggokkan sahaja oleh anggota bersenjata Indonesia dan anggota platun Sarjan Mohd. mula mencurigai tindakan mereka. Anggota Indonesia yang lengkap beruniform TNI mengarahkan Sarjan Mohd. mengumpulkan anggotanya kerana hendak "bicara sedikit" katanya. "Semua orang berbaris" kata Sarjan Mohd.

Sebilangan anggota platon kelihatan enggan menerima perintah berkenaan. Platon diarahkan berkumpul ke hadapan dengan tidak perlu membawa apa-apa.

Setelah berkumpul platon seolah-olah telah terkepung dalam bentuk "L" oleh sekumpulan anggota bersenjata Indonesia. Beberapa anggota bersenjata Indonesia berada di hadapan, manakala sebilangan lagi berada di sebelah kiri. Terdapat sungai melebar kira-kira 12 kaki dalam airnya di paras dada di sebelah kanan, manakala di bahagian belakang anggota yang sedang dikumpulkan kawasan lapang, terang Bekas pegawai Waran Satu Rahman bin Jaafar. Sekembalinya dari Sungai dengan hanya berseluar dalam saya diarahkan menyertai rakan-rakan saya yang telah sedia berkumpul, cerita bekas Sarjan M. Sikh bin Mohd. Jali. Ketua TNI yang tidak diketahui pangkat dan namanya berosal jawab dengan Sarjan Mohd. Secara kebetulan Sarjan Mohd tidak dapat menjawab beberapa soalan yang dikemukakan kepadanya. Antara lain, ketua kumpulan Indonesia bertanyakan " Siapa beri hukuman dan apa tujuan berlatih?"

Kumpulan TNI berkenaan mungkin pada mulanya menyangka bahawa kumpulan Sarjan Mohd. kumpulan gerila yang dikatakan akan menyambut mereka di Kota Tinggi. Setelah yakin bahawa kumpulan Sarjan Mohd. bukanlah kumpulan yang bakal menerima kedatangan mereka, maka secara simbolik ketua kumpulan bersenjata Indonesia yang berada di hadapan kumpulan Sarjan Mohd. menimang-nimang senjata AR15 yang ada di tangannya sambil berkata, " Senjata ini terlalu kecil. Ia tidak bisa membunuh manusia. Ia hanya sesuai untuk menembak burung dan binatang kecil sahaja". Pada masa yang sama mencekah senjata berkenaan. Anggota platon yang sedang berkumpul menjadi cemas dan sebahagian daripada mereka mulai cuba dengan perlahan-lahan berundur ke belakang untuk melepaskan diri. Dalam ketika yang sama salah seorang anggota TNI yang berada di hujung sebelah kiri turut mencekah senjatanya. Melihatkan tindakan tersebut saya lantas dengan serta-merta menjerit, "cabut!" terang Bekas Sarjan M. Sikh.

Kesemua anggota TNI melepaskan tembakan secara serentak ke arah kami yang bertempiaran lari dengan tidak lagi menghiraukan arah tujuan. Saya tidak tahu bagaimana saya boleh melompat tebing sungai selebar kira-kira 12 kaki bersama empat rakan saya iaitu Prebet Mohd. Yusop, Prebet Shamsuddin, Prebet Muhammad serta Prebet Talib dan kerana itu jugalah kami berlima terselamat daripada menemui ajal, kata Bekas Sarjan M. Sikh. Setelah berjaya menyelamatkan diri dan berkumpul dengan empat anggota saya yang lain barulahlah saya menyedari bahawa paha kirI saya turut terkena tembakan TNI. Kami bermalam dilokasi yang tidak kami ketahui dan meneruskan perjalanan untuk menyelamatkan diri keesokan paginya. Bagi mengelakkan diri daripada tertembak oleh pasukan sendiri, saya mengambil keputusan menyusur tepi pantai, biarpun terpaksa berjalan dalam keadaan agak sukar untuk ke lokasi markas taktikal kompeni, terang Bekas Sarjan M. Sikh.

Seksyen saya diarahkan berpecah dengan platon oleh ketua platon pada petang 27 Februari 1965, cerita Bekas Pegawai Waran Satu Khamis bin Sindut. Saya membawa seksyen menuruti kawasan tepi pantai untuk ke lokasi perkhemahan platon. Dalam perjalanan saya dimaklumkan oleh anggota yang berada di belakang bahawa pergerakan mereka sedang dijejaki oleh sekumpulan TNI. Bagi memerangkap TNI saya membawa anggota melenceng ke kanan dan berpatah semula ke belakang untuk membuat satu barisan serang hendap di atas tebing. Ketika dalam kedudukan serang hendap kami melihat lima orang tidak bersenjata, didahului oleh seorang yang membawa sebatang kayu yang terdapat sehelai singlet putih di hujungnya dan tidak pula berpakaian lengkap memasuki kawasan bunuh serang hendap kami. Mujurlah kami tidak terburu-buru melepaskan tembakan. Mereka rupa-rupanya rakan sekompeni kami iaitu Las Kopral M. Sikh, Prebet Mohd. Yusop, Prebet Shamsuddin, Prebet Muhammad dan Prebet Talib.

Daripada mereka kami diberitahu bahawa Platon 7 telah ditawan oleh sekumpulan anggota TNI. Oleh kerana radio set yang dibawa tidak boleh digunakan, maka saya terpaksa membawa anggota ke markas taktikal kompeni bagi mendapatkan bantuan. Setibanya di markas taktikal kompeni kami dimaklumkan bahawa beberapa orang anggota Platon 7, iaitu Prebet Mohd. Said dan Prebet Latif telah pun sampai pada pagi 1 Mac 1965 dan berita mengenai malapetaka yang menimpa Platon 7 telah pun dimaklumi oleh ketua kompeni. Prebet Mohd. Said dan Prebet Latif yang tercedera telahpun diterbangkan ke hospital untuk mendapat rawatan. Las Kopral M. Sikh juga diterbangkan ke hospital sejurus selepas tiba di markas taktikal kompeni.

Dengan berpakaian seragam separuh lengkap Prebet Abdollah berjaya melompat tebing sungai untuk melepaskan diri daripada tembakan TNI. Beliau kemudianya berjumpa dengan Prebet Adnan yang hanya berseluar pendek sahaja. Mereka tidur di lokasi yang tidak mereka ketahui setelah tidak dapat berjalan kerana kegelapan malam. Mereka meneruskan perjalanan ke markas taktikal kompeni keesokan paginya. Mereka tiba lewat petang 1 Mac 1965. Oleh kerana hari telah lewat petang, gerakan bantuan diatur keesokan paginya iaitu, pada 2 Mac 1965. Prebet Abdul Hamid yang tercedera di dada kirinya kerana ditembusi dua peluru berjaya menyelamatkan diri secara bersendirian dengan berjalan mengikut arah matahari terbit untuk menuju ke hala pantai. Beliau yang tidak berbaju dan berkasut serta dalam keadaan lemah kerana telah tercedera diselamatkan oleh anggota Kompeni B 2 SIR pada 2 Mac 1965. Kumpulan bantuan sampai lewat petang dan tidak dapat memasuki tempat kejadian pada hari itu.

Lokasi kejadian dimasuki oleh kumpulan bantuan pada pagi 3 Mac 1965. Di tempat tersebut iaitu di kawasan Sungai Lebam tujuh mayat yang telah diseksa secara kejam ditemui bergelimpangan. Sarjan Mohd., Las Kopral Mohamed, Prebet Mohd. Salleh, Prebet Zulkifli, Prebet Taib, Prebet Abd. Khalil, Prebet Chek Mat dan Prebet Rahmat. Prebet Muhamat yang tercedera di dada kiri.

tapak tangan kanan, pergelangan tangan kiri dan paha kanan ditemui dalam keadaan begitu uzur di tebing sungai. Menurutnya, Beliau tercampak dan tertiarap di tebing sungai setelah tubuhnya disinggahi beberapa das tembakan dan tidak lagi sedarkan diri sejurus selepas itu. Saya terjaga apabila merasa pipi saya kesejukan oleh air sungai yang sedang pasang, terang Bekas Pegawai Waran Dua Muhamat. Beliau diselamatkan oleh anggota Platoon 10 Kompeni D 2 SIR pada 3 Mac 1965. Prebet Rahman yang akhirnya berjaya sampai di pantai setelah berjalan dengan tidak berkasut bersendirian tanpa panduan selama tiga malam empat hari diselamatkan oleh anggota 8 RAMD. Jenazah Allahyarham Prebet Yasif ditemui pada 19 Mac 1965.

## Kolonel (Bersara) Syed Othman Syed Ali

"Setelah mengikuti latihan kadet tauliah Jangka Pendek Panggilan ke-6 di Maktab Tentera Diraja Sungai Besi Kuala Lumpur, saya ditauliahkan sebagai Leftenan Muda Batalion Ke-2 SIR pada 18 Februari 1965", terang Kolonel (Bersara) Syed Othman bin Syed Ali. Di 2 SIR, Leftenan Muda Syed Othman ditugaskan sebagai Ketua Platoon, Platoon 7 Kompeni C. 2 SIR berpangkalan di Kem Temasek, Holand Road, Singapura dan diperintah oleh Leftenan Kolonel Abdul Latif bin Husien, manakala Kompeni C diketuai oleh Captain Robin Bliss. Leftenan Jimmy Yap dan Leftenan Lockman Hashim juga ketua platoon Kompeni C. Leftenan Muda Syed Othman melaporkan diri ke pasukan setelah bercuti selama dua minggu iaitu pada 4 Mac 1965.

Pada petang hari yang sama beliau diterbangkan ke kawasan operasi di Tanjung Penawar (sekarang Desa Ru) dan diperkenalkan kepada ketua kompeni serta anggota platunnya. Terdahulu daripada itu, Platoon 7 Kompeni C 2 SIR telah mengalami kehilangan sembilan anggota yang dibunuh secara kejam oleh sekumpulan anggota TNI di kawasan Sungai Lebam pada 28 Februari 1965 dan operasi memburu mereka sedang giat dilaksanakan ketika itu. Sewaktu memasuki kawasan tersebut kira-kira seminggu selepas kejadian, bau bangkai manusia masih terdapat di situ cerita Kolonel (Bersara) Syed Othman. Fenomena tersebut tambah memperkuatkan azam setiap anggota bagi membala dendam terhadap kekejaman pihak TNI.

Pada 12 Mac 1965, Kompeni C diterbangkan keluar daripada Rujukan Grid WS583893 ke Kampung Tanjung Serindet untuk digerakkan di kawasan Bukit Belungkor membantu mencari tujuh TNI yang berjaya melepaskan diri dalam pertempuran dengan platoon pimpinan Leftenan Daljeet Singh sebelumnya. Pada operasi ini Leftenan Muda Syed Othman ditugaskan mengetuai Platoon 9. Platoon diperintahkan menggeledah Petak Peta WS3775. Leftenan Muda Syed Othman dan platunnya digerakkan ke hilir Sungai Pengerang dengan sebuah

bot ronda Polis Marin pada petang 12 Mac 1965. Platun didaratkan di Rujukan Grid WS 375755 di sebuah pulau kecil kira-kira 10 meter persegi, dalam kawasan paya bakau lebih kurang jam 6.20 petang. Oleh kerana hari telah lewat Leftenan Muda Syed Othman memutuskan agar platun terus bermalam di atas pulau kecil itu biarpun dalam keadaan bersempit-sempit. Sebelum platun bergerak meninggalkan tempat mereka bermalam, pada pagi 13 Mac 1965 Leftenan Muda Syed Othman memerintahkan dua kumpulan anggota keluar mencari jalan keluar dari kawasan berkenaan. Platun keluar menuruti lorong yang dijumpai dengan didahului oleh (600732) Las Koperal Abdullah bin Abu Chek yang membawa senjata RISLB dan saya berada di belakangnya, menurut Kolonel (Bersara) Syed Othman.

Baru sahaja beberapa langkah berjalan pada pagi 13 Mac 1965, kami sampai di suatu batas yang dijadikan jalan di kawasan paya berkenaan dan tersempak dengan sekumpulan anggota TNI. Tanpa membuang masa Las Koperal Abdullah melepaskan satu tembakan semburan dengan RISLB yang ada di tangannya ke arah TNI yang berada kira-kira 15 meter di hadapannya sebelum merebahkan diri bagi mendapatkan perlindungan di sebelah kiri batas yang mereka ikuti. Saya yang telah terlebih dahulu mengambil perlindungan di sebelah kiri turut melepaskan tembakan ke hadapan. Las Koperal Abdullah kemudian mengambil perlindungan di sebelah saya, manakala anggota seksyen yang berada di belakang saya turut bergerak ke sebelah kiri. Seksyen yang di belakang saya perintahkan bergerak ke sebelah kanan. Keadaan paya bakau yang berlopak dan berair menyukarkan pergerakan secara taktikal kepada kedua-dua belah pihak.

Platun terus menumpukan tembakan ke arah TNI sambil bergerak secara perlahan-lahan ke arah TNI hingga akhirnya tiada tembakan kedengaran daripada pihak TNI. Apabila penggeledahan dilakukan, tujuh mayat TNI lengkap bersenjata ditemui, cerita Kolonel (Bersara) Syed Othman. Mayat, senjata dan peralatan TNI diserahkan kepada pihak polis. Platun selepas itu kembali ke markas taktikal kompeni. Di atas kejayaannya itu Leftenan Muda Syed Othman dan platunnya diberikan cuti tanpa rekod beberapa hari oleh pegawai memerintah 2 SIR, Leftenan Kolonel Abdul Latif.

Ekoran terdapatnya maklumat mengenai 15 orang anggota TNI merampas sebuah kedai runcit seorang peniaga Cina di estet Kangkar Lok Heng, pada pagi 1 April 1965, 2 SIR mengaturgerakkan subunitnya ke kawasan berkenaan. Markas Kompeni C bersama Platun 7, Platun 9 disertai oleh kumpulan dua ekor anjing pengesan 1 Renjer dari Taiping diterbangkan ke Petak Peta WN2600. Subunit dikatakan berada kira-kira lapan jam di belakang penyusup. Pada 2 April 1965, markas taktikal dan Kompeni B diterbangkan ke lokasi yang sama bagi membantu Kompeni C memburu TNI. Setelah membuat penjejak selama tiga hari, pada pukul 12.00 tengah hari 3 April 1965 barulah kumpulan tinjau Platun 7 berjaya menemui kepulan asap daripada perkhemahan TNI di Rujukan

Grid WN237035. Perkhemahan berkenaan dijumpai apabila Lettenan Muda Syed Othman menjumpai satu denai dalam satu kawasan belukar kecil antara dua kawasan ladang getah. Satu kumpulan ronda diantar ke kanan, manakala satu kumpulan lagi membuat penjejak ke sebelah kiri. Kedua-dua kumpulan diarahkan menjejak tidak melebihi satu batu.

Tidak sampai 15 minit, kumpulan ronda pimpinan 600767 Las Koperal M. Sikh bin Mohd. Jali yang meronda ke sebelah kanan pulang dengan tergesa-gesa sambil melaporkan melihat asap dalam belukar di sebelah kanan lorong yang diikutinya iaitu kira-kira 300 meter dari kedudukan platun ketika itu. Tanpa membuang masa, Lettenan Muda Syed Othman mengumpulkan anggotanya untuk membuat tinjauan rapat dan seterusnya melakukan serangan ke kedudukan penyusup. Seorang anggota ditinggalkan bagi menunggu kumpulan ronda yang meronda ke sebelah kiri pulang. Bersama tujuh orang anggota platurnya, Lettenan Muda Syed Othman merapati kedudukan TNI dengan mengikuti satu lorong yang menghala ke satu kawasan belukar di mana penyusup dikatakan berpangkalan. Usahanya pada peringkat awal gagal melihat TNI biarpun boleh mendengar suara mereka.

Bagi memastikan kekuatan dan kedudukan penyusup, Lettenan Muda Syed Othman bergerak ke bahagian belakang kedudukan penyusup hingga berjaya mendapatkan perlindungan di sebalik sebatang pokok getah yang agak besar. Di sebalik perlindungan saya dapat sekali-sekala melihat anggota TNI. Saya mengarahkan Las Koperal M. Sikh berdiri di atas bahu saya bagi melihat penyusup, tetapi tidak dapat mengetahui bilangan mereka kerana pandangannya dihalang oleh belukar yang tebal. Saya berundur daripada perlindungan bagi mendapatkan anggota yang lain untuk mengatur serangan.

Ketika sedang melakukan tenangan ke arah seorang anggota TNI untuk memulakan serangan, anggota yang berada di hujung sebelah kanan kumpulan penyerang terserempak dengan sentri TNI lantas melepaskan tembakan. Serentak dengan itu, saya juga turut melepaskan tembakan dan pasti bahawa tembakan saya itu berjaya mengenai sasarnya. Penyusup membala tembakan dan melemparkan grened ke arah kami. Seorang anggota saya, 600981 Prebet Terrance Gabriel De Costta tercedera di kaki akibat terkena serpihan grened TNI. Oleh kerana TNI berpangkalan dalam satu kawasan belukar yang tidak begitu luas kawasannya dan kekuatan mereka juga tidak dapat dipastikan dengan sebenarnya, maka apabila tembak-menembak berhenti saya berundur untuk mengumpulkan anggota sebelum mengambil tindakan selanjutnya. Saya menghantar dua kumpulan serang hendap ke atas bukit di belakang belukar tempat pertempuran berlaku.

Pada sebelah malamnya, saya meletakkan satu kumpulan serang hendap di persimpangan ke tempat pertempuran, kerana mengesyaki penyusup akan datang semula ke perkhemahan mereka bagi mengambil segala bekalan dan peralatan yang terpaksa mereka tinggalkan ketika pertempuran berlaku. Tepat

sebagaimana yang saya jangkakan dua orang TNI keluar dari belukar melalui persimpangan yang sedang diserang hendap oleh sekumpulan anggota di bawah pimpinan 600652 Koperal Mohamimad bin Jiman. Setelah memerhatikan TNI kira-kira sejam seksyen akhirnya melepaskan tembakan dan kedua-dua TNI terbunuh di tempat kejadian. Setelah hari siang barulah platon mengadakan penggeledahan ke dalam belukar dan mendapati lima anggota TNI yang telah tidak bernyawa lagi.

Setelah penggeledahan selesai dilakukan, tujuh mayat berjaya dikumpul, manakala beberapa pucuk repal Armelite dan sebilangan besar peluru serta bom tangan turut ditemui. Di samping itu, pakaian dan barang-barang makanan yang dirampas daripada kedai di Kangkar Lok Heng serta sejumlah besar wang kertas Malaysia turut diperolehi. Melalui seorang lelaki Cina berasal daripada Pontian yang telah berjaya ditawan dan dibawa oleh platon Leftenan Jimmy Yap ke tempat kejadian, saya dimaklumkan bahawa anggota TNI yang dibunuh sebahagian daripada 13 orang anggota termasuk beliau. Lima anggota TNI dari kumpulan berkenaan berjaya dihapuskan sama ada tertawan atau terbunuh oleh anggota pasukan keselamatan Malaysia yang lain. Selepas mencapai dua kejayaan cemerlang dalam operasi menentang TNI di Johor barulah Leftenan Muda Syed Othman berkesempatan mengikuti Kursus Muslihat Pegawai Muda di Port Dickson pada Mei 1965.

Leftenan Muda Syed Othman terus melibatkan diri dalam operasi menentang ancaman TNI setelah menamatkan kursusnya dengan menyertai pasukan 2 SIR bertugas di Tawau Sabah menggantikan 5 RAMD pada Ogos 1965. Oleh kerana kejayaan cemerlang 2 SIR di Johor, siaran radio Indonesia yang dapat didengar di Tawau menyirarkan ancaman bahawa 2 SIR akan menghadapi tindak balas daripada TNI. Di Tawau, markas taktikal batalion bersama Kompeni D ditempatkan di Wallace Bay, Kompeni A di Sungai Melayu, Kompeni B di Sungai Limau, manakala Kompeni C di Simpang tiga. Markas Taktikal Kompeni C bersama satu platon dan satu detasmen 1 Meriam berada di Simpang Tiga.

Platon 7 pimpinan Leftenan Muda Syed Othman ditugaskan di Mentadak dan satu lagi platon menjaga pos pemerhati di Nonokan. Markas Taktikal Kompeni C pernah dibedil dengan meriam oleh TNI, tetapi gagal mendatangkan kemalangan. Apabila tindak balas dilakukan, tembakan yang dilepaskan berjaya memusnahkan mortar base pate TNI yang berpangkalan di perbatasan Simpang Tiga. Setelah itu tiada lagi bedilan dilancarkan oleh pihak TNI. Kedudukan Platon 7 pernah diserang dengan tembakan mortar, tetapi tiada kemalangan berlaku. Pada satu lagi kejadian, kumpulan ronda pimpinan 600689 Koperal Khamis bin Sindot terselamat daripada bom mortar yang ditembak oleh TNI dalam perjalanan pulang ke pangkalan. Selepas enam bulan di Tawau Batalion 2 SIR digantikan pula oleh Batalion ke-2 Rejimen Renjer. Leftenan Muda Syed Othman memilih menyertai Rejimen Renjer Malaysia, apabila Singapura

mermilih untuk berpisah daripada Malaysia pada 1965. Beliau menyertai 3 Renjer, tetapi ditugaskan di Pusat Latihan National Service, Segenting, Port Dickson.

## Brigedier Jeneral Abas Mohd Yunus

Leftenan Muda Abas bertukar ke-6 RAMD bagi memenuhi perjawatan. Ini kerana 6 RAMD di Kluang akan ditugaskan ke Sibu, Sarawak menggantikan 4 RAMD. Beliau ditugaskan sebagai Ketua Platun 2 Kompeni A pimpinan Kapten Raja Aman Shah bin Raja Shahar Shah (12053). Pada petang dia melaporkan diri ke pasukan, rusuhan berlaku di Singapura dan 6 RAMD dikejarkan ke Singapura. Leftenan Muda Abas menyertai 6 RAMD di Singapura keesokan harinya. Di Singapura dia ditumpangkan ke Kompeni C dan ditempatkan di Balai Polis Kandang Kerbau selama lebih kurang dua minggu sebelum diambil oleh Ketua Kompeni A menyertai kompeni berkenaan. Apabila keadaan di Singapura agak reda, 6 RAMD diundurkan semula ke Kluang untuk bersiap ke Sarawak. Tugas menjaga ketenteraman awam di Singapura diambil alih oleh 8 RAMD.

Saya kembali ke Kluang selepas bercuti selama lima hari sebelum ke Sarawak dan ditugaskan sebagai Pegawai Bertugas. Satu platun daripada Kompeni B di bawah Leftenan Muda Badrudin telah digerakkan ke Pontian ekoran terdapatnya maklumat mengenai pendaratan TNI di Pontian. Saya dihubungi oleh Leftenan Muda Badrudin beberapa kali sepanjang malam hingga tidak berkesempatan langsung untuk tidur malam itu. Beliau melaporkan tentang ramainya TNI yang mendarat di Pontian. Selaku Pegawai Bertugas saya melaporkan perkara itu kepada Pegawai Perisikan Batalion. Oleh kerana tidak tidur semalam, saya tertidur dan tidak terkejut untuk pergi senaman pagi. Saya merasa gusar apabila Kompeni Sarjan Mejar, Pegawai Waran Dua Abdul Manaf mencari saya kerana Ketua Kompeni hendak berjumpa.

Saya sangkakan Kapten Raja Aman Shah hendak memarahi saya kerana tidak hadir melakukan senaman pagi. Ketua Kompeni rupa-rupanya hendak mengarahkan saya membuat persiapan kerana saya diarahkan mengetuai platun pergi ke Pontian. Saya memaklumkan perkara tersebut kepada platun sarjan dan kesemua ketua seksyen dan setelah itu kembali ke mes untuk bersiap. Kami meninggalkan Kluang dengan trak menuju ke Pontian lebih kurang jam 10.00 pagi. Saya berjumpa dengan Leftenan Muda Badrudin di tepi jalan dekat pekan Pontian sedang membuat kepungan. Leftenan Muda Badrudin kelihatan menggunakan *Loud Hailer* bersama beberapa orang anggota polis menyeru TNI yang telah terkepung menyerah diri. Saya kemudiannya pergi melaporkan diri kepada Pegawai Memerintah di Balai Polis Pontian.

Leftenan Kolonel Mokhti mengarahkan saya membawa platun membuat rondaan di tepi pantai arah ke Kukup. Kami menaiki trak dan diturunkan sebelum memasuki kawasan Kampung Penarik. Kami bergerak secara taktikal menyusur

pantai sambil meredah hutan bakau arah ke selatan. Jejak TNI akhirnya berjaya ditemui, tetapi kami tidak lagi dapat bergerak kerana cuaca telah gelap dan kami terpaksa bermalam dalam kawasan paya bakau. Keesokan harinya, sejak awal pagi lagi saya telah menggerakkan anggota untuk terus membuat penjejak dan tiba di Kampung Penarik lebih kurang pukul 10.00 pagi.

Oleh kerana kami telah tidak makan semalam dan tidak pula bersarapan pagi itu saya memerintahkan anggota mengambil air di sekolah kampung berkenaan untuk memasak. Sementara anggota memasak, saya pergi merisik-risik penduduk kampung sama ada mereka melihat TNI atau tidak sebelum itu. Seorang penduduk kampung bertanya saya, sama ada saya ada melintasi jalan raya kampung tersebut pada awal pagi itu. Saya maklumkan kepada penduduk kampung bahawa saya dan anggota baru sahaja sampai di situ dan kalaupun ada anggota tentera yang lalu mereka mungkin anggota pasukan Peninjau. Anggota Peninjau tidak mungkin berjalan kaki kerana mereka meronda dengan kereta perisai.

Kebetulan saya diberitahu bahawa lebih kurang 200 elai dari kedudukan kami terdapat sekumpulan anggota tentera. Saya lantas bergerak ke situ dan mendapati benar satu Trup Peninjau di bawah Leftenan Muda Jaafar bin Omar berada di situ. Saya bertanyakan Leftenan Muda Jaafar sama ada beliau dan anggotanya ada menyeberangi jalan di tempat yang saya telah diberitahu. Leftenan Muda Jaafar mengatakan tidak. Lantas saya membuat kesimpulan bahawa anggota tentera yang dilihat melintasi jalan raya oleh orang kampung itu adalah TNI. Saya balik ke sekolah tempat anggota berehat dan memasak. Setibanya di sekolah, saya memberitahu Sarjan Kasim bahawa saya memerlukan seramai mungkin anggota menurut saya menjelajah penyusup arah ke timur. Beberapa orang anggota ditinggalkan di sekolah bagi menentukan nasi yang dimasak tidak dibuang, manakala 23 anggota menurut saya membuat penjejak. Anggota saya arahkan membawa air dan biskut kering sahaja sebagai bekalan, selain peluru dan bom tangan. Bagi memburu TNI yang telah lama berlalu, kami berlari dan berjalan secara taktikal menuruti lorong dalam kebun getah terbiar lebih kurang sejam setengah untuk sampai ke satu kawasan kebun getah muda yang juga dalam keadaan terbiar.

Di pergigian kebun berkenaan terdapat sebatang anak sungai dan di sekitar tebing sungai tersebut kelihatan bekas tapak kaki yang masih baru, bekas tapak yang ditinggalkan masih belum penuh di isi air. Melihat keadaan tersebut saya lantas memberitahu platur sarjan dan ketua-ketua seksyen bahawa mereka akan membuat *sweep*. Satu seksyen di bawah Sarjan Kasim akan tinggal sebagai seksyen bantuan. Dua seksyen akan membuat sapuan (*sweep*) menuruti lorong getah. Oleh kerana kawasan tersebut terlalu semak, kami tidak dapat melihat antara satu dengan lain, walaupun dalam jarak agak dekat.

Selepas lebih kurang 10 minit menyeberangi parit satu tembakan kedengaran di hadapan. Tembakan berkenaan kemudiannya dituruti pula oleh

tembakan lain yang berbunyi seperti bertih digoreng di samping bunyi letupan Grened. Di atas jalur bersama saya cuma ada seorang anggota sahaja. Bagi melihat TNI dan arah tembakan, saya naik ke atas dahan sebatang pokok tumbang. Dari atas dahan tumbang itu saya melihat masih terdapat anggota yang berada di belakang, lantas menjerit ke arah mereka supaya segera ke hadapan. Jeritan saya secara langsung mempelawa TNI mengarahkan tembakannya ke arah saya lalu saya terjun ke bawah dan tidak lagi dapat bergerak kerana telah menjadi sasaran TNI.

Selepas setengah jam berbalas-balas tembakan dengan penyusup barulah keadaan mulai reda. Sarjan Kasim datang kepada saya dan kami mengumpulkan anggota sebelum melakukan penggeledahan. Dalam penggeledahan yang dilakukan seorang TNI yang telah tidak bernyawa dijumpai, manakala seorang anggota platoon 8111 Prebet Salim bin Mohamad tercedera di bahu kirinya. Lapan beg galas yang penuh berisi bom tangan dan peluru di samping kelengkapan peribadi TNI turut dijumpai di tempat kejadian. Dua anggota ditugaskan mengiring anggota yang tercedera, manakala sebilangan lagi anggota ditugaskan membawa beg-beg galas TNI balik ke Sekolah Penarik. Saya dan anggota yang lain meneruskan penjejakkan hingga lewat senja dan bermalam setelah tidak lagi dapat berjalan. Kami berundur setelah tidak lagi dapat menjelajah penyusup.

Selepas menerima maklumat daripada seorang penduduk Kampung Sungai Pradin yang mengatakan sekumpulan TNI berada di rumahnya menunggu bekalan daripadanya, saya diarah oleh Kapten Raja Aman Shah menyerbu rumah berkenaan. Seorang tua Melayu keturunan Bugis diperkenalkan kepada saya dan dia bersetuju membawa saya ke rumahnya yang ketika itu terdapat lapan orang anggota TNI sedang menunggu bekalan daripadanya. Dengan dua buah trak platoon saya digerakkan dari markas taktikal kompeni ke Kampung Sungai Pradin. Trak dihentikan setelah lebih kurang sejam berjalan. Platoon turun kira-kira 800 meter daripada rumah yang dikatakan penyusup berada.

Kawasan tersebut secara keseluruhannya ditanami dengan getah di samping tanaman kontannya nenas dan pisang. Kedudukan rumah tersebut agak terpencil di hujung kampung di tepi sungai. Sarjan Kasim bersama satu seksyen saya tinggalkan sebagai kumpulan simpanan, manakala dua seksyen bersama saya bergerak ke hadapan membuat penggeledahan. Satu seksyen bergerak arah ke sebelah kiri rumah, manakala saya dan satu seksyen lagi mara ke arah sebelah kanan objektif. Kira-kira 400 meter dari objektif di sebelah kiri, saya mendengar satu tembakan dilepaskan.

Saya menjerit ke arah anggota dan bertanyakan kenapa mereka melepaskan tembakan. Mereka mengatakan melihat TNI berlari keluar dari rumah yang sedang kami serbu. Untuk tidak membuang masa saya menjerit mengarahkan anggota menyerbu ke arah rumah berkenaan. Walau bagaimanapun penyusup berjaya melepaskan diri setibanya kami di rumah

tersebut. Ketika membuat penggeledahan di sekitar kawasan tersebut saya menjumpai sebuah bot panjang yang separuh tenggelam. Kami diberitahu oleh orang tua yang memandu kami bahawa bot itulah yang dinaiki oleh TNI ketika datang ke rumahnya. Saya lantas memerintahkan anggota menimba air dari dalam bot berkenaan bagi memeriksa apa yang ada di dalamnya. Daripada bot berkenaan kami menjumpai banyak senjata dan peluru disembunyikan. Setelah mengumpulkan senjata dan peluru yang dijumpai saya mengatur anggota untuk melakukan penjejak.

Saya beranggapan kalaupun penyusup berjaya melepaskan diri, mereka tidak lari jauh dari kawasan berkenaan. Satu seksyen saya tugaskan menunggu senjata yang dijumpai. Satu seksyen bergerak arah ke hulu sungai, manakala satu seksyen lagi ke kuala sungai. Air sungai ketika itu sedang dalam keadaan pasang. Saya yang menyertai seksyen membuat penjejak arah ke hulu sungai, tiba-tiba mendengar sedas tembakan pistol. "Tuan! Ini ada satu!" Jerit Sarjan Mohd. Isa. "Ok, tapi tengok orang kita. Kalau bukan orang kita tembak!" Saya memerintahkan Sarjan Mohd. Isa. Tembakan kedengaran di kedudukan Sarjan Mohd. Isa. Saya mara ke hadapan untuk menyeberangi sungai yang luasnya kira-kira 10 ke 15 kaki lebarnya. Hanya Las Kopral Mohd. Zain sahaja berada bersama saya ketika itu. Saya mengarahkan Las Kopral Mohd. Zain memberi perlindungan ketika saya menyeberangi sungai dan saya akan melindunginya apabila saya sampai ke tebing sebelah kanan.

Ketika sedang menyeberangi sungai yang berlumpur dan airnya berada di paras bahu itu saya dengan tiba-tiba mendengar satu letupan grened yang dilemparkan ke arah saya oleh TNI dan tidak saya sedari arah datangnya. Grened tersebut tidak begitu berkesan kerana meletup dalam air yang berlumpur pekat. Setelah saya dan Las Kopral Mohd. Zain berada di tebing sebelah kanan saya memerintahkan Las Kopral Mohd Zain memandang arah ke sebelah kiri, sementara saya pergi memanggil anggota untuk segera menyeberang ke sebelah kanan. Saya merasa khuatir kerana saya dan Las Kopral Mohd. Zain sahaja berada di tebing sebelah kanan ketika itu.

Sedang saya menjerit memanggil anggota yang berada di tebing sebelah kiri supaya menyeberang ke sebelah kanan Las Kopral Mohd. Zain menjerit memanggil saya. "Tuan! Ada dia di sini" saya menoleh ke arah Las Kopral Mohd. Zain dan mendapati dia sedang bergumpal dengan seorang TNI yang berkain batik dan tidak bersenjata. "Tidak mengapa, tunggu" jawab saya sambil merapatinya dengan laras senjata yang telah sedia terhunus. Beberapa das tembakan saya lepaskan ke arah TNI yang sedang bergelut dengan Las Kopral Mohd. Zain. "Tuan! Jangan tembak saya! Jangan tembak saya," kata Las Kopral Mohd. Zain.

Setelah tubuhnya disinggahi oleh beberapa butir peluru dari tembakan saya, TNI akhirnya melepaskan gengamannya terhadap Las Kopral Mohd. Zain dan akhirnya menghembuskan nafasnya yang terakhir di situ. "Tuan, saya

kena,"kata Las Koperal Mohd. Zain sambil menunjukkan kakinya kepada saya. Tali jungle boat Las Koperal Mohd. Zain putus dan terbakar digaris oleh peluru dari tembakan saya. Beliau tidak mengalami sebarang kecederaan. Anggota platon saya yang lain sampai ke kedudukan kami. Saya mengarahkan mereka membawa mayat penyusup balik ke seberang sungai. Sewaktu mengumpul anggota, saya diberitahu bahawa empat lelaki bangsa Cina berjaya ditawan oleh seksyen saya ketika mereka sedang cuba menyembunyikan diri dalam belukar. Keempat-empat lelaki Cina berkenaan enggan bekerjasama apabila disoal selidik dan mereka diletakkan di bawah kawalan ketat oleh kumpulan anggota simpanan.

Pada masa yang sama, platon 3 pimpinan Leftenan Muda Hussein bin Supian (12327) sampai untuk memberi bantuan. Saya memberitahu Leftenan Muda Hussein agar pergi ke arah sebelah kiri di seberang sungai, manakala saya akan berada di sebelah kanannya. Lebih kurang setengah jam kami bergerak tembakan kedengaran. Dua TNI berjaya dibunuh oleh anggota kumpulan Leftenan Muda Hussein. Mayat kedua-dua TNI dikumpulkan bersama mayat TNI yang telah kami bunuh sebelumnya. Mayat keempat-empat penyusup yang dibunuh bersama empat tawanan serta kelengkapan persenjataan mereka dibawa balik ke markas taktikal kompeni sebelum diserahkan ke Balai Polis. Pasukan kembali ke Kluang selepas beberapa ketika beroperasi di Pontian.

Batalion diletakkan dalam keadaan bersedia di Kem Majidee apabila keadaan di Singapura menjadi tegang, tetapi kembali semula ke Kluang setelah keadaan menjadi tenang semula. Kompeni A digerakkan ke Labis, sekumpulan anggota Payung Terjun TNI diberitakan mendarat di Labis. Setelah menerima taklimat daripada Pegawai Perisikan Tentera di Balai Polis Labis, platon saya dan platon pimpinan Leftenan Muda Nik Zainin bin Nik Abdul Rahman (12372) diarah beroperasi di kawasan Tenang. Di tepi jalan di lereng bukit tempat kami berhenti kami melihat banyak kelongsong peluru bertaburan di tepi jalan. Dipercayai kelongsong peluru anggota Pasukan Polis Hutan yang dikatakan telah berada di situ pagi itu. Payung terjun bergantungan di atas pokok dan keadaan tersebut mengesahkan sangkaan saya bahawa TNI sememangnya telah mendarat di situ.

Berada di lereng bukit yang ditumbuhi oleh pokok getah tua terbiar tidak memungkinkan kami dapat melihat atau mencari TNI dengan baik dan berkesan. Sebelum kawasan tersebut boleh digeledah dengan berkesan, anggota mestilah terlebih dahulu berada di kemuncak bukit. Untuk itu saya membawa platon bergerak ke atas bukit sebelah kanan, manakala Leftenan Muda Nik Zainin membawa anggotanya dari arah sebelah kiri. Sedang kami mendongak bukit anggota saya melepaskan tembakan kerana melihat pergerakan TNI. Saya pergi kepada anggota yang melepaskan tembakan lalu bertukar senjata dengannya. Saya memberikan senjata MGK saya kepadanya dan mengambil senjata RIS

daripadanya. Pada jarak lebih kurang 200 elai arah ke bawah lereng saya melihat pergerakan manusia berjalan lalu saya melepaskan tembakan ke arah tersebut. Apabila penggeledahan dibuat di situ satu mayat TNI dijumpai dan beberapa beg galas mengandungi kelengkapan persendirian turut ditemui.

Kami diarahkan menunggu di situ hingga bantuan anjing pengesan didatangkan. Apabila anjing pengesan tiba lewat petang itu kami meneruskan penjejak. Setelah lebih kurang sejam meredahi belukar yang tebal pertempuran berlaku di hadapan. Saya bergeser ke hadapan melihat apa yang terjadi. Setibanya di hadapan saya mendapati pengendali anjing pengesan telah terbaring akibat tembakan penyusup. Seorang anggota platoon saya 10750 Prebet Wan Mohamad bin Wan Ali turut tercedera. Mayat anggota pengendali anjing pengesan dan anggota yang tercedera dikeluarkan, manakala penjejak diteruskan hingga lewat senja, tetapi TNI berjaya melepaskan diri. Kami beroperasi buat beberapa hari di situ sebelum dipanggil balik ke Kluang untuk membuat persiapan akhir sebelum berangkat ke Sibu. Saya mengambil alih kedudukan 4 RAMD di Song sebelum kemudiannya berpindah ke Bangkit.

Dari Sarawak saya kadang kala dikehendaki berulang alik ke Johor Bahru sebagai saksi perbicaraan kepada empat pemuda Cina yang pernah saya tawan di Kampung Sungai Pradin. Setibanya saya di Nanga Gaat dari Sibu, selepas menghadiri perbicaraan di Johor Bahru saya dipeluk oleh anggota kerani di Markas Kompeni sambil menangis. Saya bertanya kepada kerani mengapa dia menangis. Dia memaklumkan bahawa enam orang anggota kompeni terkorban akibat keimalangan helikopter pagi itu. Ketua Kompeni, Kapten Mohamad bin Kamaruddin (5945) mengarahkan saya pergi ke detasmen 845 Squadron Royal Marine Commando yang mempunyai pangkalan helikopternya berdekatan pangkalan kami bagi mendapatkan maklumat dan urusan menyelamat. Sebahagian daripada anggota yang terkorban adalah anggota platoon saya, saya turut merasa dukacita atas kehilangan mereka. Ketika pasukan bertugas di Sibu, saya diantar berkursus ke England dan sekembali daripada berkursus, batalion berada di Kluang.

Oleh kerana konfrontasi masih belum tamat dia menuruti kompeninya yang ketika itu di bawah pimpinan Mejuri Abu Hassan bin Bahar (2111), beroperasi di sekitar Pekan Nenas dan Benut sebelum bertukar menjadi Jurulatih MMTS, Port Dickson. Sebagai seorang Pegawai Tentera saya bersyukur kerana masih hidup dan mempunyai pengalaman, menembak dan ditembak TNI dalam pertempuran, ujar Brigadier Jeneral Abas. Ketika terlibat dalam era konfrontasi saya masih muda, baik dari segi usia maupun perkhidmatan dalam tentera. Perasaan kadang kala berani dan ada masanya pula takut sentiasa menguasai diri. Saya telah cuba melaksanakan tugas dengan sebaik yang saya boleh lakukan. Semangat untuk berjuang waktu itu terdorong dengan sendirinya kerana melibatkan soal hidup atau mati saya dan anggota.

Sebagai ketua, saya sentiasa menentukan tugas yang diamanah kepada saya dilaksanakan dengan sebaik-baiknya. Saya tidak pernah memikirkan soal ganjaran atau pengiktirafan serta apa orang lain patut dan perlu lakukan. Sekarang apabila kita telah tidak lagi berkonfrontasi dengan Indonesia tindakan memperkatakan hal-hal berkaitan konfrontasi sesuatu yang dianggap sensitif. Walau pun begitu untuk kita melupakannya begitu sahaja secara total saya kira tidaklah munasabah. Kerana banyak keringat, darah dan air mata di samping nyawa anggota dan panca indera perajurit tanah air yang terpaksa dikorbankan sepanjang negara berkonfrontasi dengan Indonesia. Saya melihat dengan mata kepala sendiri anggota saya yang hidup menjadi tidak bernyawa, sihat menjadi kurang upaya dan kesemuanya itu tidak pernah luput dalam memori hidup saya. Mungkin kerana telah terlalu lama saya tidak lagi mengingati nama anggota saya itu, namun setiap detik peristiwa yang pernah kami lalui bersama tetap segar dalam ingatan, tegas Brigedier Jeneral Abas.

## Bekas Pegawai Waran Dua Abdul Manap Sidek

Sebagai Sarjan Mejar Kompeni A 3307 Pegawai Waran Dua Abdul Manap bin Sidek terlibat secara langsung menentang penyusupan Gerila Indonesia dalam era Konfrontasi Malaysia - Indonesia di sekitar Pontian, Kukup, Pekan Nenas dan Labis. Kemudian bertugas menjaga ketenteraman awam ketika meletusnya pergaduhan kaum Melayu-Cina di Singapura. Tembakan kedengaran pada lebih kurang jam 10.00 malam di kedudukan kumpulan serang hendap seksyen Kompeni A yang diketuai oleh Koperal Yunus, cerita Bekas Pegawai Waran Dua Abdul Manap. Bersama dua orang pengiring, Sarjan Mejar Kompeni A, Beliau berkejar ke tempat kejadian dengan sebuah trak. Apabila sampai di tempat kejadian tembak-menembak sudah tidak kedengaran. Kira-kira 100 meter dari tempat kejadian Pegawai Waran Dua Abdul Manaf memanggil anggotanya sambil memaklumkan yang beliau akan datang ke kedudukan mereka.

Kebetulan bulan terang dan dengan sebab itu mudah baginya bersama dua anggotanya berlari menuruti jalan yang kelihatan agak jelas ke arah kumpulan Koperal Yunus membuat serang hendap. Setelah menemui anggotanya, beliau dimaklumkan bahawa Koperal Yunus berada di sebelah bawah lereng dan kemungkinan telah tercedera kerana dia tidak kedengaran bersuara. Saya mengarahkan dua anggota yang mengiringi saya balik ke markas taktikal untuk mendapatkan bantuan di samping memaklumkan kepada Ketua Kompeni, Kapten Raja Aman Shah bin Raja Shahar Shah (12053), cerita Bekas Pegawai Waran Dua Abdul Manaf. Saya turun ke bawah lereng mendapatkan Koperal Yunus. Saya melihat Koperal Yunus tidak lagi bergerak dan tidak juga memberikan sebarang reaksi apabila saya merapatinya.

Saya meriba Koperal Yunus yang sudah tidak bernafas dan apabila menyuluh mukanya dengan tiba-tiba sebutir bom dilemparkan ke arah saya. Entah bagaimana saya sempat mencapai bom berkenaan lalu melontarkannya semula ke arah TNI. Bom tersebut meletup di udara dan berbinar pandangan saya buat seketika. Apabila penglihatan saya kembali pulih saya melepaskan tembakan semburan dengan senjata MGK yang ada di tangan ke arah penyusup dan selepas itu melemparkan dua butir bom tangan ke arah mereka. Setelah memasukkan kelopak yang baru, saya bangun sambil meluru ke hadapan melepaskan tembakan rambang ke depan secara bersendirian seolah-olah tiada peluru yang boleh merebahkan saya.

Dalam suasana perasaan yang telah kehilangan kawalan itu, tiba-tiba saya terdengarkan suara anak saya memanggil-manggil saya. Secara tiba-tiba saya seolah-olah tersentak daripada suatu keadaan yang tidak sedar. Menyedari bahawa saya dalam bahaya, ketika itu sedang berada di atas sebuah jambatan kayu yang hampir runtuh dan terdedah menjadi sasaran tembakan penyusup lalu dengan serta-merta berundur semula ke belakang. Saya mendapatkan anggota lalu memerintahkan *Brend Gunner* melepaskan tembakan. Walau bagaimanapun penyusup langsung tidak membala tembakan kami. Apabila Ketua Kompeni dan anggota pengiringnya sampai, saya pergi mendapatkan Kapten Raja Aman Shah yang berada agak jauh dari tempat kejadian. Saya mengesyorkan kepada Kapten Raja Aman Shah agar beliau pergi mendapatkan bantuan daripada kumpulan Leftenan Muda Hussein.

Kapten Raja Aman Shah mengajak saya pergi bersama memanggil Leftenan Muda Hussein. Sekembalinya kami dari mendapatkan bantuan Leftenan Muda Hussein, saya membawa Kapten Raja Aman Shah ke tempat kejadian bagi mengeluarkan Koperal Yunus dari situ. Kapten Raja Aman Shah menuruti saya ke kedudukan serang hendap. Mayat Allahyarham Koperal Yunus, dibawa keluar dari tempat kejadian, dibawa balik ke Kluang malam itu juga, sebelum dihantar ke kampung halamannya di Kuala Kangsar untuk dikebumikan. Kami terus berada di tempat kejadian hingga pagi sebelum penggeledahan dapat dilakukan.

Penyusup melepaskan tembakan dengan hebatnya tanpa kami duga menjelang berakhirmnya subuh buat beberapa ketika. Kami terpaksa berlindung. Penyusup menembak dari seberang sungai di hadapan dan kami tidak membala tembakan berkenaan. Penyusup berhenti menembak dan akhirnya meninggalkan kedudukan mereka setelah hari siang. Apabila penggeledahan dilakukan di tempat kejadian pasukan menjumpai seorang lelaki Cina yang telah menjadi mayat dengan sebahagian daripada tubuhnya telah bersepai dimamah serpihan bom tangan. Beliau dipercayai sukarelawan Irian Barat berasal dari Malaysia yang bertindak sebagai pemandu kepada kumpulan gerila. Selain itu senjata, peluru dan Grenad juga banyak diperolehi di tempat

kejadian. Mayat dan peralatan persenjataan penyusup diserahkan kepada Balai Polis Pontian. Pegawai Waran Dua Abdul Manaf menyertai pasukannya bertugas di Sarawak dan Sabah dalam era konfrontasi sebelum bersara pada 13 Julai 1968.

## **Mejar Jeneral (Bersara) Dato' Mohamed Dahlan Sulaiman**

Selaku pegawai yang baru bertukar ke pasukan 6 RAMD, saya berjumpa dengan Ejutan, Kapten Abdul Rahman bin Hj. Mohd. Said (12094) untuk melaporkan diri kepada Pegawai Memerintah pada pagi 17 Ogos 1964, cerita Mejar Jeneral (Bersara) Dato' Mohamed Dahlan bin Sulaiman. Saya dimaklumkan oleh Kapten Abdul Rahman yang Leftenan Kolonel Mokhti bin Jabar (2533) tidak ada di pejabatnya. Pegawai Memerintah berada bersama anggota di markas taktikal pasukan di Pontian kerana gerila Indonesia diberitakan mendarat semalam. Saya diarahkan balik ke mes bersiap untuk pergi beroperasi di Pontian, cerita Mejar Jeneral (Bersara) Dato' Mohamed Dahlan bin Sulaiman lagi.

Batalion ke-6 RAMD yang kebanyakannya anggota tempurnya sedang bercuti terpaksa digerakkan ke Pontian. Batalion mendirikan markas taktikalnya di Balai Polis Pontian. Di peringkat awal operasi, tentera ditugaskan membantu pihak polis. Batalion mendirikan markas taktikal di balai polis dan anggota tentera dihantar ke kawasan yang diberitahu oleh pihak polis. Setelah melengkapkan diri dengan peralatan operasi saya melaporkan diri kepada Pegawai Memerintah di Pontian. Waktu saya tiba di Pontian, pasukan hanya mempunyai lebih kurang satu kompeni anggota sahaja. Saya diarah oleh pegawai memerintah mengetuai satu platoon campuran membuat rondaan petang itu di pantai bagi menjelak TNI yang dilaporkan mendarat pada awal pagi hari tersebut. Dalam rondaan yang saya lakukan dari pantai Pontian arah ke selatan hingga lewat petang tidak berjaya memperolehi sebarang hasil.

Bagi meneruskan gerakan yang semakin rancak, batalion terpaksa memanggil semua anggota yang sedang bercuti. Pengumuman dibuat melalui siaran radio bahawa kesemua anggota tentera yang sedang bercuti dikehendaki melaporkan diri segera ke pasukan masing-masing. Dua hari selepas itu, kesemua anggota kembali ke pasukan dan barulah batalion dapat berfungsi sebagai sebuah batalion. 6 RAMD kemudiannya berpindah dari Balai Polis Pontian ke Sekolah Inggeris Pontian, tetapi masih menempatkan markas taktikalnya di situ.

Kita agak beruntung kerana TNI yang mendarat tidak mengetahui arah tujuan mereka, kata Mejar Jeneral (Bersara) Dato' Dahlan. Menurut anggota TNI yang berjaya ditawan, mereka sebenarnya telah dipaksa datang ke Malaysia dan tertipu

oleh pemerintah mereka di Indonesia. Sebelum meninggalkan Indonesia mereka dimaklumkan bahawa di Malaysia mereka akan disambut oleh penduduk tempatan dan akan dipandu ke lokasi yang hendak dituju. Walau bagaimana pun mereka terkejut dan tidak tahu ke mana hendak dituju setelah mendarat di Malaysia. Dalam keadaan tersesat dan tidak mendapat kerjasama daripada penduduk setempat, mereka mudah terperangkap dan akhirnya ditawan.

Penduduk kampung yang didatangi oleh gerila Indonesia bagi mendapatkan bantuan melaporkan kehadiran gerila berkenaan kepada pasukan keselamatan. Gerila yang menyamar sebagai pekerja di ladang-ladang nanas juga turut dapat ditangkap dengan kerjasama pekerja tempatan. Kompeni A berjaya membunuh dua orang samping menawan lebih kurang satu seksyen anggota TNI dalam satu operasi. Selepas beroperasi di Pontian lebih kurang dua minggu 6 RAMD kembali ke Kluang dan tugas beroperasi diambil alih oleh 8 RAMD, terang Mejar Jeneral (Bersara) Dato' Mohamed Dahlhan.

### Bekas Pegawai Waran Dua Awaludin Kamoi

Ketika 3 RAMD bertugas di Tawau, Sabah Sarjan Awaludin bin Kamoi 2380 diarahkan oleh Pegawai Memerintah, Leftenan Kolonel Othman bin Rani (458) membawa dua buah *Assult Boat* pada pagi 28 Disember 1963 ke Kalabakan untuk kegunaan pengangkutan anggota di situ. Mereka menuruti *Bobsawyer* ke Kalabakan. Pada lebih kurang pukul 7.00 malam 29 Disember 1963 saya didatangi oleh runner platin yang memberitahu bahawa Mejar Zainol Abidin bin Yaacob (5415) hendak berjumpa dengan saya, terang Sarjan Awaludin. Saya pergi mendapatkan Mejar Zainol di tempatnya. Beliau bertanyakan sama ada saya mempunyai apa-apa masalah berkaitan dengan rondaan. Saya memaklumkan kepada Mejar Zainol bahawa saya menghadapi beberapa masalah dalam membuat tugas rondaan. Setelah berbincang dengan Mejar Zainol saya, kemudiannya diarah berjumpa dengan Leftenan Muda Raja Shaharudin bin Raja Rome (11709) di tempatnya.

Pada masa yang sama, Sarjan Ab. Aziz bin Meon 5237 dan kumpulannya tiba dari Berentian dan tidak lama kemudian Mr. Rees, Pengurus Bombay Timber Company datang membawa seorang lelaki bersenjata yang diperkenalkannya sebagai Sulaiman. Mr. Rees diarah oleh Leftenan Muda Raja Shaharudin berjumpa dengan Mejar Zainol. Ketika saya sedang bercakap dengan Leftenan Muda Raja Shaharudin, Sarjan Ab. Aziz memberi perintah *stand to*. Sarjan Ab. Aziz memberitahu Leftenan Muda Raja Shaharudin yang pengawal melihat beberapa orang bergerak dalam semak di belakang rumah lama. Dengan serta-merta satu tembakan kedengaran dilepaskan ke arah semak di belakang rumah. Rumah yang kami diami dengan serta-merta ditembak dengan bertubi-tubi. Serentak

dengan itu juga bekalan elektrik terputus dan keadaan menjadi gelap-gelita. Saya segera keluar melalui pintu besar dan mendapati dua anggota dalam keadaan ketakutan berdekatan dengan pintu lalu menarik mereka ke bawah.

Saya mengambil perlindungan di bawah tangga di hadapan rumah. Dari situ saya melihat tembakan yang bertubi-tubi diarahkan ke kedudukan kami, arah sebelah kanan pejabat Kalabakan. Saya kemudiannya terus melepaskan tembakan dengan senjata MGK ke arah berkenaan. Las Koperal Osman bin Darus (9894) yang berada berdekatan dengan saya tercedera lalu saya mengambil senjata RIS kepunyaannya dan memberikan senjata MGK saya kepadanya. Saya juga turut meminta bom tangan daripadanya dan beliau memberikan dua butir kepada saya. Kedua-dua bom tersebut saya lemparkan ke arah penyusup. Saya kemudiannya melihat empat lelaki keluar dari dalam rumah seorang demi seorang.

Saya tidak melepaskan tembakan ke arah mereka, kerana takut ianya adalah anggota saya sendiri. Apabila meneliti lelaki yang kedua saya mendapati dia memakai kasut kulit hutan dan kedengaran bertutur dalam loghat Indonesia, maka yakinlah saya bahawa dia adalah TNI lalu terus melepaskan tembakan ke arahnya. Saya melihat penyusup tersebut jatuh. Saya juga turut menembak dua lelaki di belakangnya dan salah seorang daripadanya telah melepaskan satu tembakan semburan dengan senjata automatik ke arah saya. Tembak-menembak berterusan. Saya ada mendengar Lettenan Muda Raja Shaharudin memerintahkan supaya anggota tidak melepaskan tembakan kecuali mereka melihat musuh.

Tembak-menembak berhenti kira-kira jam 11.00 malam. Saya kemudiannya merangkak ke kubu Lettenan Muda Raja Shaharudin. Pada lebih kurang jam 8.00 pagi 30 Disember 1963, Sulaiman datang sekali lagi ke perkhemahan kami. Saya memeriksa senjatanya dan mendapati senjata tersebut telah digunakan. Beberapa kelongsong kosong juga turut dilihat terselit pada tali pinggangnya. Saya melaporkan hal itu kepada Lettenan Muda Raja Shaharudin. Sulaiman diserahkan kepada pihak polis oleh Lettenan Muda Raja Shaharudin. Pegawai Memerintah dan Pegawai Perubatan Pasukan kemudiannya sampai ke tempat kejadian pada lebih kurang pukul 9.00 pagi dengan sebuah helikopter. Mayat dan sebilangan anggota yang tercedera kemudiannya diterbangkan ke Tawau. Saya yang tercedera di kaki dan paha kemudiannya balik ke Tawau dengan *Bobsawyer* dan *Assult Boat*. Pada keseluruhan Pegawai Waran Dua Awaluddin, selaku Kompeni Sarjan Mejor Jurulatih 3 RAMD berkata bahawa anggota bertindak baik dalam menentang serangan pihak penyusup.

## Mejar Jeneral (Bersara) Dato' Othman Ibrahim

Menurut bekas Pegawai Memerintah 8 RAMD, Mejar Jeneral (Bersara) Dato' Othman bin Ibrahim, pasukannya digerakkan ke Sandakan Sabah dari Kem Tapah bagi menentang pencerobohan Indonesia di Sabah. Batalion yang sedang dalam penerangan balik ke Semenanjung setelah menamatkan tugas di Sandakan bagi mengambil alih Kem Taiping diturunkan di Singapura akibat tercetusnya percaduhan kaum Melayu-Cina yang didalangi oleh agen Indonesia di pulau berkenaan. Batalion ditempatkan di Kem Ulu Pandan dan ditugaskan menjaga antara lain, China Town, Queens Town dan Hong Leong Green. Oleh sebab kesemua anggota pasukan tidak mengetahui selok-belok jalan dan kawasan di Singapura, saya meminta sedikit masa sebelum dapat menggerakkan anggota daripada Pemerintah Briged ke-4, Brigadier Mohammed Noor bin Hj. Tamin. Saya mencadangkan agar pasukan yang sedang beroperasi di Pontian ditarik keluar untuk menjaga ketenteraman awam di Singapura dan Pontian diambil alih oleh 8 RAMD, cerita Mejar Jeneral (Bersara) Dato' Othman.

Brigadier Mohammed Noor tidak mahu 8 RAMD beroperasi di Pontian kerana batalion baru sahaja beroperasi di Sabah dan dengan itu memberikan kebenaran kepada pasukan menyesuaikan diri sebelum ditugaskan sepenuhnya di Singapura. Setelah keadaan kembali pulih di Singapura, 8 RAMD mula ditugaskan beroperasi di kawasan Pontian bagi menjelajah kumpulan Benut. Untuk tujuan tersebut batalion menjalankan rondaan intensif di setiap kawasan tanggungjawab dan anggota boleh berada di mana sahaja di kawasan tanggungjawab dalam masa yang singkat. Dalam satu kejadian seorang lelaki Cina yang membekalkan makanan kepada kumpulan Benut ditawan dalam satu operasi. Beliau yang pada mulanya enggan memberikan sebarang maklumat akhirnya memberitahu kedudukan pangkalan kumpulan Benut kepada pihak Cawangan Khas Polis.

Melalui maklumat yang diberikan saya mendapati perkhemahan tersebut berada dalam kawasan tanggungjawab 1 Royal New Zealand Infantry Regiment (1 RNZIR). Saya meminta agar 8 RAMD diberikan kebenaran memasuki kawasan berkenaan dalam mesyuarat keselamatan negeri yang turut dihadiri oleh Brigadier Mohammed Noor. Pemerintah Briged ke-4 tidak membentarkan pasukan saya memasuki kawasan berkenaan kerana dikhuatiri akan merosakkan hubungan dengan pasukan 1 RNZIR. Saya dimarahi oleh Brigadier Mohammed Noor kerana mahu menarik keluar batalion dari kawasan operasi setelah tidak diberikan kawasan yang dikehendaki, tetapi akhirnya menyedari akan ketidakrasionalan tindakan saya itu.

Pegawai Memerintah 1 RNZIR, Lieutenant Colonel John Gur merancang untuk mengebom kawasan berkenaan setelah kawasan terlibat siap dikepung. Pasukan 1 RNZIR membuat kepungan separuh bulatan dari dalam hutan hingga

ke pergigian hutan, manakala 8 RAMD membuat kepungan separuh bulatan dari pergigian hutan hingga ke kawasan pantai. Penyusup berpecah untuk menyelamatkan diri dari pengeboman oleh Royal Air Force menuju ke arah pantai. Kebanyakannya penyusup ditawan dan sebilangannya menyerah diri kepada penduduk kampung, manakala sebilangan lagi terbunuh. Batalion kembali ke Singapura setelah berjaya menghapuskan kumpulan Benut, ujar Mejaz Jeneral (Bersara) Dato' Othman.

## Kolonel (Bersara) Abd. Malek Alwi

Peta-peta kawasan negeri Sabah yang diberikan kepada ketua-ketua platoon yang keluar membuat rondaan jauh sebahagiannya masih kosong tidak mempunyai sebarang tanda kerana kawasan berkenaan masih belum disukat. Kemahiran Pegawai Tidak Tauliah dan anggota banyak membantu para pegawai muda ketika terpaksa meronda ke kawasan yang belum bersukat. Leftenan Muda Abd. Malek @ Saidi bin Mohd. Alwi (12267) salah seorang ketua platoon Kompeni B 8 RAMD dalam satu rondaan jauh sampai ke satu perkampungan di pesisiran Sungai Kinabatangan. Mereka adalah anggota tentera pertama pernah ditemui oleh orang kampung tersebut.

Platon saya akhirnya berkhemah dalam satu kawasan ladang kelapa sawit. Pengurus ladang tersebut, seorang Inggeris dan tinggal di kawasan berkenaan. Beliau yang merasai dirinya terancam, terlalu amat gembira dengan kedatangan platoon RAMD ke ladangnya. Makan minum keseluruhan anggota platoon ditanggung oleh pengurus berkenaan dan dia memberi jaminan untuk terus membiayai perbelanjaan makan minum biar berapa lama pun platoon hendak berada di ladangnya. Misi pasukan yang sedang beroperasi kadang kala berubah dengan serta-merta apabila terdapatnya laporan mengenai kegiatan lanun. Daripada mencari dan menghapuskan penyusup kepada mencari dan menangkap lanun.

Selain beroperasi di kawasan Sandakan pasukan turut dikehendaki berada di Tawau dan Sebatik. Kompeni secara bergilir-gilir digerakkan dengan kapal terbang dan kapal laut dari Sandakan ke Tawau sebelum diantar ke Sebatik menaiki bot. Di Sebatik, Kompeni A 8 RAMD diletakkan di bawah perintah 3 RAMD. Kompeni menempatkan platunnya di Sungai Melayu, Sungai Limau dan Bergosong. Kompeni ditugaskan menjaga kawasan sempadan daripada pencerobohan TNI. Anggota dibangunkan lebih kurang jam 5.00 pagi dan dengan berpakaian tempur masuk ke dalam kubu untuk *stand to* hingga hari siang sebagai persediaan menghadapi kemungkinan serangan TNI.

Selepas bersarapan pada setiap hari, anggota diantar meronda kawasan dan pulang lewat petang. Mulai jam 6.00 petang, anggota masuk ke dalam kubu dan berada di situ hingga jam 9.00 malam untuk *stand to*. Ketua Platoon

dan anggotanya turut bergerak waktu malam pada masa-masa diperlukan. Kesemuanya itu dilakukan setiap hari bagi menentukan keselamatan anggota dan pangkalan di samping memastikan tidak ada pencerobohan berlaku di sekitar kawasan tanggungjawab. Selaku seorang Ketua Platon Kompeni B di Sebatik, cerita Kolonel (Bersara) Abd. Malek, platunnya ditempatkan di Bergosong. Dua laras meriam diletakkan di bawah perintahnya dan beliau terpaksa merancang rancangan tembakan mengharu pada setiap malam. Sebagai seorang pegawai muda tanggungjawab tersebut amatlah berat tetapi berjaya dilaksanakan dengan jayanya. Dalam usaha untuk mengetahui kegiatan dan pergerakan TNI, pasukan turut mengintip perhubungan radio pihak TNI di samping cuba mengganggu perhubungan mereka. Penyusup juga dipercayai melakukan perbuatan yang sama. Di Semporna, Kompeni A menduduki tempat Kompeni B di Sungai Berangan.

Setelah beroperasi di Semporna buat beberapa ketika barulah kembali ke Sandakan. Batalion berpindah ke Singapura dari Sandakan. Di Singapura 8 RAMD menduduki Kem Ulu Pandan. Sewaktu berlakunya rusuhan kaum Melayu-Cina di Singapura 8 RAMD dipertanggungjawabkan menjaga ketenteraman awam di kawasan tengah Singapura. Untuk itu, batalion mendirikan markas taktikalnya di Central Polis Station. Singapura hinggalah keadaan kembali tenang. Apabila sembilan anggota 2 SIR terbunuh dalam satu pertempuran dengan TNI di Johor, Kompeni B 8 RAMD pimpinan Mejar Sabaruddin bin Sulaiman (12079) dikejarkan ke lokasi berkenaan.

Satu pertempuran berlaku antara TNI dengan anggota platon pimpinan Leftenan Muda Abd. Malek. Tiada anggota platon yang tercedera atau terkorban. Penyusup meninggalkan kedudukan mereka. Lapan beg galas berlogo RPKAD berisi pakaian dan sedikit makanan dijumpai di tempat kejadian. Mengesyaki bahawa penyusup pasti akan kembali ke perkhemahan mereka bagi mengambil makanan dan pakaian, Leftenan Muda Abd. Malek lantas membuat serang hendap di kedudukan tersebut. Lewat tengah hari, ketika anggota platon sedang berada dalam kedudukan serang hendap mereka melihat pergerakan sekumpulan manusia dalam belukar menuju ke arah mereka.

Anggota brengan yang berada di sebelahnya mengesyorkan kepada Leftenan Muda Abd. Malek agar mereka melepaskan tembakan, namun Leftenan Muda Abd. Malek memerintahkan anggotanya agar jangan melepaskan tembakan sebelum melihat musuh dengan jelas. Arahan Leftenan Muda Abd. Malek dan disiplin anggotanya telah menyelamatkan nyawa Mejar Sabaruddin dan kumpulannya. Pergerakan yang pada mulanya disangkakan penyusup sebenarnya kumpulan ketua kompeni yang datang untuk memberi bantuan kerana perhubungan radio gagal dilakukan. Leftenan Muda Abd. Malek ketika ditemui oleh Brigedier Jeneral Ibrahim bin Ismail (1948) di markas taktikal kompeni selepas itu dimarahi kerana gagal membunuh TNI dalam pertempuran berkenaan.

Ekoran daripada maklumat terdapatnya pendaratan TNI di Benut, Johor 8 RAMD digerakkan ke Benut pula. Batalion mendirikan markas taktikalnya di Balai Polis Pontian Kechil bagi melancarkan operasi memburu TNI di sekitar Benut. Pasukan dikerahkan beroperasi di Benut bagi menghapuskan kumpulan 45 orang anggota TNI. Penyusup yang dikenali sebagai Benut Group itu akhirnya berpecah menjadi kumpulan-kumpulan kecil setelah beberapa kali bertempur dengan Pasukan Keselamatan. Penyusup yang diburu sebagiannya dapat dibunuh dan ditawan, manakala sebilangan kecil berjaya melepaskan diri.

Penyusup yang berjaya melepaskan diri ke tepi laut menggunakan perahu-perahu kecil sebagai kenaikan dan rangkaian buah kelapa sebagai pelampung untuk berenang ke Pulau Pisang sebelum balik ke Sumatera. Menurut Kolonel (Bersara) Abd. Malek ketika membuat penjejakkan terhadap Benut Group dia dan anggota platunnya pernah pada suatu ketika meranduk selut cair hingga di paras pinggang dalam kawasan hutan bakau. Ketika membuat penjejakkan meranduk seluruh dalam hutan bakau menghalau ke tepi laut mereka akhirnya terperangkap oleh air pasang dan tidak dapat berundur semula ke belakang. Bagi menyelamatkan nyawa, anggota memanjat dan duduk di atas dahan bakau sementara menunggu diselamatkan dalam keadaan kesejukan, kelaparan dan keletihan. Mereka yang dilihat oleh anggota TLDM yang sedang meronda masing-masing cemas apabila kapal menghalau laras senjatanya ke arah mereka kerana menyangka mereka adalah anggota TNI. Setelah Lettenan Muda Abd. Malek memberikan isyarat bahawa mereka adalah pasukan sahabat yang sedang dalam kesukaran barulah kapal berkenaan beredar meninggalkan mereka. Helikopter kemudiannya mengeluarkan sebahagian daripada mereka dari kawasan berkenaan melalui wingching, manakala sebahagian lagi dikeluarkan dengan bot.

Beliau, cerita Kolonel (Bersara) Abd. Malek melihat sendiri perahu yang dinaiki oleh anggota Benut Group yang berjaya melepaskan diri diterbalikkan oleh ombak di tengah laut dan mereka dipercayai sukar untuk menyelamatkan diri. Secara keseluruhannya kesemua anggota Benut Group berjaya dibunuh dan ditawan, manakala sebilangan kecil berkemungkinan mati di Laut Selat Melaka ketika cuba melintasi selat berkenaan bagi melepaskan diri dari buruan Pasukan Keselamatan Malaysia. Selain itu, batalion turut berjaya menawan 20 anggota Malaysian Merine Commando yang didatangkan dari Indonesia hasil maklumat orang ramai dan pihak polis ketika beroperasi di Pontian Kechil.

Setelah berjaya menamatkan ancaman Benut Group pasukan kembali ke Kem Ulu Pandan. Lettenan Kolonel Mohammed Sany bin Abd. Ghafar (5019) mengambil alih teraju pemerintahan daripada Lettenan Kolonel Othman bin Ibrahim (5018) setelah pasukan menamatkan operasi di Benut. Batalion kemudiannya diperintah oleh Lettenan Kolonel Jaafar bin Sidek (5022) dan buat kali keduanya dihantar bertugas ke Sabah. Kali ini pasukan ditugaskan di Tawau. Sewaktu batalion di Tawau kompeni-kompeni ditempatkan di Tawau, Wallas Bay, Simpang Tiga dan Sungai Melayu.

Secara keseluruhannya pasukan menggunakan bot dalam menggerakkan anggota dan penghantaran bekalan kepada subunit di kawasan tanggungjawab. Keadaan enjin bot, cuaca dan pasang surut air kadangkala turut mencemaskan keadaan. Pernah berlaku kejadian di mana enjin bot yang sedang membawa anggota rosak dalam perjalanan dan bot berkenaan dihanyutkan arus ke kawasan TNI. Anggota yang sedang terumbang-ambing di laut tanpa sebarang perlindungan dibedil oleh tembakan mortar TNI. Beberapa kejayaan telah diperolehi sepanjang bertugas di Tawau.

Bagi Kolonel (Bersara) Abd. Malek, tiada pengalaman berperang diperolehinya. Sebagai pegawai muda setiap yang dilalui menambahkan pengalaman yang begitu tinggi nilainya. Pegawai muda sejak awal telah dilatih menerima tanggungjawab dan membuat keputusan. Mereka didenda dan dimarahi apabila salah membuat keputusan. Akan tetapi, apabila melibatkan pihak awam pegawai atasan sentiasa bersedia memikul tanggungjawab dan melindungi jika mereka salah dalam membuat keputusan. Oleh sebab itu mereka tidak takut membuat keputusan pada setiap misi yang dipertanggungjawabkan.

Peluang bercampur dan melaksanakan tugas bersama dengan anggota Tentera British turut mendedahkan mereka kepada suatu yang baik dan baru. Kompeni B ketika mengambil alih tugas Kompeni A di Kunak dibawa dengan Kapal Perang Tentera Laut British dari Semporna. Anggota diletakkan dalam keadaan menunggu buat beberapa ketika sebelum dinaikkan ke kapal akibat kelemahan pentadbiran. Keften kapal tersebut agak kurang senang dengan perancangan pergerakan 8 RAMD ketika itu, lantas memanggil Kapten Shah Mohammed Amin bin Mohd. Salleh (12090) selaku ketua Kompeni B lalu berkata, *You cannot keep men of war waiting*. Dari segi bekalan dia tidak dapat melupakan satu peristiwa apabila hampir keseluruhan anggota platonnya termasuk beliau sendiri mendapat penyakit dengan tiba-tiba sejurus selepas makan malam. Anggota rupa-rupanya telah memasak dengan minyak masak bercampur ubat DDT yang dipesan bagi tujuan membunuh nyamuk, cerita Kolonel (Bersara) Abd. Malek.

### Mejar Jeneral Dato' Abdul Shukor Jaafar

Menurut Mejar Jeneral Dato' Abdul Shukor bin Hj. Jaafar (12275), di Singapura 8 RAMD terlibat dalam operasi mengawal ketenteraman awam akibat pergaduhan kaum Melayu-Cina. Selain menguatkuasakan perintah berkurung pasukan menjalankan rondaan bagi mengelakkan daripada berlakunya rusuhan dan pergaduhan. Setelah keadaan kembali tenteram batalion diletakkan dalam keadaan siap sedia menghadapi anggota bersenjata Indonesia yang menyusup ke Johor. Batalion selepas itu digerakkan ke Benut dan Batu Pahat ditugaskan

meronda di kawasan pantai bagi memerangkap anggota kumpulan Benut yang dikatakan cuba untuk kembali ke Indonesia.

Saya pernah ditugaskan mengetuai satu platoon campuran Kompeni A bagi digerakkan dengan serta-merta ke satu kawasan bakau di tepi pantai selepas satu platoon dari Kompeni C bertempur dengan sekumpulan TNI. Ketika dalam perjalanan saya berjumpa dengan platoon Kompeni C yang bertempur dan telah pun berjaya membunuh seorang TNI. Walaupun tidak membawa sebarang bekalan dan hari telah pun mulai gelap kami tetap meneruskan penjejakan. Kami bermalam di pinggir kampung mengelakkan daripada bahaya bermalam dalam hutan bakau. Keesokan paginya, sebelum matahari menyinar saya dan anggota telah pun memulakan rondaan ke tepi pantai.

Melalui pencari kayu bakau yang ditemui saya diberitahu bahawa memang ada anggota bersenjata Indonesia di kawasan tersebut. Saya membuat keputusan mengadakan dua serang hendap di dua lokasi yang disyaki. Sedang saya mencari kedudukan serang hendap bersama dua anggota, kami ternampak tiga ke empat orang Indonesia lalu, peninjau hadapan melepaskan tembakan. Penyusup melarikan diri. Saya mengumpulkan anggota untuk meneruskan penjejakan, tetapi tidak jauh dapat dilakukan kerana air telah mulai pasang dan berada di bawah lutut. Saya berundur bersama anggota ke kampung berdekatan dan dimaklumkan bahawa enam TNI telah menyerah diri kepada orang kampung beberapa minit sebelum itu. Saya membawa pulang platoon balik ke markas taktikal.

Kompeni C pimpinan Mejar Rijaluddin bin Mohd. Salim (5058) diterbangkan dari Kem Ulu Pandan ke padang Majlis Bandaran Kota Tinggi ekoran terdapatnya maklumat mengenai pendaratan Indonesia di Kota Tinggi. Kompeni C diletakkan di bawah perintah 2 Singapore Infantry Regiment. Kompeni C diterbangkan dari Kota Tinggi ke kawasan berhampiran Kangkar Lok Heng dan diarah membuat sapuan arah ke Pantai Tanjung Balau dari kawasan Kangkar Lok Heng. Saya mengambil masa enam hari berjalan kaki meredah hutan dan belukar, setelah diturunkan dari helikopter untuk tiba di tempat permulaan membuat sapuan.

Selepas lima hari platoon telah pun menghampiri kawasan pantai dan perhubungan radio mulai terputus. Saya menghantar dua kumpulan ronda membuat rondaan pada awal pagi hari kelima. Seorang koperal, ketua salah satu kumpulan ronda kembali ke pangkalan kira-kira pukul 10.00 pagi memaklumkan kepada saya bahawa kumpulannya menjumpai satu pondok kecil di tepi pantai. Terdapat seorang Cina tua tinggal di situ. Penghuni pondok berkenaan memberitahu ada sekumpulan orang bersenjata Indonesia meninggalkan pakaian mereka yang basah di situ dan sedang menuju ke Tanjung Balau. Enam pasang uniform hijau yang basah dibawa balik ke pangkalan.

Saya mengambil keputusan untuk membuat penjejakan melalui kawasan pantai, walaupun tidak berpeluang memaklumkan kepada ketua kompeni. Kami

tiba di kawasan Tanjung Balau kira-kira pukul 6.00 petang dalam hujan yang lebat dan belum pun berkesempatan untuk makan pada hari itu. Lebih kurang 400 meter dari tepi laut, saya menerima isyarat berhenti dan dipanggil ke hadapan oleh peninjau hadapan. Daripada celahan daun-daun pokok yang melindungi kami saya melihat sebuah bot tersadai dan beberapa orang sedang menaiki bot berkenaan. Dengan serta-merta saya memberi isyarat memanggil ketua-ketua seksyen ke hadapan bagi memaklumkan rancangan saya untuk menyerbu penyusup.

Seksyen saya arahkan membentuk barisan melintang menghala ke pantai dan menyerbu musuh dalam bot setelah menerima isyarat daripada saya. Dalam masa kira-kira 10 minit anggota mengambil kedudukan bot yang sebelumnya tersadai telah bergerak hampir 100 meter dari tepi pantai. Saya menjerit memerintahkan penyusup berbalik ke tepi pantai dan menyerah diri. Mendengar arahan tersebut beberapa orang dari mereka terjun ke dalam laut dan kami melepaskan tembakan ke arah bot. Tembakan dihentikan setelah tiada TNI dilihat di dalam bot yang hampir hancur itu. Penyusup dilihat tenggelam timbul di sekeliling bot.

Mereka saya arahkan bergerak ke pantai untuk menyerah diri dan tidak akan diapa-apakan. Seorang demi seorang TNI datang menyerah diri dalam suasana yang telah hampir gelap. Pada pukul 9.00 malam, tiga mayat diperolehi, 10 ditawan dan empat darinya tercedera. Kami bermalam di situ dan keesokan paginya menghantar satu kumpulan ronda ke Kampung Sedeli Besar bagi membuat laporan ke balai polis dan seterusnya berhubung dengan markas batalion. Sebuah helikopter datang ke lokasi kejadian bagi mengambil mayat dan tawanan. Saya diarah membuat laporan ke Markas 2 Singapore Infantry Regiment sebelum pulang semula ke Singapura, cerita Mejaz Jeneral Dato' Abdul Shukor.

Batalion 8 RAMD bertugas di sekitar Tawau adalah kali kedua pasukan itu bertugas di Sabah dalam era konfrontasi. Batalion menggantikan 1 Singapore Infantry Regiment dan diperintah oleh Leftenan Kolonel Jaafar. Markas taktikal batalion didirikan di Wallace Bay, Sebatik. Kompeni ditempatkan di Tawau, Simpang Tiga dan Sungai Melayu. Kompeni C kata Mejaz Jeneral Dato' Abdul Shukor ditugaskan di Simpang Tiga dan bertanggungjawab mengawasi Mentadak yang terletak kira-kira 500 ela dari sempadan Indonesia. Dua platon berada di Simpang Tiga, manakala satu platon ditempatkan di Mentadak secara bergilir-gilir.

Di Mentadak platon diarahkan membuat rondaan, pos pemerhati dan serang hendap malam di laluan yang difikirkan akan digunakan oleh TNI untuk menyeludup masuk. Platon pimpinan Leftenan Muda Mansor bin Harun (12408) pernah diserang oleh satu seksyen TNI pada suatu subuh. Oleh sebab platon berada dalam keadaan pertahanan yang cukup baik dan sentiasa berwaspada, maka satu pertempuran hebat telah berlaku. Penyusup akhirnya berundur dengan meninggalkan seorang rakan yang telah tidak lagi bernyawa, manakala pasukan

tidak mengalami sebarang kemalangan. Kesemua penempatan kompeni menjadi sasaran tembakan meriam dan mortar TNI.

Keadaan kadang kala menyerupai perperangan konvensional. Melalui rondaan yang dilakukan kami mendapati TNI menanam periuk api di kawasan perbatasan bagi memerangkap musuhnya. Sebagai tindak balas kita juga melakukan perbuatan yang sama melalui satu operasi khas. Saya pernah ditugaskan mengetuai satu platun yang turut disertai oleh Lettu Muda Meor Omar Baki bin Hj. Abdul Latiph (400528), bagi menanam periuk api bersama seorang pakar bom, dari Kor Ordnans, Kapten Pritam Singh Ball (200121) di kawasan Indonesia, cerita Mejor Jeneral Dato' Abdul Shukor.

Kami mengambil masa lebih kurang lima jam untuk masuk ke kawasan Indonesia dari pangkalan platun di Mentadak. Memandangkan risiko yang begitu tinggi pergerakan dilakukan dengan begitu teliti dan melalui jalan yang boleh mengelirukan TNI. Platun tiba kira-kira pukul 5.00 petang dan telah berjaya mengesan beberapa periuk api TNI. Setelah menentukan kawasan tersebut terkawal barulah kerja-kerja menanam periuk api kita dilakukan oleh Kapten Pritam bersama anggotanya. Periuk api dipasang di laluan yang berkemungkinan akan diikuti oleh TNI. Kerja-kerja tersebut selesai dilakukan kira-kira jam 6.30 petang dan platun berundur balik ke pangkalan di Mentadak dalam suasana yang hampir gelap.

Keesokan harinya kami mendengar satu letupan yang kuat di kawasan yang telah kami tanami dengan periuk api. Melalui maklumat yang diperolehi terdapat TNI yang terkorban dalam kejadian tersebut. Dari Tawau 8 RAMD kembali ke Tapah sebelum ditugaskan Ke Serian, Sarawak pada awal 1966 menggantikan Batalion 10 Queen Own Buffs. Ketika itu TNI tidak lagi menjadi ancaman kepada pasukan keselamatan Malaysia. Ancaman kini didatangkan oleh Anggota bersenjata Parti Komunis Kalimantan Utara.

## Bekas Sarjan Hussein Radzuan

Sewaktu beroperasi di kawasan Sungai Limau, Pulau Sebatik pada November 1965, saya ketika itu berpangkat Koperal diarah oleh ketua Kompeni B 8 RAMD membuat serang hendap malam, cerita Bekas Sarjan Hussein bin Radzuan. Bersama tujuh orang anggota sekannya dia meninggalkan pangkalan dan mengambil satu kedudukan untuk melakukan serang hendap. Tiga orang anggota TNI berjalan dalam jarak yang agak jauh antara satu dengan lain masuk ke kawasan serang hendap pada jam 8.15 malam. Ketika TNI yang pertama berada kira-kira tiga kaki di hadapan saya, rakan yang berada di belakangnya masih belum memasuki kawasan bunuh serang hendap kami, cerita Bekas Sarjan Hussein. Bagi mengelakkan kesemua TNI terlepas Sarjan Hussein terpaksa melepaskan tembakan

ke arah TNI di hadapannya. Pertempuran berlaku buat beberapa ketika. Radio set yang dibawa hanya boleh menerima dan tidak boleh digunakan bagi menghantar maklumat. Sarjan Hussein dan anggotanya terus berada di kedudukan mereka sehingga pagi. Selain dari mayat seorang anggota TNI yang lengkap bersenjata, banyak kesan-kesan darah dijumpai di sekitar tempat kejadian apabila penggeledahan dilakukan.

Platun saya iaitu Platun 6 di bawah pimpinan Leftenan Muda Anoar Ibrahim bin Mohd. Noor (12413) ditugaskan di Simpang Tiga, Pulau Sebatik. Platun pada setiap malam diperintahkan oleh Leftenan Muda Anoar melakukan serang hendap kira-kira 100 elai di hadapan pos sentri. Sentri akan mengambil tempatnya di pos apabila kumpulan serang hendap berundur, iaitu setelah hari siang. Prebet A. Sani bin Abdullah (601899) saya peringatkan agar mengambil tempat di bawah sebatang pokok yang dapat melindunginya daripada pandangan penyusup, di samping boleh memerhati kedudukan pos sentri. Dari sebalik perlindungannya Prebet Ahmad Sani melihat tiga orang TNI merangkak ke arah pos sentri. Dengan tidak berlengah-lengah dia melepaskan tembakan ke arah penyusup sebelum berundur ke dalam perkhemahan. Apabila penggeledahan dilakukan mayat seorang Sarjan TNI dijumpai.

## Kolonel (Bersara) Ismail Salleh

Ketika Kompeni A 8 RAMD ditugaskan di Sebatik, anggota platun pimpinan Leftenan Muda Ismail bin Salleh (12171) dalam satu rondaan menjumpai bangkai manusia dipercayai anggota KKO yang terkorban akibat bertempur dengan anggota pasukan 3 RAMD sebelum itu. Tengkorak anggota KKO tersebut dibawa balik ke perkhemahan dan diletakkan di atas pokok berhampiran khemah Ketua Kompeni A, Mejai Mohd. Nahu Jury bin Abdul Latif (12008). Setelah lebih kurang sebulan di Sebatik, Kompeni A digantikan oleh Kompeni B yang didatangkan daripada Semporna. Kompeni A digerakkan ke Semporna dengan menaiki kapal perang Tentera Laut British menggantikan Kompeni B.

Sebagai seorang pegawai muda yang tidak berpengalaman, segala yang dialami adalah baru dan pengalaman pertama, ujar Kolonel (Bersara) Ismail. Beroperasi bersama pasukan Tentera British yang keseluruhan anggotanya telah berpengalaman dan pernah berperang adalah pengalaman yang sukar dilupakan. Kita tidak boleh menyembunyikan kebenaran kerana ia akhirnya akan terserlah juga. Apa yang berlaku telah pun terjadi dan berlalu. Ianya telah menjadi sebahagian daripada sejarah negara. Soal siapa yang menang atau kalah sekarang tidak timbul. Sebenarnya dengan mengetahui apa yang pernah terjadi boleh mengelakkan gejala yang serupa diulangi.

Sekiranya kebenaran disembunyikan, masyarakat beranggapan yang salah itu benar dan kita mungkin mengulangi perkara yang sama. Kita tidak harus sensitif mengenainya. Sebaliknya kita haruslah lebih praktikal dalam membicarakannya. Sebagaimana yang kita sedia maklum konfrontasi Indonesia-Malaysia bukanlah konfrontasi antara rakyat dengan rakyat. Ia hanya merupakan konfrontasi antara pucuk pimpinan kedua-dua buah negara sahaja. Pemimpin Indonesia melancarkan dasar berkonfrontasi terhadap Malaysia antara lain bertujuan untuk mengalihkan perhatian rakyat Indonesia yang sedang menghadapi masalah ekonomi yang agak kucar-kacir.

### **Brigadier Jeneral Dato' Mohamed Shukur Abdullah**

Dengan pembentukan Malaysia secara langsung rancangan Indonesia hendak membentuk Indonesia Raya yang meliputi Selatan Thailand, Semenanjung Tanah Melayu dan Filipina tinggal menjadi cita-cita yang tidak mungkin terkabul. Selain itu, faktor penting di sebalik dasar berkonfrontasi dengan Malaysia oleh Rejim Soekarno ini juga adalah didalangi oleh pemimpin PKI. Dasar "Ganyang Malaysia" yang diproklamasikan oleh Presiden Soekarno itu, sebenarnya bukanlah hasrat keseluruhan rakyat Indonesia, tetapi segolongan kecil pemimpinnya sahaja. Menurut Brigadier Jeneral Dato' Mohammed @ Mohamed Shukur bin Hj. Abdullah (12248) baik di Indonesia maupun di Malaysia topik konfrontasi bukanlah suatu perkara yang sensitif lagi. Ia amat difahami oleh rakyat serta pemimpin kedua-dua belah pihak.

### **Brigadier Jeneral Amir Baharuddin**

Platun 5 pimpinan Leftenan Muda Amir bin Baharudin (12341) ketika beroperasi di kawasan Titikah, Sarawak menawan enam anggota TNKU. Beliau yang pernah mengikuti Latihan Kekal Malindo, mengikuti beberapa siri kursus dengan TNI termasuk mengikuti Kursus di Maktab Turus, Bandung dan sebagai Pengurus Bersama Tim Perancang Latihan Darat Bersama Malindo mendapat mereka agak terbuka. Dalam konteks konfrontasi ia tidak disebut sebagai konfrontasi Indonesia terhadap Malaysia, sebaliknya konfrontasi Soekarno terhadap Malaysia. Konfrontasi bagi rakyat Indonesia satu rahmat. Ini kerana dengannya peranan PKI dalam tindak-tanduk Presiden Soekarno yang telah dikuasai mula diketahui umum dan langkah menyelamatkan Indonesia daripada terus jatuh ke tangan PKI dapat dilakukan.

Menurut Brigadier Jeneral Amir pasukan elit TNI sebenarnya tidak terlibat secara langsung dalam operasi menyeludup ke Semenanjung. Anggota yang mendarat di Pontian dan Kota Tinggi adalah anggota KKO dan KOPASGUD, manakala di Kalimantan pula adalah anggota BRIMOP dan hanya sebahagian kecil anggota RPKAD sahaja digerakkan. PKI telah pun menguasai sebahagian besar pemimpin dalam tentera udara, laut dan pihak polis. Pemimpin Angkatan Darat Indonesia seolah-olah telah dapat menghidu rancangan PKI dan telah bersedia untuk menumpaskannya. Beberapa orang pegawai Angkatan Darat berjaya dibunuh oleh PKI dalam Gerakan 30 September 1965.

## Bekas Pegawai Waran Satu Mohd. Yusof Jani

Sarjan Mohd. Yusof bin Jani (4624) ditugaskan sebagai ketua platun apabila 4 RAMD dihantar ke Serian, Sarawak menggantikan 5 RAMD. Di Sarawak dia menyertai Kompeni A bertugas di Tebedu. Beliau diperintahkan oleh Ketua Kompeninya, Kapten Zainal Abidin bin Dato' Ahmad (12052) membawa platun membuat rondaan sekitar perbatasan Sarawak-Kalimantan. Diperingatkan agar berpindah ke lokasi baru pada setiap malam bagi mengelakkan serangan TNI di waktu malam. Selepas menerima bekalan makanan melalui udara sewaktu beroperasi di Pang Amo, sebagaimana biasa Sarjan Mohd. Yusof mengarahkan platun memasang khemah sementara. Anggota diberitahu bahawa platun akan bermalam di lokasi lain pada lewat petang. Disiplin anggota yang tinggi memungkinkan segala pekerjaan, sesukar sekalipun dilaksanakan tanpa banyak persoalan, jauh sekali rungutan, tegas Bekas Pegawai Waran Satu Mohd. Yusof.

Perkhemahan platun Sarjan Mohd. Yusof diserang dengan tembakan pagi. Kerana serangan TNI yang hebat anggota diperingatkan agar tidak melepaskan sebarang tembakan kecuali melihat musuh. Ini dilakukan bagi mengelak kedudukan platun diketahui oleh pihak TNI. Tembakan TNI terkeluar kira-kira 50 meter sahaja dari perkhemahan platun Sarjan Mohd. Yusof. Platun meninggalkan kawasan berkenaan setelah hari siang dan mengeledah dengan bantuan satu lagi platun yang didatangkan oleh Kapten Zainal.

Ekoran daripada tercapainya persetujuan gencatan senjata di Tokyo pada 18 Jun 1964, saya diarah oleh Kapten Zainal pergi ke Pang Amo dan di situ saya diberikan satu bendera oleh Kapten Zainal. Saya diperintahkan membawa bendera berkenaan ketika membuat rondaan untuk bertemu dengan satu pasukan TNI. Saya bertemu dengan sekumpulan 32 orang TNI. Masing-masing menunjukkan reaksi positif bersalaman dan berpelukan antara satu dengan lain sambil mempersoalkan mengapa tentera dari negara serumpun beradu kekuatan di medan pertempuran, di samping melahirkan rasa kurang senang kerana telah diperalatkan oleh pemimpin.

Selepas makan tengah hari bersama TNI saya diarah oleh Kapten Zainal menghantar satu seksyen membawa kumpulan TNI terbabit ke lokasi kompeni di Tebedu. 6271 Koperal Ali bin Abdullah saya tugaskan mengetuai seksyennya membawa TNI ke Tebedu. Atas arahan Kapten Zainal empat anggota diketuai oleh 6191 Koperal Sam bin Sulaiman (6191) saya perintahkan untuk mengekor di belakang seksyen Las Koperal Ali ke Tebedu. Kumpulan Koperal Sam dan seksyen Las Koperal Ali kembali bersama saya keesokan harinya serta meneruskan tugas meronda seperti biasa. Apabila 4 RAMD dipindahkan dari Serian ke Sibu, Sarjan Mohd. Yusof ditugaskan oleh ketua kompeninya ketika itu Mejar Tahir bin Ismail (12003) mengetuai platan beroperasi sekitar kawasan Oya.

Batalion kembali ke Majidee selepas bertugas di Sarawak dan saya diarah oleh Ketua Kompeni, Mejar Mohamed Ismail bin Omar (12038) beroperasi di sekitar Pontian, Muar, Penggerang, Kuala Sedeli dan kawasan Kota Tinggi. Pada suatu hari saya diperintahkan oleh Mejar Mohamed Ismail membuat tinjauan di kawasan Mawai, Kota Tinggi. Saya berkhemah buat sementara waktu di satu pinggir hutan di Mawai dan kemudiannya menghantar pasukan ronda melakukan tinjauan di sekitar kawasan. Dalam rondaannya Koperal Sam diberitahu oleh seorang lelaki Cina bahawa terdapat seorang anggota TNI lengkap bersenjata sedang menawan tiga orang anggota keluarganya di rumah beliau kira-kira setengah kilometer dari perkhemahan kami.

Bersama Koperal Sam, Las Koperal Bujang bin Osman (11898), Las Koperal Hamzah bin Hashim (11888) dan beberapa orang anggota berkejar ke lokasi berkenaan. Rumah terbabit berada dalam satu kawasan kebun getah. Mejar Mohamed Ismail datang menemui saya setelah dihubungi dan mengarahkan saya mengambil tindakan setelah kawasan rumah berkenaan dikepung. Koperal Sam dan Las Koperal Bujang saya arah merapati rumah berkenaan. Salah seorang anggota platan saya, Prebet Abdullah berjaya merapati pintu belakang rumah tanpa disedari oleh anggota TNI yang menunggu di pintu hadapan rumah. Ketiga-tiga orang Cina yang berada di dalam rumah berjaya dikeluarkan oleh Prebet Abdullah sebelum beliau bertindak menembak anggota TNI terlibat. Selain repal dan sepuak pistol sejumlah wang turut diperolehi daripada mayat TNI yang dibunuh.

Selaku ketua platan saya tidak mengambil sesen pun wang yang diperolehi. Kesemua wang berkenaan saya bahagikan kepada anggota untuk mereka belanjakan. Atas kejayaan tersebut saya diucapkan tahniah oleh Mejar Mohamed Ismail dan selepas itu ditugaskan terus sebagai ketua platan biarpun ada sarjan lain yang lebih senior. Serentak dengan itu juga saya melupakan terus niat untuk menamatkan perkhidmatan kerana kecewa tidak memperolehi kenaikan pangkat walaupun berkelayakan dan telah agak lama sebagai seorang koperal katanya. Ketika 4 RAMD ditugaskan di Tawau, Sabah pada pertengahan tahun 1966, Sarjan Mohd. Yusof meneruskan tugasnya sebagai ketua platan dalam Kompeni B.

Pada satu operasi di kawasan Merotai, konvoi Kompeni B teserempak dengan dua orang yang disyaki TNI lalu menahan mereka. Daripada kedua-dua mereka beberapa butir bom tangan dirampas dan maklumat mengenai TNI juga turut diperolehi. Lebih kurang 20 orang TNI sedang dalam perjalanan di belakang untuk ke pekan Tawau, manakala antara 50 ke-60 orang lagi berada di perkhemahan mereka. Mejar Mohamed Ismail lantas memerintahkan kompeninya membuat kepungan dengan serta-merta. Kompeni akhirnya menawan lebih 10 orang Timur-Timur anggota TNI yang tidak beruniform tetapi bersenjata. Salah seorang daripadanya ditawan oleh platoon pimpinan Sarjan Mohd. Yusof. Dalam operasi penggeledahan yang dilakukan, kompeni menjumpai satu perkhemahan TNI yang baru sahaja ditinggalkan secara tergesa-gesa. Banyak peluru, bom dan senjata ditinggalkan di perkhemahan berkenaan. Batalion kembali ke Majidee setelah menamatkan tugasnya di Tawau dan selepas itu bertugas ke Sarawak pula.

### Bekas Sarjan Ahmad Abdul Mutalib

Sewaktu 2 RAMD berkhidmat di Tawau, Sabah, 8440 Koperal Ahmad bin Abdul Mutalib (3440) ditugaskan sebagai Platon Sarjan Rintis Serang, di bawah pimpinan Leftenan Muda Raja Kobat Sallehuddin bin Raja Musa (12300) yang bertanggungjawab mengendalikan bot-bot untuk pergerakan anggota ke barisan hadapan. Ketika itu beliau ditempatkan bersama Markas Taktikal Batalion di Pulau Sebatik. Menurutnya ketika beroperasi di Sebatik dia ditugaskan membawa anggota dari Tawau ke Bergosong, Sungai Melayu Simpang Tiga dan Sungai Limau. Situasi yang cemas dan mengerikan sentiasa menyelubungi beliau dan anggotanya sepanjang beroperasi di Sebatik. Gelombang dan ombak laut yang kuat, bot rosak di lautan yang bergelora dan bertugas 24 jam dalam suasana tidak menentu adalah pengalaman yang sukar dilupai selagi hayat dikandung badan, terang Bekas Sarjan Ahmad.

Pada suatu hari, lebih kurang jam 12.00 tengah hari beliau dipanggil oleh Pegawai Memerintahnya, Leftenan Kolonel Mustaffa bin Abdullah (5086) dan diminta memberi bantuan kepada sebuah bot yang dinaiki oleh lapan orang Pegawai serta anggota Komando British yang rosak di tengah laut. Bot berkenaan sedang hanyut ke perairan Indonesia berhampiran pulau Nonokan yang dikuasai oleh Tentera Indonesia. Oleh kerana tiada anggota lain berada bersama saya ketika itu dan untuk tidak membuang masa saya memandu bot bersendirian dengan berbaju PT, berseluas pendek dan berbekalkan sepucuk mesingan kecil, menuju ke arah bot yang sedang dihanyutkan arus itu, cerita Bekas Sarjan Ahmad. Saya menuju ke arah Pulau Nonokan yang jaraknya lebih kurang lima kilometer dari markas taktikal kami di Pulau Sebatik bagi mendapatkan bot Komando British berkenaan.

Ketika menghampiri bot tersebut saya dapati ia telah pun berada lebih kurang satu batu dalam perairan Indonesia. Komando British berkenaan agak berasas baik kerana belum dihujani. Oleh tembakan daripada pasukan TNI yang berada di Pulau Nonokan. Saya melemparkan seutas tali kepada Komando British yang berada dalam bot mereka dan dengan serta-merta menarik bot tersebut masuk semula ke perairan Malaysia. Saya berbuat demikian bagi mengelakkan bot berkenaan terus hanyut ke kawasan Indonesia sementara enjininya diperbaiki. Setelah berada di lokasi yang selamat saya memberhentikan bot saya dan masuk ke dalam bot Komando British terbabit bagi melihat kerosakan yang sedang mereka alami. Saya membuat pemeriksaan terhadap enjin bot dan mendapati ia dalam keadaan baik. Saya seterusnya memeriksa tangki, pam dan saluran minyak lalu mendapati sedikit kerosakan terhadap pam dan saluran minyak. Selepas memperbetulkan kerosakan kecil berkenaan enjin dapat dihidupkan.

Komando British yang pada mulanya kelihatan pucat dan cemas kembali berseri serta bersemangat lalu mengucapkan terima kasih atas pertolongan saya. Bot tersebut menurut saya balik ke pangkalan kami di Sebatik. Mereka berjumpa dengan pegawai memerintah dan mengucapkan berbanyak-banyak terima kasih di atas pertolongan yang telah diberikan kepada mereka. Selepas peristiwa tersebut pegawai memerintah pernah memaklumkan kepada saya bahawa saya telah disokong untuk menerima anugerah keberanian. Saya sesungguhnya merasa amat berbangga di atas pengiktirafan yang pernah disuarakan oleh pegawai memerintah saya itu, tetapi berasa kecewa sedikit apabila saya hanya dianugerahi dengan hanya Kepujian Perutusan Keberanian pada 2 Jun 1965, cerita Bekas Sarjan Ahmad. Kopral Ahmad kembali ke Kelantan bersama pasukannya setelah menamatkan tugas mereka di Tawau.

## Leftenant Muda Taip Sulaiman

Skuadron A 1 Peninjau pimpinan Mejari Amirudin mengambil alih Skuadron C 1 Peninjau bertugas di Tawau mulai April 1966. Markas Skuadron berada di Tawau, manakala satu detasmen mengandungi dua trup iaitu Trup Nombor 3 dan Nombor 4 berada di Apas Balong, kira-kira 17 batu dari Tawau arah ke Semporna. Disebabkan kekurangan pegawai, saya selaku Ketua Trup Nombor 4 turut dipertanggungjawabkan mengetuai kedua-dua trup di Apas Balong, terang Mejari (Bersara) Taip bin Sulaiman. Markas trup ditempatkan di Batu 17 Apas Balong, manakala satu detasmen ditempatkan di Sungai Gading. Selaku ketua detasmen di Apas Balong Leftenant Muda Taip berada secara bergilir-gilir di markas trup di Apas Balong dan di detasmen di Sungai Gading.

Skuadron A 1 Peninjau bertanggungjawab membuat rondaan di sepanjang jalan dari Tawau ke Semporna. Rondaan kebiasaannya mengambil masa selama

empat hari diketuai oleh seorang pegawai dengan kekuatan separuh scout trup dan separuh trup repal. Selain mengetuai detasmen Apas Balong, Leftenan Muda Taip juga terpaksa mengambil giliran mengetuai trup membuat rondaan dari Tawau ke Semporna. Tugas utama detasmen Apas Balong ialah bagi mencegah pendaratan TNI melalui laut ke Kuala Sungai Gading. Secara umumnya kawasan Apas Balong dihuni oleh kaum Melayu, Murut, Kadazan, pendatang Filipina dan pembalak Burma. Hubungan dengan penduduk tempatan berada dalam suasana baik dan sentiasa dipelihara.

Sejurus selepas senaman pagi pada pukul 8.00 pagi 2 Oktober 1966, saya didatangi oleh seorang penduduk Kampung Wakuba bernama Asit bin Pintar yang datang secara berlari ke penempatan kami, cerita Mejar (Bersara) Taip. Encik Asit memaklumkan yang dia diberitahu bahawa sekumpulan kira-kira 10 orang anggota bersenjata Indonesia mendarat dengan sebuah bot di Kampung Wakuba. Sejurus selepas menerima maklumat tersebut saya mengenal pasti lokasi terabit melalui peta lantas memaklumkan ke Markas Skuadron di Tawau sebelum membawa sekumpulan anggota membuat penyiasatan. Sebelum meninggalkan markas trup saya menerima utusan daripada markas skuadron yang memperingatkan detasmen Apas Balong agar berjaga-jaga kerana terdapatnya pendaratan TNI di kawasan berkenaan.

Saya menggerakkan dua kumpulan dengan dua Land Rover kira-kira pukul 8.15 pagi untuk membuat penyiasatan. Satu Land Rover diketuai oleh saya, manakala satu lagi diketuai oleh Sarjan Abdul Mutualib. Setiap Land Rover disertai oleh enam anggota repal. Kedua-dua Land Rover bergerak meninggalkan pangkalan di Batu 17 menghala arah ke Tawau. Kedua-dua Land Rover kemudiannya memasuki persimpangan Membalua Road untuk pergi ke Sungai Gading. Kami berpecah setibanya di persimpangan Sungai Gading. Land Rover Sarjan Abdul Mutualib membekok ke kanan menuruti jalan pantai arah ke Tawau. Land Rover saya membekok ke kiri arah ke kampung Wakuba. Setelah kira-kira 10 minit perjalanan menuju ke Kampung Wakuba, tepat jam 8.45 pagi saya ternampak seorang lelaki agak tampan dan kemas cara berpakaiannya, berbeza dengan orang kampung Sungai Gading yang biasa saya temui sedang berjalan bersendirian.

Setelah berselisih dan meninggalkannya beberapa ela, tergerak pula hati saya untuk bertanyakan siapa beliau dan ke mana gerangan tujuannya. Saya mengarahkan pemandu, Truper Lai memberhentikan kenderaan dan berundur balik ke belakang. Keenam-enam angota repal yang berada di belakang terjun mengambil kedudukan ketika Land Rover diberhentikan untuk saya merapati lelaki terabit yang kelihatan tenang. "Pak cik hendak ke mana?" Saya bertanya. "Hendak ke Tawau," jawabnya dalam loghat Indonesia. "Boleh saya bertanya, dari mana?" "Dari belakang," katanya. "Boleh tunjukkan kad pengenalan?" "Kad pengenalan tak ada," jawabnya. "Habis, apa yang ada?" "Tak ada apa-apa," katanya. Kecurigaan saya terhadap lelaki berkenaan tambah memuncak

lantas saya memeriksa seluruh tubuhnya. Dari dalam poket lelaki tersebut saya menjumpai wang Malaysia \$600.

Saya bertanyakan tempat tinggalnya namun lelaki tersebut hanya menunjukkan arah di belakangnya sahaja. Saya meminta lelaki berkenaan membawa saya ke tempatnya. Beliau membawa kami, menurut jalan yang sememangnya telah kami ketahui dan dengan segera saya mengetahui bahawa lelaki tersebut sedang cuba membohongi kami apabila dia cuba membawa kami ke arah yang tidak menentu. Setelah didesak dan diugut akan ditembak dia akhirnya mengaku datang dari seberang dan bersetuju menunjukkan tempat tinggal beliau dan rakan-rakannya yang lain. Saya memberhentikan Land Rover tidak jauh dari bukit yang dikatakan menjadi tempat perkhemahan rakan-rakan lelaki yang sedang kami tawan. Anggota saya arahkan mengambil kedudukan dan bersedia menghadapi sebarang kemungkinan.

Selain itu, lelaki yang sedang ditawan saya peringatkan agar tidak cuba belot kerana dia akan menjadi mangsa pertama dibunuh jika sekiranya ada di antara rakan-rakannya yang cuba hendak menentang. Saya bersedia dengan sebutir grened dan senjata MGK yang telah sedia bercekah di belakang lelaki terbabit bersama Truper Yunus yang membawa senjata RISLB sewaktu tawanan memanggil keluar rakan-rakannya. Seorang demi seorang dipanggil keluar. Kesemua mereka datang dengan berseluas pendek dan bersinglet, tergamam melihat kami serta tidak sama sekali bersedia untuk memberi sebarang tentangan. Setelah kesemua lima penyusup menyerah diri pukul 9.15 pagi, saya mengarahkan anggota trup yang sedang bersedia di pelindungan mereka keluar dan mengikat tangan keenam-enam penyusup yang telah berjaya ditawan di Rujukan Grid 974725 itu.

Tawanan dibawa ke tepi jalan sementara menunggu kumpulan Sarjan Abdul Mutualib yang telah saya panggil untuk menyertai kumpulan saya membuat penggeledahan di perkhemahan penyusup. Lima pucuk repal, 12 butir grened, 600 butir peluru, wang \$600 dan 20 kati beras antara kelengkapan yang berjaya diperolehi di perkhemahan penyusup setelah penggeledahan selesai dilakukan pada jam 9.45 pagi. Kesemua tawanan, senjata, peluru, peralatan peribadi, wang dan makanan yang dirampas dibawa balik ke markas trup di Batu 17 sebelum diserahkan kepada pihak briged pada pagi itu juga. Pihak briged kemudiannya menyerahkan tawanan serta kelengkapan yang dirampas kepada pihak polis Tawau.

Ketika disoal selidik kami mendapati bahawa lelaki pertama yang ditawan itu sebenarnya adalah ketua kumpulan berkenaan. Beliau berpangkat Leftenan Muda bernama Tajuddin bin Ukay. Lima penyusup yang ditawan ialah: Sarjan Omar bin Ali, Koperal Anuar bin Rani, Koperal Nordin bin Hadat, Koperal Bakaran dan seorang pekerja stor bernama Muslimin. Kumpulan asal mereka berkekuatan 18 orang TNKU dan mereka berpecah serta mendarat di lokasi yang berlainan. Kumpulan ini kumpulan pertama TNKU yang diarah menyusup ke

Sabah dengan tujuan untuk melakukan kegiatan sabotaj ke atas Briged Ke-5 Infantri Malaysia. Selepas peristiwa tersebut markas trup peninjau detasmen Apas Balong dikunjungi oleh Pemerintah Briged Ke-5, Brigadier Jeneral Mazlan bin Yunus dan KTAT, Leftenan Jeneral Tunku Osman bin Tunku Mohamed Jewa, terang Mejai (Bersara) Taip.

## Laksamana Pertama (Bersara) M. W. Alvisse

Menurut Laksamana Pertama (Bersara) Malcolm William Alvisse penglibatan aktifnya dalam era konfrontasi adalah sebagai Pemerintah KD Seri Pahang. Selepas penubuhan Malaysia dia ditugaskan di Sabah. Di Sabah KD Seri Pahang antara lain ditugaskan membawa Encik Mustapha bin Datuk Harun melawat kawasan penempatan di tepi pantai dan sungai sekitar Sabah. Ketika berlakunya peristiwa Kalabakan KD Seri Pahang berada di perairan Tawau. Beberapa hari selepas tragedi malang yang menimpa 3 RAMD itu, KD Seri Pahang dalam satu operasi menawan enam KKO di perairan Tawau. Pertempuran pertama dalam kerjayanya sebagai seorang pegawai tentera laut berlaku ketika dia membuat rondaan di perairan Selat Singapura bersama Naib Leftenan Chiang Joo Boon TLDM, Pegawai Muda Laut Mokhtar bin Yasin TLDM dan anak-anak kapalnya pada tengah malam 30 November 1964. Sebuah bot Indonesia dikesan melalui radar masuk ke kawasan Biduk. Dalam kegelapan malam yang pekat dan keadaan lautan yang agak bergelora dia mempertingkatkan kelajuan kapal bagi mendapatkan bot penyusup terbabit. Dengan menggunakan lampu suluh kapal, bot yang pada mulanya tidak dapat dikesan akhirnya berjaya ditemui. Penyusup melepaskan tembakan ke arah kapal setelah dicabur. Kami membalaik tembakan mereka. Tiga penyusup berjaya ditawan, manakala enam lagi berjaya dibunuh. Mayat salah seorang KKO yang terkorban berjaya diperolehi, manakala lima mayat lagi tidak berjaya dikesan. Seorang daripada tiga yang ditawan cedera parah di kaki. Ketiga-tiga tawanan bersama dua mayat penyusup dikejarkan ke pelabuhan Teluk Air Basin.

Dalam satu kejadian berasingan, ketika dalam perjalanan pulang ke Woodland dari One Fathom Bank Light saya melihat sebuah bot yang sedang terapung di perairan antara Muar-Batu Pahat, terang Laksamana Pertama (Bersara) Malcolm. Saya mengelilingi bot berkenaan sebelum merapatkan kapal kepadanya. Ketika menggeledah bot terbabit beberapa kelongsong peluru dan sebuah tangki air kosong ditemui. Daripada pembinaan bot tersebut saya membuat kesimpulan bahawa ia adalah buatan Indonesia. Saya mengikat bot berkenaan di kapal dan menariknya ke Woodland. Selain itu saya juga turut membuat laporan kepada Pemerintah Tentera Laut Malaysia Barat, Captain Weir di samping memaklumkannya kepada pelbagai pihak terbabit termasuk

KEMENTAH serta Briged Komanwel di Terendak, dengan membuat andaian bahawa penyusup Indonesia akan mendarat dalam tempuh 48 jam lagi. Setiba di Woodland saya dimarahi oleh Captain Weir yang mempersoalkan siapakah saya dan bagaimana saya boleh membuat andaian serta memaklumkannya pula kepada semua pihak bahawa pendaratan penyusup akan berlaku. Kerana tindakan tersebut saya ditukarkan dengan serta-merta ke Sabah, cerita Laksamana Pertama (Bersara) Malcolm. Andaian yang dibuat sesungguhnya benar. Sekumpulan 52 penyusup bersenjata Indonesia mendarat di Kuala Sungai Kesang pada 29 Oktober 1964.

Ketika melakukan rondaan antara Rifles Light House dan St. John Light berhampiran Singapura bersama Naib Leftenan Pang Meng Kun TLDM. Pegawai Muda Laut Tajudin bin Yahya TLDM dan anak-anak kapal saya dimaklumkan bahawa sebuah bot Indonesia sedang menyusup melalui persisiran pantai. Bot berkenaan dijumpai di perairan antara Pulau Bukum dan Pulau Belakang Mati. Saya membawa kapal mengelilingi bot terbabit setelah berjaya mengejarnya. Saya mencabar tiga orang yang berada di dalam bot supaya berhenti dan kemudiannya mengarahkan mereka meninggalkan pakaian sebelum menyerah diri. Salah seorang penyusup dengan pantas mengambil repal lalu melepaskan tembakan ke arah kami. Dengan tidak membuang masa saya melepaskan tembakan dan mengakibatkan bot penyusup tenggelam. Dua orang penyusup terbunuh, manakala seorang ditawan. Penyusup membawa bahan letupan yang bakal digunakan untuk meletupkan stesen janakuasa di Singapura. Dalam peristiwa ini kita agak berasib baik kerana berjaya mendapatkan bot penyusup sebelum mereka memasuki kawasan pelabuhan. Sekiranya mereka telah berada dalam kawasan pelabuhan saya tidak boleh melepaskan tembakan kerana dikhawatir boleh mengenai kapal lain yang sedang berlabuh. Saya seolah-olah memberikan ulasan selari ketika kejadian tersebut berlaku kepada Captain Royal Navy di Woodland dan Admiral di Sembawang. Mereka menunjukkan minat yang begitu mendalam terhadap tindakan saya dan mengucapkan tahniah di atas kejayaan yang dicapai. Angkatan Tentera Malaysia dan TLDM tidak memberi sebarang perhatian terhadap kejadian tersebut, kata Laksamana Pertama (Bersara) Malcolm. Saya kira Angkatan Tentera Malaysia tidak menggunakan kejadian yang saya alami itu bagi meninggikan moral anggota tentera kita. Mereka mungkin beranggapan bahawa tindakan seumpama itu hanya akan menjadikan saya seorang wira. Saya tidak kisah sama ada saya dianggap sebagai wira atau tidak, tetapi apa yang lebih penting ialah moral anggota tentera kita tambahnya.

## Kapten Nik Anis Nik Abdullah TLDM

Menurut Kapten Nik Anis bin Nik Abdullah TLDM N/400212, penglibatannya dalam operasi menentang ancaman konfrontasi bermula ketika dia masih seorang pegawai kadet. Beliau bersama seorang lagi rakannya Pegawai Kadet Mui Yoke Long telah menawarkan diri untuk bertugas di kapal memandangkan negara sedang di ambang perperangan. Mereka sepatutnya bercuti sementara menunggu masa untuk meneruskan latihan di England setelah menamatkan latihan di Maktab Tentera Diraja. Hasrat mereka telah disampaikan kepada Ketua Turus Tentera Laut, Commodore Synott oleh Pegawai Latihan Tentera Laut Maktab Tentera Diraja, Leftenan Komander C. Kuttan dan telah dipersejui oleh Commodore Synott. Pegawai Kadet Nik Anis dan Mui menaiki kereta api ke Woodland, Singapura dan kemudiannya ditempatkan di KD Seri Kelantan.

KD Seri Kelantan ketika itu diperintah oleh Leftenan K. Tanabalasingam, Pegawai Laksamana Naib Leftenan Wahab bin Nawi dan Pegawai Muda Laut Patrick Cuthbert Cornelius sebagai pegawai panduarah. Nik Anis dan Mui ditugaskan di bahagian anjungan kapal. Tugas peperangan Nik Anis sebagai starboard brengunner, manakala Mui bertindak sebagai *port brengunner*. Selain itu, Nik Anis turut ditugaskan melatih kelasi dalam penggunaan senjata kecil yang baru diberikan kepada setiap kapal. Kedua-dua mereka tidak mempunyai pakaian seragam. Mereka hanya memakai baju T dan seluar pendek PT yang dibekalkan ketika di Maktab Tentera dan diberikan satu topi besi oleh pemerintah kapal.

Kapal ditugaskan meronda dari One Fathom Bank Light hingga ke Tanjung Piai. Kapal hanya kembali ke pangkalan di Woodland untuk mengambil bekalan dan tidak ada masa langsung untuk berada lama di pelabuhan. Makan minum tidak menentu. Masa untuk berehat atau tidur hampir tidak ada. Rondaan pesat berjalan sepanjang waktu. Pengalaman beroperasi dalam tahap peperangan sesungguhnya cukup memeritkan. Ketika itu barulah saya memahami erti peperangan, biarpun peperangan sebenarnya belum lagi berlaku, cerita Kapten Nik Anis. Selain menentukan tidak ada pencerobohan dilakukan oleh tentera Indonesia melalui laut, kapal TLDM juga ditugaskan memintas dan memeriksa semua bot awam Indonesia yang memasuki perairan Malaysia.

Ini bagi menentukan tiada bahan letupan dan senjata api diseludup masuk ke Malaysia melalui perniagaan bertukar barang antara peniaga Indonesia dan Malaysia. Di samping itu, kapal TLDM juga dipertanggungjawabkan memintas bot-bot Kastam Indonesia yang lengkap bersenjata di perairan kita dan membanteras kegiatan melanun. Melaksanakan tugas memintas dan memeriksa bot sama ada bersenjata atau tidak di lautan terbuka sesungguhnya mempunyai risiko yang cukup tinggi. Jarak antara kapal ketika operasi memintas dan menahan dilakukan agak rapat. Kalau tidak berhati-hati boleh mengakibatkan perlanggaran di tengah lautan.

Jarak yang dekat kira-kira 20 ke-50 kaki antara kapal dengan bot bersenjata Indonesia yang ditahan untuk pemeriksaan dan tindakan kedua-dua belah pihak menghalakan laras senjata ke arah lawan masing-masing sebelum pemeriksaan dilakukan mendedahkan pegawai serta kelasinya kepada risiko kematian yang cukup tinggi sekiranya pertempuran berlaku. Perintah yang diterima tidak memberangkan tembakan dilepaskan kecuali pihak Indonesia terlebih dahulu menembak. Arahan menghendaki bot berkenaan diiring keluar dari perairan negara sahaja. Tugas sedemikian tidak sahaja sukar malah cukup berisiko.

Pada petang 24 Julai 1964, waris salah seorang anggota KD Seri Kelantan dilaporkan sakit. Leftenan Tanabalasingam lantas menghubungi Leftenan P.K. Nettur pemerintah KD Seri Selangor melalui radio supaya mengambil alih tugas meronda kawasan operasi Seri Kelantan kerana beliau akan menghantar anggotanya balik ke pelabuhan berhampiran, iaitu di Teluk Air Basin. KD Seri Selangor kemudiannya bertempur dengan sebuah bot yang digunakan oleh lima anggota KKO Indonesia pukul 9.30 malam berhampiran Pulau St. John's. Seorang anggota KD Seri Selangor terbunuh, dua tercedera, manakala lima KKO berjaya dihapuskan.

Pada bulan Ogos 1964, KD Seri Kelantan ditugaskan ke Sabah. Walaupun Nik Anis dan Mui telah menyatakan hasrat mereka untuk terus menuruti kapal bertugas ke Sabah kepada Leftenan Tanabalasingam, namun mereka telah dihantar balik ke Woodland untuk meneruskan latihan ke England. Pegawai Kadet Nik Anis bersama lima rakannya berkursus di Britinnia Royal Naval College Dartmouth, United Kingdom mulai September 1964 hingga Ogos 1965 untuk menjadi seorang pegawai muda laut. Mulai Ogos 1965 hingga Mei 1966, Pegawai Muda Laut Nik Anis ditugaskan dalam kapal perang Tentera Laut British. Di awal perkhidmatannya dengan Royal Navy, Nik Anis bertugas dalam kapal frigate HMS Blackpool. Beliau adalah satu-satunya anak Malaysia bertugas dalam kapal berkenaan, dan secara langsung menjadi penasihat hal ehwal Malaysia kepada pemerintah HMS Blackpool. HMS Blackpool diperintah oleh Captain J. G. Knight dan ditugaskan beroperasi di perairan Malaysia, iaitu di perairan Sabah mulai 20 September 1965.

Ketika berkhidmat di Sabah, waktu siang HMS Blackpool meronda di lautan dan berlabuh di Wallas Bay pada pukul 2.00 pagi setiap hari bagi melepaskan tembakan ke perbatasan Indonesia hingga jam 5.00 pagi. Nik Anis dipertanggungjawabkan menyoal selidik rakyat Indonesia yang ditemui dalam kumpit, di samping itu dia juga turut melakukan pemeriksaan ke dalam kumpit. Selain pernah menemui senjata Bazooka dalam kumpit, terdapat beberapa orang warga Tentera Laut Australia dan British tercedera serta terkorban akibat jerangkap samar yang dipasang dalam kumpit ketika mereka membuat pemeriksaan terhadap kumpit yang ditahan. Selepas itu pemerintah-pemerintah kapal Tentera Laut Australia dan British tidak lagi bertindak memasuki kumpit

untuk membuat pemeriksaan. Kumpit yang ditemui akan dicabar sebanyak tiga kali dan sekiranya gagal berhenti tembakan dilepaskan untuk menenggelamkan kumpit terbabit.

Di peringkat awal konfrontasi, Angkatan Tentera British dan Australia bertindak sekadar memenuhi tuntutan untuk berkonfrontasi, tetapi di akhir tahun 1965 dan awal tahun 1966, kerajaan British mula mengubah polisinya terhadap konfrontasi iaitu dengan memperkenalkan "Counter Confrontation Policy". Dalam melaksanakan polisi barunya itu British antara lain pernah memerintahkan dua buah kapal perangnya HMS Blackpool dan HMS Eralyus memasuki perairan Indonesia dan seterusnya melintasi Selat Sunda dan Selat Gaspa dalam satu operasi berdarjah rahsia besar bagi melihat reaksi Indonesia. Nik Anis terlibat dalam operasi ini.

Operasi diarah dilakukan pada waktu siang agar pihak Indonesia dapat melihatnya. Kedua-dua buah kapal diperintah melalui Selat Sunda dari arah timur Lautan Hindi menghala ke barat dengan tidak memperlihatkan sebarang ancaman, tetapi bersedia bertindak balas sekiranya diserang. Dengan diiringi oleh HMS Blackpool, HMS Ark Royal belayar meninggalkan Singapura ke Freemantle, Australia pada 16 Disember 1965. HMS Blackpol dan HMS Ark Royal disertai HMS Devonshire belayar meninggalkan Freemantle pada 28 Disember 1965. Pukul 7.30 malam 31 Disember 1965, HMS Blackpool berpisah dengan kumpulan besarnya bagi menyertai HMS Eralyus melaksanakan misi melintasi Selat Sunda dan Selat Gelasa. Kedua-dua kapal mulai memasuki selat berkenaan pada pukul 3.00 petang 2 Januari 1966 dalam keadaan siap siaga dan memasuki Selat Gelasa pukul 5.30 pagi 3 Januari 1966. Walaupun sempit, Selat Sunda adalah laluan perairan yang dalam. Di kiri kanan terdapat tebing tinggi yang curam. Dalam jarak kira-kira 500 meter di kiri kanan tebing terdapat penempatan bateri artilleri yang menghalakan laras meriam masing-masing ke selat berkenaan. Kapal terbang pengebom buatan Rusia milik Tentera Udara Indonesia turut berlegar di atas kepala ketika HMS Blackpool dan HMS Eralyus melalui selat berkenaan. Inilah apa yang dikatakan "The game of guts", sekiranya Indonesia melepaskan tembakan peluang untuk terselamat amatlah tipis terang Kepten Nik Anis. Selepas itu nyatalah kepada British bahawa Indonesia sebenarnya tidak berhasrat untuk terlibat dalam peperangan yang lebih besar dengan Malaysia dan sekutunya. HMS Blackpool tiba di Singapura pukul 5.30 petang 4 Januari 1966 dan meninggalkan Singapura ke Aden pukul 2.00 petang 6 Januari 1966.

## Wira ATM dalam Era Konfrontasi

Bersesuaian dengan tajuknya, bab ini khusus memperkatakan tentang warga ATM yang telah dianugerahi pingat dan anugerah keberanian negara kerana semangat keberanian, kepimpinan dan perkhidmatan cemerlang yang mereka tunjukkan ketika menentang anggota bersenjata Indonesia sepanjang konfrontasi. Anugerah yang dimaksudkan ialah pingat Panglima Gagah Berani (PGB) dan Kepujian Perutusan Keberanian (KPK). Terdapat tiga pegawai ATM yang telah dianugerahkan PGB, manakala 30 pegawai dan anggota lagi menerima KPK sepanjang era konfrontasi. Profail mereka yang telah menerima penganugerahan antara perkara utama yang bakal dipaparkan untuk pengetahuan pembaca.

Sepanjang penglibatannya, iaitu dari bermulanya era konfrontasi Indonesia-Malaysia hingga hal perdamaihan termeterai, ATM selaku tulang belakang pertahanan negara terlibat dalam kesemua operasi menentang penyusupan dan pencerobohan gerila serta Tentera Nasional Indonesia (TNI) ke wilayah Malaysia. Sebagaimana biasa dalam setiap konflik bersenjata risiko terpisahnya nyawa daripada jasad serta berubahnya bentuk anggota, pancaindera dan sifat amatlah tinggi. Walaupun begitu demi tugas, maruah bangsa dan kedaulatan tanah air tercinta kesemua risiko berkenaan dilontar jauh daripada pemikiran. Takdir Ilahi dijadikan perisai untuk berhadapan dengan risiko yang sememangnya telah diketahui padahnya itu. Tugas mengatasi segala kepentingan lain, hatta nyawa sekalipun.

Sebagai penghargaan kekal terhadap jasa dan pengorbanan pasukan dan warga ATM dalam era konfrontasi Indonesia-Malaysia, tiga orang pegawai RAMD dianugerahi PGB, manakala 13 pegawai dan 17 anggota dikurniai KPK.; Di kalangan pegawai penerima KPK tiga dari RAMD, dua dari Kor Peninjau, masing-masing seorang dari Kor Jurutera, Meriam dan Kelengkapan, empat TLDM, seorang TUDM. Di kalangan anggota yang dianugerahi KPK 11 adalah anggota RAMD, masing-masing seorang anggota dari Kor Semboyan dan Jurutera manakala dua anggota dari Kor Risik dan dua orang anggota TLDM. Maka dalam usaha hendak memelihara martabat PGB dan anugerah keberanian yang lainnya pegawai atasan melaksanakan peraturan tidak bertulis berkaitan dengannya. Tidak ramai anggota dari satu pasukan akan disokong menerimanya dalam satu masa, maka jumlah mereka yang menerima anugerah berkenaan tidaklah boleh dijadikan pengukur pencapaian dan tahap keberanian keseluruhan warga ATM, baik dalam era konfrontasi maupun pada ketika yang lain.

## Penerima Anugerah PGB

1. Leftenan Muda Kamaruddin bin Mohd. Jamal (12210) - 6 RAMD
2. Leftenan Muda Abdul Kadir bin Nordin (12322) - 4 RAMD
3. Mejai Ismail bin Ghows (2020) - 7 RAMD

## Penerima Anugerah KPK

1. 5698 Koperal Jantan bin Salleh - 2 RAMD
2. Leftenan Muda Badrudin bin Mohd. Yasin (12211) - 6 RAMD
3. Leftenan Muda Abas bin Mohd. Yunos (12258) - 6 RAMD
4. 2380 Pegawai Waran Dua Awaluddin bin Kamoi - 3 RAMD
5. 3307 Pegawai Waran Dua Abdul Manap bin Sidek - 6 RAMD
6. 3936 Sarjan Samsuddin bin Abd. Rashid - 8 RAMD
7. 8440 Koperal Ahmad bin Abdul Mutalib - 2 RAMD
8. 10586 Prebet Mohamed Nafiah bin Yahaya - 3 RAMD
9. Leftenan Muda Lau Bik Hoon (200195) - Rejimen Peninjau
10. 5404 Koperal Salim bin Ahmad - Rejimen Semboyan
11. Koperal Abdul Latiff bin Hassan - 1 Rejimen Jurutera
12. Leftenan Komander Bryan Edmund Ibrahim Hyde Smith (N/400250) - TLDM
13. Leftenan Malcolm William Alvisse (N/400082) - TLDM
14. Pembantu Leftenan Thyagarajah a/l Govindasamy (N/400281) - Tentera Laut Sukarela Simpanan Diraja Singapura
15. Leftenan Pavithran Krishnan Nettur (N/400080) - TLDM
16. 800493 Bintara Muda Mohamed Khalid bin Sulong TLDM
17. 800899 Bintara Muda Kweh Onn Cheong TLDM
18. Leftenan Muda Anoar Ibrahim bin Mohammed Noor (12413) - 8 RAMD
19. 2721 Sarjan Abu Bakar bin Hassan - 4 RAMD
20. 4624 Sarjan Mohd. Yusof bin Jani - 4 RAMD
21. 10796 Koperal Husin bin Ridzuan - 8 RAMD
22. 601899 Prebet A. Sani bin Abdullah - 8 RAMD
23. Kapten Yusoff bin Shariff (200219) - Kor Kelengkapan
24. Leftenan Muda Albert Manasseh (200227) - 2 Meriam
25. 203139 Staf Sarjan Cheah Huat Chye - Risik
26. 14047 Staf Sarjan Kamaruddin bin Khusrin - Risik
27. Leftenan Muda Taip bin Sulaiman (12458) - 1 Rejimen Peninjau
28. Leftenan Muda Udara Kumaran a/l Narayanan Nair (200542) - TUDM
29. Kapten Stanley Mamuel (400620) - 4 Skuadron Jurutera
30. Lans Koperal Omar bin Daud - 7 RAMD

## Leftenan Muda Kamaruddin

Bapanya Mohd. Jamal bin Bilal Chin seorang bekas Sarjan Mejari Kompeni anggota Askar Melayu. Leftenan Muda Kamaruddin bin Mohd. Jamal menuruti jejak langkah bapanya menyertai profesion ketenteraan kerana minatnya yang cukup mendalam terhadap kerjaya bapanya. Beliau memasuki latihan Pegawai Kadet Tauliah Tetap di Maktab Tentera Diraja selepas memperolehi Cambridge School Certificated pada Januari 1961. Beliau ditauliahkan sebagai Leftenan Muda ke Batalion Ke-6 RAMD pada 8 Disember 1962 dan menamatkan perkhidmatannya dengan ATM sebagai seorang mejari pada 1 Oktober 1975. Mejari Kamaruddin berumahtangga dengan Puan Fauziah bte Dato' Ismail. Sepanjang 14 tahun berkhidmat Mejari Kamaruddin pernah bertugas sebagai Ketua Pluton 6 RAMD, Pegawai Risik 6 RAMD, Juruiring Ketua Turus Tentera Darat, Ejutan Maktab Tentera Diraja, Ketua Kompeni 5 RAMD dan Penolong Pegawai Memerintah 5 RAMD. Selain telah dianugerahi pingat PGB 1965 Mejari Kamaruddin juga menerima Pingat Perkhidmatan Am (PPA) 1966 dan Pingat Peringatan Malaysia (PPM) 1969.

## Leftenan Muda Abdul Kadir Nordin

Dilahirkan di Pulau Pinang pada 27 Februari 1942, Leftenan Muda Abdul Kadir bin Nordin menyertai profesion ketenteraan setelah menamatkan persekolahannya dalam tingkatan lima di Islah English School, Kota Bharu, Kelantan. Beliau ditauliahkan sebagai Leftenan Muda ke Batalion 4 RAMD pada 13 Julai 1963 dan berumahtangga dengan Puan Rafiah bte Hassan dalam tahun 1969. Beliau bersara pada 27 Februari 1997 dengan menyandang pangkat Mejari Jeneral. Jawatan yang pernah disandangnya ialah: Ketua Pluton 4 RAMD, Pegawai Turus 3 Koord MMTS, Juruiring Ketua Turus Tentera Darat, Pegawai Turus 3 (Jawat) dan Pegawai Turus 3 (Gerak) 2 Divisyen, Ejutan dan Ketua Kompeni 7 RAMD, Pembantu Ketenteraan Ketua Turus Angkatan Tentera, Pegawai Memerintah 20 RAMD, Pegawai Turus 1 Jabatanarah Infantri, Komandan Sekolah Pegawai Kadet, Penasihat Pertahanan di Camberra, Australia, Timbalan Panglima 4 Briged, Pengarah Infantri, Panglima 5 Briged.

Komandan Maktab Turus Angkatan Tentera dan Ketua Staf Markas Tentera Darat KEMENTERAH sebelum menjadi Panglima Divisyen Ke-4 Infantri. Sehingga kini Mejari Jeneral Datuk Abdul Kadir telah dianugerahi pingat PGB 1966, Ahli Mangku Negara (AMN) 1977, Kesatria Mangku Negara (KMN) 1983, Ahli Mahkota Kedah (AMK) 1986, Setia Diraja Kedah (SDK) 1991, Panglima Gemilang Darjah Kinabalu (PGDK) 1992, Johan Setia Mahkota (JSM), Pahlawan Angkatan Tentera (PAT) 1993 dan Darjah Kepahlawanan Angkatan Tentera-Panglima Setia Angkatan Tentera (PSAT) 1996.

## Mejar Ismail Ghows

Berasal dari Kampung Boyan Taiping, Perak, Mejar Ismail bin Ghows (2020) memulakan kerjayanya dalam bidang ketenteraan sebagai seorang rekrut Askar Melayu pada 13 Julai 1946. Perkhidmatannya dalam Lain-Lain Pangkat (LLP) berakhir dengan pangkat Pegawai Waran Dua, apabila beliau ditauliahkan sebagai seorang lefetenan pada 29 Februari 1957 dan ditugaskan ke Batalyon Ke-6 RAMD di Jalan Ipoh Kuala Lumpur. Beliau bersara pada 12 November 1979 setelah berkhidmat selama 33 tahun dengan menyandang Pangkat Leftenan Kolonel. Hasil perkongsian hidupnya dengan Puan Mashipa bte Abdul Rahman mereka dikurniakan enam orang anak, tiga lelaki tiga perempuan.

Sepanjang kerjayanya Leftenan Kolonel Ismail pernah ditugaskan sebagai Ketua Platun 6 RAMD, Jurulatih Kanan LATEDA, Ketua Kompeni 2 RAMD, Senior Military Officer Maktab Tentera Diraja, Ketua Kompeni dan Penolong Pegawai Memerintah 7 RAMD, Pegawai Memerintah 11 RAMD dan jawatan terakhirnya ialah sebagai Komandan Pusat Latihan Askar Wataniah, Ipoh. Keberanian dan kepimpinan unggulnya membawa beliau dianugerahi PGB oleh Yang di-Pertuan Agong pada 1967. Di samping itu Leftenan Kolonel Ismail juga dikurniai Kelantan Coronation Medal (KCM) 1961, General Service Medal (Malaya) (GSM Malaya) 1962, GSM UN Congo 1962, Pingat Khidmat Berbakti (PKB) 1964, PPA 1968, Bentara Setia Kelantan (BSK) 1969, Ahli Darjah Kinabalu (ADK) 1972 dan KMN 1977.

## Koperal Jantan Salleh

Dilahirkan di Kampung Batu Tangga, Melaka pada 1925, 5698 Koperal Jantan bin Salleh menceburi bidang ketenteraan sebagai seorang rekrut Askar Melayu pada 1 Ogos 1950. Beliau berumahtangga dengan Puan Alimah bte Ibrahim dari Paya Rumput, Melaka pada 3 Februari 1949 dan berpisah pada 30 April 1952 dengan mendapat seorang anak perempuan. Koperal Jantan berumahtangga buat kali kedua dengan Puan Lobak bte Dalib dari Sungai Udang, Melaka pada 11 Januari 1952 dan dikurnia sembilan orang anak, enam lelaki tiga perempuan. Beliau bersara setelah 21 tahun berkhidmat iaitu pada 17 Ogos 1971 dengan menyandang pangkat sarjan. Sepanjang perkhidmatannya Sarjan Jantan ditugaskan di 2 RAMD dan pernah dianugerahi pingat UN Medal Congo with Clasp, KPK 964, PKB dan PPA.

## Leftenan Muda Badrudin Mohd. Yasin

Dilahirkan di Rembau, Negeri Sembilan pada 4 Ogos 1942, Leftenan Muda Badrudin bin Mohd. Yasin (12211) memulakan kerjayanya dalam dunia ketenteraan sebagai seorang pegawai Kadet Tauliah Tetap pada 2 Januari 1961. Beliau ditauliahkan sebagai leftenan muda ke Batalion Ke-5 RAMD pada 8 Dis 1962. Dia berumahtangga dengan Puan Bidasiah bte Sindin dan telah dikurniakan tiga orang cahayamata. Beliau menamatkan perkhidmatannya pada 31 Jul. 1977 sebagai seorang mejar. Dalam kerjayanya sebagai seorang pegawai, Mejар Badrudin pernah ditugaskan sebagai Ketua Pluton 5 RAMD, Ketua Pluton dan Penolong Ketua Kompeni 6 RAMD, Staff Captain Q dan Staff Captain A Markas 1 Briged, Ketua Kompeni 3 Renjer, Ketua Kompeni 6 RAMD, Ketua Kompeni 14 RAMD, Jurulatih dan Ketua Kompeni Maktab Tentara Diraja, Penolong Pegawai Memerintah 5, 3 dan 9 RAMD, Pemangku Pegawai Memerintah 9 RAMD, Briged Mejар 4 Briged dan Pegawai Turus 2 Jabatanarah Infantri. Selain menerima K.P.K. 1965 Mejар Badrudin juga dianugerah P.P.A. 1966 dan P.P.M. 1969.

## Leftenan Muda Abas Mohd. Yunus

Berasal dari Kerdau, Mentakab, Pahang, Leftenan Muda Abas bin Mohd. Yunus (12258) lahir pada 11 April 1943. Perkhidmatannya dalam angkatan tentera bermula sebagai seorang Pegawai Kadet Tauliah Tetap pada 1 Januari 1962. Beliau ditauliahkan sebagai Leftenan Muda ke Batalion Ke-7 RAMD pada 8 Disember 1963 dan mendirikan rumah tangga dengan Puan Raja Asmah bte Raja Ahmad pada 11 Mei 1964 di Port Dickson. Beliau bersara pada 10 April 1998 sebagai seorang Mejар Jeneral dengan jawatan terakhir sebagai Panglima Divisyen Ke-2 Infantri. Sepanjang perkhidmatannya Mejар Jeneral Abas pernah menjawat jawatan Ketua Pluton 7 RAMD, Ketua Pluton dan Pegawai Risik 6 RAMD, Jurulatih dan Ejutan Maktab Latihan Lanjutan Tentera Malaysia, Ejutan 4 RAMD, Pegawai Turus 3 Gerak 4 Briged, Ketua Kompeni 11 RAMD, Pegawai Turus 2 (Risik) RASCOM, Pegawai Turus 2 (Tadbir) KEMENTAH, Penolong Pegawai Memerintah 7 RAMD, Pegawai Memerintah 103 Batalion Infantri Askar Wataniah, Penolong Komandan/Ketua Jurulatih PULADA, Komandan LATEDA, Penasihat Pertahanan Filipina, Ketua Turus Am Maktab Turus Angkatan Tentera, Panglima 1 Briged dan Pengarah Askar Wataniah dan Panglima Divisyen Ke-2 Infantri. Selain KPK yang diterimanya pada 1965, beliau turut dianugerahi PKB 1978, SDK 1988, AMK, PAT 1990, Award of the Outstanding Achievement Medal Philipine 1991, J.S.M 1995 dan PSAT 1997.

## Pegawai Waran Dua Awaludin Kamsi

Berasal dari Kampung Batu, Rembau, Negeri Sembilan 2380 Pegawai Waran Dua Awaludin bin Kamoi lahir pada 26 Disember 1927. Beliau berkelulusan darjah lima Sekolah Melayu dan memulakan kerjayanya sebagai seorang rekrut Askar Melayu pada 21 Disember 1946. Pegawai Waran Dua Awaludin berumahtangga dengan Puan Siti Hawa bte Rauf pada 25 Januari 1949 dan telah dikurniakan dua pasang cahaya mata. Beliau bersara dari ATM setelah berkhidmat selama 21 tahun pada 20 Disember 1967. Ketika berkhidmat Pegawai Waran Dua Awaludin pernah bertugas di Batalion Ke-2 RAMD, Depot Port Dickson, Regimental Trainning Wing, Federation Wing Farelf Trainning Centre, 1 RAMD, 5 RAMD dan 3 RAMD. Pegawai Waran Dua Awaludin pernah dianugerahi General Service Medal 1950, Pingat Jasa Kebaktian (Perak) 1962, P.K.B. 1964, KPK 1965 dan PPA 1966.

## Pegawai Waran Dua Abdul Manap Sidek

Dilahirkan di Kampung Ketari, Bentong, Pahang pada 1 September 1928, 3307 Pegawai Waran Dua Abdul Manap bin Sidek menceburkan diri dalam profesi ketenteraan sebagai Rekrut Askar Melayu pada 14 Julai 1947. Beliau mendirikan rumah tangga bersama Puan Raj'ah bte Umat dan telah dikurniakan lapan orang anak, lima lelaki tiga perempuan. Pegawai Waran Dua Abdul Manap bersara dari ATM pada 13 Julai 1968 selepas berkhidmat selama 21 tahun. Sepanjang kerjayanya dalam ATM beliau pernah bertugas di Batalion Ke-2 dan Ke-6 RAMD. Pegawai Waran Dua Abdul Manap pernah dianugerahi Mentioned in Despatches (MID) 1955, Military Medal (MM) 1955, GSM 1956, UN Medal Congo with Clasp 1961, KPK 1965, PKB 1965, PPA 1966 dan Pingat Perkhidmatan Setia (PPS) 1967.

## Sarjan Shamsuddin Abd. Rashid

Lahir pada tanggal 24 Ogos 1929 di Kampung Saga, Rantau, Negeri Sembilan, 3936 Sarjan Shamsuddin bin Abd. Rashid memulakan kerjayanya sebagai seorang anggota tentera dengan menjadi Rekrut Askar Melayu di Port Dickson pada 24 Ogos 1948. Dia menganggotai Batalion Ke-3 Askar Melayu selepas rekrut dan kemudiannya bertukar ke-6 Melayu. Beliau seterusnya bertukar ke Markas Garisen Port Dickson, ke-4 RAMD dan 8 RAMD. Kerana perkhidmatan cemerlangnya di 8 RAMD sewaktu konfrontasi Sarjan Shamsuddin dianugerahi

(KPK) oleh Yang di-Pertuan Agong pada 2 Jun 1965. Selain itu beliau juga menerima GSM, PKB dan PPA Ogos 1969. Pegawai Memerintah 4 RAMD, Leftenan Kolonel Mahamood bin Mohd. Yusof dalam catatannya mengenai beliau menulis, "Pegawai Waran Dua Shamsuddin telah berkhidmat dalam pasukan Askar Melayu Diraja selama 21 tahun. Sebagai seorang Kompeni Sarjan Mejar dia telah memimpin orang-orang di bawahnya dengan memberi kejayaan. Berkelaikan terpuji dan boleh dipercayai." Melalui perkahwinannya dengan Puan Halimah bte. Mohd. Yassin, Puan Mahiyah bte. Jayus dan Puan Laila bte. Talib mereka dikurniai 10 orang anak empat lelaki enam perempuan. Bekas Pegawai Waran Dua Shamsuddin meninggal dunia kerana sakit jantung pada 12 Mac 1981 di Hospital Besar Seremban.

## Koperal Ahmad Abdul Mutalib

Lahir pada 2 Januari 1933 di Kampung Kota Lama Kiri, Kuala Kangsar, Perak. Koperal Ahmad bin Abdul Mutalib 8440 memulakan kerjayanya dalam dunia ketenteraan sebagai seorang rekrut pada 14 Ogos 1952 di Depot Askar Melayu, Port Dickson, setelah terpilih dalam satu temuduga rekrut di Iskandar Polo Club, Kuala Kangsar. Berkelulusan darjah enam Sekolah Melayu Kuala Kangsar, anak sulung daripada enam orang anak hasil perkongsian hidup Encik Abdul Mutalib bin Mohd. Arshad dengan Puan Halijah bte. Ahmad. Meninggalkan kerjayanya sebagai seorang Guru Pelatih di Klian Intan, Perak untuk menjadi seorang anggota Askar Melayu biarpun mendapat tentangan dari ibunya.

Walaupun tidak pernah menjalani kehidupan yang sukar kerana bapanya seorang kakitangan kerajaan, dia tidak menghadapi masalah dengan corak kehidupan yang keras serta berdisiplin dalam Askar Melayu. Menurut Bekas Sarjan Ahmad, tekadnya memang telah bulat untuk menjadi seorang anggota Askar Melayu. Cita-cita tersebut lahir sejak dia dengan mata kepalanya sendiri menyaksikan betapa dahsyatnya kekejaman komunis di sekitar Parit Satu Sungai Lampam, Chekus, Teluk Anson sejurus selepas kekalahan Jepun di Tanah Melayu.

Orang-orang Melayu yang hanya bersenjatakan parang panjang sahaja mengalami pukulan yang begitu dahsyat ketika menentang pihak komunis yang lengkap bersenjata. Pihak komunis menggunakan senjata yang dibekalkan oleh British melalui kerjasama mereka dengan Pasukan 136 ketika Tanah Melayu dijajah oleh Jepun. British membekalkan mereka dengan senjata untuk menentang Jepun, tetapi senjata berkenaan akhirnya digunakan menentang British.

Beliau bersama keluarganya mendengar suara orang-orang yang mengerang kesakitan dan menyaksikan sendiri mayat-mayat bergelimpangan di sepanjang

jalan yang mereka ikuti ketika melarikan diri dari Kampung Cangkat Petai ke Stesen Keretapi Tapah untuk kembali ke Kuala Kangsar. Menurut Bekas Sarjan Ahmad, keluarganya meninggalkan kampung halaman mereka di Kota Lama Kiri untuk tinggal bersama nenek sebelah ibunya di Kampung Sungai Lampam sewaktu Jepun memerintah.

Prebet Ahmad menganggotai 2 Melayu di Taiping sejurus selepas menamatkan latihan rekrut. Selepas empat hari di Batalion 2 Melayu dia menurut kompeni C, beroperasi di Sungai Pahlawan, Bidor, Perak. Platun beliau yang ketika itu dipimpin oleh Sarjan Ahmad bin Maiden 2222 bertempur dengan sekumpulan penganas. Dalam pertempuran tersebut platun berjaya membunuh seorang daripadanya dan melalui kesan-kesan darah yang ditemui ramai dipercayai tercedera. Sebagai seorang anggota Rejimen Askar Melayu, pasukan yang menjadi tulang belakang pertahanan negara ketika Tanah Melayu menghadapi darurat ancaman keganasan komunis, dia terlibat secara aktif dalam setiap operasi yang dijalankan oleh pasukannya.

Dari Kem Taiping Koperal Ahmad menyertai batalionnya berpindah ke Kem Pangkalan Chepa, Kota Bharu, Kelantan. Koperal Ahmad yang terkenal dengan kepakarannya dalam bidang bahan letupan di samping berani dan berdisiplin, sering ditugaskan untuk memusnah bom-bom tinggalan Tentera Jepun yang dijumpai di sekitar Kelantan. Beliau tidak berpeluang menyertai batalion bertugas di Congo kerana terlibat dalam satu kemalangan jalan raya. Sewaktu 2 RAMD berkhidmat di Tawau, Sabah Koperal Ahmad ditugaskan sebagai Platun Sarjan Platun Rintis Serang. Beliau bertanggungjawab mengendalikan bot-bot untuk pergerakan anggota ke barisan hadapan. Dia ketika itu ditempatkan bersama Markas Taktikal Batalion di Pulau Sebatik. Situasi yang mencemaskan dan mengerikan sentiasa menyelubungi beliau dan anggotanya sepanjang beroperasi di Sebatik. Gelombang dan ombak laut yang kuat, bot rosak di lautan yang bergelora dan bertugas 24 jam dalam suasana tidak menentu adalah pengalaman yang sukar dilupai selagi hayat dikandung badan, terang Bekas Sarjan Ahmad.

Pada suatu hari, lebih kurang jam 12.00 tengah hari Koperal Ahmad dipanggil oleh Pegawai Memerintahnya, Leftenan Kolonel Mustaffa bin Abdullah (5086) dan diminta memberi bantuan kepada sebuah bot yang dinaiki oleh sekumpulan Pegawai dan anggota Komando British yang rosak di tengah laut. Bot berkenaan sedang hanyut ke perairan Indonesia berhampiran pulau Nonokan. Tanpa membuang masa, secara bersendirian Koperal Ahmad memandu sebuah bot menuju ke arah Pulau Nonokan bagi mendapatkan bot Komando British berkenaan. Bot tersebut ketika itu telah pun lebih kurang satu batu berada dalam perairan Indonesia, cerita Bekas Sarjan Ahmad. Beliau melemparkan seutas tali kepada Komando British yang berada dalam bot mereka dan dengan serta-merta menarik bot tersebut masuk semula ke perairan Malaysia sebelum memperbaikinya.

Setelah berada di lokasi yang selamat Koperal Ahmad memberhentikan botnya dan masuk ke dalam bot Komando British terbabit bagi melihat kerosakan yang sedang mereka alami. Selepas memperbetulkan sedikit kerosakan pada saluran minyaknya, enjin bot dapat dihidupkan. Komando British yang pada mulanya kelihatan pucat dan cemas kembali berseri serta bersemangat lalu mengucapkan terima kasih atas pertolongan saya, kata Bekas Sarjan Ahmad. Bot tersebut menuruti bot Koperal Ahmad balik ke pangkalan di Sebatik. Di atas kecemerlangan perkhidmatan dan keberaniannya itu dia disokong oleh pegawai memerintah untuk dikurniai anugerah keberanian. Koperal Ahmad dikurniai KPK pada 2 Jun 1965.

Koperal Ahmad kembali ke Kelantan bersama pasukannya dari Tawau dan berpindah ke Kem Sungai Besi untuk menjalani tugas istiadat di Kuala Lumpur. Ketika di Sungai Besi Koperal Ahmad dipinjamkan sebagai jurulatih kawad Maktab Tentera Diraja, di samping menjalankan tugas sebagai seorang sarjan dalam tugas-tugas istiadat. Apabila 2 RAMD ditugaskan ke Sarawak dia meneruskan tugasnya dalam Platur Rintis Serang pasukan di Wong Padong. Setelah menamatkan tugas di Sarawak 2 RAMD berpindah ke Kem Teluk Kemang, Port Dickson. Beliau tidak menyertai pasukannya bertugas di Tawau buat kali keduanya kerana terlibat dalam satu kemalangan jalan raya.

Sarjan Ahmad selanjutnya bertukar ke Kem KEMENTAH, sebelum bersara. Selain KPK dia juga turut dikurniaikan GSM, PKB, PPA, PPM dan Pingat Perkhidmatan Malaysia. Beliau berumahtangga dengan Puan Robaatus bte Shahaudin dan mempunyai enam orang anak, tiga lelaki tiga perempuan. Beliau bersara sebagai Sarjan Probos Kem KEMENTAH pada 13 Ogos 1973. Komandan Kem KEMENTAH, Mejor Idrus bin Ma'ris dalam cacaatannya mengenai beliau menulis, "Sarjan Ahmad telah berkhidmat dalam Angkatan Tentera Malaysia selama 21 tahun. Beramanah dan tatatertib yang tinggi. Tugas sangat memuaskan. Saya percaya dengan pengalamannya yang ada sekarang ini beliau boleh memberikan perkhidmatan yang baik di sektor awam dengan jayanya."

### Sarjan Abu Bakar Hassan

Berkelulusan darjah lima Sekolah Melayu, Sarjan Abu Bakar bin Hassan 2721 memulakan kerjayanya dalam dunia ketenteraan sebagai seorang Rekrut Askar Melayu pada 31 Disember 1946. Dia menganggotai ke-2 Melayu selepas menamatkan latihan rekrut sebelum bertukar ke-4 Melayu, 5 Melayu, Depot dan kembali ke-5 RAMD sebelum sekali lagi ditugaskan ke-4 RAMD. Beliau dianugerahi KPK oleh Baginda Yang di Pertuan Agong pada 8 Jun 1966 kerana keberanian dan prestasi cemerlangnya ketika bertugas menentang gerila dan TNI di Sarawak. Beliau juga dianugerahi GSM, PKB, PPA dan PPS. Sarjan Abu Bakar

berumahtangga dengan Puan Sharifah bte. Mat Saman dan mempunyai tujuh orang anak, tiga lelaki empat perempuan. Beliau bersara dari ATM sebagai Pegawai Waran Dua pada 30 Disember 1967. Pegawai Memerintah 4 RAMD, Leftenan Kolonel Esa bin Ahmad dalam kenyataannya menulis, "2721 Pegawai Waran Dua Abu Bakar telah berkhidmat dengan Askar Melayu Diraja selama 21 tahun. Kelakuan terpuji dan boleh menjalankan pekerjaan yang ditugaskan kepadanya dengan baik."

## Leftenan Muda Anoar Ibrahim Mohd Noor

Ke mana tumpahnya kuat kalau tidak ke nasi, demikianlah halnya dengan Leftenan Muda Anoar Ibrahim bin Mohammed Noor (12413). Beliau anak sulung dari tiga orang anak Brigedier Jeneral Mohammed Noor bin Hj. Tamin dan Puan Rafeah bte Mohd. Hassan. Beliau dilahirkan di Kampung Matang Larut, Perak pada tanggal 11 November 1945. Dia yang mempunyai kelulusan Federation of Malaya Certificate Grade 1 tahun 1963, memulakan kerjayanya sebagai seorang Pegawai Kadet Tauliah Jangka Pendek di Federation Military College, Sungai Besi pada 5 September 1964. Kerjayanya sebagai seorang Pegawai Muda bermula apabila beliau ditauliahkan sebagai Leftenan Muda ke Batalion RAMD di Kem Pengkalan Chepa, Kota Bharu Kelantan pada 18 Februari 1965.

Bagi memenuhi keperluan Ketua Platon di Batalion Ke-8 RAMD yang akan ditugaskan ke Tawau, dia ditukarkan ke-8 RAMD pada 22 Mac 1965. Kerana kecemerlangan perkhidmatannya sewaktu beroperasi menentang penyusupan TNI di Tawau beliau diperkenankan oleh Baginda Yang di-Pertuan Agong menerima pingat KPK pada 8 Jun 1966. Ketika di 8 RAMD Leftenan Muda Anoar Ibrahim dihantar mengikuti kursus Officers Platoon Weapon and Young Officers Tactic Course di Maktab Latihan Lanjutan Tentera Malaysia, Port Dickson serta Mindef Intelligence Officers Course di Joint Intelligence Directorate.

Sekembalinya ke pasukan dia ditugaskan sebagai Pegawai Risik Batalion sebelum menjadi Penolong Ketua Kompeni. Beliau selepas itu bertukar ke Bahagian Turus Tentera Darat KEMENTAH sebagai Pegawai Turus 3A (Gerak) selama setahun setengah, sebelum menjadi Ejutan Batalion Ke-7 Rejimen Renjer. Setelah setahun di 7 Renjer beliau ditugaskan pula sebagai Pegawai Perisikan Tentera Sabah selama setahun tiga bulan, sebelum dihantar mengikuti kursus Special Intelligence di Army Intelligence Centre, Woodside, Australia mulai 11 Oktober 1972 hingga 29 Novomber 1972. Beliau kembali bertugas di Sabah selepas menamatkan kursusnya di Australia, sebelum menjadi Pegawai Turus 2 Risik Malaysia Barat di Markas ATCP Kor Risik AT. Kapten Anoar Ibrahim selanjutnya berkesempatan mengikuti kursus Kira-Kira Fun Rejimen

dan Kursus Tugas Turus di Sekolah Latihan Tentera Darat, Port Dickson. Mejah Anoar Ibrahim meninggal dunia dalam kemalangan kapal terbang di Sandakan, Sabah pada pukul 8.30 malam 30 November 1974. Allahyarham meninggalkan seorang bala, Puan Akhkiah bte. Mohd. Noory dan dua anak perempuan.

## Koperal Hussein Hj. Radzuan

Lahir di Kampung Work, Tebrau, Johor pada 2 April 1936, Koperal Hussein bin Hj. Radzuan menceburui dunia ketenteraan sebagai seorang Rekrut Askar Melayu di Port Dickson pada 21 Jun 1956. Beliau berumahtangga dengan Puan Siti bte. Sukir dan telah dikurniakan empat orang cahaya mata dua lelaki dan dua perempuan. Sebagai salah seorang anggota 8 RAMD dia menyertai batalionnya bertugas di Tawau pada 1965 bagi menentang ancaman konfrontasi Indonesia. Koperal Hussein bertugas dengan kompeni yang dipertanggungjawabkan menjaga kawasan Sungai Limau, Pulau Sebatik. Pada satu malam dalam bulan November 1965, Koperal Hussein diarah oleh ketua kompeninya membuat serang hendap malam. Bersama tujuh orang anggota seksyennya malam itu Koperal Hussein membunuh seorang TNI. Selain mayat seorang anggota TNI yang lengkap bersenjata banyak kesan darah dijumpai di sekitar tempat kejadian apabila pengeledahan dilakukan.

Koperal Hussein dikurniakan KPK oleh Baginda Yang di-Pertuan Agong pada 6 Jun 1966 kerana kecemerlangan perkhidmatannya di 8 RAMD. Di samping itu dia juga turut menerima GSM, Pingat Kebaktian, PPA dan PPM. Sepanjang perkhidmatannya, dia pernah bertugas di 4 Melayu dan berkhidmat di Congo. Menganggotai 8 RAMD, 12 RAMD dan Pusat Latihan Darat (PULADA). Beliau bersara dengan pangkat Sarjan pada 25 November 1978 ketika bertugas di PULADA, Ulu Tiram, Johor. Komandan PULADA dalam kenyataannya menulis, "Sarjan Hussein telah memberikan baktinya kepada negara dengan penuh dedikasi. Sepanjang perkhidmatan beliau selama 22 tahun, beliau telah menunjukkan mutu pekerjaan yang amat memuaskan. Daripada kerja-kerja beliau yang gigih selalunya menghasilkan kejayaan yang cemerlang, mempunyai bakat sebagai seorang pemimpin. Berbudi bahasa yang tinggi. Beliau boleh dipertanggungjawabkan."

## Prebet A. Sani Abdullah

Lulusan darjah enam Sekolah Melayu, Prebet A. Sani bin Abdullah 601899 memulakan kerjayanya sebagai seorang anggota tentera dengan mengikuti latihan rekrut di Port Dickson pada 18 Oktober 1964. Beliau berasal dari Kampung Teluk

Kerang, Pontian, Johor. Prebet A. Sani lahir pada tanggal 26 April 1944. Dia menganggotai Batalion Ke-8 RAMD di Kem Tapah, Perak selepas menamatkan latihan rekrutnya. Beliau diterbangkan ke Tawau menyertai pasukannya yang ketika itu bertugas di Sabah menentang pencerobohan TNI di perbatasan Sabah-Kalimantan Indonesia. Di Tawau Prebet A. Sani menganggotai Platon 6 Kompeni B. Platon beliau di bawah pimpinan Leftenan Muda Anoar Ibrahim bin Mohd. Noor ditugaskan di Simpang Tiga, Pulau Sebatik.

Ketika bertugas sebagai sentri Prebet A. Sani melepaskan tembakan ke arah tiga orang anggota TNI yang sedang merangkak ke pos sentri. Apabila penggeledahan dilakukan mayat seorang Sarjan TNI dijumpai. Kerana keberanian dan kecemerlangan perkhidmatannya ketika beroperasi di Tawau, Prebet A. Sani diperkenan oleh Baginda yang di-Pertuan Agong untuk dianugerahi KPK pada 8 Jun 1966. Sebagai anggota 8 RAMD dia menyertai batalionnya bertugas di Sarawak tanpa keluarga pada 1967, di samping terlibat dalam semua operasi menentang pengganas komunis yang dijalankan oleh 8 RAMD di seluruh Semenanjung. Beliau berumahtangga dengan Puan Maznah bte. Kasman dan ketika dalam perkhidmatannya telah pun dikurniakan tiga orang anak. Prebet A. Sani menamatkan perkhidmatannya pada 17 Oktober 1974 setelah berkhidmat selama 10 tahun. Selain KPK beliau turut dianugerahi PPM dan PPA.

### Sarjan Mejar Mohd. Yusof Jani

Berkelulusan darjah enam Sekolah Melayu Sarjan Mohd. Yusof bin Jani 4624 menceburkan diri di lapangan ketenteraan pada 26 Mei 1949, setelah terpilih dalam satu pemilihan rekrut yang dihadiri buat pertama kalinya di Johor Bahru. Beliau dilahirkan pada tahun 1931 di Kampung Batu 8 Labu, Seremban, Negeri Sembilan anak bongsu daripada tujuh orang adik-beradik. Bapanya Encik Jani bin Lazis meninggal dunia ketika dia berusia setahun dan sejak itu dipelihara oleh ibunya Puan Munah bte. Bador. Dia memulakan kerjaya ketenteraananya sebagai seorang Rekrut Askar Melayu di Port Dickson ketika tanah air diancam oleh kegiatan bersenjata Parti Komunis Malaya.

Selepas menamatkan latihan rekrut Prebet Mohd. Yusof menganggotai Kompeni B Batalion Ke-4 Askar Melayu di Mentakab, Pahang. Ketika menjadi salah seorang ketua seksyen dalam platon pimpinan 2909 Sarjan Taharim bin Abdul Manan, platon membunuh seorang pengganas komunis sewaktu beroperasi di Mengkarak. Selaku anggota 4 Melayu beliau terlibat dalam berbagai-bagai operasi menentang pengganas komunis sepanjang Darurat di seluruh negeri Pahang dan Perak. Di samping tugasnya sebagai seorang anggota Askar Melayu, beliau juga seorang ahli dalam berbagai-bagai bidang sukan. Paling menonjol ialah dalam sukan Hoki. Selain mewakili batalion dia juga bermain untuk RAMD.

Kopral Mohd. Yusof turut berkesempatan menyumbangkan khidmat baktinya demi keamanan manusia sejagat apabila menyertai 4 RAMD berkhidmat di Congo. Batalion kembali ke Mentakab dari Congo sebelum berpindah ke Kem Majidee, Johor. Sarjan Mohd. Yusof ditugaskan sebagai ketua platon apabila 4 RAMD dihantar ke Serian, Sarawak menggantikan 5 RAMD. Di Sarawak dia menyertai kompeni A bertugas di Tebedu. Ketika di Tebedu platon pimpinan Sarjan Mohd. Yusof pernah diserang oleh TNI. Beliau telah dipertanggungjawab oleh ketua kompeninya mengatur pengunduran sekumpulan 32 orang anggota TNI dari Tebedu ke Kalimantan Indonesia.

Sewaktu 4 RAMD berada di Majidee beliau diperintahkan mengetuai platon beroperasi di sekitar Pontian, Muar, Pengerang, Kuala Sedeli dan kawasan Kota Tinggi. Seorang anggota TNI yang sedang menawan satu keluarga Cina di Mawai dibunuh oleh platon Sarjan Mohd. Yusof. Ketika 4 RAMD ditugaskan di Tawau, Sabah pada pertengahan 1966, Sarjan Mohd. Yusof meneruskan tugasnya sebagai ketua platon dalam Kompeni B. Dalam satu operasi di kawasan Merotai, kompeni B menawan lebih 10 orang Timur-Timur anggota TNI yang tidak beruniform tetapi bersenjata. Salah seorang daripadanya ditawan oleh platon pimpinan Sarjan Mohd. Yusof.

Batalion kembali ke Majidee setelah menamatkan tugasnya di Tawau. Kerana kecemerlangan perkhidmatannya di pasukan 4 RAMD ketika konfrontasi Sarjan Mohd. Yusof dikurnia oleh Baginda Yang di-Pertuan Agong pingat K.P.K. pada 8 Jun 1966. Beliau turut menyertai 4 RAMD bertugas buat kali keduanya ke Sarawak. Di Sarawak Pegawai Waran Dua Mohd. Yusof bertugas sebagai Kompeni Sarjan Mejar Kompeni C. Tidak lama selepas itu dinaikkan ke pangkat Pegawai Waran Satu untuk menjadi Sarjan Mejar Rejimen 11 Batalion Infantri MTA di Kluang sebelum berpindah ke Kuala Kubu Baru dan akhirnya ke Seremban.

Pegawai Waran Satu Mohd. Yusof selanjutnya menjadi Sarjan Mejar Rejimen 1 Divisyen Kuching dan diarah oleh Ketua Turus Tentara Darat, Leftenan Jeneral Ungku Nazaruddin bin Ungku Mohammed menyambung perkhidmatan, walaupun telah 22 tahun berkhidmat. Beliau selanjutnya bertugas di 11 MTA, PPT Sarawak sebelum mengakhiri perkhidmatannya di Markas Garisen Kuching. Menurutnya dia dipelawa oleh Jeneral Ungku Nazruddin menurutnya bertugas di Holand sebagai Pegawai Keselamatan selama dua tahun, tetapi terpaksa menolaknya. Beliau berbuat demikian kerana isterinya, Puan Samsiah bte. Samsudin tidak sanggup untuk membawa hanya dua dan meninggalkan empat lagi anak mereka begitu lama di tanah air.

Di samping KPK Pegawai Waran Satu Mohd. Yusof juga turut menerima GSM, UN Medal 'Congo' with clasp, PKB., PPA dan PPS. Beliau bersara pada 25 Mei 1977 setelah berkhidmat selama 28 tahun. Pemerintah Garisen Kuching dalam catatan mengenainya menulis, "RSM Mohd. Yusof bin Jani telah berkhidmat dengan Angkatan Tentera dengan sangat memuaskan. Beliau telah mendapat berbagai-bagai pengalaman terutama sekali dari segi hal ehwal

tata tertib, keselamatan, pentadbiran kebajikan dan juga di lapangan sukan. Beliau mempunyai daya usaha yang baik. Beliau boleh dipercayai dan telah menjalankan tugasnya dengan bersungguh-sungguh dan penuh keazaman pada sebilang masa. Beliau sangatlah berguna kepada sesuatu organisasi sekiranya beliau diberi peluang untuk berkhidmat."

### Kapten Yusoff Shariff

Berasal dari Rembau, Negeri Sembilan, Kapten Yusoff bin Shariff (200219) lahir pada 20 Mac 1931. Beliau yang berkelulusan darjah lima Sekolah Melayu dan darjah enam Sekolah Inggeris menceburkan diri dalam lapangan ketenteraan sebagai anggota Lain-Lain Pangkat Tentera British mulai 1 Disember 1949 hingga 14 Julai 1957. Dia menyambung kerjayanya dalam ATM mulai 15 Julai 1957 hingga 31 Disember 1961. Beliau ditauliahkan sebagai pegawai dengan pangkat Leftenan pada 1 Januari 1962 dan bersara dengan pangkat Mejar pada 20 Mac 1982. Sebagai pegawai Mejar Yusoff pernah menjadi Penolong Pegawai Memerintah Depoh Peluru Angkatan Tentera dan Pegawai Barang-Barang Simpanan ATM. Beliau berumahtangga dengan Puan Nordiah bte Hj. Omar dan mempunyai 10 orang anak, lima lelaki lima perempuan. Sepanjang perkhidmatannya Mejar Yusoff telah dianugerahi GSM., PKB 1964, KPK 1966, PPA 1966, PPS 1968 dan AMN.

### Leftenan Muda Albert Manasseh

Berasal dari Pulau Pinang, Leftenan Muda Albert Manasseh (200227) yang berketurunan Eurasian dan seorang pengikut Protestant lahir pada 8 Oktober 1939. Beliau mendapat pendidikan formalnya di St. Xavier's Institution Penang dan MAAS Penang hingga memperolehi Cambridge Grade 2 sebelum memulakan kerjayanya dalam profesion ketenteraan pada 1 Julai 1962. Beliau ditauliahkan sebagai Leftenan Muda ke 1 Rejimen Meriam Persekutuan pada 12 Disember 1962. Beliau menamatkan perkhidmatannya pada 12 Disember 1967 sebagai seorang Kapten. Ketika berkhidmat dalam Pasukan Meriam dia pernah ditugaskan sebagai Ketua Seksyen 1 Meriam dan Bateri Kapten 2 Meriam. Selaku seorang ketua seksyen meriam, Leftenan Muda Albert Manaseh terlibat secara langsung dalam pelbagai operasi menentang TNI ketika konfrontasi bersama pasukan infantri di mana beliau ditugaskan untuk memberi bantuan tembakan meriam. Sebagai penghargaan terhadap perkhidmatannya Kapten Albert dianugerahi PPA 1966, PKB 1964 dan KPK 1966.

## Leftenan Komander Bryan Edmund Ibrahim

Lulusan Kings College, Auckland, New Zealand, Bryan Edmund Ibrahim Hyde Smith (N/400250) memulakan kerjayanya dengan Tentera Laut sebagai seorang Kadet Tauliah Tetap pada Januari 1948 di HMS Devonshire. Beliau ditauliahkan pada 1 Ogos 1948 ke HMS Anson. Berketurunan European dan beragama Islam, Ibrahim lahir di Valetta, Malta pada 18 Ogos 1930 dan menurut jejak bapanya seorang pegawai Royal Navy, Captain R.E. Hyde Smith. Beliau berumahtangga dengan Puan Fadzlon bte Sa'adon pada 3 Disember 1961 dan dikurniakan tiga orang anak dua lelaki seorang perempuan. Beliau menamatkan perkhidmatannya dengan TLDM pada 16 April 1972 sebagai Pegawai Memerintah KD Malaya dengan menyandang pangkat Komander dan kini menetap di United Kingdom. Sepanjang 24 tahun perkhidmatannya Komander Ibrahim pernah ditugaskan sebagai Pegawai Memerintah KD Sri Kelantan, Pegawai Operasi KD Malaya, Pegawai Memerintah KD Sri Perak, Pegawai Turus 2 (LAT) KEMENTERAH, Pegawai Memerintah KD Malaya, Pegawai Memerintah KD Hang Tuah, Ketua Pegawai Turus Tentera Laut Malaysia Barat dan menamatkan perkhidmatannya sebagai Pegawai Memerintah KD Malaya. Di atas keberanian dan kecemerlangan perkhidmatannya beliau dianugerahi KPK dan PPM 1965.

## Pembantu Leftenan Thyagarajah

Dilahirkan di Bukit Mertajam, Pulau Pinang pada 1 Disember 1935, Pembantu Leftenan Thyagarajah a/l Govindasamy (N/400281) ditauliahkan sebagai pegawai dalam TLDM pada 1 September 1960. Beliau bersara daripada TLDM pada 30 November 1987 dengan menyandang pangkat Leftenan Komander. Beliau berumahtangga dengan Puan Ooi Choo Eng di Johor Bahru pada 11 Oktober 1964 dan telah dikurniakan sepasang cahaya mata. Dalam kerjayanya dengan TLDM Leftenan Komander Thyagarajah pernah ditugaskan sebagai Pegawai Laksana KD Langkasuka, Assault Group KD Sri Labuan, Pegawai Kerja KD Ledang, Pegawai Memerintah KD Temasik, Pegawai Memerintah KD Sri Perlis, Pegawai Memerintah KD Sri Sundang, Pegawai Turus 2 (Risik 4) KEMENTERAH, Pegawai Memerintah KD Mahamiru, Pegawai Memerintah KD Kinabalu, Pegawai Turus 1 (R) Departmen Tentera Laut, Pegawai Memerintah KD Sri Rejang, Pegawai Laksana KD Raja Jarom, Pegawai Memerintah KD Raja Jarom, Ketua Kompeni Keselamatan KD Malaya, Pegawai Turus 2 Tadbir Departmen Tentera Laut, Pegawai Laksana KD Malaya dan Ketua Pegawai Staf KD Sri Penang dan Pusat Latihan Pasukan Simpanan Sukarela TLDM. Leftenan Komander Thyagarajah telah dianugerahi KPK 1965, AMN 1976 dan Kesatria Angkatan Tentera (KAT) 1983.

## Leftenan M. W. Alvisse

Dilahirkan pada 12 Disember 1935, di Kuala Lumpur, Malcolm William Alvisse anak ketiga daripada enam orang anak hasil perkongsian hidup Encik Edmund Daniel Alvisse bersama Puan Mary Mathilda Alvisse. Dia mendapat pendidikan rendah dan menengahnya di St. John's Institution Kuala Lumpur. Dia berketurunan Eurasian dan menceburkan diri dalam profesion ketenteraan setelah memperolehi Cambridge School Certificate Grade 2 sebagai Pegawai Kadet Tentera Laut di Woodland, Singapura mulai Mei hingga Disember 1955. Dia meneruskan latihan di Britannia Royal Naval College, Dartmouth United Kingdom mulai Januari 1956 hingga Disember 1958 dan ditauliahkan pada 1 Januari 1959.

Sebagai seorang pegawai Tentera Laut Diraja Malaya, HMMS Sri Perak kapal pertama pernah diperintahnya. Dia adalah pegawai TLDM yang bertanggungjawab membawa kapal KD Sri Pahang ke Woodland dari Portsmouth, England dan seterusnya menjadi pegawai memerintah terulung kapal berkenaan. Bersama KD Sri Pahang dan anak-anak kapalnya Leftenan M. W. Alvisse membunuh dan menawan beberapa orang penyusup bersenjata Indonesia dalam beberapa pertempuran di perairan Malaysia ketika konfrontasi. Di samping menjadi pegawai pemerintah kapal, dia juga pernah menjawat pelbagai tugas turus dan bersara dengan jawatan terakhirnya selaku Assistant Panglima Tentera Laut dengan menyandang pangkat Laksamana Pertama. Hasil perkongsian hidupnya dengan Puan May Molyneux Christina Stuard beliau dikurniakan tiga orang anak, seorang lelaki dan dua perempuan.

Sepanjang kerjayanya di TLDM, dia pernah ditugaskan sebagai Pegawai Laksana KD Sri Johor, Pegawai Memerintah KD Sri Perak, Pegawai Memerintah KD Sri Pahang, Pegawai Memerintah KD Mahamiru, Pegawai Perhubungan Laut (Rancang) KEMENTAH, Pegawai Turus 2 (Rancang) JSSD KEMENTAH, Pegawai Memerintah KD Brinchang merangkap Pegawai Kanan Skuadron Penangkis, Pegawai Memerintah KD Hang Tuah, Pegawai Memerintah (desig) KD Rahmat, Pegawai Staf (Rancang) Departmen Tentera Laut KEMENTAH, Pengarah Rancang gerakan TLDM Departmen Tentera Laut KEMENTAH, Pegawai Memerintah KD Malaya, Timbalan Panglima Wilayah Laut 1, Panglima Wilayah Laut 1, Panglima Wilayah Laut 2, Pengarah Rancang Pertahanan KEMENTAH.

Sepanjang perkhidmatannya dua kali dia dipertanggungjawabkan membawa pulang ke tanah air kapal yang baru dibeli oleh TLDM iaitu KD Sri Pahang dan KD Rahmat ke Woodland dari United Kingdom. Ketika darurat selepas Tragedi 13 Mei 1969, dia ditugaskan membawa 200 anggota TLDM dari Woodland ke Pelabuhan Klang dengan KD Hang Tuah bagi mengendalikan Pelabuhan Klang sehingga keadaan kembali tenang. Selama berada di Pelabuhan Klang anggota TLDM di bawah kepimpinannya bertanggungjawab mengendalikan kesemua urusan di pelabuhan berkenaan. Sebagai penghargaan terhadap jasa dan

pengorbanannya Laksamana Pertama Malcolm dianugerahi KPK 1965, PKB 1965, PPM 1965, PPA 1966, KMN 1972 dan Setia Mahkota Johor (tiga) (S.M.J. 3) 1978.

### **Leftenan Komandar P. K. Nettur**

Lulusan English College Johore Bahru, Johor Pavithran Krishnan Nettur (N/400080) memiliki Over Sea Certificate Grade 2 1954. Beliau memulakan kerjayanya dengan tentera laut sebagai Pegawai Kadet Tauliah Tetap pada 15 Mei 1955. Leftenan Komander P. K. Nettur dilahirkan di Batu Pahat, Johor pada 1 Mac 1936 dan berumahtangga dengan Mary Loretta Suranganie Nutter di Colombo, Ceylon pada 29 Mac 1961. Beliau bersara setelah berkhidmat selama kira-kira 32 tahun pada 5 November 1983. Jawatan terakhir yang dipegangnya adalah sebagai Assistan Panglima Tentera Laut (Rancang) Departmen Tentera Laut dengan menyandang pangkat Laksamana Pertama.

Sepanjang kerjayanya dalam TLDM beliau pernah ditugaskan sebagai Pegawai Laksana KD Johor, Pegawai Memerintah KD Selangor, Pegawai Turus 3 (Gerak) Bahagian Turus Tentera Laut, Pegawai Memerintah KD Mahamiru, Pegawai Memerintah KD Perkasa, Pegawai Memerintah KD Pendekar, Pegawai Memerintah KD Brinchang, Pegawai Turus 1 (Cawangan LAT) Bahagian Turus Tentera Laut, Wakil TLDM Directing Maktab Turus Angkatan Tentera, Pangwila 1, Pangwila 2, Pengarah Jabatan Perancang Pertahanan KEMENTERAH dan Ketua Staf Latihan Operasi Bersama KEMENTERAH. Laksamana Pertama PK Nettur dianugerahi KPK 1965, PKB 1965, PPM 1965, PPA 1966, AMN 1968, KMN 1973, SMJ 3 1978, Johan Mangku Negara (JMN) 1980, Ahli Setia Darjah Kinabalu Sabah (ASDKS) 1980 dan PAT 1983.

### **Prebet Mohamed Nafiah Yahaya**

Prebet Mohamed Nafiah bin Yahaya lahir di Bakar Bata, Alor Setar Kedah pada 20 Ogos 1936. Beliau berkelulusan darjah enam Sekolah Melayu memulakan perkhidmatannya dalam Angkatan Tentera sebagai Rekrut Askar Melayu pada 21 Mac 1956. Sepanjang perkhidmatannya, Prebet Mohamed Nafiah pernah bertugas di 7 Melayu, 2 Federation Infantry Brigade, 7 RAMD, 3 RAMD, 4 Federation Infantry Brigade dan 11 RAMD. Kerana prestasi cemerlang yang ditunjukkannya pada Peristiwa Kalabakan, Prebet Mohamed Nafiah disokong menerima KPK dari Baginda Yang di-Pertuan Agong pada 2 Jun 1965. Di samping itu beliau juga menerima General Service Medal, Pingat Khidmat Berbakti, Pingat Perkhidmatan Am, Pingat Peringatan Malaysia dan Pingat Perkhidmatan Setia. Dia mendirikan rumahtangga buat kali pertama dengan

Puan Aminah bte. Abdullah dan kali kedua dengan Puan Ramlah bte. Che Dan dan dikurniai tujuh orang anak, empat lelaki tiga perempuan. Prebet Mohamed Nafiah yang tercedera bersara daripada perkhidmatannya setelah berkhidmat selama 22 tahun pada 20 Mac 1978.

### Leftenan Muda Lau Bik Hoon

Berasal dari Ipoh, Perak, lulusan Methodist School Kuala Lumpur, Leftenan Muda Lau Bik Hoon memiliki Cambridge School Certificate Grade 1 1960. Dia memulakan kerjayanya dalam dunia ketenteraan sebagai Pegawai Kadet Tauliah Tetap pada 1 Januari 1962. Beliau ditauliahkan sebagai Leftenan Muda ke 1 Rejimen Peninjau pada 8 Disember 1963. Di 1 Peninjau dia ditugaskan sebagai salah seorang ketua trup Skuadron C. Sebagai ketua trup Skuadron C Leftenan Muda Lau menyertai skuadronnya bertugas menentang ancaman penyusup bersenjata Indonesia di Sarawak dari 16 Mac hingga 13 Oktober 1964. Dia berumahtangga dengan Puan Choo Ah Moy di Seremban pada 21 Julai 1967. Beliau mengakhiri perkhidmatannya dalam ATM pada 2 Januari 1986 dengan menyandang pangkat Mejar. Sepanjang perkhidmatannya Mejar Lau pernah ditugaskan sebagai Pemimpin Trup 1 Peninjau, Penolong Ketua Skuadron 1 Peninjau, Pegawai Turus 3 Risik 1 Briged, Pegawai Turus 3 Gerak 1 Briged, Ketua Skuadron 1 Peninjau, Ketua Kompeni Maktab Tentera Diraja, Pegawai Turus 2 Urusan Kerja Lojistik, Ketua Skuadron 3 Peninjau, Pegawai Turus 2 Tadbir Am 11 Divisyen, Pegawai Turus 2 Tadbir Am Markas Kor, Briged Mejar 9 Briged, Penolong Pegawai Memerintah Rejimen 502 Askar Wataniah, Pegawai Turus 2 Gerak 5 Briged dan Pegawai Staf 2 simlasi Markas Kor Tentera Darat. Anugerah yang pernah diterimanya ialah KPK 1965, PPA 1966 dan AMN 1983.

### Bintara Muda Mohd. Khalid

Berasal dari Kota Tinggi, Johor, 800493 Bintara Muda Mohd. Khalid bin Sulong lahir pada 2 November 1935. Beliau yang berkelulusan darjah empat dari Government English School Batu Pahat, memulakan kerjayanya sebagai seorang rekrut tentera laut pada 19 Februari 1954 di HMMS Malaya. Beliau pernah ditugaskan di KD Malaya, HMS Dampier, KD Sri Pahang, KD Sri Kelantan, KD Sri Melaka, KD Sri Selangor, KD Sri Sarawak, KD Ledang, KD Kinabalu dan menamatkan perkhidmatannya di KD Malaya. Beliau bersara pada 18 Februari 1976 sebagai seorang Bintara Kanan Peperangan Paras Permukaan. Bintara Kanan Mohd Khalid pernah dianugerahi PKB 1964,

KPK 1965, PPA 1966 dan PPS 1972. Bintara Kanan Mohd. Khalid berumahtangga dengan Puan Fatemah bte Mohd. Ali di Sri Gading, Kuala Sedeli Besar, Kota Tinggi pada 24 Jun 1958 dan dikurniakan enam orang anak, empat lelaki dua perempuan.

## Bintara Muda Kweh Onn Cheong

Berasal dari Kuala Lumpur, Bintara Muda Kweh Onn Cheong 800899 lahir pada 2 Ogos 1941. Beliau yang berkelulusan tingkatan empat di St. Antny's School Kuala Lumpur memulakan kerjayanya dengan tentera laut sebagai seorang rekrut di KD Malaya pada 4 Januari 1960. Bintara Muda Kweh Onn Cheong menamatkan perkhidmatan LLP pada 30 Jun 1968 sebagai seorang Bintara Muda Komunikasi Radio. Sebagai anggota LLP, Bintara Muda Kweh Onn Cheong pernah ditugaskan di KD Malaya, KD Mahameru, KD Sri Perak, KD Sri Selangor, dan KEMENTAH sebelum ditauliahkan menjadi pegawai dengan pangkat Leftenan Muda dan menggunakan nombor pegawai 400346 pada 1 Julai 1968. Beliau tercedera akibat tindakan TNI dalam satu pertempuran pada 24 Julai 1964, ketika bertugas bersama KD Sri Selangor.

Bintara Muda Kweh Onn Cheong dianugerahi KPK 1965, PPA 1966 dan PPM 1968. Sebagai seorang pegawai TLDM, beliau pernah ditugaskan di KD Jerai, KD Perantau, KD Pahang, KD Malaya, COMNAV West, PANGWILLA 1, Bahagian Turus Tentera Laut KEMENTAH dan bersara pada 2 November 1986 sebagai Pegawai Staf 2 Perhubungan Departmen Tentera Laut KEMENTAH dengan menyandang pangkat lefetenan komander. Lefetenan Komander Kweh Onn Cheong berumahtangga dengan Puan Yim Siew Lin di Kuala Lumpur pada 20 Julai 1968 dan telah dikurniakan dua orang anak perempuan. Sebagai seorang pegawai TLDM beliau telah dikurniakan pingat AMN pada 1977.

## Koperal Salim Ahmad

Berkelulusan darjah enam sekolah Melayu dan darjah enam sekolah Inggeris, 5404 Koperal Salim bin Ahmad memulakan kerjayanya dalam profesion ketenteraan pada 23 Januari 1950. Beliau lahir pada 1931 di Kampung Sungai Kechil Hilir, Bandar Baru, Alor Setar, Kedah. Sebagai seorang anggota tentera terlatih Koperal Salim berkhidmat dalam pasukan Semboyan. Beliau berumahtangga dengan Puan Halijah bte Zakaria di Kampung Parit Nibong, Bandar Baru pada 4 Ogos 1952. Beliau dikurniakan lima orang anak, dua lelaki tiga perempuan. Beliau bersara pada 4 Disember 1976 setelah berkhidmat selama 21 tahun sebagai seorang Yeoman Semboyan dengan

menyandang pangkat Pegawai Waran Satu di Markas Rejimen Semboyan Medan Askar Wataniah, Jalan Padang Tembak, Kuala Lumpur. Sepanjang perkhidmatannya Pegawai Waran Satu Salim pernah berkhidmat dengan skuadron Semboyan 1 Briged, skuadron Semboyan 2 Briged, skuadron Semboyan 5 Briged, skuadron Semboyan 6 Briged, skuadron Pertama dan Ke-3 Rejimen Semboyan. Beliau dianugerahi PKB 1964, KPK 1965, PPA 1966, GSM Malaya 1968 dan Pingat Pangkuhan Negara (PPN) 1975.

### Staf Sarjan Cheah Huat Chye

Dilahirkan di Kuala Lumpur pada 11 November 1929, 203139 Staf Sarjan Cheah Huat Chye yang berkelulusan darjah tujuh sekolah Inggeris mencebur dunia ketenteraan tanah air pada 8 Julai 1959. Sebagai seorang angota tentera terlatih dia menganggotai Kor Risik Angkatan Tentera. Selaku seorang anggota Risik Staf Sarjan Cheah pernah ditugaskan di KEMENTAH, Briged Ke-5, Briged Pertama dan Briged Ke-3. Beliau menamatkan perkhidmatannya pada 7 Jul. 1971 setelah berkhidmat selama 12 tahun. Sepanjang perkhidmatannya beliau telah dianugerahi PKB 1964, KPK 1966, PPA 1966 dan PPM 1967. Staf Sarjan Cheah berumahtangga dengan Puan Chong Moi Fah di Seremban pada 9 November 1952 dan sehingga tarikh pemberhentianya daripada ATM telah mempunyai empat orang anak, tiga lelaki seorang perempuan.

### Staf Sarjan Kamaruddin

Berasal dari Klang, Selangor, Staf Sarjan Kamaruddin bin Khusrin 14047 lahir pada 15 September 1938. Beliau mendapat pendidikan di Sekolah Melayu Rantau Panjang, Klang hingga darjah empat sebelum meneruskan pelajarannya di High School Klang hingga tingkatan lima pada 1957. Staf Sarjan Kamaruddin pernah menjadi guru sementara sebelum memulakan kerjayanya dalam profesi ketenteraan sebagai seorang Rekrut Askar Melayu di Port Dickson pada 13 April 1959. Beliau berumahtangga dengan Puan Maimun bte. Abdullah pada 3 Mei 1964 dan telah dikurniakan tiga orang anak, dua lelaki satu perempuan. Beliau menamatkan perkhidmatan sebagai seorang anggota LLP pada 24 Julai 1972 dengan menyandang pangkat Pegawai Waran Dua untuk menjadi pegawai Tauliah Jangka Pendek Kor Risik pada 25 Julai 1972. Beliau bersara sebagai seorang kapten pada 15 September 1983. Sepanjang kira-kira 25 tahun perkhidmatannya Kapten Kamaruddin telah dianugerahi PKB 1964, PPA 1966, KPK 1966, PPM 1967, PPS 1978 dan AMN.

## Leftenan Muda Taip Sulaiman

Berasal dari Singapura, Leftenan Muda Taip bin Sulaiman (12458) lahir pada tanggal 15 Mei 1944. Dia merupakan anak ketiga daripada enam orang adik-beradik hasil perkongsian hidup Encik Sulaiman bin Mohammed dengan Puan Aisah bte. Omar. Pendidikan formalnya bermula di Sekolah Melayu Sepoi Line, Singapura dan dia menamatkan persekolahannya di peringkat Senior Cambridge di Gan Eng Seng School Tanjung Pagar, Singapura. Kerjayanya dalam ATM bermula sebagai seorang pegawai Kadet Tauliah Jangka Pendek Panggilan Ke-7 pada 20 Februari 1965. Beliau ditauliahkan sebagai Leftenan Muda ke pasukan 1 Rejimen Peninjau pada 5 Ogos 1965. Pasukan 1 Peninjau ketika itu berpangkalan di Mentakab Pahang dan mulai Januari 1966 berpindah ke Port Dickson pula.

Leftenan Muda Taip menyertai Skuadron A 1 Peninjau mengambil alih Skuadron C 1 Peninjau, bertugas menentang ancaman konfrontasi di Tawau, Sabah mulai 1 April 1966 hingga 17 Januari 1967. Beliau diberikan tauliah tetap pada 29 September 1970. Leftenan Muda Taip berumahtangga dengan Puan Norazinan bte Ahmad Mahayiddin di Petaling Jaya, Selangor pada 18 Mac 1971 dan kini telah dianugerahi empat orang anak. Beliau menamatkan perkhidmatan pada 30 November 1976 dengan menyandang pangkat Mejar. Sepanjang 11 tahun perkhidmatannya, Mejar Taip pernah ditugaskan sebagai Ketua Trup 1 Peninjau, Juruiring Panglima Gerakan Malaysia Barat, Juruiring Ketua Pegawai Kerja Majlis Gerakan Negara, Juruiring Ketua Turus Angkatan Tentera Malaysia (Jeneral Tan Sri Ibrahim bin Ismail), Ejutan Teknik 1 Peninjau, Penolong Jurulatih Kanan dan Jurulatih Kanan Cawangan Peninjau Diraja LATEDA dan Pegawai Turus 2 Bilik Gerakan KEMENTAH. Selain KPK 1967, Mejar Taip turut dianugerahi PPA 1966 dan PPM 1969.

## Leftenan Muda Udara Kumaran

Dilahirkan di Tebong, Melaka pada 6 Disember 1943, Leftenan Muda Udara Kumaran a/l Naryanan Nair (200542) mendapat pendidikan sehingga memperolehi OSC/SMC Grade 2 1960 sebelum menceburkan diri dalam lapangan ketenteraan. Kerjaya ketenteraannya bermula sebagai seorang pegawai kadet Tauliah Jangka Pendek di Maktab Tentera Persekutuan pada 26 Januari 1966 dan ditauliahkan sebagai leftenan muda udara pada 13 Ogos 1966. Leftenan Muda Udara Kumaran mendirikan rumahtangga dengan Puan Jeyalakshmy di Kuala Lumpur pada 11 Mac 1969 dan mempunyai tiga orang anak, dua perempuan seorang lelaki. Beliau bersara sebagai seorang Leftenan Kolonel pada 2 Oktober 1992. Sepanjang 26 tahun perkhidmatan dia pernah ditugaskan sebagai Pegawai Pemerintah Elect Skuadron TUDM Kuantan, Pegawai Pemerintah Eng. Flt. No.1

PPU TUDM, Pegawai Turus 3 Elect (Ground), Pegawai Turus 2 Elect (Air), Ketua Elect, Eng. Offr., Pegawai Turus 2 Ground Support 'B', Ketua Cawangan Kejuruteraan, Pegawai Staf Perhubungan, Juruanalisa Sistem (JUD), Pegawai Staf 2 PERLUD E Bahagian Rancang Operasi, Pegawai Turus 2 Perolehan 'B' Bahagian Material, Pegawai Staf 1 Letrik Bahagian Kejuruteraan dan Pegawai Staf 1 Senggara. Selain KPK 1967 beliau turut menerima PPA tahun 1975.

### Kapten Stanley Manuel

Berketurunan Ceylonese, Kapten Stanley Manuel (400620) lahir pada 6 Disember 1930 di Seremban Negeri Sembilan. Beliau memulakan kerjayanya dalam dunia ketenteraan sebagai seorang anggota LLP pada 21 April 1954. Beliau menamatkan perkhidmatannya sebagai seorang anggota LLP dengan pangkat pegawai waran dua pada 31 Ogos 1964 dan ditauliahkan sebagai pegawai dengan pangkat Leftenan pada 1 September 1964 untuk menjadi Kuatermaster Kor Askar Jurutera. Kapten Stanley merupakan pengikut Roman Katolik dan berumahtangga dengan Puan Patricia Pamela di Bentong, Pahang pada 25 Mei 1959. Hasil perkongsian hidupnya dengan Puan Patricia beliau dikurniai sepasang cahaya mata. Kapten Stanley menamatkan perkhidmatannya sebagai seorang kuatermaster setelah berkhidmat selama 22 tahun pada 5 Dis. 1976. Sepanjang perkhidmatannya beliau pernah ditugaskan di 3 dan 4 Jurutera. Sebagai penghargaan terhadap perkhidmatannya Kapten Stanley dianugerahi GSM with Clasp, PPA 1966, KPK 1967 dan PPM 1969.

### Las Koperal Omar Daud

Berkelulusan darjah tujuh sekolah Melayu 11379 Las Koperal Omar bin Daud memulakan kerjayanya dalam profesion ketenteraan sebagai rekrut Askar Melayu pada 16 April 1957. Beliau yang dilahirkan pada 16 Oktober 1938 berasal daripada Petaling, Selangor. Las Koperal Omar memulakan kerjayanya sebagai seorang anggota tentera terlatih di Batalion Ke-7 RAMD dan menamatkan perkhidmatannya di pasukan yang sama pada 15 Apr. 1970 dengan menyandang pangkat koperal. Sepanjang 13 tahun perkhidmatannya, Koperal Omar terlibat dalam berbagai operasi menentang elimen bersenjata Parti Komunis Malaya, berkhidmat sebagai tentera pengaman di Congo dan tidak ketinggalan menentang penyusupan TNI ke wilayah Malaysia ketika konfrontasi. Di atas kecemerlangan perkhidmatannya beliau telah dianugerahi UN Medal congo with clasp 1962, PKB 1964, PPA 1966 dan KPK 1967. Koperal Omar berumahtangga dengan Puan Zainab bte Mohd. Nadzin di Batu 2, Simpang,

Taiping pada 16 November 1964 dan ketika menamatkan perkhidmatannya telah mempunyai tiga orang anak seorang lelaki dua perempuan.

## Korban Konfrontasi

Sebagai benteng pertahanan negara risiko kematian dan kecacatan adalah suatu hakikat yang sentiasa cuba dielakkan daripada mengambil tempatnya namun dalam setiap konflik bersenjata kematian dan kecacatan sukar dielakkan. Kedua belah pihak menganggap lawan masing-masing sebagai musuh yang terpaksa dihapuskan demi nama baik negara, pasukan dan ketakutan diri, pasukan serta negara. Warga Angkatan Tentera Malaysia dan Tentera Indonesia walaupun berasal daripada rumpun yang sama tidak terkecuali dari hukum alam ini apabila Malaysia dan Indonesia terlibat dalam satu konflik bersenjata.

### Warga ATM yang Terkorban oleh Tindakan Penyusup ketika Konfrontasi

#### 29 Disember 1963.

1. Mejar Zainol Abidin bin Hj. Yaacob (5415) - 3 RAMD
2. 13960 Las Koperal Abdullah bin Abdul Rahman
3. 11245 Prebet Abdul Aziz bin Abdul Ghani
4. 11471 Prebet Ismail bin Mat
5. 11509 Prebet Mohamad Zain bin Yaacob
6. 13784 Prebet Ismail bin Mansor
7. 14447 Prebet Yusof bin Sulong
8. 14469 Prebet Shamsuddin bin Yasin

#### 9 Mac 1964

9. 10659 Prebet Yahya bin Yasin - 5 RAMD

#### 14 Jun 1964

10. Truper Choy Hong Ming - 1 Rejimen Peninjau

#### 24 Julai 1964

11. 800964 Lasykar Kelas 1 Teknisyen Letrik Senjata Abdul Samad bin Sulaiman - KD Seri Selangor TLDM

**19 Ogos 1964**

12. 10046 Koperal Mohd. Yunus bin Ibrahim - 6 RAMD

**21 Ogos 1964**

13. 13542 Prebet Abu Bakar bin Mohamad - 6 RAMD

**3 September 1964**

14. 15705 Prebet Omar bin Kassim - 6 RAMD

**28 Februari 1965**

15. 600568 Sarjan Mohd. bin Abdul Hamid - 2 SIR
16. 600692 Las Koperal Mohamed bin Abdul Manap
17. 600764 Prebet Taib bin Md. Salleh
18. 600676 Prebet Mohd. Salleh bin Bachik
19. 600695 Prebet Zulkifli bin Saidon
20. 601514 Prebet Chek Mat bin Kanchil
21. 601508 Prebet Abd. Khalil bin Hj. Salim
22. 601789 Prebet Rahmat bin Simon

**2 Mac 1965**

23. 600755 Prebet Yasif bin Ahmad - 2 SIR

**13 Mac 1965**

24. 14747 Prebet Nordin bin Ismail - 4 RAMD

**Warga ATM yang Tercedera oleh Tindakan  
Penyusup ketika Konfrontasi**

**29 Disember 1963**

1. 2380 Pegawai Waran Dua Awaluddin bin Kamoi - 3 RAMD
2. 5237 Sarjan Ab. Aziz bin Meon
3. 9894 Las Koperal Osman bin Darus
4. 13876 Las Koperal Isa bin Bujang
5. 9542 Prebet Che Amat bin Che Leh
6. 10277 Prebet Abdul Ghani bin Mohamad

7. 10530 Prebet Shukri bin Suratman
8. 10586 Prebet Mohamed Nafiah bin Yahaya
9. 10587 Prebet Mohamad Nor bin Ahmad
10. 11051 Prebet Yaacob bin Ngah
11. 11164 Prebet Mohamad Arfah bin Almunir
12. 11244 Prebet Ariffin bin Yusof
13. 11957 Prebet Abdul Wahab bin Mat
14. 13885 Prebet Yahya bin Hj Yaacob
15. 14185 Prebet Mat Sa'at bin Yaakob
16. 14346 Prebet Ab. Karim bin Mat Johan
17. 14571 Prebet Bidin bin Abu
18. 14655 Prebet Mat Saad bin Othman

**14 Jun 1964**

19. 201437 Koperal Abas bin Atin - 1 Peninjau
20. 203507 Las Koperal Ahmad bin Mohamed
21. 203493 Truper Abdul Manaf bin Busu
22. 203234 Truper Ahmad bin Abdul Jalil

**24 Julai 1964**

23. Kadet Kanan Musa bin Jabar - KD Seri Selangor TLDM
24. 800899 Lasykar Kanan Juragan Kweh Onn Cheong

**17 Ogos 1964**

25. 11380 Prebet Ramli bin Sihap - 6 RAMD

**18 Ogos 1964**

26. 8111 Prebet Salim bin Mohamad - 6 RAMD

**3 Sept. 1964**

27. 10750 Prebet Wan Mohamad bin Wan Ali - 6 RAMD

**28 Feb. 1965**

28. 600767 Lan Koperal M. Sikh bin Mohd. Jali - 2 SIR
29. 600675 Prebet Mohd. Said bin Mohd. Salim
30. 600747 Prebet Latif bin Mohammad Shariff
31. 600817 Prebet Abdul Hamid bin Mian
32. 601809 Prebet Muhamat bin Sular

### 13 Mac 1965

33. 600981 Prebet Terrance Gabriel De Costa - 2 SIR

### Warga ATM yang Terkorban dan Tercedera dalam Operasi ketika Konfrontasi

1. 15885 Prebet Hashim bin Saari – 8 RAMD, mati di Camang, Sandakan Sabah selepas terjatuh ke dalam Sungai Kinabatangan pada 6 Mac 64
2. 15391 Prebet Hasan bin Abd. Kadir - 4 RAMD, mati lemas di Balai Ringin, Sarawak pada 16 April 1964.
3. 6335 Las Koperal Yunus bin Sires - 6 RAMD, mati tertembak oleh rakan sendiri dalam kawasan serang hendap 20 Novomber 1964 di Sarakei, Sarawak.
4. 16046 Prebet Mohamed bin Hj. Karim – 1 RAMD, mati lemas di Segama, Lahat Datu, Sabah pada 20 Nov. 1964
5. Major Keith Milner, Brigade Major 5 Brigade terkorban dalam nahas helikopter di kem balak Pegagau, Tawau pada 20 Januari 1965.

Enam anggota 6 RAMD terkorban dalam nahas helikopter terhempas pada 4 Mac 1965 di Nanga Gaat, Sarawak.

4. 13531 Koperal Hashim bin Nel
5. 7680 Las Koperal Minhat bin Hamid
6. 8972 Prebet Ahmad bin Itam Budiman
7. 11134 Prebet Ramli bin Mohamad
8. 14322 Prebet Zainal bin Yusof
9. 14771 Prebet Abd. Hamid bin Mohamad

Tiga anggota 5 RAMD meninggal dunia kerana lemas di Sungai Katibas, Sarawak pada 1 Oktober 1966.

10. 7871 Koperal Abdullah bin Ahmad
11. 14637 Prebet Ache bin Hj. Abd. Dah
12. 14679 Prebet Syed Alwi bin Abd Rahman
13. 9483 Koperal Ahmad bin Saad - Buta sebelah mata kanan dan tercedera di bahagian muka kerana tertembak ketika membuat penggeledahan di kawasan serang hendap di Pontian Besar pada 18 Ogos 1964.

Dua pegawai tercedera dalam nahas helikopter pada 20 Januari 1965 di kem balak Pegagau, Tawau.

14. Brigedier Tengku Ahmad bin Tengku Besar Burhanuddin (2044) Pemerintah 5 Briged.
15. Leftenan Kolonel Abdul Jamil bin Ahmad (12004) Pegawai Memerintah 1 RAMD.

## 8

### Penutup

---

Konflik bersenjata antara negara serantau sememangnya merugikan kedua-dua belah pihak, tetapi masih tetap mengambil tempatnya dalam lipatan sejarah negara-negara di seluruh dunia. Ia tidak hanya berlaku di Alam Melayu, malah pernah berlaku di Eropah, Amerika Latin, Timur Tengah dan Timur Jauh seperti yang dibincangkan dalam pengenalan buku ini. Negara berperang kerana merebut kawasan, hasil bumi dan perbezaan ideologi politik. Ketegangan sedemikian seringkali membawa campur tangan pihak ketiga. Konfrontasi Malaysia-Indonesia meletus secara rasmi setelah penubuhan Persekutuan Malaysia. Ia dicetuskan oleh Presiden Soekarno, sewaktu pengaruh komunis sedang berleluasa di Indonesia. Konflik akhirnya diselesaikan atas inisiatif kedua-dua belah pihak tanpa penglibatan pihak ketiga. Kedua-dua buah negara menjalin ikatan persahabatan begitu istimewa sejurus selepas konfrontasi ditamatkan.

Bagi mengendurkan ketegangan hubungan Persekutuan Tanah Melayu-Indonesia akibat rancangan Tunku Abdul Rahman Putra hendak menubuhkan Persekutuan Malaysia, Tunku Abdul Rahman berangkat ke Tokyo untuk bertemu Presiden Soekarno pada 30 Mei 1963. Pada 7 Jun 1963, Timbalan Perdana Menteri Persekutuan Tanah Melayu, Tun Abdul Razak bin Hussein, Dr. Subandrio dari Indonesia dan Signor Emmanuel Pelaez dari Filipina bertemu dalam Mesyuarat Menteri-menteri Luar di Manila. Menteri Luar Indonesia, Dr. Subandrio dan Filipina, Signor Emmanuel Pelaez mengalu-alukan penubuhan Malaysia setelah Setiausaha Agung Pertubuhan Bangsa-Bangsa Bersatu (PBB) atau wakilnya mendapat penduduk di Sabah dan Sarawak berminat memasuki Malaysia.

Mesyuarat bagi ketiga-tiga ketua kerajaan berlangsung di Manila pada 30 Julai hingga 8 Ogos 1963. Presiden Soekarno, Presiden Diosdado Macapagal dan Tunku Abdul Rahman Putra menandatangani tiga dokumen: Persetujuan Manila, Deklarasi Manila dan Pernyataan Bersama. Mereka antara lain bersetuju agar satu kumpulan penyiasat PBB menyelidiki kehendak rakyat Borneo terhadap Malaysia dan cadangan Filipina bagi mewujudkan satu persekutuan yang longgar, Maphilindo.

Bagi memenuhi Fasal 10 Persetujuan Manila, Tunku Abdul Rahman bersetuju dengan permintaan Setiausaha Agung PBB, Encik U Thant menangguhkan selama dua minggu pengisytiharan kelahiran Malaysia

sebagaimana dipersetujui dengan pihak British sebelumnya, iaitu pada 31 Ogos 1963. Walau bagaimanapun Presiden Soekarno menghendaki penangguhan selama enam bulan.

Pada bulan Januari 1964, setelah terputusnya hubungan Malaysia-Indonesia, Peguam Negara Amerika Syarikat, Encik Robert Kennedy berkunjung ke Kuala Lumpur menemui Tunku Abdul Rahman. Encik Robert Kennedy kemudiannya berkunjung pula ke Jakarta menemui Presiden Soekarno bagi mengadakan perundingan dan Tunku Abdul Rahman kemudiannya diminta oleh Kerajaan Thailand untuk berunding di Bangkok. Selaku Menteri Luar, Tun Abdul Razak ke Bangkok mewakili Tunku Abdul Rahman, manakala Dr. Subandrio mewakili Soekarno. Rundingan Bangkok tidak berhasil kerana Subandrio gagal mengesahkan pengunduran sukarelawannya sebagaimana yang dikehendaki oleh Malaysia, walaupun beliau telah bersetuju untuk berbuat demikian dalam rundingan di Bangkok. Satu lagi perundingan dirancang untuk diadakan di Bangkok pada 4 Mac 1964. Rundingan tersebut tidak dapat dilaksanakan kerana tuntutan Malaysia agar seluruh Tentera Indonesia ditarik keluar dari bumi Malaysia tidak dipersetujui oleh Indonesia.

Pada 13 Mei 1964, Encik Emmanuel Pelaez mengumumkan bahawa beliau akan memujuk Presiden Soekarno supaya menghadiri Sidang Kemuncak di Tokyo. Para menteri luar akan terlebih dahulu bertemu bagi merintis jalan. Malaysia menolak sebarang perbincangan selagi pencerobohan masih berlaku. Indonesia bersetuju menarik keluar tenteranya dan akan dibuat serentak dengan Persidangan Peringkat Menteri di Tokyo pada dua lokasi yang ditetapkan dan di bawah pengawasan pemerhati dari Thailand. Malaysia bersetuju dengan usul tersebut, tetapi kemudiannya mendapat bahawa operasi itu benar-benar suatu penipuan. Indonesia mengirimkan askar-askarnya masuk ke kedua-dua tempat di mana mereka sepatutnya dikeluarkan dan kemudiannya menarik mereka keluar semula.

Tunku Abdul Rahman dan Soekarno bertemu di Tokyo pada 15 Jun 1964. Persidangan berlangsung dalam keadaan tegang dan tiada sebarang kemajuan dicapai dalam usaha hendak mengendurkan konfrontasi Indonesia-Malaysia. Menurut Tunku Abdul Rahman itulah kali terakhir beliau menemui Soekarno. Tunku Abdul Rahman menolak rancangan Filipina untuk menerima sebuah Suruhanjaya Perdamaian Afro-Asia bagi mengendurkan ketegangan antara Malaysia, Indonesia dan Filipina kerana ia bertentangan dengan dasar Malaysia.

Di Sarawak, Tebedu dijadikan pusat laluan pengunduran gerila Indonesia secara rasmi. Pengunduran dilakukan pada 18 Jun 1964. Seramai 32 orang gerila Indonesia secara rasmi diiring oleh anggota platoon dari Kompeni A 4 RAMD berundur dari Bahagian Pertama, Sarawak melalui Tebedu ke Kalimantan. Walau bagaimanapun gencatan senjata tersebut tidak dipatuhi oleh Indonesia.

Sekumpulan penyusup bersenjata Indonesia bertempur dengan satu seksyen 4 RAMD di kawasan Bukit Batu Balai, Bahagian Pertama pada 24 Jun 1964, dua penyusup Indonesia dibunuh.

Akhirnya konfrontasi menimbulkan dilema kepada kedua-dua buah negara terlibat. Indonesia dan Malaysia mula merasakan bahana politik dan ekonomi lantaran usaha melindungi konflik tersebut. Dalam perperangan tidak diisyiharkan di belantara Kalimantan Utara ini, mustahil dapat dijangka siapa yang akan menang akhirnya. Kesan politik mula menunjukkan tiada negara sanggup memulakan inisiatif perdamaian malah tiada negara ketiga bersedia menjadi orang tengah dan membawa Malaysia-Indonesia ke meja rundingan. Biarpun Singapura keluar daripada Malaysia pada 6 Ogos 1965, persetujuan ditandatangani antara Tunku dan Lee Kuan Yew membenarkan British terus berpangkalan di republik tersebut dan Indonesia meneruskan konfrontasinya terhadap Malaysia dan Singapura.

Menurut Tan Sri Ghazali Shafie, Setiausaha Tetap Kementerian Luar merangkap Ketua Organisasi Perisikan Luar Malaysia ketika itu, usaha untuk menghentikan era berkonfrontasi antara Indonesia-Malaysia dimulakan secara sulit oleh pihak Indonesia. Ini berlaku apabila Syed Nasir bin Syed Ismail dihubungi secara sulit oleh seorang ejen Indonesia. Perkara tersebut dimaklumkan kepada beliau oleh Syed Nasir sendiri. Selepas itu, seorang pegawai Angkatan Bersenjata Republik Indonesia (ABRI) berpangkat Mejuri diatur menemui beliau dan Tunku Abdul Rahman. Pegawai ABRI berkenaan diutuskan oleh Soekarno membawa misi damai yang berat memihak kepada Indonesia. Misi tersebut akhirnya menemui kegagalan.

Pada pertengahan 1964, Encik Ghazali Shafie setelah diperkenankan oleh Tunku Abdul Rahman dan Tun Abdul Razak mengambil inisiatif menghubungi Indonesia bagi menamatkan pertelaghanan yang sedang berjalan. Menurut analisa mereka, konfrontasi berterusan atas kehendak Soekarno yang telah dipengaruhi oleh PKI. Ia lebih pertelaghanan peribadi antara Soekarno dan Tunku Abdul Rahman. Mereka beranggapan bahawa Soekarno tidak mendapat sokongan penuh Angkatan Bersenjata Indonesia dan pihak berkuasa awam.

Situasi di Indonesia jelas menunjukkan pertelaghanan ini tidak mendapat sokongan penuh rakyat seperti yang pernah diberikan terhadap Kempen Irian Barat sebelumnya. Hanya organisasi komunis yang didalangi oleh PKI dan badan-badan politik kiri yang radikal meniup semangat mengalu-alukan konfrontasi. Mereka menjadikannya sebagai modal, memanipulasikannya demi kepentingan politik mereka untuk memperolehi sokongan dan kawalan lebih besar terhadap politik Indonesia. Raja Norodom Sihanouk Kemboja, seorang rakan rapat Soekarno membuat kesimpulan bahawa sikap anti imperialis Soekarno sebenarnya tidak lebih daripada kata-kata sahaja. Menurut Sihanouk, penentangan Indonesia terhadap Malaysia adalah luaran, manakala rakyat Indonesia umumnya tidak menyokong sepenuhnya Kempen Ganyang Malaysia.

Oleh sebab itu di Indonesia Tunku Abdul Rahman telah dicap sebagai boneka British, maka usaha damai melalui Tunku Abdul Rahman tidak mungkin dapat dilakukan. Untuk itu, Menteri Pertahanan, Tun Abdul Razak dipilih mengetuai usaha damai Malaysia. Encik Ghazali Shafie cuba mengenal pasti dan membuat hubungan dengan pihak Indonesia yang mahu menamatkan konfrontasi. Selain itu, kegiatan perang saraf turut dilakukan bagi menyedarkan rakyat dan pemimpin Indonesia mengenai niat jahat PKI. Salah seorang penentang pemerintahan Soekarno, Des Alwi, yang diberikan suaka politik di Malaysia selepas pemberontakan Pemerintah Revolusioner Republik Indonesia (PRRI-Permesta) bersetuju mengendalikan operasi perang saraf terhadap Regim Soekarno.

Pertemuan pertama antara seorang perwakilan Malaysia dan Indonesia berlaku di Hong Kong pada pertengahan 1964, apabila Encik Ghazali Shafie menemui Lettenan Jeneral Ahmad Yani yang singgah di Hong Kong dalam perjalanan pulang ke Jakarta dari lawatan rasmi ke Jepun. Pada pertemuan tersebut, Encik Ghazali Shafie memaklumkan kepada Lettenan Jeneral Ahmad Yani agar Indonesia mengiktiraf Malaysia dan menghentikan operasi bersenjata yang merugikan kedua-dua belah pihak. Jeneral Ahmad Yani menyatakan bahawa beliau tidak boleh berbuat apa-apa kerana beliau sendiri tertakluk di bawah perintah Soekarno.

Encik Ghazali Shafie kemudiannya berusaha pula menggunakan saluran awam melalui hubungannya dengan Adam Malek. Pertemuan antara Encik Ghazali Shafie dengan Adam Malek diatur di Bangkok. Adam Malek yang dikawal ketat oleh para pembantunya ketika di Bangkok berjaya dipertemukan dengan Encik Ghazali Shafie secara sulit di sebuah rumah Selamat Malaysia di Bangkok. Menurut Tan Sri Ghazali, Adam Malek adalah seorang yang berani dan bersungguh-sungguh untuk mencari perdamaian dan sedar tentang ancaman serta tindak-tanduk PKI.

Walau bagaimanapun Adam Malek tidak mempunyai banyak kuasa kerana bukan daripada kalangan ABRI yang menurut Tan Sri Ghazali lebih berpengaruh ketika itu. Selain itu, Adam Malek juga secara kebetulan berasal dari Sumatera. Sekiranya Adam Malek menunjukkan kesungguhan untuk berdamai dengan Malaysia, dia seolah-olah mengesahkan kenyataan PKI bahawa Sumatera hendak bersatu dengan Malaysia. Dengan sebab itu, usaha perdamaian melalui Adam Malek didapati agak terbatas biarpun beliau menyokong kuat usaha tersebut.

Daripada pertemuan singkat Encik Ghazali Shafie dan Lettenan Jeneral Ahmad Yani, kedua-dua belah pihak mula mengetahui bahawa Kuala Lumpur dan Jakarta sedang berusaha mencari penyelesaian damai. Pada peringkat ini, Lettenan Jeneral Ahmad Yani tidak mengetahui bagaimana kuatnya keinginan untuk perdamaian di kalangan para pegawai kanan Malaysia yang lain. Selain itu, dia juga harus mengambil kira bahawa Encik Ghazali Shafie adalah Ketua Organisasi Perisikan Luar Malaysia dan usahanya itu mungkin satu tipu

muslihat yang bijak oleh pihak musuh. Leftenan Jeneral Ahmad Yani tidak melaporkan pertemuan tersebut kepada Soekarno.

Sama ada dilaporkan atau tidak, sememangnya terdapat kecenderungan yang kuat daripada pihak Indonesia untuk menamatkan konfrontasi dengan cara yang tidak memalukan. Lebih penting, pada awal 1965, apabila kesan-kesan kempen ketenteraan telah menjejaskan dengan seriusnya ekonomi Indonesia, Kolonel Sukendro, Pegawai Perisikan Markas Staf Angkatan Bersenjata mengambil inisiatif lain untuk perdamaian.

Leftenan Jeneral Ahmad Yani sendiri pernah pada suatu ketika cuba membuka saluran melalui Kementerian Pertahanan British setelah berkeyakinan bahawa Malaysia boleh dibawa ke meja perundingan sekiranya British dilibatkan di peringkat permulaan. Untuk itu, Brigedier Jeneral S. Parman, dihantar ke London bagi memulakan perbincangan awal. Satu lagi percubaan mencari perdamaian dilakukan oleh Presiden Soekarno sendiri, apabila beliau mengutuskan Kolonel Soegih Arto, seorang yang dipercayainya membuat perhubungan dengan Pegawai Kementerian Luar British secara terus.

Akhirnya, setelah beberapa percubaan untuk membuka dialog gagal, di luar pengetahuan pihak ketiga, Leftenan Jeneral Ahmad Yani dalam satu perjumpaan terhad dengan pegawai kanan di markas Tentera Darat, mengkaji semula kesungguhan hasrat damai Malaysia. Pada pertemuan itu, Leftenan Jeneral Ahmad Yani membayangkan kepada Mejar Jeneral Soeharto, Timbalan Komander Satu Komando Mandala Siaga (KOLAGA), pemerintah tentera untuk kempen konfrontasi bahawa Malaysia berkemungkinan serius untuk berdamai.

Mejar Jeneral Soeharto kemudiannya menugaskan seorang anggota staf Komando Cadangan Strategis Angkatan Darat (KOSTRAD) yang pernah bertugas bersamanya di Jawa Tengah, Mejar Ali Moertopo untuk meneroka jalan dan cara penyelesaian konflik antara kedua-dua negara. Tiada sebarang maklumat daripada pertemuan terhad pegawai kanan tersebut sampai ke pengetahuan orang lain. Keselamatan mutlak diutamakan bagi menjamin kejayaan. Mejar Ali Moertopo dibantu oleh beberapa pegawai lain termasuk Mejar L.B. Moerdani, Leftenan Kolonel A. Ramli dan Leftenan Kolonel Sugeng Jarot.

Leftenan Kolonel Sugeng Jarot bertugas sebagai Atase Pertahanan Indonesia di Bangkok. Untuk mengadakan pertemuan pertama dengan Encik Ghazali Shafie, Mejar Ali Moertopo bertindak sebagai seorang ahli perniagaan. Mejar Ali Moertopo yang dipertanggungjawabkan ke atas satu operasi khas tersebut merekrut beberapa orang bekas pemberontak PRRI-Permesta yang telah menjadi ahli perniagaan berjaya dan kerap kali mengadakan perdagangan antara Jakarta, Kuala Lumpur, Singapura, Hong Kong dan Bangkok. Tepat sebagaimana dijangka oleh Mejar Ali Moertopo bahawa kumpulan tersebut masih mempunyai hubungan baik dengan pegawai Malaysia. Mejar Ali Moertopo mengambil kesempatan daripada saluran perhubungan masa lampau bagi mencari perdamaian dan untuk itu beliau memerintahkan Sugianto, pembantu rapatnya

membuat pertemuan dengan salah seorang daripada mereka iaitu Daan Mogot. Beliau seorang pegawai tentera dalam perjuangan kemerdekaan Indonesia, menjadi ahli perniagaan dan telah membekalkan senjata kepada pemberontak PRRI. Daan Mogot juga mengetuai pejabat perwakilan PRRI di Hong Kong. Turut dihubungi, bekas pegawai di Kementerian Luar Indonesia, Des Alwi. Beliau pernah mendapat pendidikan di London dan mempunyai hubungan baik di kalangan pemimpin Malaysia sejak sebagai seorang mahasiswa lagi. Pihak Indonesia sebenarnya tidak mengetahui bahawa Des Alwi adalah salah seorang yang ditugaskan oleh Encik Ghazali Shafie menjalankan operasi perang saraf terhadap Regim Soekarno.

Sepanjang tahun 1964, Indonesia tidak melakukan usaha yang serius untuk berdamai dengan Malaysia. Situasi berubah mulai awal 1965, proses ke arah perdamaian digiatkan dan seterusnya menjadi lebih menonjol setelah gagalnya cubaan rampasan kuasa komunis pada 30 September 1965 atau lebih dikenali dengan G30S/PKI. Dalam cubaan rampasan kuasa tersebut sekumpulan anggota ABRI di bawah Komandan Pasukan Pengawal Presiden, Leftenan Kolonel Untong menculik dan membunuh enam pegawai kanan Angkatan Darat iaitu Leftenan Jeneral Ahmad Yani, Mejai Jeneral R. Soeprapto, Mejai Jeneral Harjono Mas Tirtodarmo, Mejai Jeneral Suwondo Parman, Brigedier Jeneral Donald Izacus Pandjaitan dan Brigedier Jeneral Soetojo Siswomihardjo. Dalam saat genting itu, Pemerintah KOSTRAD, Mejai Jeneral Soeharto dengan tenang dalam masa setengah hari sahaja berjaya memulihkan gangguan saluran pemerintahan dalam unit-unit Angkatan Darat, Laut dan Polis.

Berlakunya cubaan rampasan kuasa G30S/PKI mengubah sikap ABRI terhadap kepimpinan Presiden Soekarno. Walaupun ABRI masih menghormati Soekarno sebagai ketua negara dan Pemerintah Agung ABRI, namun ABRI merasakan Soekarno telah berdolak-dalik untuk menyelesaikan Pemberontakan G30S/PKI. Soekarno yang telah kehilangan kewibawaan dan kuasa dalam ABRI terpaksa menyerahkan kuasa kepada Mejai Jeneral Soeharto pada 11 Mac 1966. Sejak itu, kuasa mula berpindah daripada Soekarno kepada Soeharto dan dengan itu memberi peluang seterusnya kepada ABRI meneruskan perundingan damai dengan Malaysia.

Menurut Mejai Benny Moerdani, orang yang bertanggungjawab dan telah memainkan peranan aktif dalam mengembalikan hubungan antara Indonesia dan Malaysia adalah Mejai Jeneral Soeharto sendiri dengan restu Leftenan Jeneral Ahmad Yani. Inisiatif penting sebegini tentunya turut dirundingi bersama pegawai kanan lain. Mejai Benny Moerdani terlibat sejak peringkat awal perdamaian diusahakan, beliau menyamar bertugas sebagai kerani jualan Garuda. Tugas pentingnya ialah untuk menjalankan perundingan damai secara rahsia dengan Malaysia. Pertemuan pertama Mejai Benny Moerdani dengan pihak Malaysia berlangsung pada satu makan tengah hari di sebuah restoran Jepun di Bangkok. Malaysia diwakili oleh Encik Ghazali Shafie dan turut disertai oleh Des Alwi.

Menurut Des Alwi, mesyuarat awal kumpulan perunding khas dengan Malaysia diadakan pada pertengahan Julai 1965 di Hotel Amarin Bangkok, dianggap sebagai lanjutan daripada pertemuan pertama Encik Ghazali Shafie dengan Leftenan Jeneral Ahmad Yani di Hong Kong beberapa bulan sebelum itu. Pertemuan tersebut adalah inisiatif pihak Indonesia yang sedang berikhtiar mewujudkan saluran perhubungan dengan Menteri Pertahanan Malaysia, Tun Abdul Razak. Pihak Indonesia mengetahui bahawa Tun Abdul Razak akan melawat Bangkok sekembalinya dari lawatan ke Burma. Masalahnya bagaimana hendak mengadakan hubungan dengan beliau.

Ejen operasi khas dengan serta-merta diarah memainkan peranan. Daan Mogot berjaya menghubungi Des Alwi bagi mendapatkan kerjasama beliau. Des Alwi dibawa berjumpa Mejar Ali Moertopo dan dua ejen khasnya, Ngearan dan Mejar Benny Moerdani di bilik hotelnya. Des Alwi diminta menghubungi pihak Malaysia dan dengan tidak ragu-ragu bersetuju membantu Mejar Ali Moertopo. Des Alwi membatalkan rancangan awalnya untuk ke Switzerland bertemu dengan bapa angkatnya, Sutan Sjahrir yang gagal ditemuinya di Bangkok. Beliau kembali ke Kuala Lumpur bagi menyampaikan hasrat damai Indonesia yang turut dialu-alukan oleh Tun Abdul Razak.

Ahli-ahli politik Malaysia yang lain termasuk Tunku Abdul Rahman mempunyai pandangan berbeza mengenai konfrontasi dan tidak pernah menyangka akan melihat hasrat damai akan datang daripada Indonesia. Satu lagi pertemuan diadakan dengan pihak Indonesia beberapa minggu kemudian, apabila Des Alwi pulang dari Kuala Lumpur. Pada pertemuan tersebut, Mejar Ali Moertopo melantik Mejar Benny Moerdani sebagai jurucakap rasmi Indonesia. Selepas itu Mejar Ali Moertopo kembali ke Jakarta melaporkan perkembangan usaha damai kepada Soeharto. Pada pertengahan 1965, satu pertandingan golf peringkat tinggi diadakan di Bangkok dan Tun Abdul Razak dijemput bermain.

Selepas permainan golf, Des Alwi menjemput Mejar Benny Moerdani menemui Tun Abdul Razak di bilik hotelnya secara rahsia. Pertemuan pertama antara Tun Abdul Razak dan Mejar Benny Moerdani cukup bermakna dan menghasilkan beberapa pertimbangan penting. Malaysia dengan serta-merta bersetuju mengkaji inisiatif perdamaian dan bagi membuktikan niat baiknya, bersetuju mengkaji kemungkinan membebaskan anggota ABRI dan sukarelawan Indonesia yang ditawan sepanjang konfrontasi.

Ekoran pertemuan di Bangkok, Des Alwi dan Mejar Benny Moerdani berkunjung ke Kuala Lumpur melalui Hong Kong. Benny Moerdani menggunakan dokumen perjalanan Malaysia. Disebabkan pertempuran masih berjalan di Borneo dan Semenanjung, maka perjalanan tersebut sangat dirahsiakan. Bilangan pegawai Malaysia dan Indonesia yang mengetahui mengenai perbincangan juga sangat terhad biarpun di kalangan ABRI sendiri. Risiko kebocoran maklumat kepada pihak British sesuatu yang sentiasa cuba

dielakkan. Dalam kunjungannya ke Malaysia, Mejar Benny Moerdani diberi kesempatan bertemu dengan tawanan Indonesia dan mula menjalankan urusan pentadbiran untuk menghantar mereka pulang ke Indonesia. Sewaktu di Kuala Lumpur, Mejar Benny Moerdani cuba mendapatkan sebuah rumah yang sesuai sebagai tempat mengadakan perundingan.

Dalam melaksanakan perbincangan, Mejar Benny Moerdani kerap kali berulang-alik ke Kuala Lumpur dari Jakarta melalui Hong Kong atau Bangkok kerana tiada penerbangan terus ke Kuala Lumpur waktu konfrontasi. Pertemuan berikutnya antara Malaysia dan Indonesia dijadualkan pada minggu pertama bulan Oktober 1965, tetapi terpaksa ditunda kerana tercetusnya peristiwa GS30/PKI. Daan Mogot meninggalkan Jakarta untuk menghadiri perundingan sehari sebelum peristiwa tersebut. Hanya pada pertengahan Disember 1965, pegawai operasi khas boleh kembali ke Kuala Lumpur bagi menyusun semula rundingan damai. Antara yang menyertai perbincangan termasuklah Mejar Ali Moertopo, Daan Mogot dan Willy Pesik.

Apabila pegawai operasi khas meninggalkan Kuala Lumpur setelah rundingan dibuka semula, di Kuala Lumpur berlaku sedikit kekecohkan. Menteri Dalam Negeri, Tun Dr. Ismail bin Abdul Rahman membantah dengan lantang terhadap Tun Abdul Razak kerana dia langsung tidak diberitahu mengenai beberapa orang penting Indonesia memasuki Malaysia. Sebagai menteri yang bertanggungjawab ke atas hal berkaitan dengan imigresen beliau seharusnya dimaklumkan mengenainya. Biarpun rundingan telah berjalan buat beberapa ketika, hubungan antara Mejar Ali Moertopo dan Tun Abdul Razak dilakukan dengan cara yang amat terhad. Tiada sebarang berita mengenai kehadiran perunding damai Indonesia di Kuala Lumpur disiarkan. Kerajaan British juga tidak mengetahuinya secara rasmi kerana tahap rahsia yang begitu tinggi. Tunku Abdul Rahman sendiri tidak dimaklumkan secara terperinci mengenai usaha damai ini kerana beliau tidak yakin Indonesia benar-benar inginkan perdamaian.

Di Indonesia, Presiden Soekarno juga telah tidak dimaklumkan. Beliau mungkin mengesyaki melalui sumber-sumber lain bahawa terdapat satu kumpulan dalam kerajaannya bersedia mencari perdamaian dengan Malaysia. Beliau, walaupun bagaimanapun hanya berupaya membuat spekulasi sahaja tentang siapakah di belakang kumpulan tersebut. Sepanjang rundingan berlangsung, Mejar Benny Moerdani yang bertindak sebagai ketua pegawai perhubungan Indonesia di Kuala Lumpur membuat kesimpulan bahawa telah tiba masanya Indonesia menghantar delegasi ABRI untuk berkunjung ke Malaysia bagi mendapatkan restu pihak atasannya. Delegasi sebegini rupa membuktikan bahawa Indonesia benar-benar jujur untuk menamatkan konfrontasi.

Selepas kegagalan rampasan kuasa G30S/PKI, Pemerintah KOLAGA, Marsyal Udara Omar Dhani digantikan oleh Mejar Jeneral Soeharto. Ini memudahkan usaha ke arah perdamaian. Di peringkat ini, Mejar Ali Moertopo dan Mejar Benny Moerdani pulang ke Jakarta menemui beberapa orang

pemimpin kanan, Jeneral Soeharto, Menteri Luar, Adam Malek dan Sultan Hamangku Buwono IX. Mesyuarat kemudiannya disambung bersama Brigedier Jeneral Soenarso. Jeneral Soeharto bersetuju dengan inisiatif damai yang dicadangkan. Adam Malek yang menggantikan Subandrio sangat tertarik dengan idea Mejari Benny Moerdani menghantar misi damai ABRI ke Malaysia, manakala Sultan Hamangku Buwono tidak memberikan banyak komen terhadap mana-mana cadangan.

Keputusan menghantar delegasi ABRI ke Malaysia tidak pernah dipersembahkan bagi mendapat kelulusan Presiden Soekarno kerana pada 23 Februari 1966, Soekarno menukar panggilan Pemerintah Agong kepada Komando Ganyang Malaysia (KOGAM). Pemilihan nama sedemikian tentunya tidak membantu mengendurkan ketegangan tetapi akan terus menggalakkan kesan sebaliknya. Setelah memperolehi kuasa melalui Supersemar, Soeharto mengharamkan PKI dan bertindak menangkap beberapa menteri kabinet termasuk Menteri Luarnya, Subandrio. Sebagai seorang Jeneral, Pemerintah ABRI, beliau mempunyai kuasa sepenuhnya untuk bertindak.

Usaha perundingan dirahsiakan kerana Mejari Ali Moertopo dan Tun Abdul Razak bersetuju mengadakan rundingan damai secara terus tanpa melibatkan pihak ketiga. Darjah kerahsiaan yang tinggi diperlukan bagi menjamin kejayaan kunjungan delegasi ABRI ke Kuala Lumpur. Untuk itu, Mejari Benny Moerdani mengesyorkan sekiranya rancangan berjalan menurut jadual, malam sebelum mereka meninggalkan Jakarta, Stesen Radio Republik Indonesia akan menyiaran isyarat rahsia yang berselindung di sebalik satu perutusan keluarga sejurus selepas siaran berita nasional, iaitu mengenai orang sakit dalam keluarga Mogot di Manado. "Daripada keluarga Sumolang di Jakarta kepada keluarga Mogot, Tuan dan Puan Sumolang akan berangkat ke Manado pagi esok."

Apabila mendengar isyarat berkenaan, Mejari Benny Moerdani di Kuala Lumpur menghubungi pihak Malaysia bagi memaklumkan misi damai Jakarta sedang dalam perjalanan dan akan tiba menurut jadual. Maklumat tersebut penting bagi mengelakkan pesawat Hercules C130 Tentera Udara Indonesia itu ditembak ketika memasuki ruang udara Malaysia oleh Tentera Malaysia atau British. Bagi mengurangkan pengetahuan pihak akhbar mengenai siapakah di belakang misi damai tersebut, Mejari Benny Moerdani ke Bangkok menemui Atase Pertahanan Indonesia di Bangkok, Kolonel Sugeng Djarot dan membawa beliau ke Kuala Lumpur dengan tidak memberitahu tugas yang bakal dilakukannya. Beliau menginap di Hotel Federal dan keesokan paginya diminta mengetuai kumpulan menyambut delegasi ABRI di Lapangan Terbang Antarabangsa Subang, Kuala Lumpur.

Menurut Tan Sri Ghazali Shafie, sedikit kecuaian dalam perancangan berlaku di pihaknya. Di luar pengetahuannya, menara kawalan di Subang telah menukar gelombang pada pagi tersebut. Keadaan itu menyebabkan pesawat yang membawa delegasi ABRI tidak dapat menghubungi menara kawalan di

Subang dan tidak pula dapat dihubungi oleh pihaknya. Setelah menyedari berlakunya perubahan gelombang, beliau lantas menghubungi Kelab Penerbangan Diraja Selangor. Beliau mengarahkan seorang pilot memandu sebuah kapal terbang kecil berlebar rendah di udara sambil mencuba semua gelombang yang ada sehingga dapat berhubung dengan pesawat C130 Tentera Udara Indonesia yang hendak memasuki ruang udara Malaysia. Pilot berkenaan diminta memberitahu pilot C130 Tentera Udara Indonesia gelombang yang perlu digunakan.

Setelah hubungan dengan menara di Subang dapat dilakukan, barulah pesawat misi damai dari Indonesia ini memasuki ruang udara Subang dan Air Commodore Susanto, komander pesawat yang membawa delegasi ABRI berjaya mendaratkan pesawat dengan selamat di Subang. Delegasi ABRI diketuai oleh Timbalan I KOLAGA, Rear Admiral O.B. Syaaf diikuti oleh Letenan Kolonel Ali Moertopo, Kolonel Yogasugomo, Brigadier Kemal Idris, Letenan Kolonel Sofyar, Kolonel Tjokopramolo dan beberapa pegawai lain.

Dengan pakaian seragam ABRI, Kolonel Sugeng meninggalkan Hotel Federal menuju ke Lapangan Terbang Subang dalam keadaan gugup bersama Mejar Benny Moerdani yang berpakaian awam bagi menyambut ketibaan delegasi ABRI, manakala Malaysia diwakili oleh Ghazali Shafie. Dari Subang delegasi berkonvoi ke kediaman Tun Abdul Razak di Seri Taman untuk minum pagi sebelum berlepas semula ke kediaman peribadi Perdana Menteri, Tunku Abdul Rahman di Alor Setar.

Kedutaan British dan Australia di Kuala Lumpur membuat bantahan kepada Encik Ghazali Shafie kerana pendaratan pesawat Tentera Udara Indonesia yang membawa misi rahsia dan meminta penjelasan mengapa mereka tidak diberitahu mengenainya. Kepada pihak British, Encik Ghazali Shafie bertanya apakah mereka mahu melihat konfrontasi ditamatkan atau berterusan? Pihak British memaklumkan mereka mahu konfrontasi ditamatkan. "Kalau begitu tidak perlulah membuat bantahan kerana konfrontasi kini telah tamat," jawab Encik Ghazali Shafie memberitahu Kedutaan British. Masalah timbul apabila delegasi hendak ke Alor Setar menemui Tunku Abdul Rahman. Ini kerana pesawat terpaksa melintasi ruang udara Butterworth di mana terdapat pengkalan Tentera Udara Australia di situ. Pihak Australia ketika dihubungi memberitahu bahawa mereka tidak menerima sebarang perintah melepaskan pesawat Tentera Udara Indonesia melintasi ruang udara Butterworth.

Oleh sebab itu sekiranya pesawat berkenaan dikesan, ia akan ditembak. Encik Ghazali Shafie memberitahu pihak Australia bahawa hanya beliau dan Mejar Jeneral Dato' Abdul Hamid bin Bidin sahaja berada dalam pesawat berkenaan dan sekiranya hendak ditembak, silakanlah, cerita Tan Sri Ghazali. Bagi menentukan keselamatan, pegawai Malaysia dan perwakilan ABRI diatur menaiki sebuah pesawat Foker penerbangan MSA yang disewa khas untuk diterbangkan ke Alor Setar. Encik Ghazali Shafie dan Mejar Jeneral Dato' Abdul Hamid menaiki pesawat Tentera Udara Indonesia yang enggan

dinggalkan di Subang oleh ketua delegasi ABRI untuk ke Alor Setar melalui pantai timur dan wilayah selatan Thai. Kedua-dua pesawat meninggalkan Kuala Lumpur dan selamat mendarat di Alor Setar. Delegasi dibawa ke kediaman Tunku Abdul Rahman dengan diberikan sambutan mesra oleh Tunku Abdul Rahman serta perwakilan UMNO bagi kawasan pilihanraya Tunku Abdul Rahman. Delegasi ABRI pulang ke Jakarta pada 27 Mei 1966. Dua hari kemudian, Menteri Luar, Adam Malek bertemu dengan Tun Abdul Razak di Bangkok. Pertemuan tersebut mengambil kira segala persetujuan yang telah dicapai melalui perbincangan di Kuala Lumpur dan Alor Setar diteruskan dengan cukup teratur bagi pemulihan hubungan diplomatik sepenuhnya.

Kedua-dua menteri luar itu meninggalkan Bangkok pada 1 Jun 1966 membawa pulang draf perjanjian damai, Satu formula lengkap untuk menamatkan konfrontasi diperolehi dan diterima oleh kedua-dua belah pihak menjelang akhir Jun 1966. Adam Malek yang begitu ghairah dengan proses damai tersebut menunggu setiap cadangan kepada Malaysia dihantar. Sikapnya itu menimbulkan rasa geram di kalangan delegasi ABRI dalam misi tersebut, di samping beliau juga tidak disenangi oleh Soekarno.

## Kerjasama selepas Konfrontasi Ditamatkan

Dalam Mesyuarat KOGAM pada 8 Jun 1966, Soekarno mengeluarkan Adam Malek daripada tugas tersebut dan memberikan kepercayaan hanya kepada Jeneral Soeharto. Pada pertengahan Jun 1966, Mejar Benny Moerdani mengiringi Encik Ghazali Shafie ke Jakarta menemui Soeharto dan pada awal Ogos 1966 beliau menyertai Letnan Kolonel Ali Moertopo ke Kuala Lumpur. Dengan usaha yang begitu bersungguh-sungguh di kedua-dua belah pihak, proses damai tidak menghadapi banyak halangan di meja rundingan. Pada 11 Ogos 1966, Perjanjian Jakarta bagi pemulihan hubungan ditandatangani oleh Menteri Luar, Adam Malek mewakili Indonesia dan Tun Abdul Razak mewakili Malaysia.

Selepas perjanjian normalisasi hubungan antara Malaysia-Indonesia ditandatangani di Jakarta, kedua-dua buah negara mengadakan beberapa siri perundingan untuk merapatkan semula hubungan. Bagi mengisi syarat-syarat Perjanjian Damai Bangkok, satu delegasi Indonesia terdiri daripada 18 orang pegawai tentera dan teknikal di ketuai oleh Komando Tertinggi Tentera Indonesia, Kolonel Soedarsono Prodjomisano berkunjung ke Kuala Lumpur mulai 5-15 September 1966. Mesyuarat mengenai soal pertahanan dan keselamatan, pemulihan dagangan, hubungan pos dan telekom serta mengenai kebudayaan dan bahasa dirasmikan oleh Timbalan Perdana Menteri Tun Abdul Razak pada 6 September 1966 di Dewan Parlimen Kuala Lumpur. Delegasi kemudiannya dibahagikan kepada tiga kumpulan bagi membincangkan hal-hal yang

menyentuh kepentingan pertahanan, pemulihan hubungan dagang dan kebudayaan.

Dalam soal pertahanan, perwakilan Indonesia seramai sembilan anggota termasuk seorang penasihat dari kementerian luar diketuai oleh Kolonel Soedarsono, manakala Malaysia diwakili oleh Setiausaha Tetap Kementerian Pertahanan, Tan Sri Abdul Kadir bin Shamsuddin dan dibantu oleh beberapa orang pegawai kanan tentera dari kementerian pertahanan termasuk Pengarah Operasi Malaysia Timur, Mejari Jeneral Ibrahim bin Ismail. Setiausaha Kementerian Perdagangan dan Perusahaan, Raja Mohar bin Raja Badiozaman mengetuai perwakilan Malaysia dalam mesyuarat pemulihan hubungan dagang. Untuk sesi kebudayaan dan perhubungan pula Malaysia diwakili oleh sekumpulan pegawai yang diketuai oleh Pengarah Penerangan dan Penyiaran Negara, Tuan Syed Zainal Abidin. Pengarah Dewan Bahasa dan Pustaka, Tuan Syed Nasir bin Syed Ismail membantu beliau dalam soal kebudayaan dan pegawai kanan dari Kementerian Kerjaraya, Pos dan Telekom membantu dalam soal pemulihan hubungan Telekom.

Sebuah pesawat Angkatan Udara Republik Indonesia mendarat di Lapangan Terbang Antarabangsa Subang pada 15 September 1966 membawa sekumpulan 15 pegawai Tentera Nasional Indonesia di bawah perintah Laksamana Muda Udara Leo Wattimena berkunjung ke Kuala Lumpur bagi menyertai sambutan Hari Angkatan Tentera Malaysia pada 16 September 1966. Delegasi turut melakukan kunjungan hormat ke atas Menteri Pertahanan, Tun Abdul Razak, Setiausaha Tetap Kementerian Pertahanan, Tan Sri Abdul Kadir dan Ketua Turus Angkatan Tentera, Jeneral Tunku Osman. Sekumpulan lapan orang delegasi Malaysia diketuai oleh Tan Sri Kadir, dibantu oleh Mejari Jeneral Dato' Ibrahim, Ketua Staf Kementerian Pertahanan, Kolonel Othman bin Ibrahim, Pegawai Staf 1, Leftenan Kolonel Mohamad Ghazali bin Mohamad Seth, Leftenan Kolohel Ja'afar bin Dato' Onn dari tentera darat, Leftenan Komander Ramachandran dari TLDM, Komandor Muda Udara S. Weleh TUDM, Penolong Kanan Pesuruhjaya Polis Shariff bin Abdullah berangkat ke Jakarta bagi menyertai perayaan Ulang Tahun Angkatan Bersenjata Republik Indonesia mulai 5-6 Oktober 1966.

Indonesia dan Malaysia menempatkan pegawai penghubung masing-masing di Kuala Lumpur dan Jakarta dalam usaha hendak memulihkan semula hubungan yang telah terputus, sebelum membuka semula kedutaan di Kuala Lumpur dan Jakarta. Indonesia menugaskan Leftenan Kolonel Benny Moerdani mewujudkan Kantor Penghubung Indonesia di Kuala Lumpur dan Mejari Rinto Sulaiman di Kuching pada 1967, sebelum Mejari Jeneral TNI H.A. Thalib Gelar Depati Santio Bawo ditugaskan sebagai Duta Besar Republik Indonesia di Kuala Lumpur pada 1968, manakala atase pertahannya pula ialah Kolonel Cpm. K. Setiawan.

Leftenan Kolonel Wan Ismail bin Wan Mohd. Salleh (8273) menggantikan Leftenan Kolonel Mohd. Yusoff bin Ibrahim (5823) yang jatuh sakit, selaku Ketua Pegawai Penghubung Malaysia di Jakarta mulai 15 Disember 1966 hingga 16

November 1967 manakala Kementerian Luar Negeri diwakili oleh Encik Abdul Latif bin Hussein dan Encik Zainalabidin bin Ibrahim. Markas Brigid Ke-5 Infantri Malaysia dipertanggungjawabkan bagi pemulihan hubungan di perbatasan Sabah-Kalimantan Timur. Kapten Zulkifli bin Abdul Hamid (12177) dan ASP Bahari ditugaskan sebagai pegawai penghubung Malaysia di Tarakan Kalimantan Timur. Kapten Zulkifli digantikan oleh Kapten Adnan bin Abdul Aziz (200180), manakala ASP Bahari digantikan oleh ASP Lokman Hakim. Kapten Adnan pula digantikan oleh Kapten Kamarudin bin Mohd. Jamal (12210). Sementara itu, penempatan pejabat penghubung Malaysia di Tarakan turut berpindah ke Balik Papan.

Markas Brigid Ke-3 Infantri Malaysia dipertanggungjawabkan bagi pemulihan hubungan di perbatasan Sarawak-Kalimantan Barat. Mejari Wan Nordin bin Wan Mohammad (12176) dan ASP Buang bin Haji Hasan ditugaskan di Bengkajang, Kalimantan Barat. Penempatan pegawai penghubung Malaysia di Bengkajang kemudiannya berpindah ke Pontianak di bawah Mejari Adam bin Abu Bakar (12005) dan ASP Mohd. Som bin Sulaiman. Kumpulan Penghubung Malaysia di Jakarta menyerahkan tugas kepada Kuasa Usaha Sementara, Encik Ismail Mohamed. Tan Sri Yaakob bin Abdul Latif kemudiannya dilantik sebagai Duta Besar Malaysia di Jakarta mulai 14 Disember 1967, manakala Encik Ismail ditugaskan sebagai Setiausaha Ke-2/Ketua Canseri, dan Kolonel Mohamad Nordin bin Mahaludin (5044) selaku Penasihat Pertahanan. Pegawai Kedutaan Malaysia di Jakarta yang lain termasuklah: Encik Zainalabidin, Encik Abdul Karim bin Marzuki, Encik Abdul Latif, Encik Ariffin bin Hj. Ashaari dan Encik Mohd. Osman bin H.M. Noor. Bagi kemudahan penduduk di perbatasan Sarawak-Kalimantan menjalankan urusan perdagangan dan menziarahi sanak saudara masing-masing, empat tempat menyeberang sempadan diadakan di Sarawak sejurus selepas Perjanjian Jakarta ditandatangani. Dua lokasi di Bahagian Pertama: Tebedu dan Bokha dan dua lokasi lagi di Bahagian Kedua: Lubuk Antu dan Batu Lintang dijadikan tempat menyeberang sempadan. Kepala Staf Angkatan Laut Indonesia Laksamana Laut Tan Sri Sudomo berkunjung ke Pangkalan TLDL Woodland, Singapura pada 22 September 1971. Ketua Turus Angkatan Tentera, Jeneral Tan Sri Ibrahim bin Ismail melawat Kalimantan pada 12 Jun 1972. Kepala Staf Angkatan Tentera Republik Indonesia Jeneral Tan Sri Umar Wirahadikusuma membuat lawatan ke Malaysia pada 16 Julai 1972.

Berdasarkan perjanjian peraturan-peraturan keselamatan antara Kerajaan Malaysia dengan Kerajaan Republik Indonesia yang telah ditandatangani oleh Tun Dr. Ismail bin Dato' Hj. Abdul Rahman, Timbalan Perdana Menteri merangkap Menteri Dalam Negeri Malaysia dengan Jeneral TNI Maraden Panggabean, Menteri Negara Urusan Pertahanan dan Keamanan merangkap wakil Panglima Angkatan Bersenjata Republik Indonesia di Kuala Lumpur pada 4 April 1972, General Border Committee (GBC), Staff Planning Committee (SPC) dan lain-lain jawatankuasa bertujuan meningkatkan kerjasama kedua-dua negara diwujudkan.

Persidangan pertama GBC Malaysia-Indonesia diadakan di Prapat, Sumatera Utara pada 23 Julai 1972. Malaysia diwakili oleh Ketua Turus Angkatan Tentera, Jeneral Tan Sri Ibrahim, manakala Indonesia diwakili oleh Jeneral Tun Maraden Panggabean. Perjanjian ini disemak semula dan ditandatangani di Yogjakarta pada 3 Disember 1984 oleh Dato' Musa Hitam bagi pihak Malaysia dan Jeneral TNI Tan Sri L. B. Moerdani bagi pihak Indonesia.

Dalam rangka bidang kerjasama pasukan keselamatan (tentera dan Polis) yang diasaskan oleh Perjanjian 1972 telah memperlihatkan peningkatan persafahaman yang lebih positif dalam pelbagai aspek operasi bersama, latihan bersama, penulisan prosedur-prosedur tetap bersama dan pertukaran kursus/lawatan antara kedua-dua negara. Dalam operasi bersama di perbatasan, kedua-dua negara bersetuju melaksanakan operasi bagi menghapuskan Pasukan Gerila Rakyat Sarawak (PGRS) dan Pasukan Rakyat Kalimantan Utara (PARAKU). Walau bagaimanapun operasi bersama di perbatasan telah ditamatkan bilamana Biro Ke-2 Parti Komunis Kalimantan Utara menandatangani perjanjian damai dengan Kerajaan Malaysia pada 17 Oktober 1990.

Latihan tentera bersama dimulakan antara TLDM dan Angkatan Laut Indonesia dikenali sebagai Malindo Jaya diadakan buat pertama kalinya pada 5-6 Mei 1972 di Laut Sulawesi, Indonesia. Latihan ini pada dasarnya dipersetujui oleh kedua-dua belah pihak diadakan dua tahun sekali di perairan Indonesia-Malaysia. Sehingga Julai 1994 sebanyak 15 Malindo Jaya berjaya diadakan.

Latihan bersama antara TUDM dan Angkatan Udara Indonesia, bermula buat pertama kalinya di Kuantan pada 1975 dan dikenali sebagai Helang I. Latihan bersama kali kedua dikenali sebagai Elang Malindo II diadakan di Lapangan Terbang Bersama Iswahyudi, Madiun pada Ogos 1976. Sehingga Jun 1995 sebanyak 17 latihan Elang Malindo berjaya diadakan.

Latihan antara Tentera Darat Malaysia dengan Angkatan Darat Indonesia dikenali sebagai Keris-Kartika (Kekar) Malindo. Eksesais Kekar Malindo adalah latihan medan tunggal antara Tentera Darat Malaysia dan Angkatan Darat Indonesia di peringkat batalion yang dianjur secara bergilir-gilir setiap tahun dan buat pertama kalinya diadakan pada 1977 di Bandung Indonesia. Sehingga kini sebanyak 24 siri eksesais gabungan (termasuk latihan pos pemerintah) telah dilaksanakan antara kedua-dua belah pihak. Eksesais Kekar Malindo 24A/95 dilaksanakan di Sibu, Sarawak pada 13-23 November 1995 dengan tumpuan kepada eksesais pos pemerintah pada tahap peperangan briged dalam pertahanan.

Hasil daripada kegiatan-kegiatan latihan ketenteraan bersama antara perkhidmatan secara berasingan, maka Eksesais Malindo DARSASA (Darat, Samudera dan Angkasa) yang melibatkan ketiga-tiga cabang angkatan bersenjata kedua-dua buah negara dimulakan buat pertama kalinya secara pos pemerintah di Kem Wardieburn, Kuala Lumpur pada 1982. Malindo DARSASA Ke-2 juga dilakukan secara pos pemerintah di Malang, Jawa Timur. Malindo DARSASA 3AB/91 diadakan secara pos pemerintah dan di medan di sekitar negeri Johor.

Latihan gabungan bersama ATM dan TNI Malindo DARSASA 4AB/96 diadakan secara pos pemerintah dan di medan bertempat di sekitar Surabaya, Jawa Timur dan Singkawang, Kalimantan Barat pada 19-30 Ogos 1996.

Latihan Aman Malindo melibatkan Polis Diraja Malaysia (PDRM) dan Polis Republik Indonesia (POLRI). Latihan bertujuan untuk mencegah kegiatan jenayah, kegiatan melanun, penyusupan, penyelulupan di perbatasan dan di perairan kedua-dua buah negara. Latihan diadakan secara bergilir-gilir di perbatasan atau di perairan Malaysia dan Indonesia pada setiap tahun, Latihan Aman Malindo yang diadakan di perbatasan melibatkan Pasukan Polis Hutan Malaysia dan pasukan Brigade Mobile (Brimob) Indonesia manakala latihan Aman Malindo di perairan pula melibatkan Polis Merin dan Unit udara PDRM, Polis Air dan Unit Udara Polri. Aman Malindo yang pertama diadakan secara pos pemerintah (Posko), melibatkan cawangan jenayah sahaja dan telah diadakan di Malaysia pada tahun 1981 dan kali ke-14 di perairan Medan pada 25-29 Jul. 1995.

Latihan menyelamat Search And Rescue (SAR) Malindo buat julung-julung kalinya diadakan di Indonesia pada tahun 1976 dan Siri Ke 21 dilaksanakan mulai 5 hingga 10 Ogos 1996 Di Selat Melaka. Latihan SAR Malindo pada mulanya melibatkan hanya TUDM dan Angkatan Udara Republik Indonesia tetapi sekarang turut disertai oleh tentera laut, polis dan pihak penerbangan awam kedua-dua buah negara. Kerjasama kedua-dua buah negara terus dipertingkatkan dari semasa ke semasa. Kerjasama seterusnya melibatkan, pihak Imigresen, Kastam dan kemudiannya diikuti oleh Jabatan Ukur bagi tujuan untuk mengukur sempadan kedua-dua buah negara. Di samping itu, Malaysia dan Indonesia turut saling bertukar-tukar pegawai untuk tujuan latihan dan menimba pengalaman. Malaysia menghantar Mejari Mansor bin Mohamed Yunus (12039) mengikuti kursus turus di Sekolah Staf Komando Angkatan Darat (Seskoad), Bandung, Indonesia pada 28 Januari 1968 manakala Mejari Joko Pramono merupakan pegawai tentera Indonesia pertama mengikuti kursus di Maktab Turus Angkatan Tentera di Kuala Lumpur pada tahun 1974. Leftenan Kolonel Ismail bin Salleh (12171) ditugaskan sebagai Juruarah di Seskoad pada 1 Januari 1979 manakala Indonesia menghantar Leftenan Kolonel Eddy Ritonga untuk bertugas sebagai Juruarah di Maktab Turus Angkatan Tentera.

## L a m p i r a n

---

### Senarai Pegawai ATM yang terlibat dalam Konfrontasi

Leftenan Jeneral Tunku Osman bin Tunku Mohd. Jewa (1947)  
Mejar Jeneral Abdul Hamid bin Bidin (1056)  
Brigedier Mohammed Noor bin Hj. Tamin (927)  
Brigedier Ibrahim bin Ismail (1948)  
Brigedier Tengku Ahmad bin Tengku Besar Burhanuddin (2044)  
Leftenan Kolonel Othman bin Rani (458)  
Leftenan Kolonel Shaari bin Daud (973)  
Leftenan Kolonel Mohamad bin Hashim (2353)  
Leftenan Kolonel Mokhti bin Jabar (2533)  
Leftenan Kolonel Tengku Kahar bin Tengku Mahadi (4276)  
Leftenan Kolonel Othman bin Ibrahim (5018)  
Leftenan Kolonel Mohammed Sany bin Abdul Ghaffar (5019)  
Leftenan Kolonel Mohamad Nordin bin Mohaludin (5044)  
Leftenan Kolonel Mustafa bin Abdullah (5086)  
Leftenan Kolonel Abdul Latiff bin Hussain (5411)  
Leftenan Kolonel Esa bin Ahmad (5939)  
Leftenan Kolonel Abdul Jamil bin Ahmad (12004)

Mejar Ismail bin Babu (39)  
Mejar Ismail bin Ghows (2020)  
Mejar Abdul bin Jalil (2033)  
Mejar Abdullah bin Mohd. Hashim (2327)  
Mejar Idrus bin Ma'aris (2751)  
Mejar Meor Ahmad bin Hj. Dahari (2874)  
Mejar Hussien bin Hashim (2922)  
Mejar Tengku Zaid bin Tengku Ahmad (4428)  
Mejar Jaafar bin Sidek (5022)  
Mejar Ismail bin Joo (5048)  
Mejar Zainol Abidin bin Yaacob (5415)  
Mejar Mohd. Usoff bin Bakar (5833)  
Mejar Mohamad Ghazali bin Dato' Mohamad Seth (5942)  
Mejar Mohd. Noor bin Malek (5952)

- Mejar Mohamad bin Kamaruddin (5945)  
Mejar Tengku Ahmad bin Tengku Makmor (5946)  
Mejar Mohd. Nadzin bin Mohd. Jamin (6711)  
Mejar Asidin bin Ali (7600)  
Mejar Abdullah bin Shamsuddin (7694)  
Mejar Wan Ismail bin Mohd. Salleh (8273)  
Mejar Tahir bin Ismail (12003)  
Mejar Mohd. Nahu Juri bin Abdul Latif (12008)  
Mejar Hassan bin Mohd. Salleh (12029)  
Mejar Mohd. Noor Khan bin Siraj Khan (201121)  
Mejar Rosli bin Dato' Bendahara (201156)  
Mejar Baljit Singh  
Leftenan Komander Bryan Edmund Ibrahim Hyde Smith (N/400250)  
Mejar Mackintosh  
Mejar Durcan  
Kapten Abdul Hamid bin Jamaludin (2226)  
Kapten Yahya bin Ahmad (2792)  
Kapten Mohd. Nor bin Hassan (3648)  
Kapten Mat Nawi bin Hj. Taib (4432)  
Kapten Mohd. Yusof bin Mat Zuki (5030)  
Kapten Rijaludin bin Mohd. Salim (5058)  
Kapten Azhar bin Ahmad (6536)  
Kapten Abdul Rahman bin Lassim (6680)  
Kapten Hashim bin Mohd. Ali (10504)  
Kapten Nik Mahmood Fakharuddin bin Nik Ahmad Kamil (10850)  
Kapten Tengku Mokhtar bin Tengku Mohamed Jewa (11345)  
Kapten Abdullah bin Husain (11402)  
Kapten Musa bin Mohammed (12027)  
Kapten Mohammed Ariff bin Mohammed Yahaya (12035)  
Kapten Mohammed Ismail bin Omar (12038)  
Kapten Mansor bin Mohamed Yunus (12039)  
Kapten Zainal Abidin bin Dato' Ahmad (12052)  
Kapten Ahmad bin Hj. Abdul Kadir (12057)  
Kapten Zainal Abidin bin Hj. Jawati (12056)  
Kapten Mohammed Daud bin Abu Bakar (12063)  
Kapten Madzlan bin Muraidin (12069)  
Kapten Sabarudin bin Sulaiman (12079)  
Kapten Yahya bin Yusof (12080)  
Kapten Badarudin bin Ismail (12081)  
Kapten Shah Mahamed Amin bin Mohd. Salleh (12090)  
Kapten Abdul Hamid bin Ibrahim (12100)  
Kapten Othman bin Harun (12107)

Kapten Mohammad Nasir bin Mohammad Taib (12109)  
Kapten Jamaluddin bin Maamor (12115)  
Kapten Wan Idris bin Wan Mustapha (12112)  
Kapten Mohd. Sidek bin Jaafar (12116)  
Kapten Mohamad Isa bin Che Kak (12120)  
Kapten Mohamad bin Wan (12121)  
Kapten Abdul Malek bin Ismail (12129)  
Kapten Bustami bin Sharbani (12139)  
Kapten Jaafar bin Mohd. Yusof (12163)  
Kapten Zainal Abidin bin Mohd. Dan (12168)  
Kapten Mohamed Zain bin Yaacob (12244)  
Kapten Yusoff bin Shariff (200219)  
Kapten Stanley Manuel (201814)  
Kapten Pritam Singh Ball (200211)  
Leutenant Cheah Leong Voon N/400077  
Leutenant Thanabalasingam a/l Karalasingam N/400079  
Leutenant Pavithran Krishnan Nettur (N/400080)  
Leutenant Malcolm William Alvisse (N/400082)  
Leutenant Mohd. Zain bin Mohd. Salleh N/400084  
Kapten James Tan  
Kapten R.G.W. Bliss  
Kapten Mahinder Singh  
Leutenant Soud bin Paimun (3357)  
Leutenant Mohd. Kassim bin Hashim (5929)  
Leutenant Idrus bin Long (6365)  
Leutenant Wahidin bin Hj. Tahir (11302)  
Leutenant Tengku Azib bin Tengku Ma'amor (11435)  
Leutenant Raja Shaharuddin bin Raja Rome (11709)  
Leutenant Abd. Rahman bin Mohd. Nur (12084)  
Leutenant Abdul Rahman bin Hj. Mohd. Said (12094)  
Leutenant Abdul Aziz bin Saif (12099)  
Leutenant Hussein bin Mohamed Ali Piah (12110)  
Leutenant (Udara) Mohamed bin Ngah Said (12111)  
Leutenant Omar bin Yusoff (12113)  
Leutenant Ismail bin Kassim (12119)  
Leutenant Osman bin Ahmad (12124)  
Leutenant Kamarul Arifin bin Ibrahim (12134)  
Leutenant Mohd. Ali bin Dollah (12135)  
Leutenant Mohd. Baharom bin Mohd. Yusoff (12142)  
Leutenant Othman bin Mohamed Yusof (12151)  
Leutenant Mohd. Kalam Azad bin Mohd. Taib (12155)  
Leutenant Aboo Samah bin Aboo Bakar (12156)

- Leftenan Abdul Ghani bin Hussin (12162)  
Leftenan Sulaiman bin Kudus (12164)  
Leftenan Harun Rasheed bin Mat Dom (12165)  
Leftenan Hashim bin Wahab (12169)  
Leftenan Ismail bin Salleh (12171)  
Leftenan Ismail bin Omar (12175)  
Leftenan Zulkifli bin Abd. Hamid (12177)  
Leftenan Ahmad Azizah bin Mohd. Zain (12180)  
Leftenan Muda Mohd. Ariffin bin Mohd. Rosli (12182)  
Leftenan Fauzi bin Hussain (12183)  
Leftenan Mohamad Ali bin Alwi (12184)  
Leftenan James Tomlow ak Isaac (400595)  
Leftenan Busu ak Mingat (400615)  
Naib Leftenan Laut Abdul Wahab bin Nawi N/400099  
Naib Leftenan Arisfadzillah bin Alang Ahmad N/400100  
Naib Leftenan Abdul Wahid bin Anang N/400140  
Naib Leftenan Laut Thyagarajah a/l Govindasamy N/400281  
Leftenan Daljeet Singh  
Leftenan Kesavan Soon  
Leftenan Jimmy Yap
- Leftenan Muda Zulkafli bin Mohamad Daud (3873)  
Leftenan Muda Zarazilah bin Mohamed Ali (12154)  
Leftenan Muda Mohd. Haniff bin Taib (12160)  
Leftenan Muda Jaafar bin Mohamad Yusof (12163)  
Leftenan Muda Wan Nordin bin Wan Mohamad (12176)  
Leftenan Muda Anuar bin Hj. Mahmood (12185)  
Leftenan Muda Abdul Ghani bin Abdullah (12186)  
Leftenan Muda Mohd. Kassim bin Ismail (12187)  
Leftenan Muda Nordin bin Yusof (12193)  
Leftenan Muda Aziz bin Abdullah (12195)  
Leftenan Muda Mohd. Azzam bin Mohd. Haniff (12196)  
Leftenan Muda Nor Ikhsan bin Raffii (12198)  
Leftenan Muda Tengku Ibrahim Ibni Sultan Abu Bakar (12201)  
Leftenan Muda Kamarudin bin Mohd. Jamal (12210)  
Leftenan Muda Badrudin bin Mohd Yassin (12211)  
Leftenan Muda Mohd. Ramli bin Ismail (12212)  
Leftenan Muda Mahmood bin Mohd. Zain (12214)  
Leftenan Muda Mohd. Nawawi bin Hj. Yusof (12215)  
Leftenan Muda Hasbulah bin Yusof (12219)  
Leftenan Muda Raja Abdul Rashid bin Raja Badiozaman (12220)  
Leftenan Muda Ishar bin Sham (12221)

- Leftenan Muda Elias bin Harun (12228)  
Leftenan Muda Mohd. Alias Lafti bin Hj. Hussain (12229)  
Leftenan Muda Raja Ibrahim bin Raja Shahriman (12242)  
Leftenan Muda Tengku Abdullah bin Sultan Abu Bakar (12245)  
Leftenan Muda Razali bin Mohamed Yasoh (12246)  
Leftenan Muda Malakan bin Kamaruddin (12247)  
Leftenan Muda Mohammed @ Mohamed Shukor bin Hj. Abdullah (12248)  
Leftenan Muda Mohd. Yusof bin Kamal Khan (12249)  
Leftenan Muda Rahimuddin bin Abdul Mutalib (12250)  
Leftenan Muda Lahadir bin Salleh (12253)  
Leftenan Muda Mohd. Aros bin Othman (12255)  
Leftenan Muda Abas bin Mohd. Yunus (12258)  
Leftenan Muda Ismail bin Hassan (12259)  
Leftenan Muda Jelani bin Hj. Asmawi (12262)  
Leftenan Muda Ghazali @ Abd Rahman bin Ibrahim (12264)  
Leftenan Muda Abdul Latiff bin Ahmad (12265)  
Leftenan Muda Abd. Malik @ Saidi bin Mohd. Alwi (12267)  
Leftenan Muda Tengku Salman bin Tengku Sulaiman (12274)  
Leftenan Muda Abdul Shukor bin Hj. Jaafar (12275)  
Leftenan Muda Hussin bin Awang Senik (12276)  
Leftenan Muda Nawawi bin Mat Desa (12278)  
Leftenan Ariffin @ Ariff bin Ismail (12279)  
Leftenan Muda Hashim bin Mohd. Amin (12287)  
Leftenan Muda Sulaiman bin Abdul Rahman (12295)  
Leftenan Muda Ali bin Hj. Musa (12297)  
Leftenan Muda Baharuddin bin Abd. Kadir (12302)  
Leftenan Muda Mohamed bin Osman (12304)  
Leftenan Muda Ahmad Kamal bin Ismail (12305)  
Leftenan Muda Abdul Rahman bin Said (12310)  
Leftenan Muda Mohd. Yusof bin Ali (12311)  
Leftenan Muda Buyong @ Abu Zaharin bin Abu Bakar (12312)  
Leftenan Muda Redzuan bin Tan Sri Dato' Shaikh Ahmad (12313)  
Leftenan Muda Shahrom bin Jaafar (12317)  
Leftenan Muda Abdul Latif bin Mohd. Nazir (12318)  
Leftenan Muda Abdul Kadir bin Nordin (12322)  
Leftenan Muda Baharim bin Abd. Rahim (12324)  
Leftenan Muda Hussein bin Supian (12327)  
Leftenan Muda Mohd. Khari bin Zainal Abidin (12334)  
Leftenan Muda Abdul Razak bin Abdul Samad (12335)  
Leftenan Muda Zam Zam bin Abdul Hamid (12336)  
Leftenan Muda Abd. Razak bin Abd. Karim (12337)  
Leftenan Muda Amir bin Baharudin (12341)

- Leftenan Muda Jusoh bin Daud (12347)  
Leftenan Muda Saidi bin Zakaria (12354)  
Leftenan Muda Tunku Sallehuddin ibni Almarhum Sultan Badlishah (12359)  
Leftenan Muda Anuar bin Adam (12363)  
Leftenan Muda Hayata bin Alias (12367)  
Leftenan Muda Mohamad bin Abd. Rahman (12369)  
Leftenan Muda Nik Zaini @ Zeynin bin Nik Abd. Rahman (12372)  
Leftenan Muda Annuar bin Md. Amin (12377)  
Leftenan Muda Abdul Jalil bin Abdul Kadir (12378)  
Leftenan Muda Mohd. Razman bin Abdul Khatab (12381)  
Leftenan Muda Zainuddin bin Taib (12382)  
Leftenan Muda Mustapha Khalil bin Ismail (12385)  
Leftenan Muda Zakaria bin Abdul Rahman (12397)  
Leftenan Muda Othman bin Hj. Ahmad (12398)  
Leftenan Muda Syed Othman bin Syed Ali (12400)  
Leftenan Muda Sheikh Ahmad Nordin bin Sheik Abdullah (12405)  
Leftenan Muda Mansor bin Harun (12408)  
Leftenan Muda Mohd. Salleh bin Mohd. Said (12410)  
Leftenan Muda Md. Noor bin Md. Daud (12411)  
Leftenan Muda Anoar Ibrahim bin Mohamad Noor (12413)  
Leftenan Muda Hashim bin Abdul Karim (12422)  
Leftenan Muda Hasbi bin Yusoff (12440)  
Leftenan Muda Shamsudin bin Abbas (12448)  
Leftenan Muda Mohamed bin Awang (12450)  
Leftenan Muda Nordin bin Hj. Mohd. Ali (12451)  
Leftenan Muda Hamzah bin Othman (12455)  
Leftenan Muda Taip bin Sulaiman (12458)  
Leftenan Muda Zaini bin Said (12460)  
Leftenan Muda Alias bin Muda (12462)  
Leftenan Muda Mohamed Aris bin Ariffin (12468)  
Leftenan Muda Amir Hamzah bin Mohd. Khalid (12474)  
Leftenan Muda Abdul Aziz bin Mat Nor (12479)  
Leftenan Muda Ghazali bin Suhadi (12480)  
Leftenan Muda Mustaman bin Tahir (12485)  
Leftenan Muda Abd. Malek bin Omar (12493)  
Leftenan Muda Mohamed Sharif bin Abdul Jalil (13538)  
Leftenan Muda Syed Hashim bin Tuan Long (200191)  
Leftenan Muda Che Mat Noor bin Mat Arshad (200192)  
Leftenan Muda Lau Bik Hoon (200195)  
Leftenan Muda Albert Manasseh (200227)  
Leftenan Muda Dunstan Nyaring Angking (200320)  
Leftenan Muda Fabian Wong Boon Soon (200448)

Leftenan Muda (Udara) Kumaran a/l Naryanan Nair (200542)  
Leftenan Muda Thyagarajah a/l Govindasamy (N/400281)  
Leftenan Muda Meor Omar Baki bin Abdul Latiph (400528)  
Leftenan Muda Walther Ted Wong ak Tedong (400602)  
Leftenan Muda Abit ak Bandindang (400616)  
Leftenan Muda Lockman bin Hashim @ Lugman Hashim (400998)  
Leftenan Muda Mohd. Noor bin Mohd. Safari (410048)  
Leftenan Muda Abdul Halim bin Abdullah (410050)  
Leftenan Muda Kamarul Bahrin bin Alias (410054)  
Leftenan Muda Abu Bakar bin Hussain (410068)  
Leftenan Muda Mohd. Fahami bin Hussein (410073)  
Leftenan Muda Kamaruzaman bin Mohd Noor (410102)  
Leftenan Muda Ahmad Jamil bin Mohd Yusof (410103)  
Leftenan Muda Zulkifli bin Ibrahim (410115)  
Leftenan Muda Zainol Azzudin bin Idris (410118)  
Leftenan Muda Hassan bin Samin (410119)  
Leftenan Muda Jamaludin bin Hj. Zakaria (410160)  
Leftenan Muda Khaliludin bin Ahmad (410221)

Pegawai Muda Laut Abu Bakar bin Budin N/400141  
Pegawai Muda Laut Haron bin Mohamed Salleh N/400142  
Pegawai Muda Laut Lai Yok Yu N/400143  
Pegawai Muda Laut Mohd. Shariff bin Ishak N/400144  
Pegawai Muda Laut N. E. Peterson N/400145  
Pegawai Muda Laut Yaacob bin Daud N/400146  
Pegawai Muda Laut Chiang Joo Boon N/400155  
Pegawai Muda Laut Patrick Cuthbert Cornelius N/400156  
Pegawai Muda Laut Ahmad bin Idris N/400170  
Pegawai Muda Laut Mokhtar bin Yassin N/400171  
Pegawai Muda Laut Pang Meng Kun N/400178  
Pegawai Muda Laut Ahmad Kamal bin Hj. Yahya N/400195  
Pegawai Muda Laut Mohd. Ghazi bin Yahya N/400201  
Pegawai Muda Laut Udin bin Ujud N/400205  
Pegawai Muda Laut Tajudin bin Yahya N/400209  
Pegawai Muda Laut Ahmad Ramli bin Hj. Mohd. Noor N/400216  
Pegawai Muda Laut Quah Hoe Yeong N/400217  
Pegawai Muda Laut Lionel Andrian Rodrigues N/400218  
Pegawai Muda Laut Shamsuddin bin Said N/400219  
Pegawai Kadet Mui Yoke Loong N/400211  
Pegawai Kadet Nik Anis bin Nik Abdullah N/400212  
Leftenan Muda Goh Lye Choon  
Leftenan Muda Syed Ibrahim bin Syed Mohammed  
Leftenan Muda Thomas Teo

## Informan

---

Bekas Koperal Abdul Hamid bin Mian  
Bekas Pegawai Waran Dua Abdul Manaf bin Sidek  
Bekas Pegawai Waran Dua Abu Bakar bin Hassan  
Bekas Pegawai Waran Dua Muhamat bin Sular  
Bekas Pegawai Waran Satu Hj. Khamis bin Hj. Sindot  
Bekas Pegawai Waran Satu Mohd. Yusof bin Jani  
Bekas Pegawai Waran Satu Rahman bin Jaafar  
Bekas Prebet Rahman bin Adam  
Bekas Sarjan Ahmad bin Abdul Mutalib  
Bekas Sarjan Hj. Abdollah bin Hj. Abdol Kader  
Bekas Sarjan Hussein bin Ridzuan  
Bekas Sarjan M. Sikh bin Mohd. Jali  
Bekas Staf Sarjan Abas bin Atin  
Brigedier Jeneral Abas bin Mohd. Yunus  
Brigedier Jeneral Abdul Kadir bin Nordin  
Brigedier Jeneral Abdul Shukor bin Hj. Jaafar  
Brigedier Jeneral Dato' Mohammed @ Mohammad Shukor bin Hj. Abdullah  
Brigedier Jeneral Hussein bin Supian  
Jeneral (Bersara) Tan Sri Abdul Hamid bin Bidin  
Kapten (Bersara) Cheah Leong Voon  
Kapten (Bersara) Taharim bin Hj. Mohd. Nor  
Kapten Nik Anis bin Nik Abdullah TLDM  
Kolonel (Bersara) Abdul Malik @ Saidi bin Alwi  
Kolonel (Bersara) Ismail bin Salleh  
Kolonel Amir bin Baharudin  
Koperal Mohd. Zain bin Ibrahim  
Prebet Ibrahim bin Yahya  
Laksamana Pertama (Bersara) M. W. Alvisse  
Leftenan Ibrahim bin Alla Ditta  
Leftenan Jeneral (Bersara) Dato' Abdul Jamil bin Hj. Ahmad  
Leftenan Jeneral (Bersara) Dato' Abdullah bin Shamsudin  
Leftenan Jeneral Raja Dato' Abdul Rashid bin Raja Badiozaman  
Leftenan Kolonel (Bersara) Ismail bin Ghows  
Leftenan Kolonel (Bersara) Mohd. Khari bin Zainal Abidin  
Leftenan Kolonel (Bersara) Raja Sharudin bin Raja Rome  
Leftenan Mohammad Noor bin Sutan Jisat  
Leftenan Mohammed bin Hashim

Leftenan Mohammed Nordin bin Nahaludin.  
Leftenan Muda Abdul Rahman bin Hj. Khamis  
Leftenan Muda Abdullah Munir bin Mahmud  
Leftenan Muda Zainal bin Hitam  
Lieutenant Alister George Mackenzie (225856)  
Lieutenant Peter Leslie Philcox (385099)  
Lieutenant John Colley Caiger (385013)  
Major Kenneth William Nevines  
Lieutenant Dennis Robert Edward Wyman (372832)  
Lieutenant John Douglas Brydon Hodges (431871).  
Lieutenant Reginald Bryan Rusdy (368694)  
Captain Joseph Ian David Pike (383555).  
Major Oswald James Mirylees (112888)  
Lieutenant David Geoffrey Hood (423564)  
Mejar Ariffin bin Ismail  
Leftenan Abdul Manan bin Abas  
Mejar Jeneral (Bersara) Dato' Mohamed Dahalan bin Sulaiman  
Mejar Jeneral (Bersara) Dato' Othman bin Ibrahim  
Prebet Bujang bin Hj. Busin  
Koperal Ishak bin Abd, Razak.  
Prebet Yaakob bin Bidin  
Koperal Musa bin Noordin  
Pegawai Waran Dua Ibrahim bin Mohd. Haniff  
Prebet Rashid bin Hussin  
Prebet Jantan bin Baba  
Koperal bin Awang.  
Sarjan Hassan bin Hj. Othman  
Sarjan Daud bin Ninggal.  
Sarjan Ismail bin Hj. Tahir  
Las Koperal Mohamad bin Osman  
Sarjan Md. Nor bin Hassan  
Sarjan Hussin bin Pak Su  
Prebet Wahab bin Hamid  
Sarjan Osman bin Itam  
Sarjan Adnan bin Ibrahim  
Koperal Soud bin Paiman  
Prebet Mohammed Saufi bin Osman  
Prebet Adam bin Hj. Yaacob  
Prebet Salleh bin Mat Zin  
Sarjan Hashim bin Awang  
Prebet Ya bin Umat  
Sarjan Salleh bin Abu Bakar  
Koperal Mahat bin Alit  
Las Koperal Mohamed bin Tohid.  
Tan Sri Ghazali bin Shafie

## Glosari

---

- ABRI** Angkatan Bersenjata Republik Indonesia - Mengandungi Angkatan Darat, Angkatan Laut dan Angkatan Udara Republik Indonesia.
- ATM** Angkatan Tentera Malaysia - mengandungi tiga perkhidmatan: tentera darat, tentera laut dan tentera udara.
- Anti-Personnel Mine** periuk api pemusnah anggota.
- Batalion Infantri** Unit serangan atau taktikal mengandungi kompeni markas dan empat kompeni repal. Organisasi yang setingkat lebih tinggi daripada kompeni dan diperintah oleh seorang pegawai memerintah berpangkat Leftenan Kolonel.
- Briged Infantri** Satu kumpulan perang cantuman semua perkhidmatan dengan elemen bantuan tempur daripada trup divisyen. Briged diperintah oleh seorang panglima briged berpangkat Brigedier Jeneral.
- Brigedier Jeneral** Pangkat selepas Pangkat Kolonel.
- Claymo Mine** Senjata yang berupaya menaburkan peluru dengan banyak serentak ke arah di mana ia diletupkan. Ia sangat berkesan digunakan dalam serang hendap dan diletupkan dari jarak jauh melalui kawalan.
- DWIKORA** Dwi Komando Rakyat
- Garison (Gar.)** Semua pasukan yang ditugaskan kepada pangkalan atau kawasan untuk pertahanan, pembangunan operasi dan kemudahan senggaraan.
- Grened** Bom tangan atau bom lempar.
- Infantri** pasukan tempur yang asas. Dalam pertempuran jarak dekat, pasukan infantri akan menentukan sesuatu isu. Peranan infantri ialah untuk mencari, merapati, membunuh atau menawan musuh. Infantri juga bertanggungjawab menawan dan menduduki tempat atau tanah, menangkis sebarang serangan, sama ada malam atau siang, tidak kira musim, cuaca atau keadaan tanah.
- Jabatan arah OPLAT** Bahagian yang mengendalikan urusan operasi dan latihan ketenteraan di Kementerian Pertahanan.
- Jeneral** Pangkat selepas pangkat Leftenan Jeneral.
- Kapten** Pangkat selepas pangkat Leftenan.
- KEMENTAH** Kementerian Pertahanan Malaysia kementerian yang bertanggungjawab ke atas pertahanan negara.
- KOGAM** Komando Ganyang Malaysia.
- KKO** Kor Komando Operasi.
- KOGA** Komando Siaga.
- Kolonel** Pangkat selepas pangkat Leftenan Kolonel.
- KOSTRAD** Komando Cadangan Strategis Angkatan Darat .
- KOLAGA** Komando Mandala Siaga.
- Kompeni repal** Satu pasukan yang mengandungi sebuah markas, tiga platun dan satu seksyen bantuan. Ia diperintah oleh seorang pegawai berpangkat mejar.

**Koperal** Pangkat selepas pangkat Lans Koperal dan dalam pasukan infantri menyandang jawatan Ketua Seksyen.

**Kor** Sebuah unit taktikal yang mengandungi dua atau lebih trup divisyen dan kor, berupaya menjalankan operasi yang besar. Gelaran bagi cawangan-cawangan tertentu dalam perkhidmatan seperti Kor Jurutera dan lain-lain.

**KTAT Ketua Turus Angkatan Tentera** Sekarang dikenali sebagai Panglima Angkatan Tentera (PAT) disandang oleh seorang pegawai tentera berpangkat Jeneral.

**KTTD Ketua Turus Tentera Darat** Sekarang dikenali sebagai Panglima Tentera Darat (PTD) disandang oleh seorang pegawai Tentera Darat berpangkat Jeneral.

**LLP Lain-lain Pangkat** Perkhidmatan anggota bukan pegawai.

**Las Koperal** Pangkat selepas pangkat Krafman/Pemandu/Prebet/Renjer/Sapper/Signal/Truper. Dalam pasukan infantri menyandang jawatan Penolong Ketua Seksyen.

**Leftenan Pangkat** selepas pangkat Leftenan Muda.

**Leftenan Jeneral Pangkat** selepas pangkat Mejar Jeneral.

**Leftenan Kolonel Pangkat** selepas Pangkat Mejar.

**Leftenan Muda Pangkat** terendah bagi seorang pegawai selepas pegawai kadet dan dalam pasukan infantri menyandang jawatan ketua platoon.

**Mejar Pangkat** selepas Pangkat Kapten.

**Mejar Jeneral Pangkat** selepas pangkat Brigedier Jeneral.

**MGK Mesingan Kecil** Senjata bagi ketua-ketua dalam pasukan infantri. Senjata ini menggunakan peluru 9mm.

**MGR Mesingan Ringan** Senjata bantuan platoon dan menggunakan peluru 7.62mm.

**GPMSG Mesingan Serba Guna** Senjata bantuan kompeni dan menggunakan peluru 7.62mm.

**MSSU Malaysian Special Service Unit** Sekarang dikenali sebagai Rejimen Gerak Khas Malaysia (RGKM).

**PKI Partai Komunis Indonesia**

**PTT Pegawai Tidak Tauliah** Pangkat dari Las Koperal hingga ke Pegawai Waran Satu.

**Pegawai Waran Dua Pangkat** selepas pangkat Staf Sarjan.

**Pegawai Waran Satu Pangkat** selepas pangkat PW II dan dalam pasukan infantri menyandang jawatan Sarjan Mejar Rejimen.

**PRRI Permesta Pemerintah Revolucioner Republik Indonesia** Satu kumpulan pemberontak pimpinan Sjarifuddin Prawiranegara yang telah membuat pengumuman secara terbuka di Padang, Sumatera pada 10 Februari 1958 mendesak agar kabinet Djuanda meletakkan jawatan dalam tempoh lima hari. Hatta dan Sultan Hamengkubuwono IX dilantik sebagai kabinet kerajaan yang baru. Parlimen dikehendaki memberikan kuasa kepada kerajaan sehingga pilihanraya diadakan dan Soekarno dikehendaki menentukan aktiviti masa depannya menurut perlombagaan.

**PI Platoon** Salah satu elemen komponen sebuah kompeni. Ia adalah sebuah unit tentera mengandungi tiga seksyen diperintah oleh seorang pegawai berpangkat Leftenan Muda atau Leftenan.

**PLR Pusat Latihan Rekrut** Pusat yang mengendalikan latihan rekrut terbesar, terletak di Port Dickson dan kini dikenali sebagai Pusat Latihan Perajurit (PLP).

**Prebet Pangkat** selepas Rekrut bagi Rejimen Askar Melayu Diraja, Rejimen Askar Wataniah, Kor Polis Tentera, Kor Perkhidmatan Am, Kor Kesihatan, Kor Perkhidmatan (Sajian), Kor Odrnans, Kor Risik, Kor Perkhidmatan AM dan Kor Agama Angkatan Tentera.

**PTT Pegawai Tidak Tauliah** terbahagi kepada dua peringkat, PTT dan PTT kanan.

PTT meliputi pangkat dari Lans Koperal dan Koperal, manakala PTT Kanan meliputi pangkat dari Sarjan hingga ke pegawai Waran Satu.

**RECCE Reconnaissance Regiment** Rejimen Peninjau Diraja/Kalveri Diraja/Armor Diraja sebuah pasukan dalam Tentera Darat berfungsi sebagai pasukan tempur dengan Kereta Perisai dan Kereta Kebal.

**Rejimen** Sebuah organisasi yang mengandungi sebuah markas dan dua atau lebih batalion atau unit seumpamanya dan biasanya diperintah oleh seorang kolonel. Organisasi tetap yang terbesar dalam perkhidmatan tentera.

**Arti Rejimen Artilleri** Pasukan Meriam adalah salah satu pasukan dalam Tentera Darat mengendalikan tembakan jauh dengan meriam serta pertahanan udara aras rendah.

**RAMD Rejimen Askar Melayu Diraja** Satu pasukan dalam Kor Infantri yang dianggotai oleh orang Melayu yang beragama Islam.

**RAW Rejimen Askar Wataniah** Satu pasukan sukarela.

**RGKM Rejimen Gerak Khas Malaysia** Salah satu pasukan dalam Tentera Darat, merupakan pasukan Elit dalam Angkatan Tentera, juga dikenali sebagai Pasukan Komando.

**Renjer** Pangkat selepas rekrut bagi anggota Rejimen Renjer Diraja.

**RIS Repal Isi Sendiri** Senjata untuk anggota repal batalion infantri. Repal ini menggunakan peluru 7.62mm.

**RISLB Repal Isi Sendiri Laras Berat** Senjata bantuan seksyen dan menggunakan peluru 7.62mm.

**Repal M16** Senjata persendirian untuk anggota Kor Infantri. Repal ini menggunakan peluru 5.56mm.

**Sapper** Pangkat selepas rekrut bagi Rejimen Askar Jurutera Diraja.

**Sarjan** Pangkat selepas pangkat Koperal dan dalam pasukan infantri menyandang jawatan Platon Sarjan.

**Seksyen** Unit taktik yang kecil bagi Tentera Darat, menjadi sebahagian daripada platoon dan diketuai oleh seorang PTT berpangkat koperal. Bagi Pasukan Gerak Khas ketua seksyennya adalah seorang PTT Kanan berpangkat Sarjan.

**Signalman** Pangkat selepas rekrut bagi anggota Rejimen Semboyan Diraja.

**Skuadron** Bagi Rejimen Jurutera Diraja, ia adalah satu pasukan yang mengandungi Elemen Markas, tiga trup medan dan satu trup loji. Ia diperintah oleh seorang pegawai berpangkat Mejari. Bagi Pasukan Gerak Khas, ia adalah satu pasukan yang mengandungi Elemen Markas, tiga trup tempur dan satu trup bantuan. Ia diperintah oleh seorang pegawai berpangkat Mejari. Bagi Rejimen Semboyan Diraja ia merupakan satu pasukan mengandungi elemen markas, tiga trup iaitu trup radio, trup semboyan markas briged dan trup teknik. Ia diperintah oleh seorang pegawai berpangkat Mejari.

**Staf Sarjan** Pangkat selepas pangkat Sarjan.

**Tentera Komanwel** ketika Konfrontasi Indonesia-Malaysia terdiri daripada Tentera British, Tentera New Zealand dan Tentera Australia.

**Trup** Salah satu elemen komponen sebuah skuadron. Bagi Rejimen Gerak Khas diketuai oleh seorang pegawai berpangkat Kapten. Bagi Rejimen Jurutera Diraja dan Kor Armor Diraja diketuai oleh seorang Leutenant Muda atau Leutenant manakala bagi Rejimen Semboyan Diraja diketuai oleh seorang Kapten atau Leutenant untuk trup teknik.

**TNI** Tentera Nasional Indonesia - mengandungi Angkatan Darat, Angkatan Laut dan Angkatan Udara Republik Indonesia.

**TNKU** Tentera Nasional Kalimantan Utara - tentera pemberontak Parti Rakyat Brunei di bawah pimpinan A. M. Azhari dan pernah mendapat bantuan TNI ketika Indonesia berkonfrontasi dengan Malaysia.

**Truper** Pangkat selepas rekrut bagi Kor Armor Diraja dan Rejimen Gerak Khas Malaysia. Angkatan Bersenjata Republik Indonesia (ABRI)

## R u j u k a n

---

- Abas bin Mohd. Yunus. Brigadier Jeneral. 1993. Panglima Briged Pertama Infantri Malaysia, Kem Rasah Seremban. Temu bual, 26 Oktober.
- Abd. Razak Tumin. Mejari. 1983. *Sejarah Rejimen Askar Melayu Diraja 1933-1983*. Kuala Lumpur: Yayasan RAMD.
- Abdul Hamid bin Bidin. Jeneral (Bersara) Tan Sri. 1993. No. 6, Persiaran Keramat Hujung, Taman Keramat Kuala Lumpur. Temu bual, 11 Mei.
- Abdul Jamil bin Hj. Ahmad. Leftenan Jeneral (Bersara) Dato'. 1995. Kontena Nasional Sdn. Bhd. Sungai Way, Selangor. Temu bual, 10 Januari.
- Abdul Kadir bin Nordin. Brigadier Jeneral. 1991. Panglima Briged ke-5 Infantri Malaysia, Kem Lok Kawi, Kota Kinabalu, Sabah. Temu bual, 16 Jun.
- Abdul Malik @ Saidi bin Alwi. Kolonel (Bersara) 1993. 2768 B, Tingkat 1, Jalan Changkat Permata, Taman Permata, Kuala Lumpur. Temu bual, 15 Mei.
- Abdul Manaf bin Sidek. Bekas pegawai Waran Dua. 1993. Kampung Gementi, Bentong, pahang. Temu bual, 14 Ogos.
- Abdul Shukor bin Hj. Jaafar. Brigadier Jeneral. 1994. OMQ KEMENTAH, 74 Lorong Renchong, Kuala Lumpur. Temu bual, 6 Ogos.
- Abdul Wahid Hj. Anuar. Lt Kol. 1982. *Jurnal Jubli Perak Kor Artilleri*. 15 Ogos 1957-15 Ogos. Kuala Lumpur: Jabatanarah Artilleri Departmen Tentera Darat, Kementerian Pertahanan.
- Abu Bakar bin Hassan. Bekas Pegawai Waran Dua. 1991. Air Limau, Masjid Tanah, Melaka. Temu bual, 31 Disember.
- Ahmad bin Abdul Mutalib. Bekas Sarjan. 1994. Blok H 11, Taman Dato' Ahmad Razali, Ampang, Selangor. Temu bual, 27 April.
- Amri bin Baharudin. Kolonel. 1992. Kolonel Latih, Department Tentera Darat-Latih, Kementerian Pertahanan Jalan Padang Tembak, Kuala Lumpur. Temu bual, 19 Disember.
- A.B. Watson dan A.Y. Leonard. 1983. *Sejarah Malaysia*. Petaling Jaya: Macmillan Publishes.
- A. Samad Idris. Tan Sri Dato'. 1983. *Askar Melayu 50 Tahun*. Kuala Lumpur: Pustaka Budiman.
- Badrudin bin Mohd. Yasin. Mejari (Bersara). 1993. 89, Jalan 4A, Ampang Jaya, Selangor. Temu bual, 17 Disember.
- Bottomore, T. 1983. *Sosiologi Politik*. Kuala Lumpur: Dewan Bahasa dan Pustaka.
- Brigadier Jeneral TNI Drs. Nugroho Notosusanto. 1978. *30 Tahun Indonesia Merdeka 1966-1975*. Jakarta: Sekretariat Negara Republik Indonesia.
- Buku Skrap 1 RAMD – 1964-1965.
- Buku Skrap 2 RAMD – 1964

- Buku Skrap 3 RAMD – 1963-1965  
 Buku Skrap 4 RAMD – 1964-1967  
 Buku Skrap 5 RAMD – 1963-1967  
 Buku Skrap 6 RAMD – 1964 – 1967  
 Buku Skrap 7 RAMD – 1963 – 1967  
 Buku Skrap 7 RAMD – 1966 – 1967  
 Buku Skrap 8 RAMD – 1964 – 1967
- Dahm Bernhardm. 1988. *Sejarah Indonesia Abad Kedua Puluh*. Abd. Aziz Hitam dan Wan Azaham Wan Mohamad. Kuala Lumpur: Dewan Bahasa dan Pustaka.
- Dol Ramli. 1955. *History of The Malay Regiment 1933–1942*. Singapore.
- Enloe, H. Cynthia. 1980. *Ethnic Soldiers*. Harmondsworth: Penguin.
- Esa Hj. Daud. Kapten. 1977. *Sejarah Markas Gerisen Port Dickson dan Pusat Latihan Rekrut*. Port Dickson: Tabung Kebajikan Rejimen Markas Ger PD & PLR.
- Ghazali bin Shafie. Tan Sri. 1995. 15 Jalan Ampang Hilir, Ampang, Kuala Lumpur. Temu bual, 24 Januari.
- Habibah Zin & Abdul Aziz Ismail. 1983. *Hari Ini Dalam Sejarah*. Jilid II. Kuala Lumpur: Arkib Negara Malaysia.
- Habibah Zon & Shamsi Shariff. 1987. *Hari Ini Dalam Sejarah*. Jilid V. Kuala Lumpur: Arkib Negara Malaysia.
- Hassan bin Mohamed Salleh. Mejari Jeneral (Bersara) Dato'. 1990. Pengarah Urusan Hak Group. 27-3, Medan Setia 1, Bukit Damansara, Kuala Lumpur. Temu bual, 31 Julai.
- Hussein bin Ridzuan. Bekas Sarjan. 1995. Telefon 07-8954129. Temu bual, 9 Februari.
- Hussein bin Supian. Brigedie Jeneral TUDM. 1993. Ketua Pengarah latihan Peperangan Bersama, Kementerian Pertahanan, Jalan padang Tembak, Kuala Lumpur. Temu bual, 18 Disember.
- Hyde, Douglas. 1965. *Confrontation A Background Book In The East*. Pennsylvania: Dufour Editions Chester Springs.
- Ismail bin Ghows Leftenan Kolonel (Bersara). 1990. 32, Jalan Haji Mohd. Zain, Catar Avanue, Assam Kumbang, Taiping, Perak. Temu bual, 24 Jun.
- Ismail bin Salleh Kolonel (Bersara). 1993. 56, Lorong Pakin 2, Taman Ferngrove, Cheras, Kuala Lumpur. Temu bual, 22 Mei.
- Jabatanarrah Kavalri. 1982. *History of the Royal Cavalry Corps 1952-1980*. Kuala Lumpur: Sally Printing Services.
- Jabatan Penerangan Persekutuan Malaysia. 1964. *Kertas Putih: Niat Jahat Indonesia terhadap Malaysia*.
- James, Harold & Sheil-Small, Denis. 1971. *The Undeclared War: The Story of The Indonesian Confrontation 1962-1966*. Copy right @ Harold James & Dines Sheil-Small. Singapore: Donald Moore for Asia Pacific Press Pte Ltd.
- Jawatan Kuasa Kedil Perhubungan Awam Jubli Perak Rejimen Askar Jurutera. 1978. *Rejimen Askar Jurutera Majalah Jubli Perak 1953-1978*. 101 hlm.
- Kamaruddin bin Mohd. Jamal. Mejari (Bersara). 1991. Pengarah Tenaga Manusia ESSO Malaysia Berhad, Bangunan Komplek Antarabangsa, Jalan Sultan Ismail, Kuala Lumpur. Temu bual, 15 Mei.

- Kunaseelan a/l Muniandy. 1991. Hubungan Malaysia-Indonesia Semasa pentadbiran Tunku Abdul Rahman 1957-1970. Tesis Sarjana Fakulti Sains kemasyarakatan dan Kemanusiaan Universiti Kebangsaan Malaysia.
- Lau Bik hoon. Mejari (Bersara). 1996. Ground Floor, Bangunan AMDB No. 1, Jalan Lurut, Kompleks Damai, 50400 Kuala Lumpur. temu bual, 29 Mac.
- london Gazette 1945-1959.
- Mackie, J.A.C. 1974. *Konfrontasi The Indonesia- Malaysia Dispute 1963-1966*. London: Oxford University Press.
- Mahyuddin Abdul Razak. Mejari, Dzulkifli Mustaffa. Kapten. 1992. *Rejimen Renjer Diraja Koleksi Sejarah 1862-1992*. Kuala Lumpur: Urusetia Rejimen renjer Diraja, Jabatanarahan Infantri, Wisma pertahanan.
- Mohamed Dahalan bin Sulaiman. Mejari Jeneral (Bersara) Dato'. 1993. Pejabat Panglima Markas Logistik, Kementerian Pertahanan, Jalan Padang Tembak, Kuala Lumpur. Temu bual, 18 Oktober.
- Mohamed Noordin Sopiee. 1976. *From Malayan Union to Singapore Separation*. Kuala Lumpur: Universiti Malaya.
- Mohammed @ Mohammad Shukor bin Hj. Abdullah. Brigadier Jeneral Dato'. 1992. Asistan Panglima Latih, Departmen Tentera Darat-Latih, Kementerian Pertahanan, Jalan Padang Tembak, Kuala Lumpur. Temu bual, 14 Disember.
- Mohd. Asri bin Hj. Muda. 1993. *Memoir Politik Asri: Meniti Arus. Bangi*: Universiti Kebangsaan Malaysia.
- Mohd. Khari bin Zainal Abidin. Leftenan Kolonel (Bersara). 1995. Telefon 03-7757939. Temu bual, 11 Januari.
- Mohd. Yusof bin Jani. Bekas Pegawai Waran Satu. 1994. Kampung Che Lah, Mantin, Negeri Sembilan. Temu bual, 6 Mei.
- M.W. Alvisse. Laksamana pertama (Bersara) TLDM. 1996. 31 Jalan Balau 3/8, 40000 SHAH ALAM. Temu bual, 15 Mei.
- Nugroho Notosusanto. Brigadier Jeneral TNI Drs. 1978. *30 Tahun Indonesia Merdeka 1950-1965*. Jakarta: Sekretariat Negara Republik Indonesia.
- Othman bin Ibrahim. Mejari Jeneral (Bersara) Dato'. 1994. 11A, Jalan Birah, Damansara Heights, Kuala Lumpur. Temu bual, 15 April.
- Pluvier, M. Jan. 1965. *A Study in Indonesian Politics Confrontations*. London: Oxford University Press.
- Pour, Julius. 1993. *Benny Moerdani Profile of A Soldier Statesman*. Tim Scott. Jakarta: Yayasan Kejuangan Panglima Besar Sudirman.
- Rahman bin Adam. Bekas Prebet. 1992. Kampung Dewan Beta, Kota Bharu, Kelantan. Temu bual, 22 Mei.
- Raja Abdul Rashid bin Raja Badiozaman. Mejari Jeneral Dato'. 1991. Pengarah Perisikan Tentera, Kementerian Pertahanan, Jalan Padang Tembak, Kuala Lumpur. Temu bual, 19 Jun.
- Raja Shaharudin bin Raja Rome. Leftenan Kolonel (Bersara). 1992. G37, Taman Bukit, Kajang, Selangor Temu bual, 21 November.

- Ramli Abd Rahim. Mejari TUDM. 1991. A Portrait Of Military Aviation In Malaysia (1936-1990). Kuala Lumpur: Pustaka Cipta Sdn. Bhd.
- Rekod Peribadi Pegawai dan Anggota Terlibat Dengan Konfrontasi.
- Shaw, William. 1976. *Tun Razak His Life and Times*. Kuala Lumpur: Longman Malaysia Sdn. Bhd.
- Sheikh Khalid Mohamed Lt Kdr (Bersara) TLDM, Amir Hamzah Hj. Bakrari Lt Kdr TLDM & Rosland Omar Lt Kdr TLDM. 1991. *Membelah Ombak Sejarah Tentera Laut Diraja malaysian 1934-1989*. Kuala Lumpur: Tentera Laut Diraja Malaysia, Departmen Tentera laut, Wisma Pertahanan.
- Sheppard, Mubin. Tan Sri Dato'. 1978. *The Malay Regiment 1933-1947*. Kuala Lumpur.
- Syed Osman bin Syed Ali. Kolonel (Bersara) 1995. 8B, Jalan SS20/10, Damansara kim, Kuala Lumpur. Temu bual, 7 November.
- Syed Othman Syed Omar 1993. *Pahlawan Angkatan Tentera Malaysia: Penerima S.P. & P.G.B. Jilid 1*. Kuala Lumpur: Dewan Bahasa dan Pustaka.
- Taharim bin hj. Mohd. Nor Kapten (Bersara). 1991. 83, Kampung Seri Gemenceh, Negeri Sembilan. Temu bual, 31 Disember.
- Taip bin Sulaiman. Mejari (Bersara). 1996. Pengarah Keselamatan Universiti Kebangsaan Malaysia, UKM Bangi, Selangor. Temu bual, 7 Mac.
- Tan Siew Soo. 1989. *The Malayan Special Force: In The heart of Africa*. PetalingJaya: Pelanduk Publication (M) Sdn. Bhd.
- Tunku Abdul Rahman Putra. 1980. *Pendang Balik*. Petaling Jaya: Heinemann Educational Books.
- Tunku Abdul Rahman Putra. 1981. *As a Matter of Interest*. Petaling Jaya: Heinemann Educational Books.
- Wan Hashim Wan Teh. 1993. *Perang Dunia Kedua – Peranan Askar Melayu*. Kuala Lumpur: Dewan Bahasa dan Pustaka.
- Warta Kerajaan Malaysia 1963-1967.
- Worsley, Peter. 1971. *The Third World*. London: W1 Weidenfeld and Nicolson 5 Winsley Street.

## Indeks

---

- A.M. Azahari Mahmud 25,31  
A.Sani bin Abdullah (601899), Prebet 173,  
174  
Abang Kifli, Jeneral 25  
Abas bin Mohd. Yunus, Brigadier, Jeneral  
(12258) 64, 107, 109, 110, 111, 113,  
120, 131, 136, 137  
Abas bin Abdul Manan (238) 37  
Abdul Hamid bin Bidin, Jeneral (B), Tan  
Sri 34, 115, 116, 205  
Abdul Jamil bin Hj. Ahmad (12004) 36,  
104  
Abdul Kadir bin Nordin, Mejar Jeneral  
Datuk 51, 80, 105, 162, 165  
Abdul Kadir bin Shamsuddin, Tan Sri 201  
Abdul Karim bin Marzuki 202  
Abdul Latiff bin Hussain, Leftenan  
Kolonel (5411) 73, 128  
Abd. Malek @ Saidi bin Mohd Alwi  
(12267) 143-46  
Abdul Manap bin Sidek, Pegawai Waran  
(11) 168  
Abdul Rahman bin Yaacub, Haji 22  
Abdul Razak bin Hussein, Tun 24,  
190-92, 196-201  
Abdul Shukor bin Hj. Jaafar (12275)  
Mejar Jen. Dato' 146-49  
Abu Bakar bin Hassan (2721), Pegawai  
Waran Dua 171-72  
Adam bin Abu Bakar (12005) 38  
Adam Malik, 116, 200  
Ahmad Azizah bin Mohd Zain (12180) 90,  
208  
Ahmad bin Abdul Mutalib (8440) Sarjan  
103, 154, 155, 169  
Ahmad Boestamam 23, 29-31  
Air 'tolak bala' 121  
Alvisse, Malcolm William, Laksamana  
Pertama 158, 159, 178  
Amir bin Baharudin, Brigadier Jeneral  
(12341) 151, 152  
Angkatan Bersenjata Republik Indonesia  
34, 45, 46, 48, 49, 149, 152, 159, 162,  
191, 198, 201, 202, 205-9, 210 misi  
damai 198 ADRI 191-2, 203-4, 200,  
212 PKI 198, 200-1, 207-8, 210, 212-  
3 KOGAM 200  
Angkatan Darat Indonesia lihat Angkatan  
Bersenjata Republik Indonesia  
Angkatan Pembela Revolusi Kalimantan  
Utara 30  
Angkatan Tentera Malaysia (ATM) 8, 9,  
10, 14, 15, 16, 19, 30-5, 115-6, 213,  
156, 159, 160, 163, 168, 171, 173, 176,  
177, 179, 180, 182, 183, 185, 195, 198,  
200-1 Tentera Darat 30-4, 116, 142,  
145, 155-60, 163, 174-5, 177-8, 198-  
9, 200, 212 TUDM 30-1, 33-34, 160,  
163, 180-1, 183-4, 198, 200-1 Tentera  
Darat 30-1, 33-34, 116, 200  
Angkatan Tentera Persekutuan Tanah  
Melayu lihat Angkatan Tentera  
Malaysia (ATM)  
Angkatan Udara Indonesia lihat Angkatan  
Bersenjata Republik Indonesia (ABRI)  
Anoar Ibrahim bin Mohammed Noor,  
(12413), Mejar 172, 174  
Anthony Abell, Sir 23  
Ariffin bin Ismail (207), Lt. Kol. 36  
Arto, Soegih, Kolonel 203  
Askar Melayu lihat Rejimen Askar  
Melayu Diraja (RAMD) 33  
Assult Boat 141  
Atase Pertahanan Indonesia 203  
Awaludin Kamoi (2380), Pegawai Waran  
(11) 140, 168  
Aziz, Tareq 13  
Badrudin bin Mohd Yasin (12211), Mejar  
64, 89-90, 104-6, 107-8, 115-9, 118-  
9, 128, 131, 164, 167  
Bandung Persidangan 30  
Deklarasi 19

- Bangkok 96, 99, 188, 190-3, 200  
 Rundingan 200  
 Barisan Sosialis 23  
 Batman 118  
 Belanda 21, 29  
 Benut Group  
     lihat Kumpulan Benut  
 Bobsawyer 140, 141  
 Border Scouts 42, 43, 44, 45, 47, 48, 53,  
     56, 89, 92  
 Brend Gunner 138  
 Brigade Mobile (Brimob) 152  
 British 21, 46, 92, 161-2, 169, 200  
     boneka 28, 193  
     kedutaan 199  
     kementerian luar 194  
     kementerian pertahanan 194  
     komando 154-5, 170-1  
     Perdana Menteri 23  
     tentera 48, 115-6, 142, 146, 162, 175  
     tentera laut 150, 161  
 Brunei 21, 22, 23, 24, 25, 27, 29  
     Kerajaan 25  
     pemberontakan 30, 34, 59  
     Temburong 44  
 Burhanuddin Al-Helmi, Dr. 23, 26, 27, 29,  
     30  
 Cambridge School Certificated 165, 178,  
     180  
 Cawangan Khas Polis  
     lihat Pasukan Cawangan Khas  
 Cheah, Huat Chye, Staf Sarjan 182  
 Chimbom, Inspektor 41  
 Cina 44, 54, 65, 73, 76, 83-4, 108, 110-  
     11, 118, 121, 132-3, 135-6, 135, 138  
     139, 142, 144  
     kaum 55  
     peniaga 42, 95, 128  
     sukarelawan 64, 65, 70, 91-2, 108, 111  
 Clandistine Communist Organization  
     (CCO) 50, 89  
 Cobbold, Lord 23  
     Suruhanjaya 24  
 Combat Dog Tracker Team 77  
 Counter Confrontation Policy 162  
 Damai 96, 99, 113, 116, 160, 163, 189, 190-2,  
     194, 196-7, 200  
     draf perjanjian 191, 200  
     perjanjian 200  
 Darurat 33-34  
 Demonstrasi 27  
 Des Alwi 193, 195-196  
 Desert Storm,  
     Operasi 14  
 Dayak 42  
     Darat 43  
 Diplomatik putus hubungan 27  
 Djatikusumo, Gudi Pangeran Harco,  
     Brigadier 30  
 Doktrin Soekarno - Macapagal 26  
 Dwi Komando Rakyat (DWIKORA) 28,  
     65, 85  
 Ekonomi kerjasama 22  
 Federation of Malaya Certificate 172  
 Federation Military Collage 172  
 Filipina 23, 25, 26, 151, 156, 188, 200  
 Gencatan senjata 99, 105, 200  
 Gerakan Angkatan Muda (GERAM) 29  
 Gerakan September Tiga Puluh 15, 117-  
     8, 204, 206  
 Gerila  
     lihat Indonesia  
 Gestapo  
     lihat Gerakan September Tiga Puluh  
 Ghazali Shafie, Tan Sri 201-04  
 Golongan revolucioner 29  
 Gordian, A 39  
 Green Jackets 53, 54, 57  
 Gurkha 42, 43, 44, 45, 46, 47, 48, 49, 50,  
     51, 52, 53, 54, 55, 56, 57, 58, 59, 69, 71,  
     72, 88, 89, 99, 100, 105, 112, 118, 122  
 Gurney, Henry, Sir 33, 35, 36  
 Hagaki 21  
 Hatta 26, 29  
 Holmes, E.B. 33  
 Home Guard 46  
 Hussein bin Hj. Raduan, Sarjan 146-7,  
     149-50, 170, 173  
 Iban 42, 43, 44, 46, 49, 51, 52, 76, 79  
 Ibrahim bin Ismail (1948), Jeneral Tan Sri  
     38, 183  
 Ibrahim Mohammad 117  
 Ibrahim Yaakub 21, 29, 30  
 Imperialis anti 201  
 Indonesia 19, 20, 21, 22, 25, 26, 27, 28,  
     29, 30, 35-37, 43, 45-6, 48, 51-2, 58-

- 9, 66-68, 72-73, 76, 78, 92, 99, 103, 105, 107, 114-18, 130, 140, 142, 145, 147, 149, 154-5, 161-2, 170, 188, 190-3, 200, 202-4  
 agensi berita rasmi 27  
 anggota bersenjata 117, 146, 156  
 bendera 26 bot 155-7, 158-160  
 damai 200  
 ekonomi 191 gerila 44-5, 47-8, 51-5, 54-8, 86, 89, 104, 107, 114, 117, 134-7, 137-40, 168, 171, 200  
 kastam 160  
 kemerdekaan 18, 21, 113, 116  
 kerajaan 199  
 konsul 30  
 lagu kebangsaan 29  
 loghat 94, 97, 138, 141, 153, 156  
 misi damai 198  
 nasionalis 18-21  
 payung terjun 68-69  
 pemimpin 151  
 peniaga/pedagang 107, 120, 160  
 penyusup/bersenjata 41-5, 44-5, 47-52, 50-55, 54, 56-65, 67-75, 77, 79-88, 98-9, 101-2, 104-5, 106, 109, 111, 114, 116-8, 119-20, 124-25, 126, 129, 130-3, 135-36, 135-6, 138-9, 138, 141, 140-2, 143-5, 144-5, 147-8, 154-6, 157-9, 182, 185, 189, 201 pro 29, 30  
 rakyat 151  
 Raya 21, 29-31, 151  
 sempadan 148  
 tawanan  
 tentera 200  
 wakil 200-04  
 Malayan Union 21  
 Malaysia 16-21, 19-24, 25-8, 30-1, 33-4, 37, 40, 41, 50, 53, 56, 59, 61-2, 61-5, 68, 70, 71, 73, 75, 78, 86, 89, 89, 92, 91-2, 94-5, 96, 99, 102, 105, 104-5, 107-8, 110-11, 117-8, 121-22, 130-4, 138-140, 148, 151, 152, 155, 160, 163, 167, 170, 175, 178, 187-91, 199-203.  
 anti 30  
 damai 198  
 gayang 28-9, 71, 107, 151  
 hari 40  
 iktiraf 202  
 isytihar tertubuh 27, 40, 46  
 Kerajaan 198  
 konsep 22  
 negara 26  
 pasukan bersenjata 46  
 pasukan keselamatan 46-7, 49-50, 52, 55, 68, 71, 137, 140, 142, 145, 146, 149, 40, 46-7, 49-50, 55-7, 58-60, 59, 62, 60-5, 63-8, 68, 71, 82, 85, 137, 140, 142, 145, 143, 146  
 pembentukan 22, 23, 25, 26, 148, 151  
 penubuhan/kelahiran 22-3, 25-6, 113, 116, 155, 158, 199, 187  
 Perdana Menteri 20, 22, 23  
 perjanjian pembentukan 24  
 persekutuan 8, 14, 16-7, 19-21, 22-24, 23-6, 30, 33, 43, 46, 58, 61, 104, 107, 187, 199  
 pro 25  
 raya 22, 23, 25, 28, 31  
 ruang udara 208  
 sejarahan penubuhan 13, 20  
 wakil 202  
 wilayah 50, 52, 53, 55, 57-8, 60-1  
 Kapal Perang HMS Blackpool 161, 162  
   HMS Dampier 180  
   KD Brinchang 175, 178  
   KD Hang Tuah 174-5, 177-6  
   KD Johor 179  
   KD Kinabalu 174, 177, 180  
   KD Langkasuka 177  
   KD Ledang 73, 77, 180  
   KD MAHAMERU 177, 178, 179, 180  
   KD Malaya 177, 180, 181  
   KD Pahang 181  
   KD Panglima 73  
   KD Pendekar 179  
   KD Perkasa 179  
   KD Rahmat 178  
   KD Raja Jarom 177  
   KD Sri Johor 178  
   KD Sri Kedah 63, 73  
   KD Sri Kelantan 62, 73, 160, 161, 180  
   KD Sri Labuan 177  
   KD Sri Melaka 180  
   KD Sri Pahang 72, 158, 178, 80  
   KD Sri Perak 60, 63, 69, 72, 174-5.

- 178, 181  
 KD Sri Perlis 177  
 KD Seri Rejang 177  
 KD Sri Sarawak 180  
 KD Sri Selangor 64, 161, 179, 180, 181  
 KD Sri Sundang 177  
 KD Temasik 177  
 Inggeris 25, 28  
 Kerajaan 24  
 Tentera 25  
 Kolonial 25  
 Ingkar janji 55  
 Ismail bin Abdul Rahman, Tun Dr. 194, 199  
 Ismail bin Ghows, Leftenan Kolonel 166  
 Ismail bin Mohamed 211  
 Ismail bin Salleh (12171) Kolonel 150  
 Istana Dasman 13  
 Ja'afar bin Dato' Onn, leftenan Kolonel 198  
 Jakarta 113, 116, 188, 190-1, 193-5, 197, 200, 202-3  
 Janacek, G.V. 26  
 Jantan bin Salleh (5698), Sarjan 166  
 Jarot, Sugeng, leftenan Kolonel 203  
 Jepun 18, 21  
     Tentera 18, 21  
     pendudukan 18, 21  
     pentadbiran 18, 21  
     Pemerintah 18, 21  
     Kerajaan 18, 21  
 Jerman Barat 13  
     Timur 13  
 Johor 61, 62, 63, 64, 65, 77, 81, 87, 88, 89, 102, 106, 107, 112, 113, 114, 116, 123, 130, 145, 146  
 Kalabakan 48, 49, 50, 92, 93, 94, 95, 97, 98, 99, 100, 140, 141, 158  
 Kalimantan 93, 94, 95, 117, 152, 175  
 Kalimantan Utara 25, 47, 49, 189  
     Tentera Nasional (TNKU) 25  
 Kamaluddin bin Khusrin (14047) Kapten 182  
 Kamaluddin bin Mohd Jamal, leftenan Muda 165  
 Kebangsaan 25  
 Kemanusiaan bantuan 14  
 Kennedy, Robert 191  
 Kesatuan melayu Merdeka 30  
 Kesatuan Melayu Muda (KMM) 29  
 Kesatuan Negara Kalimantan utara 28, 31  
 Kesatuan Rakyat Indonesia Semenanjung (KRIS) 29  
 Ketetapan 660  
 Khalid bin Mohammed Yasin (936) 39  
 Komando Cadangan Strategis Angkatan Darat (KOSTRAD) 194  
 Komando Ganyang Malaysia (KOGAM) 198, 200  
     Kempen ganyang Malaysia 190-92  
 Komando Mandala Siaga (KOLAGA) 194, 197  
 Komunis 22, 25, 26, 28, 29, 33, 35, 36, 115, 118  
     Ideologi 13  
     Keganasan 115  
     rampasan kuasa 194  
 Komunis Indonesia  
     lihat Parti Komunis Indonesia (PKI)  
 Konfrontasi 15, 16, 34-5, 37-8, 41, 59-60, 88, 92, 106, 113, 115-6, 136-7, 160, 162-163, 168, 175, 178, 184 aksi 28 era 19, 27-8, 87, 89, 100, 103, 113-114, 116, 136, 139, 148, 158, 163 Indonesia-Malaysia 9-15, 28, 31, 34-5, 87, 137, 151, 163, 199-200 konsep 18, 28 korban 185 latar belakang 19 pengenalan 17 tamat 202-3  
 Kor Komando Operasi (KKO) 48, 49, 64, 72, 73, 152, 158, 159  
 KOPASGUD 149, 152  
 Korea Timur 7 Barat 13  
 Kuala Lumpur 200, 203  
 Kumaran a/l Naryanan Nair (200542)  
     Leftenan Kolonel 183  
 Kumpulan Benut 62, 63, 64, 65, 66, 67, 68, 71, 139, 142, 145  
 Kweh, Onn Cheong (800899), Bintara Muda 181  
 Labis  
     lihat Johor  
 Lansdowne, Lord 24  
 Lapangan Terbang Antarabangsa Subang 199  
 Lau, Bik Hoon, Leftenan Muda 180

- Lee Kuan Yew 22, 192  
 Liga Arab 13  
 Liga Pembebas Nasional Malaya 117  
 Lim Yew Hock 22  
 Lokman Hakim, ASP 211  
 Long Lopeng 44, 45  
 Long Pasia lihat Sabah  
 Mac Gillivaray, Donald, Sir 38  
 Macapagal, Diosdado, Presiden 25, 187  
 MacDonald, Malcom 22  
 MacMillan, Harold 23, 24  
 Made in England 25  
 Majlis Bertindak Beresama Se-Malaya 29  
 Majlis Gerakan Negara 116  
 Maktab Latihan Lanjutan Tentera Malaysai 167  
 Maktab Tentera Diraja Sungai Besi 115, 116, 127, 160, 165  
 Maktab Tentera Persekutuan 183  
 Maktab Turut Angkatan Tentera 162, 165, 176, 179, 204  
 Maktab Turus Bandung 151  
 Malaya 25, 29  
     politik 30  
     peta 70  
 Malaysian returnees 71  
 Malaysian Special Service Unit (MSSU)  
     lihat Rejimen Gerak Khas Malaysian (RGKM) Malindo  
     Elang Malindo 203  
     Helang 1 203  
     Keris-Kartika (Kekar) Malindo 203  
     Latihan Aman Malindo 204  
     Malindo DARSASA 204-05  
     Malindo Jaya 203  
     Search And Rescue (SAR) Malindo 204  
 Manasseh, Albert (200227), Kapten 176  
 Manila  
     Persetujuan 26, 199  
     Deklarasi 26, 199  
     Persidangan 26  
     Perjanjian 27  
 Manuel, Stanley (400620), Kapten 184  
 Maphilindo 151, 199  
     Persidangan Tingkat Tinggi 26  
 Marshall, David 22  
 Marxism 28  
 Melaka 62  
 Michelmore, Lawrence V. 26  
 Melayu 30, 130, 133, 153, 155  
     alarm 14, 199  
     askar 97, 100, 168-71, 171-74, 179, 181, 182, 184  
     dunia 20  
     kerajaan Melaka 20  
     kerajaan Persekutuan Tanah 24  
     loghat 70  
     penyatuan negeri 21  
     Persekutuan Tanah Melayu 19-21, 22-24, 24, 26, 27, 29, 31, 34, 187, 199  
     politik 28-9  
     raya 21-23  
     semenanjung tanah 151  
     tanah 20-24, 26, 28-30, 166-7, 169-170  
 Military Cross (MC) 36-39  
 Military Medal (MM) 36-39  
 Moerdani, Benny 192, 193, 194, 195, 196, 197, 198, 200  
 Moertopo, Ali, Leftenan Kolonel 191, 193-7  
 Mogot, Dann 192-4  
 Mohamad bin Hashim (2353) 39, 113  
 Mohamed Dahlan Sulaiman, Wajar Jeneral (Bersara) Dato' 139, 170  
 Mohammad Ghazali bin Mohammad Seth, Jeneral 198, 201  
 Mohd. Khalid bin Sulong (800493) Bintara Kanan 180-81  
 Mohamed Nafiah bin Yahya, Prebet 179  
 Mohd Noah Omar, Dato' Hj. 23  
 Mohammed Noor bin Hj. Tamin (927) 38, 65, 81, 88  
 Mohamad Nordin bin Mohaludin (5044) 34, 37, 102, 105, 199, 211  
 Mohd Osman bin H. M. Noor 199  
 Mohamed Shukur bin Hj. Abdullah (12248), Brigadier Jeneral, Dato' 151  
 Mohd Som bin Sulaiman, ASP 199  
 Mohd Yusof bin Jani (4624), Pegawai Waran Satu 150, 152, 153, 171, 174  
 Mohd Yusoff bin Ibrahim (5823). Leftenan Kolonel 210  
 Moktaruddin Lasso 29  
 Mokhtii bin Jabar (2533) 38, 106, 108, 109, 112, 122, 131

- Murut 44  
 Musa Hitam, Tan Sri 203  
 Mustaffa bin Abdullah (5086) 36  
 Mustapa bin Datu Haron 22, 158  
 Mustaza 30  
 Nasionalis kiri 29  
 National Operation Council lihat Majlis Gerakan Negara  
 Negara  
 Pertahanan 28  
 tabung kewangan 28  
 Negara serumpun 152  
 Negeri-negeri Selat 21  
 Neo-imperialis 29  
 Neo-Kolonialis 28, 29  
     the new emerging forces 27, 28  
 Nik Anis bin Nik Abdullah (TLDM N/400212) 160, 161  
 the old-established forces 27, 28  
 Omar bin Daud (11379), Koperal 184  
 Omar Saifudin , Sir 22, 27  
 Operasi Bird Song 62  
 Operasi Brick Wall 63  
 Operasi Buah Nangka 62, 63, 99, 102  
 Operasi Brand 52  
 Operasi Easy Chair 63, 82, 85  
 Operasi Flower 59, 62, 68, 71, 73  
 Operasi Halal 62  
 Operasi High Speed 62  
 Operasi Iron Rod 63, 73  
 Operasi Jurung 64  
 Operasi Lilac 62, 68, 71  
 Operasi Limit 58, 61, 62, 64, 107  
 Operasi Liver 61, 65, 68, 85  
 Operasi Malaysia Barat 88  
 Operasi Oak Tree 63, 73, 77, 102  
 Operasi Paper Clip 63  
 Operasi Piai 63  
 Operasi Red Rock 59  
 Operasi Sabre Tooth, 50  
 Operasi Sri Perak 63  
 Operasi Teal 63  
 Operasi Top Hat 63, 77, 82  
 Organisasi Perisikan Luar Malaysia 192  
 Othman bin Ibrahim (5018) 37, 66  
 Othman Ibrahim , Dato' , Mejai Jeneral (Bersatu) 142, 143  
 Othman bin Rani (458), Lettien Kolonel 37  
 Pandjaitan, Donald Izacus, Brigadier Jeneral 195  
 Pangabeen , Maraden , Jeneral 199, 200-04  
 Parman, Suwondo, Mejai Jeneral 191-2  
     203, 204  
 Parti Islam Se-Tanah Melayu (PAS) 25  
 Presiden 23, 30  
 Parti Kebangsaan Melayu Malaya (PKMM) 29  
 Parti Kesatuan Malaya Merdeka 21  
 Parti Komunis Indonesia (PKI) 19, 27, 28, 29, 30, 105, 116, 117, 118, 151, 152, 189, 192, 194-5  
 Parti Komunis Kalimantan Utara 149,  
 Parti Komunis Malaya 29, 30, 35, 36, 37, 87, 117, 174, 184  
 Parti Nasional Indonesia (PNI) 30  
 Parti Rakyat 30, 31  
 Parti Rakyat Bersatu Sarawak (SUPP) 25  
 Parti Rakyat Brunei 25  
 Parti Tindakan Rakyat (PAP) 22  
 Pasukan Cawangan Khas 65, 66, 117, 142  
 Pasukan Gerak Ijepat Indonesia (PGT) 62, 70, 71, 101, 102, 111  
 Pasukan Gelira Rakyat Sarawak (PGRS) 203  
 Pasukan Keselamatan Malaysia lihat Malaysia  
 Pasukan Keselamatan Komanwel lihat Tentera Komanwel  
 Pasukan Pengawal Presiden 204  
 Pasukan Polis Hutan (PPH) 43, 47, 49-50, 54, 63, 67-9, 71, 75, 77-82, 85, 88, 93, 102, 135  
 Pasukan Rakyat Kalimantan Utara (PARAKU) 203  
 Pasukan Sayap ke 5 28, 193-95  
 Pavithran Krishnan Nettur (N/400080)  
     Laksamana Pertama 179  
 Pegawai Tidak Tauliah (PTT), 70, 96, 143  
 Pejuang Kemerdekaan Melayu 30  
 Pelaez, Signor Emmanuel 199-200  
 Pemberontakan bersenjata 25  
 Pemerintah Revolucioner Republic Indonesia (PRRI-Permesta) 28, 202-205

- Pengganas Sempadan Indonesia 54, 56  
 Pengunduran 53, 54, 55  
 Penyusup lihat Indenesia  
 Perang  
 Dunia Ke-2 8, 33  
 Korea 7  
 Iran-Iraq 7  
 Iraq-Kuwait 7  
 Pasifik-Kempen Malaya 35  
 Saraf 202, 204  
 Perarakan Maulid Nabi 112  
 Perbatasan Malaysia-Thailand 112, 117  
 Pergaduhan kaum Cina-Melayu lihat  
     Rusuhan kaum Melayu-Cina  
 Perikatan Pemuda Melayu 30  
 Perisikan Markas Staf Angkatan  
     Bersenjata 193  
 Periuq api 149  
 Perjanjian Damai Bangkok 199  
 Perjanjian Jakarta 199, 202  
 Perjanjian Persekutuan 1948 21  
 Perlembagaan Persekutuan 23  
 Pernyataan Bersama 26, 199  
 Persatuan Indonesia Merdeka 29  
 Perselisihan kaum Melayu-Cina lihat  
     Rusuhan kaum Melayu-Cina  
 Persidangan Peringkat Menteri 50, 53  
 Pertubuhan Bangsa-bangsa Bersatu (PBB)  
     26, 33, 36, 88, 14  
 Majlis Keselamatan 13-14  
 Setiausaha Agung 26  
 Pesik, Willy 197  
 Piagam Atlantik 21  
 Pingat Penghargaan  
 Ahli Darjah Kinabalu (ADK) 166  
 Ahli Mahkota Kedah (AMK) 165  
 Ahli Mangku Negara (AMN) 165, 176,  
     177, 179, 180, 182  
 Ahli Setia Darjah Kinabalu Sabah  
     (ASDKS) 179  
 Bentara Setia Kelantan (BSK) 166  
 General Service Medal Malaya (GSM  
     Malaya) 166, 168, 173, 176, 179, 182,  
     184  
 Johan Mangku Negara (JMN) 179  
 Johan Setia Mahkota (JSM) 165  
 Kelantan Coronation Medal (KCM) 166  
 Kepujian Perutusan Keberanian (KPK)  
     97, 100, 103, 106, 113, 155, 163, 167,  
     168, 169, 171, 173, 174, 175, 176, 177,  
     179, 180, 181, 182, 183, 184  
 Kesatria Angkatan Tentera (KAT) 177  
 Kesatria Mangku Negara (KMN) 165,  
     166, 179  
 Pahlawan Angkatan Tentera (PAT) 165,  
     179  
 Panglima Gagah Berani (P.G.B.) 33, 36,  
     106, 113, 114, 164, 165, 166  
 Panglima Gemilang Darjah Kinabalu  
     (PGDK) 165  
 Panglima Setia Angkatan Tentera (PSAT)  
     165  
 Pingat Jasa Kebaktian (Perak) 168  
 Pingat Khidmat Berbakti (PKB) 166, 168,  
     175, 176, 178, 180, 182, 184  
 Pingat Pangkuhan Negara (PPN) 182  
 Pingat Perkhidmatan Am (PPA) 165-168,  
     171, 174, 175, 176, 179, 180, 181, 182,  
     183, 184  
 Pingat Perkhidmatan Setia (PPS) 168,  
     175, 176, 181, 182  
 Pingat Peringatan Malaysia (PPM) 165,  
     167, 173, 174, 177, 179, 182, 183, 184  
 Setia Diraja Kedah (SDK) 165  
 Setia Mahkota Johor (S.M.J.) 179  
 Polis Bukit Aman 88, 115, 116  
 Polis Diraja Malaysia (PDRM) 115, 191  
 Polis Republik Indonesia (POLRI) 204  
 Politik 17  
     konflik 17  
 perlumbaan 17 perubahan 17 tindakan 17  
     sistem 17 kegiatan 21 kerjasama 22  
     suaka 202  
 Pontian 64, 66, 67, 73, 101, 107, 108, 109,  
     111, 120, 121, 122, 130, 131, 135, 139,  
     140, 142, 145, 152, 174  
 PRAMUKA 48  
 Prodjomisano, Soedarsono, Kolonel 200  
 Pulau Sebatik  
     lihat Sebatik  
 Pusat Latihan Askar Wataniah 166  
 Pusat Latihan Darat (PULADA) 173  
 Pusat Latihan National Service 131  
 Queen Own Buffs 149  
 Radio Republik Indonesia (RRI) 198  
 Raja Mohar bin Raja Badiozaman 201

- Ramachandran, leftenan Kormander 201  
 Ramli, A. Leftenan Kolonel 194  
 Rejimen Askar melayu Diraja (RAMD) 19, 33, 35, 47, 49-51, 59, 61-66, 68-71, 79-82, 87-88, 143, 163, 174, 172, 162-3  
 Batalion Pertama 35, 87, 104, 168  
 Batalion Kedua 36, 87, 103, 130, 166, 168, 170  
 Batalion Ketiga 36, 47, 87, 93-94-99, 113-14, 140-41, 143, 150, 158, 167-8, 179, 37, 61, 77, 87, 90, 105-106  
 Batalion Keempat 37, 61, 77, 89, 90, 105-106, 112, 114, 119-20, 123, 131, 136, 152, 165, 168-9, 171-2, 175, 191  
 Batalion kelima 38, 47, 50, 61, 87-92, 104-105, 107, 114, 118-21, 130, 152, 165, 167-8  
 Batalion Keenam 38, 61, 65, 87-88, 106-107, 109, 111-14, 114, 120-22, 131, 139-40  
 Batalion ketujuh 39, 87, 113-14, 166-7, 179  
 Batalion Kelapan 39, 59, 66-67, 87-89, 101-104, 114, 127, 131, 142-146, 148-9, 168, 172-74  
 Batalion kesembilan 85, 167  
 Batalion kesebelas 166, 179  
 Batalion keduabelas 173  
 Batalion Keempat belas 167  
 Rejimen Grak Khas Malaysia (RGKM) 116  
 Rejimen Infanteri Singapura 9 82, 88, 130  
 Rejimen Para Komando Angkatan Darat Indonesia (RPKAD) 91, 102, 144, 152  
 Reliefs-in-the line 103  
 Repal Isi Sendiri (RIS) 90, 98, 119, 135  
 Repal isi Sendiri Laras berat 9RISLB) 90, 95, 98, 119, 128  
 Rose, C.N.D 37, 38  
 Royal New Zealand Infantry Regiment (1RNZIR) 61, 66, 67, 68, 72, 88, 101, 112, 142  
 Rusuhan kaum Melayu-Cina 38, 39, 68, 88, 101, 111, 121, 137, 142, 144, 146  
 Sabah 22, 24, 25, 28, 31, 35, 40, 45, 46, 47, 52, 55, 58, 59, 86, 87, 88, 89, 90, 92, 100, 102, 103, 106, 113, 114, 115, 116, 130, 139, 140, 142, 145, 153, 154, 158, 161, 172  
 Kalimantan 114, 117, 191  
 Salim bin Ahmad, Pegawai Waran 1 181-182  
 Sandys, Duncan 24  
 Sarawak 25, 27-28, 31, 35, 38, 40-41, 44, 46-47, 50, 53, 55, 59, 82, 86-92, 105-106, 114-117, 119-120, 131, 136, 139, 149, 151, 154, 171, 175, 180, 191 kerajaan 46  
 Kalimantan 88, 105, 114  
 Sayap Kelima 31  
 Scout troop 49  
 Sebatik 90, 99, 100, 101, 102, 103, 104, 143, 144, 148, 149, 150, 154, 155, 171, 173  
 Sekolah Melayu Sepoi Line 183  
 Sekolah Staf Komando Angkatan Darat (Seskoad) 204  
 Selamat Malaysia 193  
 Serang hendap 42, 43, 48, 49, 50, 51, 53, 55, 56, 57, 58, 64, 67, 74, 76, 77, 99, 102, 112, 117, 121, 124, 137, 138, 144, 147, 149  
 Setiawan, K., Kolonel 201  
 Shaari bin Daud (973) 38, 46, 89  
 Shamsiah Fakih 117  
 Shamsuddin bin Ab. Rashid (3936), Sarjan 168  
 Shariff bin Abdullah, Pen. Kanan Pesuruhjaya Polis 198  
 Sidang kemuncak 191  
 Sihanouk, Norodom, Raja 192  
 Singapura 21-23, 25, 27-28, 30, 32, 34, 37, 38, 64, 67-68, 72-73, 78, 77, 82, 85, 88, 90, 92, 100-104, 112, 113, 118, 124, 129, 130-131, 134, 140-1, 144, 146, 148, 158-159, 162, 192, 202  
 City Hall 21  
 Perdana menteri 18  
 Singapore Infantry Regiment  
 lihat juga Rejimen Infanteri Singapura  
 Singapore Infantry Regiment (SIR) 115, 122, 127-128, 144, 147-148  
 Siswomihardjo, Soetojo, Brigadier Jeneral 195

- Smith, Bryan Edmund Ibrahim Hyde (N/ 400250), Komander 177
- Subandrio 25, 28, 190-91, 198
- Soedarsono, Kolonel 200
- Soegandy, Untung 44, 45
- Soeharto 190-5, 194-98
- Soekarno 8-9, 19, 37-31, 33, 39-40, 99, 107, 116, 151, 200  
anti 19 pro 19, 31  
regim 53, 60-61, 87, 117, 151, 193
- Sofyar, Letenan Kolonel 196
- Sosialis 28
- Stand to 95, 96, 99, 137, 140, 143
- Strawson, J.M., Lieutenant Colonel 41
- Suarra Malaysia Radio Peking 117
- Sudomo, Laksamana 202
- Sugeng, Kolonel 196
- Sugianto 203
- Sukendro, Kolonel 194
- Sulaiman, Rinto, Mejar 201
- Sultan Abdul Halim Mu'adzam Shah ibni Al-Marhum Sultan Badlishah, 37
- Sultan Abu Bakar Ibni Al-Marhum Sultan Abdullah 37
- Sultan Hamangku Buwono IX 198
- Sultan Ibrahim Ibni Al-Marhum Sultan Mohammed IV 39
- Supermar 207
- Suruhanjaya Perdamaian Afro-Asia 191
- Susanto, Air Commodore 199
- Syaaf, O.B., Rear Adminral 199
- Syed Nasir bin Syed Ismail 192, 201
- Syed Othman bin Syed Ali 75, 76, 127, 128, 129, 130
- Syed Zainal Abidin 201
- Tampler, Gerald, Sir 37, 38
- Taip bin Sulaiman, mejar 59, 155, 158, 183
- Tan Siew Sin, Tun 24
- Tanabalasingam, K. 160, 161
- Tembok Berlin 13
- Temenggung Jugah 21
- Tengku Ahmad bin Tengku Besar Burhanuddin (2044) 35, 104
- Tentera Bersekutu 21
- Tentera Indonesia lihat Tentera Nasional Indonesia (TNI)
- Tentera Komanwel 40, 46, 55, 58, 59, 60, 64, 72, 75
- Tentera Malaysia lihat Rejimen Askar melayu Diraja (RAMD)
- Tentera Nasional Indonesia (TNI)  
lihat juga Angkatan Bersenjata Republik Indonesia (ABRI)
- Tentera Nasional Indonesia (TNI) 8-9, 31, 40-42, 44, 46, 48-58, 62-65, 68-70, 72-79, 81-82, 85, 87-91, 94-99, 99-100, 102-103, 105-12, 114-15, 117, 119-136, 138-9, 141, 144-5, 147, 150, 152, 154-5, 163, 171-176, 184-185, 191, 201, 204
- Tentera Nasional Kalimantan Utara (TNKU) 40, 43, 45, 50, 51, 54, 59, 89, 92, 106, 156
- Tentera Udara Indonesia lihat Angkatan bersenjata Republik Indonesia
- Thaharuddin Ahmad 29
- Thailand 114 Selatan 151, 200 Kerajaan 191 Pemerhati 191
- Thalib, H.A., Mejar Jeneral 201
- Thyagarajah a/l Govindasamy (N/400281) 177
- Tirtodarmo, Mas Harjono, Mejar Jen. 204
- Titaley 80, 81, 106
- Tjokropramolo, Kolonel 199
- Tokyo 191
- Tragedi Sungai Leban 123, 127
- Tunku Abdul Rahman Putera 8, 20, 22, 23, 24, 27, 28, 29, 31, 44, 199, 191-99
- Tunku Osman bin Tunku Mohd. Jewa, Letenan jeneral (1947) 33, 36, 158, 201
- U Thant 26, 190
- Ungku Nazaruddin bin Ungku Mohammed, Letenan jeneral 175
- United Malay National organization (UMNO) 30, 209 anti 27
- Untong, Letenan Kolonel 204
- Waddell, Alex, Sir 24
- Walker, Walter, Sir, Lieutenant General 38, 88, 115
- Wallace, Hugh, Lieutenant 44
- Walton, W.O. 36
- Wan Ismail bin Wan Mohd Salleh (8273), Letenan Kolonel 201

- Wan Nordin bin Wan Mohammad (12176)  
    Mejar 202
- Watherston, David, Sir 23
- Wattimena, Leo, Laksamana Muda Udara  
    201
- Welch, S., Komandor Muda Udara 201
- White, O.G.W. 38
- William Goode, Sir 24
- Wirahadikusuma, Umar, Jeneral 202
- Wong Pow Nee, Dato' 23
- Yaakob bin Abdul Latif, Tan Sri 202
- Yani, Ahmad, Jeneral 193-6
- Years Book of Malaya 1959 70
- Yogasugomo, Kolonel 199
- Yusoff bin Shariff (200219), Mejar 176
- Zainalabidin bin Ibrahim 201
- Zulkifli bin Abdul Hamid (12177), Kapten  
    201